



h. K. ~~10.~~

~~11~~ a K 13



Nunc melia

cula quercus

pascunt, redduntq. ora

stellis ardentibus antea

numera torquet

Axem



QVAESTIONES
DE VIRTUTE

IUSTITIAE

Ex prælectionibus

R. P. MARTINI
DE ESPARZA ARTIEDA
SOCIETATIS IESV.

Disputandæ

AB EVSEBIO
COMITE TRUCHSES.

In Aula Collegij Germanici, &
Hungarici.

Roma Anno 1655. Mense Iunio Die



Dono S. A. R. Alexandri VII.

Romæ, Typis HH. Corbelletti. MDCLV.

Superiorum permissu.

Adam J. Vincentij. Pagh. a' terra
uolle. Sem. Maij. gnati. s. offrij.

REMOITTEAU

1717

1717

1717

1717

Imprimatur, si videbitur Reuerendiss.
P. Mag. Sac. Palatii Apost.

M. A. Oddus Vicesg.

Imprimatur, si videbitur Reuerendiss.
P. Mag. Sac. Palatii Apost.

Imprimatur,
Fr. Raymundus Capisueus Ord. Præd. Sac.
Apost. Pal. Mag.



1717

1717

1717

I N D E X

QVÆSTIONVM

DE IVSTITIA.

- Q. 1.** Vtrum ius sit obiectum iustitiae? pagina 1.
- Q. 2.** V. ius proprietatis sit praelatio moralis vnius respectu aliorum circa vnum rei propter peculiarem huius cum illo connexionem? p. 6.
- Q. 3.** V. ius proprietatis rectè definiatur libera facultas disponendi de re aliqua ut utilitatem propriam non impedibilis licet ab alijs. p. 14.
- Q. 4.** V. ius proprietatis, & iurisdictionis connectantur inuicem essentialiter? pag. 29.
- Q. 5.** V. Deo conueniat ius proprietatis essentialiter sibi subordinans immediate omnia iura creata? p. 38.
- Q. 6.** V. ius constituatur pro actus intellectus, & voluntatis? p. 44.
- Q. 7.** V. communes diuisiones iuris ex parte principij, & subiecti sint bonae? pag. 51.
- Q. 8.** V. virtus iustitiæ rectè definiatur constantis perpetua voluntas ius suum unicuique tribuens. p. 65.
- Q. 9.** V. sit proprium iustitiæ respicere medium rei, & consistere æquantatem rerum? p. 72.
- Q. 10.** V. iustitia versetur circa totas operationes, an etiam circa passionēs? q. 83.
- Q. 11.** V. iustitia particularis differat specie à iustitia legali? p. 95.

Q. 12. V. iustitia particularis differat specie à ceteris virtutibus? p. 103.

Q. 13. V. virtus iustitiæ sit clavior, & perfectior, quam reliquæ virtutes morales? p. 108.

Q. 14. V. iniustitia sit vitium speciale? p. 121.

Q. 15. V. sciens, & volens possit iniuriam pati? p. 116.

Q. 16. Vtrum ius possit formaliter aut colligi per iniuriam, aut laedi absque iniuria? p. 130.

Q. 17. V. omne peccatum iniustitiæ sit mortale? p. 147.

Q. 18. V. iustitia particularis dividatur in distributivam, & commutativam, & quam genus in species? p. 156.

Q. 19. V. Deo conveniat iustitia particularis strictè talis, aut distributiva, aut commutativa? p. 187.

Q. 20. V. conveniat homini iustitia, aut commutativa, aut distributiva respectu Dei? p. 208.

Q. 21. V. inter Angelos, & homines detur iustitiæ, aut commutativa, aut distributiva? p. 213.

Q. 22. V. iustitia vindicativa sit species iustitiæ particularis, indistincta à iustitia commutativa? p. 218.

Q. 23. V. restitutio sit voluntas ius suum prius laesum unicuique tribuendi? p. 222.

Q. 24. V. obligatio restituendi fundetur in re accepta, & in iniusta acceptione? pag. 230.

Q. 25. V. ultima resolutio obligationis restituendi fiat in commutationes voluntarias, & involuntarias? p. 235.

Q. 26. V. leges de reparando damno inculpatim allato obligent in conscientia? p. 244.

Q. 27.

- Q. 27. V. detur vniuersalis aliqua regula
quantitatis restituendae sub lethali?
pag. 253.
- Q. 28. V. labor corporalis diurnus sit me-
sura quātitatis in re pecuniaria? p. 267.
- Q. 29. V. infamatio de lethali sit mensura
quantitatis grauis in materia honoris?
pag. 275.
- Q. 30. V. quantitas sufficiens ad iniusticiam
grauem cōsistat in indiuisibili ex par-
te iniuste agentis? p. 282.
- Q. 31. V. grauitas quantitatis cōsistat in
indiuisibili ex parte patientis? p. 287.
- Q. 32. V. ex peccato veniali iniustitiae re-
sultare possit grauis obligatio resti-
tuendi? p. 291.
- Q. 33. V. necesse sit, & sufficiat restituere
quantum ablatum fuit? p. 310.
- Q. 34. V. restitutio facienda sit iuxta exi-
stimationem nocentis? p. 315.
- Q. 35. V. sola nocentis intentio possit va-
riare obligationem restituendi? p. 322.
- Q. 36. V. restitutio partis debiti possit li-
berare ab obligatione graui restituen-
di? p. 326.
- Q. 37. V. impotens restituere in proprio
genere teneatur supplere ex bonis
alterius generis? p. 331.
- Q. 38. V. ex iudicio temerario resultet ob-
ligatio restituendi? p. 341.
- Q. 39. V. praeceptum restituendi sit nega-
tiuum, obligans semper, & pro sem-
per? p. 345.
- Q. 40. V. detur aliquis ordo inter obliga-
tos ad restituendum? p. 350.
- Q. 41. V. detur aliquis ordo restitutionis
ex parte creditorum, & rerum debi-
tarum? p. 358.
- Q. 42. V. diuisio rerum sit de iure naturae?
pag. 392. Q. 43.



- Q.43. V. diuisio rerum exteriorum fieri po-
tuerit arbitrio hominum, vtrumque
libuisset? p.370.
- Q.44. V. officia habentia iurisdictionem
sint intrinsecè inuendibilia? p.383.
- Q.45. V. ex latione iustitiæ distributiue
oriatur obligatio restituendi? p.399.
- Q.45. V. viura sit intrinsecè iniusta? p.416.
- Q.47. V. Simonia sit intrinsecè iniusta?
pag.435.
- Q.48. V. ius proprietatis possit finiul inesse
pluribus circa eandem rem? p.442.
- Q.49. V. dominium plenum eiusdem rei
pro eodem instanti possit esse adæqua-
re apud duos? p.449.
- Q.50. V. vltus licitus rerum vnico vltu con-
sumptibilis sit separabilis ab omni
dominio, & iure proprietatis? p.455.



QVAESTIONES
DISPUTANDÆ
DE VIRTUTE
IUSTITIÆ

QVÆSTIO PRIMA

Vtrum ius sit obiectum
Iustitiæ .

DETUR non esse .
Quia Celsus Iurisconsultus
teste Vlpiano. ff. de Iustitia
& iure l. i. definit ius *artem*
boni, & equi, hoc est per-
tiam legum, seu iurispruden-
tiam . Manifestum autem est iurispruden-
tiam non esse obiectum virtutis iustitiæ, er-
go ius non est obiectum eius.

2. Iudices ferentes sententiam in rebus
litigiosis dicuntur ius dicere; quapropter
ius est idem quod sententia Iudicis . Patet
autem sententiam Iudicis non esse obiectum,
sed potius actum & exercitium virtutis ius-
titiæ . Multo minus ad obiectum eius perti-
nere potest locus in quo Iudices causas au-
diunt,

A

diunt,

diunt, & sententias ferunt, qui etiam iuris nomine significari solet. Similiter ab obiecto huius virtutis, excluditur ius iuxta aliquas alias ipsius significationes, quas referunt Valentia, in præsentiquæstione 1. p. 1. alijsque communiter; ergo ius non potest dici obiectum Iustitiæ saltem secundum omnem suam latitudinem, sed cum aliqua restrictione, ac determinatione.

3. Si ius esset obiectum adæquatum virtutis iustitiæ, non posset hæc virtus exercere vllum actum, absque obligatione exercendi; quia ius essentialiter est inductivum obligationis, & nulla virtus prætergredi potest limites sui obiecti formalis. Sequela autem est falsa, quia omnis virtus potest elicere aliquos actus promotiivos perfectionis solum ex consilio, & absque timore iniecto per legem obligantem; nec enim quoad hoc inueniri potest vlla ratio discriminis inter alias, atque alias virtutes.

R. Docti & indocti consentiunt iustitiam esse virtutem ad quam pertinet ius suum, unicuique tribuere, id que ita constituunt, Mag. in 3. dist. 36. D. Thomas 2. 2. quæst. 57. Philosoph. 5. Ethicorum, ius Canonicum, dist. 1. Civile, ff. de iustitia & iure, ubique sub initium; quæ loca subintelligenda deinceps erunt in singulis respectu citationibus, dum aliud non adnotabitur. Unde dubitari minimè potest quin ius sit obiectum iustitiæ; quod proinde explicari initio oportet, ut obiecto prius cognito innotescat deinde melius habitus illud respiciens, atque ex eo desumens speciem. Ius itaque sumitur aliquando passivè pro ipso iusto, seu pro eo quod debetur ratione iuris aliquando verò activè pro radice & norma ipsius iusti

iusti, vnde iustum à non iusto discernatur. Ius actiuè sumptum est potestas libera faciendi ac disponendi pro libito, inducendo aliquam in alterum obligationem; qua de causa potestatum appellatur. Istud porro ius potestatum diuiditur bifariam. Aliud namque est iurisdictioni; aliud proprietatis. Ius iurisdictionis dici solet potestas non eius cui inest, sed eius, qui illi subest vtilitati & felicitati promouendæ deuincta. Ius proprietatis è conuerso dicitur; potestas propriæ subiecti, cui inest, vtilitati ac felicitati inferuiens.

Ex his duobus iuribus potestatiuis suboritur duplex aliud ius actuale. Actus enim quibus vnaquæque ex dictis potestatibus exercetur, constituunt ius actuale potestati, ex qua oriuntur, correspondens. Vnde leges ac præcepta & iudicium sententiæ, quæ sunt actus iurisdictionis; & quod quisque de rebus suis disposuerit donatione, contractu, vel alio modo concernente proprietatem, iuris actualis nomine censentur. Ex vtrisque demum potestatibus & earum actibus resultat denominatio iuris obiectiui in res circa quas ipsi versantur, quod ius obiectiuum est idem cum iure, quod nuper passiuum appellatum est, & coincidit cum iusto seu cum eo quod unicuique debetur, ratione iuris. Iustum autem perinde est atque æquale; Dicuntur enim iustari, quæ ad æqualitatem rediguntur, vt notat D. Thomas art. 1. qua propter dum de moribus agitur, id iustum dicitur quod iuri potestatiuo, & eius actui adæquatur, siue sit ius iurisdictionis, siue proprietatis.

Iustum porro, quod relatè ad ius iurisdictionis

iurisdictionis tale dicitur, conuertitur cum honesto & complectitur obiecta omnium virtutum; quia leges & præcepta, quæ sunt actus eius iuris, disponunt de actibus omnium virtutum, licet non omnibus, atque adeò ambiunt obiecta omnium virtutum. Pater igitur eiusmodi ius & iustum non esse obiectum proprium, ac speciale iustitiæ de qua in præfenti agendum est. Hæc enim est virtus quædam specialis, à cæteris omnibus distincta, ut infra patebit; & licet detur virtus specialis, quæ respiciat obiecta substantia legibus, ac præceptis & iurisdictioni formaliter quatenus illis subsunt, ea tamen non est iustitiæ ista specialis, sed obedientia. Multo minus ad præfens spectant alia iuris acceptiones, derivatæ à iurisdictione, qualis est illa Celsi pro arte boni & æqui, & illa alia pro loco in quo iudicium exercetur, aliaque his similes.

His itaque reiectis iuris acceptionibus, concluditur necessario obiectum iustitiæ particularis esse: ius proprietatis, ratione cuius, sua cuiusque, res aliqua dicitur; nec non iustum passivè sumptum, quod dependenter ab eodem iure tale denominatur, estque quod unicuique debetur tanquam suum, atque à Philosopho cap. 1. & 2. & à cæteris deinceps omnibus, æquum seu æquale appellatur, ratione, quæ quæst. 9. magis declarabitur. Interim, hoc ipsum ius & suitatem propriam illud habentis, nec non obligationem, quæ ex eodem iure in alios redundat, exponere necesse est diligenter pro pleniori & fundamentali intelligentia cæterorum omnium quæ in progressu dicenda sunt, maxime

ximè verò pro quidditativo virtutis iustitiæ conceptu intimè penetrando. Id quod duplici proximè sequenti quæstione præstabitur.

Ad 1. & 2. patet ex dictis. Ad 3. qualibet virtus amplecti & exequi potest, ex vi sui motui quacumque conferunt ad finem eidem virtuti præscriptum. Quia, verò ad finem peculiarem virtutis iustitiæ, qui est satisfacere iuribus aliorum & propriæ obligationi erga alios, conferre plurimum potest præstare aliqua ultrà obligationem impositam per iura aliorum, patet virtutem iustitiæ ex amore satisfaciendi obligationi iuris, & nunquam peccandi cōtra illam, posse super erogare alicui ultrà terminos obligationis propriæ, & strictè talis. Quo videlicet animus redditur promptior, ac facilior ad ea præstanda quæ per aliorum iura directè, ac immediate exiguntur.



QVÆSTIO II.

Vtrum ius proprietatis sit prælatio
 moralis vnius respectualiorum
 circa vsum rei propter
 peculiarem huius cum
 illo connexio-
 nem.

IDETVR non esse 1. Quia
 nobis conuenit ius aduersus
 Deum; cui scilicet attribui-
 tur frequenter in sacris lit-
 teris iustitia respectu nostri;
 atque hæc essentialiter præ-
 supponit ius in eo circa quem exercetur: &
 tamen nulla nobis conuenit prælatio respec-
 tu Dei, in re vlla quoad vllum eius vsum,
 aut actionem; quandoquidem Deus in om-
 nibus & quoad omnia præferendus semper
 est. Ergo non est de ratione iuris prælatio
 habentis illud respectu eorum aduersus
 quos illud habet.

2. Videtur esse contra communem ho-
 minum conceptionem quod ius propieta-
 tis explicetur per ius prælationis, cum po-
 tius sit ius æqualitatis. Ideo enim omnes
 cum philosopho, & D Thoma vbi supra
 exponunt iustitiam per æqualitatem quam
 ipsa constituit tribuendo unicuique suum
 ius, eamquæ propterea representant bi-
 lance æquiponderante in vtramque partem.

3. Si duo æquali impensa opera capiant
 feram neuter habet præferibilitatem respec-
 tu alterius in usu feræ, cum supponantur
 omnino æquales; & tamen vterque habet

ius proprietatis aduersus alterum pro mediocrate. Ergo prælatio non conuertitur cum iure.

4. Ut nullum nobis conveniat ius aduersus Deum, certè Deo convenit ius proprietatis respectu nostri, & circa res omnes creatas, & tamen nulla illi convenit prælatio in usu earum sumpto usu pro utilitate, uti sumitur ab auctore expositionis de qua quaritur, & necesse fuit. ut ita ab eo sumeretur, ne rota ea expositio aequè conveniret iuri iurisdictionis. Nulla inquam Deo convenit eiusmodi prælatio, quia Deus nullius est capax utilitatis capescendæ ex creaturis.

5. Ius iurisdictionis non minùs quam ius proprietatis fundatur in peculiari aliqua connexionione earum siue rerum siue personarum quæ subsunt utrius iuri, cum eo cui idem ius adiacet. Explicanda igitur magis erat determinatè connexio, quæ speciali ut fundat ius proprietatis.

6. Ea qualiscumq; cõnexio est extrinseca iuri; imò est separabilis ab eodem. Apprehensio enim feræ ex.g. quæ constituit connexionem eius peculiarem cum venatore; protinus desinit esse eaque desinente perseverat nihilominus ius in ferâ, & in usu feræ. Definitio autem debet esse prædicata intrinseca & identificata cum definito.

7. Filius debet patri alimèta debito præsupponente in patre ius propriè tale; alia verò multa debet solum ex pietate; & tamè omnia debet ratione connexionis peculiaris cum patre. Ergo connexio non est sufficiens aut regula, aut indicium, aut causa iuris.

8. Actio physicè connexiua rei cum persona, si fiat animo, illam sibi acquirendi &

8 De prælatione iuris .

faciendi suam parit ius; si minus non parit. Ergo connexio sola nihil facit pro expositione iuris .

9. Nullus superior, seu habens ius iurisdictionis potest citrà iniuriam impediri à gubernatione legitima; & tamen nequit conuertere gubernationem in utilitatem propriam . Ergo prælatio in usu sumpto pro utilitate non est mutuò conuertibilis cum iure proprietatis quod respicit iustitia opposita iniuriæ .

R. Primus est Em. de Lugo qui de expositione iuris cœpit agere disputando acutè & accuratè, cum prius sub brevī quadam proprij de illa sensus insinuatione ab omnibus transmitteretur; vtpote quæ etiam vulgò notissima ex se videretur. Definivit autem disp. 1. sect. 1. dicendo; *ius est prælatio quadam moralis quâ hic homo præfertur moraliter alijs in ususalis rei propter peculiarem connexionem, quam res habet cum eo.* Apponit exemplum in fera capta à venatore quæ ratione capturæ habet peculiarem cum eo connexionem; & venator habet indidem prælationem, quoad usum feræ aduersus quemlibet alium. Quod si venator donet feram alteri, eo ipso transfertur moraliter ea connexio in donatarium & simul cum connexione prælatio. Et sic in cæteris rebus omnibus contingit, quæ sunt propriæ & suæ alicuius. Aduertit Cardinalis se per usum rei intelligere omnem & solam utilitatem emanabilem ab ea. Qua notatione, fecerunt ius proprietatis à iure iurisdictionis, quod quidem confert præferibilitatem, sed non confert utilitatem rerum subiectarum.

Diuisit hæc expositio inter se posteriores auctoris, dicentibus alijs eam esse legitimam
iuris

iuris proprietatis definitionem; alijs verò non solum hoc ipsum negantibus, sed insuper prædicata ex quibus conficitur ea expositio esse cōuertibilia & identificata realiter cum iure proprietatis. E quibus posteriores isti mirantur rationibus dubitandi iam propositis, priores verò eandem solutione. Dicendum autem est prædicata quibus conficitur ea expositio esse quidem conuertibilia, & identificata realiter cum iure proprietatis iuxta eum sensum in quo usurpantur ab eius auctore; ceterum ad legitimam definitionem nequaquam sufficere. Prior pars huius asserti constabit satis ex dicendis in responsione ad rationes dubitandi.

Alterapars de insufficientia definitionis suadetur 1. quia in iuribus subordinatis quas sunt iura cuiusque civis respectu Reipublicæ & Principis atque iura omnium creaturarum respectu Dei, ut alia prætermittantur exempla, prælatio quoque in usu rei est subordinata ac proinde coniuncta cum aliqua inferioritate, qualis non est in iuribus supremis; Datur etiam prælatio in usu rerum conveniens quibusdam aduersus alios ex sola vbanitate, gratitudine, pietate, alijsque similibus titulis, nullum continens ius propriè dictum. Dantur similiter connexiones rerum cum personis maiores, & minores, sufficientes, & insufficientes ad fundandum ius. Omnes namque virtutes ad alterum & non sola iustitia nituntur, ut patet; connexionem aliquam peculiari rerum, quas exhibent cum ijs quibus exhibentur; & tamen non omnes ex virtutes nituntur iure strictè dicto: dum ergo non assignatur qualis & quanta tum prælatio, tum connexio

xio determinatè ac præcisè requiratur & sufficiat, vt inuicem coniuncta pariant ius strictè tale, necesse est vt maneat sub tenebris totus conceptus iuris; hoc est, vt idem conceptus maneat absque legitima & sufficienti definitione; de cuius videlicet ratione est vt sit depulsiua obscuritatis & ambiguitatis circa definitum.

Deinde omnis prælatio seu præferibilitas est proprietas consecuta ad determinandū aliquem gradum perfectionis conuenientis præferibili. Vnde necesse est vt detegat eā peculiarem perfectionem, in qua fundatur prælatio, qui vult declarare essentiam rei præferibilis; quæ videlicet est conceptus eius primarius; nec aliter clare & adæquatè satisfaciet auiditati inquirentis quid est res. Nec enim satisfit inquirenti quid est homo aut angelus? si dicatur: est animal præferibile brutis; aut est substantia finita præferibilis homini. Dicitur enim (verum, utrobique & quod reipsa est conuertibile cum subiecto, sed non ponitur ob oculos quod est primum & origo cæterorum, vti ponere debet legitima definitio ex conceptu suo.

Adde moralitatem quæ exprimitur in ea expositione quoad prælationem & necessario subintelligitur quoad connexionem, vt apparebit ex responsione ad octauum semper indigere explicatione prædicati physici ad quod consequitur: his igitur de causis prædicta expositio nō explet vim & perfectionem propriam definitionis legitimæ, eaque proinde adhuc desideratur. Cæterum quia in eadem subtiliter ac vtiliter obseruata sunt prædicata realiter identificata & conuertibilia cum iure proprietatis, atq;

manu-

manuducencia ad legitimam eius definitionem oportet respondere ad rationes dubitandi, quatenus hanc partem euertere conantur.

Ad 1. nullum nobis conuenit ius inductiuum obligationis in Deum; sed comparatione eius solum habemus ius immediatè respiciens res præuia eiusdem voluntate nobis obligatas. Vnde iustitia Dei quæ commendatur in sacris litteris, quæque præmia nostris meritis retribuit, est illa eadem quæ res omnes etiam inanimatas disponit in pondere, & numero, & mensura, conferens eadem indiuisim voluntate iura rerum, & res ipsas, nulla ad vtrumuis eorum præexistente obligatione, vt infra exponitur ex professo. Agitur autem modo de solo iure inductiuo obligationis, & quod sit obiectum iustitiæ præsupponentis ipsum ius atque iustitiam & debitum ex iure resultans, quale nihil præsupponit iustitiæ Dei erga nos.

Ad 2. Æqualitas per iustitiam intentæ consistit in mutua hominum prælatione per quã vnusquisque præfert sibi alterum quoad iura & bona propria ipsius quantum vult se ab altero præferri quoad sua iura & bona; atq; hæc mutua prælationum æqualitas; hoc est æqualitas inæqualitatum significatur bilance; quare explicatio iuris per prælationem non est contra communem hominum conceptionem, licet sit supra vulgarem concipiendi modum apprehendentem mutuas prælationes tanquam duas quantitates æquales nullatenus sibi inuicem subordinatas, quam vulgaritatem subtiliter castigauit ac promouit Em. de Lugo.

Ad 3. vterlibet venator habet prælationem respectu alterius quoad vnâ meditationem seræ, ita vt quilibet eorum habitâ

vna medietate, si vltcrius contendat esse æqualis socio in vfu alterius medietatis, eo ipso fit illi iniurius. lædendo ius eius. Sunt itaq; simpliciter æquales quia habent æquales materialiter & formaliter prælationes vnusquisque respectu suæ medietatis; simul tamen sunt inæquales secundum quid sibiq; inuicem superiores & inferiores comparatione facta cum medietate tum sua, tum alterius.

Ad 4. Hic agitur de iure puro proprietatis seu quod non sit formaliter nisi proprietatis, quale non est vllum ius diuinum neque quo ad entitatem, neque quoad vllum suum exercitium vt infra dicetur.

Ad 5. Non necesse est vt vnaquaque pars definitionis seorsim sumpta sit discretiua definiti ab omnibus alijs. Sufficit enim si discernat coniuncta cum cæteris vt apparet maximè in definitionibus cõflatis per differentias mutuas non subalternas, qualis est Aristotelica definitio ternarij & quaternarij per numerum imparem primum, & parrem ex paribus primum. Connexio autem secundum se communis proprietati & iurisdictioni, coniuncta cum prælatione in vfu rei conuenit soli proprietati.

Ad 6. Prælatio in vfu rei est intrinseca iuri & identificata cum ipso. Nihil autem vetat prædicatum intrinsecum definito explicare relatè ad aliquid extrinsecum aut etiam seperabile ab eodem quale est connexio & apprehensio respectu iuris.

Ad 7. Dicitur similiter eandem connexionem dare prælationem respectu aliquorum bonorum & actionum, non verò respectu aliorum, adedque ius non definiri sola connexionione, sed simul cum prælatione subsequenta ad connexionem.

Ad 8. Actio Physica tangentis, & apprehendentis rem aliquam, sicut se sola non est sufficienter inductiva iuris ad illam seu in illa; ita nec se sola est connexiva rei cū tangente, ac apprehendente. Nec enim, quæcumque tangimus, ac apprehendimus connectimus nobis, nisi pro tunc & in ordine ad locum. Necessarium nimirum insuper est, adminiculum animi applicantis sibi rem tactam ac apprehensam. Ergo dum ponitur in definitione connexio, eo ipso intelligitur posita intentio sufficiens ad acquisitionem iuris.

Ad 9. Superioritas & gubernatio, seipsis sunt essentialiter utiles cuius superiori creato, nec eas habet iure iurisdictionis sed iure proprietatis, unde non illas secundum se immediate, sed actiones


inferiorum circa quas versatur iurisdicatio, prohibetur convertere in

utilitatem propriam.

Cum his igitur adminiculis subsistere absolute potest

proposita superius expositio Cardinalis de

Lugo.



QVÆSTIO III.

Vtrum ius proprietatis rectè definiatur libera facultas disponendi de re aliqua in utilitatem propriam non impedibilis licetè ab alijs?

IDETVR non rectè definitur. i. Quia paruulis nondum habentibus vsum rationis, & consequenter nec libertatem conuenit verum ius in hæreditatem Patris qui iam decesserit; possunt siquidem esse domini vniuersorum vt constat ex Apostolo, expressè id dicente. Eadem est ratio, de eo qui incidit in amentiam præsertim temporalem. Retinet enim nihilominus iura sua omnia. Ergo non est de ratione iuris libera facultas.

2. Vnusquisque potest vti rebus suis prohibito non minùs in utilitatem ac subuentionem aliorum quam propriam; imò bona temporalia ad hoc potissimum vnius cuiusque iuribus subduntur, vt vnusquisque illis vtatur in communem felicitatem, nec vitio caret auaritiæ, immisericordiæ, aut simili qui res suas omnes ad propriam utilitatem præcisè restringit. Ergo non est de ratione iuris dispositio in propriam utilitatem.

3. Iura subditorum sunt impedibilia licetè à supremo Principe, qui potest præcipere & cogere multis de causis vt bona particulariunt

ticularium cum propriâ singulorum; iacturâ conuertantur in utilitatem vel communem vel aliorum priuatorum. Ergo facultas iuridica non hoc habet ex essentia sua, ut sit absolute & omninò vniuersaliter impedibilis licitè.

4. Ius iurisdictionis est utile habenti tum secundum se, tum quoad multiplicem eius usum, nec est impedibile licitè ab alijs intra proprios terminos, ut per se patet; Patet verò clariùs idem ius includere in se essentialiter liberam facultatem præcipiendi, vetandi, aliarumque similium operationum. Ergo nihil eorum quæ ponuntur in definitione propositâ distinguit sufficienter ius proprietatis à iure iurisdictionis.

5. Deus habet procul dubio ius proprietatis supra res omnes creatas; & tamen nulla recreatâ uti potest in utilitatem propriâ quia nulla res creata prodesse ipsi quidquâ potest. Ergo non est de ratione iuris proprietatis facultas disponendi in propriam utilitatem.

R. Pro constituenda atque intimè penetranda legitima definitione iuris proprietatis eodemque iure clarissimè discernendo à iure iurisdictionis operæpretium est obseruare prius prædicata quædam apud omnes notissima, tum iuris in communi tum vtriusvis eius iuris. Atque imprimis manifestum: planè est de conceptu iuris ut sic & in communi esse prælationem respectu aliorum, uti superius rectè docebat Cardinalis de Lugo. Videtur enim per se notum habentem ius esse præferibilem non habenti, in eo, circa quod versatur ius. Quid enim notius quam dominum non dominum & superiorem inferiori præcellere quatenus tales sunt. Ratio est quia ius ita fauet vni, ut grauet alios
in

16 De definitione iuris .

in fauorem ipsius circa eas res aut personas, circa quas versatur ipsum ius. Nempe si duo ita inter se comparentur, vt nihil sit indultum vni, quod non sit indultum alteri circa aliquam rem, simulque neuter vllum grauamen patiatur respectu alterius, patet eo ipso neutri vllum ius comparatione alterius circa eam rem conuenire, nec minas patet grauatum in fauorem alterius quatenus talem non posse esse illi parem. Hinc rursus deprehenditur ad essentiam iuris pertinere potestatem operandi. Qui enim non habet potestatem operandi circa rem aliquam omni fauore iuris proprio destitutus est; nec circa eam obtinet vllam prælationem respectu aliorum, immò postpositionem necessariò patitur respectu omnium potentium operari circa illam. Præmissum verò modò fuit postpositionem istam & eù prælationis defectum repugnare existentia iuris.

Iam ea potestas debet esse obligandi alios sola voluntate habentis ius cum hoc discrimine quod obligatio orta à iure iurisdictionis dirigatur in fauorem aliorum; orta verò ex iure proprietatis dirigatur in fauorem, & commodum proprium habentis ius, & obligantis alios sua voluntate. Constat enim imprimis iura esse propria substantiarum rationalium; quæ videlicet solæ sunt capaces obligationis moralis imponendæ, & quibus imponatur. Constat similiter iura esse veluti limites quibus libertas substantiæ rationalis circumscribitur ad certum vsque terminum, ne vltra eum excurrat; & si vltcrius progrediatur faciat contra propriam obligationem & lædat ius. Confertur ergo penius libera potestas alicui circa aliquid simulq; imponitur alijs obligatio ipso gra-

uans in fauorem talis libertatis.

Verum quia eiusmodi obligatio inde descendit, vnde ius prouenit; ideoque non potest adesse ius ipsi fauens, quin adsit alijs obligatio æqualiter ipsos grauans, concluditur non explicari sufficienter ius per solam potestatem obligandi siue incommodum proprium siue incommodum alienum. Quia hæc explicatio prætermittit obligationem, qua potestas propria iuris ante omne suum exercitium præmonita existit; ita vt ad essentiam talis potestatis pertineat non solum obligatio possibilis imponi per exercitium ipsius, sed etiam & multo magis obligatio iam imposita aliunde non impediendi idem eiusdem potestatis exercitium.

His præcognitis intelligi iam clarius poterunt sequentes definitiones insinuatæ quæst. I. Ius actiuum in communi est *Libera facultas disponendi circa rem vel personam, quoad usus vel actiones lege permissas, non impedibilis licite ab alijs*. Dicitur *libera facultas* quia ius est proprium naturæ rationalis cõueniens ipsi quatenus rationalis & libera est. Nimirum agens necessarium nec iuris nec iniuriæ capax est. Dicitur *disponendi*, quia operationes quæ procedunt a iure non sunt actiones simplices & puræ physicae nullam habentes vim præterquam ponendi suum effectum à parte rei; sed habent vim quamdam legis ac statuti. Agit enim auctoritative qui vtitur iure, obligans alios ne actioni suæ aduersentur. Dicitur *circa rem vel personam* vtendo nomine rei prout significat aliquid distinctum ab indiuidua substantia rationalis naturæ, quæ usurpatio rerum est frequens apud omnes auctores in hac materia; atque sub ea voce comprehenduntur etiam serui, quatenus computantur

ut instrumenta dominorum expertia propria libertatis. Dicitur inquam eadifunctionio ut sub hac definitione concludantur ius proprietatis & iurisdictionis, quorum alterum versatur directe circa res, alterum circa personas. Adiungitur illa alia disfunctionio quoad *usus vel actiones* propter eandem rationem. Additur *lege permissas*; quia cum nemo possit habere ius ad peccandum, patet terminos iuris lege circumscribi. Quod si quis nolit his disfunctionibus uti adhibitis claritatis gratia substitui poterit: *disponendi circa aliquod quatenus lege permissum est*. Dicitur domum: *non impedibilis licite ab alijs*, ut distinguatur potestas propria iuristum à potestate libera propria latronum & tyrannorum, & aliorum eiusmodi quæ licite impeditur: tum à qualibet alia eorum, qui siue licite siue illicite operari possunt circa rem alienam existente apud alium potestate ipsos honeste impediendi cum libuerit, potest totum hoc efferri brevius, dicendo: *ius est libera facultas disponendi de aliquo munita lege fauente ipsi & gravante alios*.

Aduertendum est ius posse alicui conuenire, tum imperfecte per solam denominationem extrinsecam non perficientem intrinsecè subiectum cuius est: tum perfecte per formam intrinsecam perficientem idem subiectum. Priori modo conuenit ius paruulis nondum habentibus usum rationis & libertatem, adeoque non habentibus in se intrinsecè liberam potestatem nuper expositam; existente tamen iam causa, ex qua in ipsos redundet pro tempore potestas eadem libera. Posteriori modo conuenit ius habenti usum rationis & libertatem, atque volenti vel aualiter, vel habitualiter, ut res vel personæ sibi subsint, prout ipsi concessum

cessum est. quare in definitione accipiend-
est libera facultas pro vt est indifferens ad
vtrumque istum modum illam habendi. Idē
porrò quod dictum est de paruulis, dicen-
dum est de adulto habente quidem vsum
rationis, sed nondum habente vllam noti-
tiam potestatis sibi factæ, vt subsint eidem
res aut personæ; vel habente quidem noti-
tiam, sed nondum habente voluntatem per
quam consentiat potestati sibi factæ, & ve-
lit res aut personas sibi subesse. Verum de
his dicentur plura quæst. 6.

Interim ex his quæ præmissa sunt pro in-
telligētia iuris in cōmuni expediri breuiter
& dilucidè possunt, species illius proprietatis
& iurisdictio. *Proprietas enim est ius directè & principaliter ordinatum ad propriam cuius-
iusque felicitatem: seu ordinans suum subie-
ctum ad propriam felicitatem.* Iurisdictio
verò est *ius directè & principaliter ordinatum
ad felicitatem alienam: seu ordinans suum
subiectum ad alienam felicitatem.* Vtrobique
poni potest loco iuris, quod habet rationē
generis, tota eius definitio superius data,
addendo potestati, quod sit directè & prin-
cipaliter ordinata, seu ordinans suum sub-
iectum ad propriam; ad alienam felicitatē.
Notandum est hoc loco nomen proprietatis
vsurpari latissimè pro vt complectitur
vsum, fructum, & quasuis omninè species
iurisdinctionis à iure iurisdictionis; quate-
nus quælibet alia species iuris facit pro-
priam & suam eius, cui ius inest, rem ali-
quam vel simpliciter, vel secundum ali-
quid eiusdem.

Dicitur autem in vtraque definitione,
directè & principaliter, quia certum est ex
iure proprietatis vnicuique conuenientis
redundare in alios plura bona qualia sunt
dona.

donationes, liberales ac misericordes, commutationes, & omnis generis contractus aliaque eiusmodi quibus nullus posset esse locus ablato singulis iure proprietatis; & tamen eorum possibilitas confert ad felicitatem eorum, qui vi talium actionum melius habent quam prius; in cuius rei confirmationem & vberiore lucem dicentur plura infra dum dicetur de convenientia, diuisionis rerum; similiter ex iure iurisdictionis redundant in eum qui praeditus illo est plura commoda iuuantia eius felicitatem: tum quia qui simul habet ius proprietatis potest tueri limites illius iuris proprio iurisdictionis absque recurſu ad alium & dependentiam ab alterius libertate: tum quia hominibus naturaliter placet, saltem vt plurimum & per se, vt alij operentur iuxta eorum arbitrium & voluntatem, vtque ipsi alijs praemineant hoc modo. Quod autem placet ac licet est conferens ad felicitatem.

Directe tamen & principaliter ius proprietatis fauet felicitati illud habentis. Quia hoc ex communi hominum sensu proprium cuiusque dicitur, quod unicuique est attributum, vt bene habeat, vtque eius vsu sibi prouideat cum praestatione respectu aliorum & independentem ab aliorum voluntate saltem ceteris paribus. Ius iurisdictionis fauet e conuerso directe & principaliter felicitati aliorum. Quia, vetale ius collatum est seu mediate seu immediate per consensum multitudinis cui praest; & tunc patet directe & principaliter esse ordinatum ad felicitatem eiusdem multitudinis & singulorum qui in eo continentur; qui videlicet non nisi ex amore propriae felicitatis tali iugo colla subnu-

tunc cum iactura propriæ libertatis & extensionis terminorum eius. Quam utique iacturam nequaquam paterentur nisi ob maius, certè non minus suum bonum. Eadem est ratio de vnoquoque scorsim eligente sibi superiorem & conferente illi iurisdictionem supra se. Vel rursus idem ius collatum est a Deo, & tunc illud idem est certius & clarius, quia Deus providet subditis pro ut interest ipsorum: hoc est pro ut ipsi rationabiliter vellent ac eligerent; atque adeo idem quod prius.

Quod si oppositum faceret Deus, iam non conferret iurisdictionem; sed proprietatem, & dominum, non superiorem constitueret, cæteris qui iurisdictione in servitutem reductis & spoliatis libertate sibi connaturali absque compensatione per aliquid æquale aut melius. Quod est omnino innaturale per se. Atque hæc obiter dicta sufficiunt de iure iurisdictionis pro clariori intelligentia iuris proprietatis per comparisonem cum illo. Quod ius proprietatis dictum est esse obiectum iustitiæ particularis; quodque proinde expediret ulterius declarari per comparisonem ad terminos, quos respicit.

Duo porrò sunt termini quos respicit ius proprietatis; nempe res, ad quarum usus confert liberam potestatem & personæ quibus reddit illicitam eorum usum impeditionem. Res denominat suas ipsius habentis ius; personas verò obligatas in conscientia eidem habenti ius; quia verò dominus dicitur suus respectu servi & aliarum rerum substantium dominio; similiterque dicitur suus cuiusque Rex, Episcopus Dux, Magister, Conciuis, & sic de cæteris habentibus aliqualem inter se connexionem. Et
quia

quia obligatio respiciens alterum est itidem multiplex, nempe charitatis, pietatis, gratitudinis, &c. Quia inquam hæc ita se habent & sunt obnoxia æquiocationi, oportune queritur quidnam sit illud peculiare, per quod differunt ab alijs suitatibus & obligationibus, suitas, & obligatio terminantes specialiter ius proprietatis ratione quarum meum, tuum, suum, simpliciter aliquid dicitur, & non tantum cum addito, ut meus, tuus, suus, Conciuis, consanguineus, amicus dominus, &c. atque iniuriam facere dicitur, qui lædit obligationem iuris proprietatis reddens licitam læso compensationem, perturbans præterea mutuam pacem & tranquillitatem.

Quod ad suitatem attinet, duas eius definitiones exhibet D. Thomas, alteram 1. p. quæst. 21. art. 1. ad 3. *Dicitur autem sui alicuius, quod ad ipsum ordinatur, sicut seruus est domini, & non è conuerso: aliterum in presenti quæst. 58. art. 11. hoc autem dicitur suum uniuscuiusque persone, quod ei secundum proportionis æqualitatem debetur.* In priori definitione ordinatio ad aliquem intelligenda procul dubio est de ordinatione ad ipsum tanquam ad finem cui, eumque directum ac principalem. Quæ videlicet sola ordinatio alicuius ad aliquem est simpliciter & absolute talis pro ut in sua definitione effertur à D. Thoma, reliquæ namque ordinationes sunt tantum secundum quid tales, & effertur cum addito diminuendi, aut alienandi. In posteriori definitione *Tò debetur*, accipiendum est de debito non solum per denominationem extrinsecam ab obligatione debentis dare aut relinquere alteri, quod est commune debitis etiam ex charitate, misericordia, gratitudine;

ne; sed præterea per denominationem à potestate accipiendi atque sibi retinendi conuenienti illi cui debetur & in impedibili ab alijs honestè. Hoc nimirum est deberi aliquid alicui secundum proportionis æqualitatem vt constabit dilucidius infra.

Definitiones istæ sunt subtiles atque omninò legitimæ, & coincidunt cum ea quæ sponte fuit ex data iuris proprietatis definitione, iuxta quam suum cuiusque est, quod terminat liberam eius potestatem ad disponendum de illo quoad usus lege permissos non impedibilem honestè ab alijs, & ordinatam ad felicitatem eiusdem, seu; suum cuiusque est quod terminet ius eius directè & principaliter ordinatum ad felicitatem eiusdem. Vel dicatur suum esse quod est obiectum iuris proprietatis. Cum enim sint correlatiua suum, & ius proprietatis, utrolibet quidditatiuè explicato potest alterum sufficiens explicari per ipsum unde vice versa ius proprietatis definiri potest: id quo aliquid ad aliquem ordinatur, seu quo aliquid alicui secundum proportionis æqualitatem debetur: seu quo aliquid efficitur suum alicuius. Vel dicatur ius est forma sui: est ratio formalis suitatis: est per quod aliquid suum alicuius immediatè denominatur. Et conuerso suum est terminus taliter denominatus per ius: est materia iuris &c. Hæc nimirum omnia & his similia inuicem sibi æquivalent, & utrumlibet extremum pro utriuslibet explicatione ac definitione legitimè adhibetur sine vitio circuli præsupposita aliunde, vt superius præsupposita est, eius extremi, quod prædicatur, expositione.

Porro ius seipso formaliter denominatur sui eius cui inest. Quia actus quibus q. 6. ostendetur illud essentialiter constitui, re-
 Ac sunt

Actunt supra seipfos & fubiectum cui in-
funt refpiciunt intrinfece vt finem & tan-
quam id, cui fecundum proportionis æqua-
litatem debentur; præterea hoc eft commu-
ne vnioni, durationi, vbicationi, & omni
cognitioni, ac volitioni alijsque eiufmodi
formis vt per fe ipfas fortiantur eas deno-
minationes quas impertiuntur terminis ad
quos feruntur, & cum quibus connectuntur
Intrinfece.

Quod ad obligationem attinet respondē-
tem iuri proprietatis, feu quam hoc ius re-
fundit in reliquos diftinctos ab eo cui inest,
nonnulli cenfuere nihil aliud illam efle,
quam obligationem confeientiæ ad alte-
rum, atque adeò peccare contra ius pro-
prietatis negantem alteri bonum, vel irro-
gantem malum, ad quod præftandum vel
non irrogandum lege aliqua qualitercumq.
tenetur in confeientia.

Verum hæc fententia eft intolerabilis.
Primum quia eft contra omnes auctores
fubfcribentes philofopho dicenti vbi fuprà
cap. 2. & 3. dupliciter aliquid efle iniquum,
primo quatenus eft contra legem; hoc eft
contra obligationē in confeientia; fecundo
quatenus eft vfurpatium pluris refpectu
fui, & diminutiūm boni alterius contra
voluntatem domini; atque primum genus
iniqui vitari per iuftitiam legalem latiffimè
fumptam; hoc eft per collectionem omnium
virtutum; fecundum verò per iuftitiam parti-
cularem. Quod perinde eft atque dicere,
obligationem quam refpicit iuftitia parti-
cularis & correfpondet iuri proprietatis
efle diuerfam ab alijs obligationibus in
confeientia etiam erga alterum.

Deinde hæc opinio confundit iuftitiam
particularem & partes eius fubiectiuas cū
par-

partibus eiusdem potestatiuis, omnibusque prorsus virtutibus ad alterum quoad actus ipsarum debitos qualitercumque ex lege; siquidem omnes actus respicientes obligationem eiusdem speciei sunt & ipsi eiusdē speciei. Ea autem confusio est valde absurda ut pote confundens cum actu iustitiæ particularis actus religionis, pietatis, misericordiæ, gratitudinis, & alios eiusmodi ad quos lege aliqua obligamur in conscientia; unde nulla ex his virtutibus prout distincta à iustitia particulari posset elicere vllum actum præceptum.

Sequeretur denique omnes peccantes contra obligationem quamlibet conscientie ad alterum teneri ad compensationem omnium malorum consequentium ex peccato, & ad eam cogi posse à iudice, atque patientem ea mala vti posse oculta compensatione, quoties deficeret aliud remedium; Hæc namque omnia consequuntur ad peccatum commissum contra obligationem fundatam in iure proprietatis. Sequela autem est absurdissima, & contra vnanimem consensum generis humani, ut patet consideranti obligationes virtutum, quæ modo memoratæ sunt, & peccata contra illas, nec non contra vota Deo facta in fauorem proximorum; & quoad vltimam partem de honestate compensationis occultæ eadem sequela est mirum in modum perturbatrix Reipublicæ ut per se satis liquet & apparebit clarius ex dicēdis infra circa iniustitiā.

Dicendum igitur est obligationem conscientie ad alterum fundatam in iura proprietatis vltra obligationem fauorabilem alteri, ad non ampliandā aut ad restringendā propriā liberam potestatem disponēdi de rebus ordinatā ad propriā felicitatē, quod

est commune omni obligationi conscientiae ad alterum, superaddere aliam obligationem non restringendi alienam eiusdem rationis liberam potestatem, quod est proprium & peculiare prädicatum obligationis fundatae in iure proprietatis conueniente alteri. Hoc profectò est quod philosophus nuper indicatus saiebat iniquum quod vetat iustitia particularis, idest, quod aduersatur iuri proprietatis, & obligationi in illo fundatae esse vsurpatium pluris respectu sui & diminutium boni alterius contra voluntatem domini.

Atque hoc idem est quod colligitur ex definitione iuris proprietatis superius tradita. Duo enim illi attributa sunt, nempe libera potestas disponendi de rebus in ordine ad propriam felicitatem conueniens habenti ius; & impedibilitas eius potestatis grauis ceteros, qui non habent idem ius. Quapropter qui operatur contra ius proprietatis & contra obligationem fundatam in illo, duo necessario facit, quae non deberet facere. Alterum est ampliare propriam libertatem ultra terminos sibi praescriptos. Alterum est restringere alienam citrà suos. Ex quibus non nisi alterum perpetrat, qui operatur contra obligationes in conscientia ad alterum non fundatas in iure proprietatis. Qui enim vouit bona sua dare pauperibus & non dat, vel peccat ex ingratitudine, aut defectu caritatis, non propterea restringit sed solum non ampliat terminos alienae liberae facultatis. Nec ampliat sed solum non restringit terminos propriae liberae facultatis. Quia antequam tradantur bona his tuis debita, non desinunt esse eius propria, cuius erant, nec sunt eorum propria, quibus

quibus deberent dari; atque adeò eorum bonorum retentio, nec transgreditur limites proprios quoad bona retenta, nec restringit alienos.

Patet autem obligationem restringendi se & dilatandi alium esse longe diuersam ab obligatione non dilatandi se, & non restringendi alium, quandoquidem contrahentio huius posterioris obligationis perturbat alium a possessione & bonis suis, estque propterea multo magis constitutiva ipsius per se & cæteris paribus quam transgressio prioris obligationis, quæ neminem spoliât bonis iam suis, sed tantum conseruat peccantem in præexistenti possessione suorum bonorum. Quibus sufficienter præoccupata, & soluta manent argumenta quæ pro absurda illa priori opinione confici possunt. Atque ex his omnibus apparet definitionem propositam iuris proprietatis esse omninò legitimam, & qua circumiacentibus difficultatibus satisfieri clarè, & facillè possit.

Ad 5. Iam dictum est paruulo solum extrinsecè & per formam inhaerentem alteri competere ius, ideoque paruulum, qui est Dominus nihil in se intrinseco differre à paruulo, qui non est dominus, sed solum per extrinsecam dispositionem causarum ex qua pro tempore redundauit in ipsum libera facultas qualis posita est in definitione. Quia de causa dixit Apostolus paruulum nihil differre a seruo cum sit dominus omnium. Quia uidelicet est dominus per solam extrinsecam denominationem, & nihil ipsi actu inest quo differat a seruo. De quo plusculum dicetur quæst. 6. Indidem apparebit incidentem in amentiam retinere habitum liberæ facultatis pertinentiæ.

tia ad iuris constitutionem, idque sufficit ut ius absolute in eo perseveret; ut apparet eodem in loco: Idem dicitur a fortiori de dormiente, ebrio, aut ad alia intento.

Ad 2. Nemo potest uti honeste rebus suis in utilitatem & commodum aliorum quin eo ipso sibi maxime consulat. Quia opus honestum est utile operanti propter meritum & delectabile propter suam bonitatem & pulchritudinem manentem in memoria per totam aeternitatem. Quibus de causis plus prodest per se danti dedisse, quam accipienti accepisse. Dictum deinde est non vnicè & privatiuè, sed solum directe, & principaliter ordinari ius proprietatis ad felicitatem sui subiecti. Unde nihil nocet eius conceptui quod alijs etiam proficit pro libito ipsum habenti. Id enim est secundarium & minus principale.

Ad 3. Dictum est ius esse liberam facultatem disponendi quoad usus & actiones lege permittas. Quare quod ex lege, aut præcepto superioris obligetur, aut cogatur proprietarius ad usum suarum rerum in utilitatem aliorum pro aliquo euentu speciali non tollit conceptum iuris proprietatis superius explicatum, sed magis exercet partem doctrinae qua explicatum est.

Ad 4. Ius iurisdictionis habetur a superiore iure proprietatis ac proinde secundum se formaliter est utile subiecto suo, & confert ad eius felicitatem. Differt tamen à iure proprietatis ex parte termini & operationum quas respicit, quia hæc directe & principaliter ordinantur ad utilitatem aliorum, idque est essenziale iuri iurisdictionis, uti demonstratum est superius; utilitates autem quæ ex eodem iure resultant in subiectum, cui inest, secundario tantum, & indi-

& indirecè eidem annectuntur. Contraria igitur & non tantum vt cumque diuersa ratio est quoad hoc de vtroque iure proprietatis & iurisdictionis. Differunt ergo inter se manifeste iuxta definitiones & expositiones viriusque superius datas.

Ad 6. Ius proprietatis diuinum est longè diuersæ rationis à iure proorietatis creato. Quia non est ius diuinum purè proprietatis vt dictum est supra & exponetur vberius quæst. 5. Notatum autem est non semel in præsentia gi de iure, quod fit purè proprietatis. Quare definitio huius iuris huc vsque exposita transferenda est in Deum seclusis imperfectionibus quæ insunt iuribus creatis. Quod præstabitur dicta quæst. 5.

QVÆSTIO IV.

Vtrum ius proprietatis & iurisdictionis connectantur inuicem essentialiter?



IDE TVR neutrum cum altero essentialiter connecti. i. quia vtrumlibet absque altero cōsistere potest. Qui enim capit feram eo ipso acquirit ius proprietatis circa illam, & nullum nihilominus acquirit ius iurisdictionis, vi cuius posset aliquid præcipere aut vetare, vt per se satis liquet. Eadem est ratio de illo cui donata esset fera ab eo venatore: is enim trāsferret in illum ius, quod præhaberet, proprietatis, nec transferre posset ius, quod non præha-

bet iurisdictionis & sic de alijs similibus .
 Atque omnes vniuersim homines tam colle-
 ctivè, quam distributivè sumpti habent ius
 aliquod proprietatis saltem respectu hono-
 ris & sanitatis; & tamen non habent sin-
 guli quilibet homines ius iurisdictionis, &
 potestatem alijs ius dicendi, ac præcipien-
 di, vt constat specialiter in seruis.

Similiter ius iurisdictionis apparet sepa-
 rabile à iure proprietatis, qui enim vouet
 obedientiam alicui eo ipso illum constituit
 superiorem sibi cum vera iurisdictione,
 respectu sui, si ille acceptet votum; & ta-
 men nullam eo ipso confert illi ius pro-
 prietatis; quod videlicet fieri potest, vt
 nullum præhabeat transferibile in alium,
 vel nolit in alium transferre etiamsi possit.
 Et superiores FF. Minorum habent veram
 iurisdictionem, cum nihil habeant propriū.
 Nulla igitur est, inter hæc iura, mutua vel
 non mutua connexio inseparabilitatis.

2. Neque in ratione causæ & effectus,
 aut conditionis sine qua non connectuntur
 inter se, siue mutuo, siue non mutuo. Quia
 in casu posito venationis, & sic de alijs si-
 milibus, ius proprietatis consurgit ex actio-
 ne exteriori capiendi & animo volendi sibi
 feram, seque constituendi finem illius, atque
 adeò subsistit tale ius absque aliqua depen-
 dentia à iure aliquo iurisdictionis, eiusque
 usu vel actione,

Similiter in casu posito vouentis obedi-
 tiam alteri consurgit iurisdic-tio in eo, cui
 vouetur, ex sola voluntate vouentis & ac-
 ceptantis. Atqui nec in vouente, nec in
 acceptante necesse est, vt præexistat ius
 aliquod proprietatis. Quia fieri potuit, vt
 ante votum vterque renuntiasset omni-
 bus suis bonis, omnique iuri proprietatis; &
 esto

est vterque vel alter haberet ius aliquod proprietatis, illud nihilominus se habuisset purò concomitanter ad talem actum. Quia nec votum, nec eius acceptatio sunt actiones habentis ius proprietatis, formaliter vt talis; siquidem libertas quæ renunciatur per votum, & quæ idem acceptatur ab altero non habetur ab homine iure sed naturà. Ergo hæc duo iura sunt inuicem independentia formaliter.

Sed contrà est 1. Quia omnis habens ius aliquod proprietatis potest sola sua voluntate aliquam in alios obligationem de nouo inducere. Dictum enim est in quæst. præcedenti ius proprietatis esse potestatem liberam disponendi non impedibilem licet ab alijs. Ergo actiones ortæ a iure proprietatis habent vim inducendi de nouo obligationem; vt à nemine apponatur illis impedimentum. Ergo hoc ius est essentialiter inseparabile a iure iurisdictionis; cuius videlicet proprium est inducere obligationem conscientie in alios. Omnis si quidem peccans agit contra legem aliquam obligantem in se; quæ quidem est actus iurisdictionis notissimus.

Et conuersò necesse est ius iurisdictionis esse proprium & suum simpliciter eius cui inest, seu qui vi eiusdem potest præcipere aut vetare; ita vt qui illi auferret sine iusta causa tale ius, aut eundem ab eius exercitio impediret, faceret illi iniuriam proprietalem. Constat autem iniuriam proprietalem essentialiter esse offensiuam iuris proprietatis; atque ideo dari non posse non præsupposito iure proprietatis in eo qui patitur iniuriam. Vtrumlibet igitur ius est essentialiter inseparabile ab altero.

2. Neutrum ius acquiri potest nisi de pæ-
dentia

denter ab altero, seu nisi acquisitione dependente ab altero tanquam à causa. Quia nemo potest acquirere ius de nouo, nisi aliquo illud sibi conferente, atque aded præhabente ius quod confert; ac per consequens dependente iure, quod acquiritur de nouo à iure aliquo præexistenti tanquam à causa sua. Ostensum autem modò est vtrūlibet ius includere in se alterum. Vnde & dependentia ab vtrolibet includit eiusdem generis dependentiam ab altero. Habent igitur hæc iura mutuam connexionem non solum inseparabilitatis, sed etiam dependentiæ & causalitatis.

R. In rationibus dubitandi vtrūque propositis continentur tres conclusiones efficaciter comprobatae. Prima est: omne ius iurisdictionis est inseparabile ex parte subiecti à iure proprietatis: id est; habens ius aliquod iurisdictionis necessario habet eo ipso ius aliquod proprietatis. Hoc enim omninò concludit secunda pars primæ rationis dubitandi pro parte affirmatiua. Et confirmatur quia ius iurisdictionis constituitur, vt dicetur qu. 6. per duo accidentia inherencia habenti tale ius, cognitionem nimirum & volitionem. Accidens autem ex suo conceptu est entis ens, omnisque eius bonitas inest subiecto tãquam fini eiusdem; & siquidem fuerit capax felicitatis, ei essentialiter inseruit, ac per consequens conuenit tali subiecto ius proprietatis respectu ipsius iuxta superius dicta de quidditate huius iuris. Quare ius iurisdictionis entitatiuè & formaliter est sub iure proprietatis sui subiecti, ceditque eius utilitati seu felicitati, licet terminatiuè & obiectiuè cedat felicitati aliorum & sit extra terminos proprietatis, ac proinde ex parte termini

mini sunt separabilia hæc duo iura.

Ad rationem dubitandi in contrarium, quæ est posterior pars primæ rationis adductæ pro parte negativa, dicitur quod qui acceptavit votum obedientiæ sibi præstitum, eo ipso habet iure proprietatis superioritatem supra vouentem, quem repugnat non habere ante votum iure proprietatis eam libertatem disponendi de suis actionibus, quam amittit per votum & transfert in aliû. Nec superiores Minorum sunt omninò expertes iuris proprietatis etiam purè spiritualis, sed tantum eius quod versatur circa pecunias & circa omnia externa pecunijs æstimabilia.

Secunda cōclusio est: potest acquiri de nouo ius aliquod proprietatis, quin propterea acquiratur, aut etiam præsupponatur ullum ius iurisdictionis in eodem subiecto circa eandem rem. Quod constat clarè ex prima ratione partis negantis.

Quare ad secundam partem primæ rationis pro parte affirmatiua dicitur potestatem liberam inclusam in iure proprietatis esse, inimpedibilem licet ob legem latam vel ab ipso habente tale ius, vel ab alio superiori; nec esse necessarium ut eiusmodi lex fauorabilis habenti proprietatem lata fuerit ab eodem, quia sufficit si ab alio lata fuerit. Vnde ex actionibus iuris proprietatis sæpe confurgit in alios noua obligatio tantum indirectè, non ob legem aliquam nouam, sed ob nouitatem materiæ comprehensæ sub lege præexistenti ex suppositione quod existeret talis materia.

Tertia conclusio est: omne ius proprietatis vel est identificatum cum iure iurisdictionis circa eandem rem, vel est dependens ob eodem tanquam à principio & cau-

sa non solum identicè & materialiter, sed etiam formaliter & quatenus tale est. Idem dicitur è conuerso de iure iurisdictionis comparato cum iure proprietatis. Patet conclusio quoad utramque partem ex rationibus dubitandi propositis pro parte affirmatiua. Illæ enim rationes licet non conuincant quoad omnia totum quod intendunt, istam tamen disiunctiuam omnino conuincunt, vt colligitur ex earum collatione cū ijs quæ modo dicta sunt circa secundam conclusionem, & cum ijs quæ mox dicentur soluendo rationes contrarias.

Igitur ad utramque partem secundæ rationis positæ pro parte negatiua respondetur venatorem non posse facere suam feram quam capit quocumque etiam animi ac intentionis adiuncto adminiculo, si non præexistat lex antecedenter facta, vt feras cedat capienti, vtque nulli deinceps liceat impedire capientem ab usu & possessione eius. Fieri namque potuit lex vt res omnes exteriores perseverarent semper & in omni euentu communes, atque posita ista lege nullum posset acquiri ius privatum proprietatis. Ergo omnis acquisitio huiusmodi iurispendet essentialiter à iure iurisdictionis tanquam à causa eius partiali, & quidem præcipua inter alias.

Iam qui vouet obedientiam alteri, nullam propterea induceret iurisdictionem in ipsum utcumque acceptantem, nisi præhaberet iure proprietatis usum suæ libertatis & potestatem liberam disponendi de suis actionibus. Qui enim sic vouet, renuntiat propriæ libertati, eamque abdicat à se & transfert in alium. Qui autem non præhabet aliquid vt proprium non potest illi renuntiare, nec in alium transferre. Ergo libera potestas

potestas quæ aderat vouenti, eratque directioni, & prudentiæ monasticæ ipsius subiecta & ordinata ad propriam ipsius felicitatem adeoque pertinens ad ius proprietatis eidem conueniens, transfertur per votum in alium, & subiicitur directioni ac prudentiæ alienæ, & ordinatur ad felicitatem non propriam habentis, sed alterius à quo prius habebatur, adeoque pertinet deinceps ad ius iurisdictionis; quippe libertas propria vouentis restringitur ab ipso per votum validum & transfertur in alium, non odio sed amore propriæ felicitatis; ideoque semper remanet illi deuincta quoad utilitatem. Quod dicitur libertatem, seu liberam directionem suarum actionum haberi ab vnoquoque non iure sed natura, supponit falsum. Quia ius naturale habetur iure & natura simul, vt infra exponetur.

QVÆSTIO V.

Verum Deo conueniat ius proprietatis essentialiter sibi subordinans immediatè omnia iura creata?



DETVR non conuenire



1. Quia ius proprietatis est essentialiter ordinatum ad propriam felicitatem habentis ipsum ius. Deo autem nihil conuenit relatè ad res creatas ordinatum ad felicitatem ipsius. Quam videlicet possidet vnde quaque per-

B. a

seciam

etiam, & completam tam intensiue quam extensiue independentem à creaturis.

2. Fieri potuit ut Deus nihil crearet. Ergo fieri potuit ut nullum ius proprietatis Deo conueniret. Pater consequentia. Quia repugnat subsistere ius nullo existente termino iuris. Perfectio autem, quæ potest deesse Deo in aliquo euentu, in nullo euentu adesse illi potest.

3. Is cui Deus aliquid donauit, potest ius suum transferre in alium sola sua voluntate. Ergo is in quem ita translatum esset ius proprietatis, haberet illud cum dependentia immediata à sola voluntate transferentis. Ergo Deo non conuenit ius subordinans sibi immediate omnia iura creata.

R. Ex dictis in questione præcedenti colligitur omne ius creatum pendere essentialiter à iure quod habet Deus in res creatas. Oñsum namque est præsertim in duabus postremis responsionibus omne ius proprietatis acquisitum de nouo pendere essentialiter ab aliquo iure iurisdictionis iam præexistente: atque è conuerso omne ius iurisdictionis acquisitum de nouo pendere essentialiter ab aliquo iure proprietatis iam præexistenti. Omne autem ius creatum est acquisitum de nouo, estque de eius essentia, ut possit incipere esse postquam non fuit. Ne igitur detur processus in infinitum dependentiæ & præexistentiæ inter vtrumque ius, necesse est venire ad ius aliquod primum quod nec acquiratur, nec possit acquiri de nouo, quodque proinde sit essentialiter ab æterno & à se; quale solum est ius Dei in res creatas. Ergo ab hoc iure cætera omnia iura essentialiter dependent.

Indidem rursus colligitur dependentiam istam

istam omnium aliorum iurium à iure Dei non esse tantum mediatam & remotam in reliquis iuribus creatis præter primum, seu præter ius independens ab alio priori iure creato; sed esse immediatam & proximam in omnibus & singulis iuribus creatis. Ostensum namque est omnia, & singula iura proprietatis de nouo acquisita, id est creata, pendere essentialiter à lege immediatè favorabili respectu habentis tale aliquod ius, obligante scilicet immediatè omnes alios in conscientia ad non impediendas actiones proprias eiusdem iuris. Et insuper ostensum est omne ius iurisdictionis haberi ante suum exercitium, ab eo distinctum, iure proprietatis; atque ideo independentem ab eadem lege obligante in conscientia. Omnis autem lex obligans in conscientia est actus iuris Dei imponentis eam obligationem vel se solo, vel per cooperationem cum superiore creato. Quia lex obligans in conscientia est necessitas conditionata, carèdì beatitudine æternum, vel ad tempus, si illi non obediatur, nec obtineatur venia à potente inferre tantum, ac tam grande malum. Hoc autem malum solus Deus inferre potest ut patet. Atque Deus necessitari minimè potest ad illud vel inferendum, vel condonandum nisi sua voluntate, vel sola, vel coniuncta cum voluntate creata. Omne igitur ius creatum pendet essentialiter, ac immediatè à iure Dei, & eius exercitio, seu lege.

Confirmatur. Omnes operationes physice causarum secundarum quatenus sunt communicatiue perfectionis physice præ-existentis in iisdem causis dependent essentialiter ac immediatè à cooperatione physica Dei. Ergo omnes operationes morales sub-

substantiarum rationalium creatarū, quibus perfectiones morales, prælaciones, & iura aliorum in alios transferuntur & communicantur, dependent essentialiter, ac immediate à cooperatione moralī Dei. Virgetur paritatis ratio à fortiori; quia actiones istiusmodi morales & iura, quæ sunt, illarum effectus, præminent perfectione & estimatione multis effectibus pure physicis causarum secundarum; si quidem priores illi effectus sunt proprii substantiarum rationalium, & earundem perfectiui quatenus rationalium: inter effectus verò pure physicos plerique sunt communes irrationalibus & inanimatis. Quoad autem perfectius est magis dependet ab optimo; quod scilicet ab eo magis participatur, in quod plus influit: atque causæ secundæ sunt minus sufficientes se solis ad id quod præstantius est; quandoquidē ad id etiam quod minus præstat sunt insufficientes ex defectu perfectionis. Profectò cum dubitare nemo possit homines esse perfectiores atque excedere magis iuribus, quam calore, colore, aut alijs eiusmodi; dubitari minus potest quod illa, dependeant à Deo immediate; quando hæc alia ab ipso immediate dependent. Cuiusmodi argumentum, est frequens Augustino aduersos Pelagianos tribuentes Deo quod sumus & negantes eidem quod boni sumus.

Agnouit Philosophus dependentiam istā iuris proprietatis à iure iurisdictionis, nihilque frequentius suggerit toto præsentī Libro 5. Ethicorum, & ea de causa 1. politicorum hoc ius definiuit *ordinationem societatis civilis* explicans effectum per causā Quæ tamen explicatio difficulter coheret cum doctrina eiusdem 1. Rhet. ad Theod.

c 13. vbi dicit: *est quoddam natura iustum & iniustum quod omnes vaticinantur & si nulla societas aut pactum sit.* Quod ipsum distinctius tradit in præsentī cap. 7. dicens: *ciuilis iusti aliud naturale aliud legitimum. Et naturale quidem est quod ubique vim habet eandem & non quia videtur, vel non videtur. Legitimum autem, quod à principio quidem nihil refert sic, an aliter habeat; cum verò positum fuerit, refert.* Id est; aliud est ius siue iustum quod ab ordinatione ciuili dependet aliud, quod non dependet. Necesse igitur est ordinationem ciuilem non eodem ubique sensu usurpari à Philosopho, sed alibi pro libera hominum conuentione facta per electionem spontaneam, vt in posterioribus istis locis; alibi pro conuentione; vt est communis naturaliter insitæ & habitæ per electionem liberam, vt in primo loco.

Verum, vtcunque hoc habeat, semper desideratur in Philosopho vltima iurium humanorum resolutio tradita clarè atque distinctè. Sanè quod dicit postremis illis verbis, *cum vero positum fuerit, refert, vnum ex ijs est quod ubique vim habent eandem, & à principio quidquam refert sic an aliter habeant & non quia videtur, vel non videtur,* quod enim postquam aliquid visum & positum est; idest ordinatione, & lege humana stabilitum est, referat quidquam, non ex eo pendet quod ita videatur, vel non videatur. Alias enim daretur processus in infinitum in legibus humanis. Deindè transgressio constitutionis ciuilis, & legum, minima hominum conuentione mediata, vel immediata persistentium non solum inducit pœnas temporales, aut tantum circa bona temporalia; sed etiam priuationem beatitudinis. Qui effectus cum pendeat immédia-

re sola diuina voluntate, non pōteſt induci
vlla voluntate, aut ordinatione creata ſola.
Necceſſariò igitur eſt cooperatio moralis vo-
luntatis & ordinationis diuinæ.

Quare dum non aſſurgit conſideratio in-
voluntatem, & ordinationem diuinam, ne-
ceſſe eſt vt lateat non ſolum prima omnium
iurium creatorum origo, verum etiam cauſa
adequata immediata ac proxima, & ex par-
tialibus præcipua vnius cuiusvis iuris crea-
ti. Verum quia ad cognitionem voluntatis, &
ordinationis diuinæ naturalis, non niſi me-
diante voluntate, & ordinatione creata,
naturaliter inſita homini, peruenimus per
cognitionem naturalem; atq. huic cauſæ parti-
culari formaliter correfpōdent ea mala, quæ
hominibus per homines ob iniurias inſigū-
tur; propterea Philoſophus obſeruator ſo-
lus ordinis naturalis hæſit in ordinatione ſo-
cietatis ciuilis, nec vltius progreſſus eſt.
Quod vt ad aliquam eius excuſationem va-
leat, certè ad exactam rei, de qua loquitur,
expoſitionem nequaquam ſufficit eius do-
ctrina diuinitatis, vt in præſenti ita & ali-
bi frequenter non ſatis ſollicita.

Colligitur poſtremo ius proprietatis &
ius iuriſdictionis diuinæ non diſtingui in-
ter ſe virtualiter intrinſecè, ſed vtramque
eſſe vnicam obiectiuè atque omnibus mo-
dis eandem ac ſimplicem formalitatem abſ-
que vlla mutua, vel non mutua discrepan-
tiâ prædicatorum, quæ de alterutro, vt eſt
in ſe affirmari vel negari poſſunt indepen-
denter à relatione ad ſimilia prædicata
creata, & modo noſtro cognoscendi in illis
fundato. Probatur; quia, vt dictum eſt,
omne ius proprietatis diſtinctum a iure
iuriſdictionis eſſentialiter dependet ab ali-
quo præexiſtenti iure iuriſdictionis; &

con-

conuerſo hoc ius dependet ab illo, ſi ab illo
diftinguatur. Atque ratio in hanc rem
ſuperius adducta æque conuincit anteces-
ſionem virtuale ſuppoſita diſtinctione vir-
tuali, ac realem ſuppoſita reali vt patebit
conſideranti. Quare ſi alterutrum ius di-
ſtingueretur in Deo virtualiter intrinſecè
ab altero necesse eſſet vtrumuis eſſe prius,
& poſterius altero, virtualiter intrinſecè;
atque adeò vtrumuis eorum eſſe prius &
& poſterius ſeipſo eodem modo. Nempe
quodlibet eſt prius omnibus, quæ ſunt po-
ſteriora poſteriori reſpectu ſui. Eadem eſt
ratio de poſteriori reſpectu priorum priori
ſe, loquendo de prioritate & poſterioritate
eiſdem vtrimque generis. Sequela autem
eſt abſurda, vt ex ſe ſatis patet, & alibi
pluribus oſtenſum eſt.

Confirmatur mutua hæc vtriuſque iuris
diuini indiſtinctio virtualis. Quia omne
ius Dei eſt eſſentialiter ordinatum indiui-
ſim ad gloriam ipſius & vtilitatem noſtram.
Repugnat enim metaphyſicè Deum aliquid
liberè operari intendendo gloriam ſuam,
quin eo ipſo velit vtilitatem noſtram: aut
intendendo noſtram vtilitatem quin eo ipſo
velit gloriam ſuam. Quia omnis gloria
Dei ipſi libera eſt vtilis nobis. Proſicimus
enim glorificando Deum, & noſtra proinde
inter eſt habere vnde ipſum glorificemus.
Nihil igitur facere poteſt Deus glorioſum
ſibi, quod non ſit vtile nobis, ideoque
conferens ad noſtram felicitàtem. Simili-
ter omnis noſtra vtilitas eſt glorioſa Deo,
quia nihil facere poteſt, niſi habendo ſe
pro fine excellentiæ, & volendo ſibi glo-
riam eorum omnium quæ facit. Nec enim
inattentio diuina quieſcere poteſt tanquam
in

in fine excellenti & beatifico, nisi in ipso Deo.

Quare idem dictum est, ut ait D. Thomas quæst. 5. de pot. art. 4. ante finem c. quod Deus omnia propter seipsum fecit, & quod creaturas fecerit propter earum esse; id est, ut, sibi sint bonæ. Quod probat conferendo illud pro. 25. *universa propter seipsum operatus est Dominus*; cū illo. Sap. c. 1. *creavit enim Deus ut essent omnia*. Omnis igitur potestas libera Dei circa creaturas, est ordinata indivisim ad gloriam eius & ad nostram utilitatem. Dictum autem est facultatem liberam ordinatam ad bonum proprium esse ius proprietatis atque ordinatam ad bonum aliorum esse ius iurisdictionis. Ergo ius proprietatis & ius iurisdictionis sunt in Deo unica formalitas etiā virtualiter indivisibilis ex parte obiecti.

Observandum est, gloriam Dei resultantem ex creaturis dici bonam Deo, & quid conferens ad eius felicitatem non quod aliquid boni accrescat, ipsi ex creaturis quo melius in se habeat, aut quod illis indigeat ut sit felix, vel magis felix, sed solum quia creata Dei glorificatio est quid condecens eius infinitam bonitatem, ac maiestatem; & quia felicitatem suam voluit cum nostra ita coniungere ut non possimus absque displicentia eius impedire, felicitatem nostram; eamque impediendo impediamus eo ipso actum divinæ felicitatis proprium; hoc est complacentiam specialem Dei de nostro bono & felicitate. Quam complacentiam paratus est habere, quantum est de se, si a nobis non impediat, utque non impediamus movet nos atque sollicitat medijs efficacissimis.

Verum

Verum quia hæc ipsa complacentia, specialis nihil interest Dei, sed intenditur ab ipso, ac si ipsius interesset propter vim amoris quo nos amat & transformatur in nos, propterea in expositione iuris proprietatis & suitatis illi correspondentis ex parte rerum non adhibita est utilitas, aut commodum, nec finis utilitatis; sed felicitas & finis secundum se atque beneplacitum habentis ius, ut sic iura etiam Dei comprehenderentur, & exponeretur ratio vniuersalissima iuris, à qua utique, excluditur ius Dei dum adiicitur utilitas, aut finis utilitatis respicientis ipsum habentem ius. Constat igitur ex his omnibus conuenire Deo ius proprietatis seclusis imperfectionibus iuris proprietatis creati idque vniuersalissimum, & immediatè, ac formaliter subordinans sibi ex essentia sua omnia iura creata. Quod erat intentum.

Ad 1. Res creatæ pertinent ad felicitatem Dei, licet non tanquam bona utilia ipsi, bene tamen tanquam bona decencia ipsum, conferentia ad eius gloriam, & intenta ab eodem, perinde atque si ipsius interesset ea habere. Quod sufficit omninò ad conceptum essentialem iuris proprietatis seclusis imperfectionibus iurum creatorum in quibus felicitas, intentio, & complacentia sunt inseparabiles ab utilitate. Quod discrimen nuper explicatum est sufficienter.

Ad 2. Vnumquodque ius potest exerceri tam faciendo, quam non faciendo; si quidem ex conceptu suo est libera facultas faciendi, & non faciendi ut dictum est quæst. 3. Quare Deo nihil creante daretur
termini.

terminus negatiuus iuris diuini, nempe non esse creaturarum sola Dei libera voluntate hoc est solo exercitio iuris eius impeditarum quo minus essent. Is autem terminus negatiuus tam est sufficiens ad existentiam & exercitium iuris, quam sufficiens est terminus positivus vt liquet ex ratione data.

Ad 3: Cum dicitur posse aliquem ius suum transferre in alium sola sua voluntate, id sola tantummodo excludit necessitatem alterius voluntatis creatæ ad subsistentiam & valorem translationis; non verò voluntatem diuinam tum legislatiuam, quæ munit & reddit obligatoriam dispositionem voluntatis creatæ; tum eam, qua cooperatur voluntati creatæ eiusque executioni. Quæ e omnis humana translatio iuris dependet à Deo immediatè non minus moralitèr & iuridicè, quam physicè.

QVÆSTIO VI.

Vtrum ius constituatur per actus intellectus & voluntatis?

I D E T V R nō constitui. 1.
 Quia dictum est ius esse liberam potestatem. Potestas autem non est nomen actus, sed potentia; ergo ius non constituitur intrinsecè per actus intellectus, & voluntatis, sed potius est principium eorum actuum.

2. Licet applicatio agentis ad passum sit

fit necessaria, ut principium actuum exerceat actiuitatem suam; nihilominus applicatio non pertinet ad constitutionem intrinsecam actiuitatis; ergo similiter licet cognitio aliqua aut volitio sint necessariae ad exercitium iuris, non propterea ij actus pertinent ad constitutionem intrinsecam ipsius iuris, quod est virtus actiua moraliter.

3. Iura rerum transferuntur ab alijs ad alios homines donationibus, contractibus, & alijs modis. Actus autem intellectus & voluntatis nulla ratione ab alijs ad alios transferri possunt. Ergo iura sunt omnino distincta ab ijs actibus.

4. Quando alicui aliquid donatur, acquiritur ius donatario per solum actum voluntatis, quo ipse acceptat donationem. Quolibet enim cognitio antecedens hunc actum voluntatis dari potest, quin acquiratur ius; quolibet autem subsequens eundem actum presupponit ius iam acquisitum, ergo nulla cognitio pertinet ad constitutionem intrinsecam iuris.

5. Dormiens, amens, ebrius parvus, expers rationis, & nihil attendens actus ad res iuribus subiectas, aut ad iuridicos earum vsus potiuntur iuribus, nec toties illa amittunt, quoties cessant ab omni actu pertinenti ad iura rerum siue necessario cessant, siue liberè. Ergo actus intellectus, & voluntatis non pertinent intrinsece ad existentiam aut essentiam, & constitutionem iurium.

6. Contingit amitti iura retinente eo, qui illa amittit omnes actus intellectus, & voluntatis quibus prius exercebatur. Amittitur enim sæpe per delicta, per sētē-
tias iudicum, per præscriptiones aliorum
alique

alijsque similibus modis nihil ea de re cogitante aut statuente eo, qui illa amittit, adeoque nulla existente variatione actuum ipsius pertinentium ad intellectum, & voluntatem. Ergo.

R. Ius dicitur multipliciter non solum ex parte rerum circa quas versatur, & ex parte personarum quarum est proprium, sed etiam secundum se, & secundum suam constitutionem intrinsecam. Aliud namque est purè extrinsecum illi personæ cuius est proprium, eamque tantum extrinsecè denominans. Aliud informans intrinsecè subiectum cuius est. Rursus ius intrinsecè informans; aliud est habituale & aliud actuale; aliud ultimè completum; aliud incompletum. Primum enim cui lex aliqua fauet quoad usus alicuius rei & quoad utilitatem ex ea percipiendam posita aliqua conditio, necum primam ea conditio ponitur à parte rei dicitur convenire illius in eam rem, tamen si nulla ipsi affulserit notitia talis legis, aut talis conditionis iam existentis, ideoque nondum habeat potentiam in actu primo proximo liberam ad percipiendam eam utilitatem eoque usus executioni mandandos. Verum tale ius est radicale tantum & in causa. Cum verò supervenerit cognitio & legis, & conditionis per legem requisitæ, tunc incipit ad esse ius intrinsecum, & formale, sed nondum est ultimo completum usque dum addatur ulterius consensus, & acceptatio prædictæ legis iam coniunctæ cum omnibus conditionibus ex actis per ipsam. Dictum nimirum est supra ius esse liberam facultatem munitam lege fauente ipsi & gravante alios. Cum igitur fauores & beneficia non conferantur inuitis, ideoque non sortiantur suum ultimum esse.

effectum & complementum quo usque illis consentiat is cui fauent; necesse est, vt cognitioni prædictarum legis & conditionum accedat consensus, & acceptatio eius, cui eadem lex fauet; nec prius completa ultimo erit vis legis ad obligandos alios, ne impediant eam personam à percipienda utilitate, & ab usus rei ipsi destinata. Accedente autem eo consensu, & acceptatione, ac proinde coniuncta ea cognitione, cum hoc actu voluntatis, tunc verò existit ius intrinsecum actuale ultimo completum atque perfectum. Transacta verò ea cognitione, aut eo actu voluntatis, nec superueniente contraria voluntate, ac retractione ius inerit intrinsecum quidem, sed tantum habituale.

Et quidem perfectionem adæquatam & ultimò completam iuris dari non posse quo usque existant prædicta cognitio, & volitio clarè colligitur ex definitione iuris. Quia libera facultas ad usus rei alicuius quæ ex se sit inimpedibilis licitè ab alijs existere nequaquam potest non existente in primis cognitione obiecti circa quod exercenda illa est, & modi quo exerceri potest. Cognitio enim actualis pertinet ad constitutionem intrinsecam potentie proximè libera, & talis determinata cognitio ad constitutionem talis determinate potentie. Deinde neque sinè actu voluntatis acceptante fauorem legis eadem potentia libera potest esse inimpedibilis licitè quo ad usus eadem lege concessos. Quia ipsa non obligat ad non inimpeditionem quo usque acceptetur ab eo cuius interest, vt paulò antè conclusum est. Quia verò ius extrinsecè afficiens aliquem ordinatur ad actus intellectus, & voluntatis modo explicatos; atque
relatò

relatè ad eosdem habent totam suam æstimationabilitatem, & utilitatem species intellectualis, & habitus voluntatis ex quibus suboriri possunt iidem actus, pater ius secundum suum cōceptum adequatum & completum atque primario, & principaliter contentum sub ea voce constitui per eos actus intellectus & voluntatis. Ius verò seu remotum, & extrinsecum, seu intrinsecum, sed habituale tantum, vel tantum inadæquatum eatenus iura dici quatenus eosdem illos actus in se continent, atque vi sua inducere possunt.

Ad 1. Libera potestas in ratione proximè libera constituitur intrinsecè per cognitionem; & quæ est ex sua ratione inimpedibilis licitè constituitur intrinsecè per cognitionem veram representatiuam legis reddētis illicitam impeditionem, & per acceptationem eiusdem legis quatenus valētis proximè obligare, si acceptetur. Ergo potestas libera, quæ secundum se præcisè habet rationem generis respectu iuris, & defectus iuris, determinatur ad rationem iuris tanquam per rationem differentialem, & ultimò completiuam per eam cognitionem, & volitionem acceptantem; ideoque ius constituitur intrinsecè per utramque secundum suum conceptum differentialem, & specificum.

Ad 2. Cognitio dirigens actum voluntatis non est pura applicatio, & conditio sine qua non, sed influat præterea partialiter per veram efficientiam immediatam in eundem actum; de quo alias plura dicta sūt. Deinde ut cognitio dirigens utentem iure suo esset pura conditio sine qua non quoad physicam entitatem actus, quo is exercetur, nihilominus constituit eundem intrinsecè

fecit quatenus operantem inimpedibiliter
impeditione licita ut ostensum est supra.
Constituit igitur intrinsecè potentiam libe-
ram quatenus iure prædictam etiam si suppo-
natur non influere physicè in actum volun-
tatis qui est proprius illius. Atque hæc po-
terior ratio valet etiam de actu voluntatis
acceptante favorem legis, quo præmunita
existit potentia libera utentis iure suo.

Ad 3. Iura dicuntur transferri ab alijs
ad alios homines quatenus quæ ea transferunt
voluntate & operatione sua exteriori cau-
sant in ijs, ad quos ea transferunt, cogni-
tionem & volitionem similes ijs, per quas
iura sua præhabebant. Quare iura dicun-
tur transferri lato quodam modo, & morali-
ter tantum; cum re ipsa existat in eo, ad
quem dicitur transferri, novum ius nume-
ro distinctum ab eo quod inhaeret transfe-
renti seu quasi transferenti. Quo tollitur
æquivocatio vulgaris locutionis occultantis
veritatem improprietate sua.

Ad 4. Quod ius intrinsecè constitutum
sit non solum per actum voluntatis ultimò
complementem ac determinantem ratione iu-
ris, sed etiam per cognitionem immediatè
dirigentem eum actum, factum est exemplo
magnorum auctorum D. Thomæ & aliorum
constituentium beatitudinem, providentiâ,
prædestinationem, leges & alia similia non
ea sola entitate per quam ultimò & suffi-
cienter differt res de qua quæritur ab om-
nibus alijs, qualis entitas est in præsentia
volitio, ut concluditur bene in obiectione;
sed etiam ea, vel ea sola, per quam primò &
principaliter habetur perfectio proprii
eiusdem rei; qualis in rebus huiusmodi
procul dubio est cognitio. Actiones verò
exteriores quæ in iurium translatione, deli-
tione

tionem, acquisitionem, & habitationem interueniunt sunt solum conditiones sine quibus non respectu actuum interiorum quibus ius intrinsecè constitutum est superius, vel sunt causæ specierum impressarum, ex quibus procedunt iidem actus, ut constabit magis infra præsertim dum agetur de possessione, ubi dependenter ab hac doctrina ineunda est concordia cum iuristis intentis præcipue in actiones exteriores. Constat interim perfectionem præcipuam contentam in conceptu differentiali iuris pertinere ad cognitionem. Species autem cuiusque rei continet in se intrinsecè non solum rationem, utcumque discretiuam sui ab alijs, sed etiam rationem primario ac principaliter perfectiuam sui. Inquam verò in conceptu differentiali & speciei, quia animus fuit exponere solum constitutiva differentialia iuris; cum cætera alijs quoque rebus communia, quæ continentur in potestate libera & alijs particulis definitionis iuris non indigeant expositione; certè non sit huius loci, ut exponantur.

Ad 5. Dormiens, amens &c. habent iura vel habitualiter in se intrinsecè; Vel extrinsecè tantum per denominationem ex dispositione causarum valentium inducere etiam ultimò determinatarum quantum est ex se ad inducendum cognitionem & volitionem quibus essentialiter constituitur ius actuale unicuique intrinsecum, uti supra explicatum est; atque ad hoc ius cætera eiusmodi iura ordinantur uti ibidem notatum est.


Ad 6. Esto fieri possit ut qui amittit ius ante præhabitum retineat materialiter easdem omnes cognitiones & volitiones quas præhabebat, dum iure potiretur; fieri tamè non potest, ut retineat easdem formaliter,

quate-

quatenus valentes constituere ius. Quia ius constituitur per cognitionem veram, formaliter vt veram legis fauentis habenti ius & grauantis alios in fauorem ipsius, atq; per volitionem directam per eandem cognitionem itidem vt formaliter veram. Patet autem impossibile esse vt amisso iure, perseuerent nihilominus ea cognitio & volitio formaliter vt tales; siquidem amisso iure cessat eo ipso fauere lex amittenti, & grauare alios in fauorem ipsius.

QVÆSTIO VII.

Vtrum communes diuisiones iuris,
ex parte principij, & subiecti
sint bonæ?

 DENTVR non esse bonæ. 1. Quia ius cōmuniter diuiditur ex parte principij in naturale, gentium, & positium. Hac autem diuisio nō est bona, quia ius gentium dicitur quod apud omnes gentes vniuniformiter viget. Quod autem apud omnes gentes vniuniformiter viget, necesse est vt insit à natura. Nam quod à libera hominum determinatione dependet variabile est, nec vbique & semper vniuniformiter contingit. Ergo ius naturale & ius gentium non sunt duæ species iuris.

2. Iuri gentium & positium commune est quod libera hominum electione & conuentione constitutum sit, solumque differunt, quia quod gentium dicitur, vbique & semper viget; quod verò ciuile, non nisi apud

aliquos aut aliquando. Quæ differentia est solum penes plus & minus, solaque subsistit extensione maiori vel minori quoad tempora aut personas. Huiusmodi autem differentia penes plus & minus non variat speciem; atque ideo ea diuisio est, purè materialis, non generis in species, sed speciei in indiuidua de quibus non habetur ratio in scientijs.

3. Diuisio iuris ex parte subiecti communiter fit in paternum, æconomicum, & herile. Hæc autem diuisio conuincitur esse itidem purè materialis atq; inutilis, quia inter patrem & filium; & similiter inter Dominum, & seruum quoad aliqua datur ius strictè, & simpliciter tale; quoad alia verò vel nullum omninò vel tale tantum secundum quid & improprie. Hæ igitur differentia ex primenda fuissent per diuisionem, non illæ aliæ haud quaquam continentes rationes specificas adæquatè inter se diuerfas.

R. Celebris in primis est tum apud iuris peritos, tum apud Theologos & Canonistas locis indicatis in quæst. 1. diuisio iuris ex parte principij in naturale, gentium & positium; non tamen ab omnibus eodem sensu, ac modo accipitur. Quia à iuris peritis ius naturale dicitur quod versatur circa actiones quæ sunt communes hominibus cum brutis; quales sunt filios generare & genitos nutrire, ad quæ docentur bruta per instinctum, homines per discursum necessarium & dictamen inditum independentem ab electione, & arbitrio proprio, atque dependentem ab instinctu simili instinctui brutorum existenti in æstimatoria. Inde ius gentium, iidem appellant quod circa ea versatur, quæ & sunt propria hominum & quorum honestas

tas atque inhonestas non pendent ab eorundem arbitrio; ac voluntate; qualia sunt Deum colere, fidem seruare, non mentiri tantundem reddere quantum acceperis à volente compensationem.

Theologi verò ius naturale appellant promiscuè quicquid ligat homines independenter ab eorum libera inter se conuentione ac lege per ipsos lata. In quam iuris naturalis usurpationem non raro ipsi quoque Iurisperiti desectunt vt aduertit Ludouicus Molina ex cōfessione Iustiniani disp. 6. propè finem. Ius verò gentium ijdē Theologi consequenter appellant cum Canonistis ex cap. *ius gentium*, quod ex libera hominum conuentione ac lege apud plerasque vel omnes Prouincias ac gentes viget. Huiusmodi sunt rerum diuisiones, legatorum, non violandorum religio, seruitus captorum bello iusto & similia.

Rursus in tertio diuisionis membro iurisperiti collocant ius ciuile, quod à seculari potestate descendit siue vniuersaliter ac vniuniformiter apud omnes, siue specialiter apud aliquos, vel apud aliquam determinatam Prouinciā vigeat. At Canonistæ ac Theologi ibidem collocant ius positium, vt Canonicum quod ab Ecclesiastica potestate descendit simul cum Ciuili comprehendunt. Vnde iidem non infrequenter diuidunt ius quadrifariam; nempe in naturale, gentium, Canonicum, & Ciuile: atque sub duplici isto posteriori membro, nec non sub iure positiuo comprehendunt quicquid subest liberæ hominum constitutioni siue vniuniformiter vniuersale apud omnes, aut plerosque: siue non ita vniuersale sit.

Alia diuisio iuris ex parte principij est in diuinum & humanum. Diuinum dicitur

quod sola diuina volūtate statuitur: humanum seu creatū quod ab humana etiam seu creata voluntate dependet. Diuinū, aliud est diuinum naturale; aliud diuinum positium. Diuinum naturale dicitur quod eadem diuina voluntate sancitur, quā existentia hominis decernitur, perque ipsam hominis existentiam, & quæ ad eam naturaliter consequuntur promulgatur sufficienter. Ius diuinum positium prouenit ex decreto libero Dei separabili ex natura rei à decreto creationis hominis, & eorum quæ ad existentiam hominis naturaliter consequuntur, ac proinde eius vel obiectum vel saltem promulgatio sunt intrinsecè supernaturales. Quod si sola promulgatio sit supernaturalis, obiectum talis iuris dicitur esse de iure diuino positio & naturalī. Si verò obiectum etiam sit supernaturale, tunc ipsum dicitur esse de iure diuino positio tantum. Prioris generis sunt quæ continentur in decalogo: posterioris verò generis sunt vsus Sacramentorum & alia eiusmodi. Ius humanum est quod ab arbitrio & voluntate humana dependet; atque diuiditur in Canonicum & Ciuile, quorum notiones iam datæ sunt.

Hæc omnia cōsiderantur à Iuristis & Canonistis pro explicandis legibus & iure iurisdictionis, de quibus modò non agitur. Quare illa pertinent ad hunc locum tantum indirectè. quatenus ius proprietatis dependet à iure iurisdictionis, & à legibus per eā latis tãquam à causa & principio vt dictum est supra. Vnde fit vt totidem modis diuidi possint ius proprietatis & actus pertinentes ad ipsum. Ius enim proprietatis suffultū lege naturali dicitur suum ipsius, cui inest, iure naturæ; & qui impedierit actionē contentam

tentam sub tali iure dicitur operari iniqui
cōtra ius naturale & sic de alijs huiusmodi.

Ius naturale & positivum, ex quorum
cognitione reliquarum diuisionum intelli-
gentia facile deducitur, communiter expo-
nuntur iuxta mentem philosophi, proposita
quæst. 5. Positivum namque est, quod ideo
refert quia ita videtur vel non videtur: id
est ideo obligat quia ita statutum est arbi-
trio & voluntate libera. Naturale verò est
quod refert atque obligat ex natura rei, nec
pendet directè & immediatè ac formaliter
ab arbitrio & libera cuiusquam voluntate.
Inquam verò directè & immediatè ac for-
maliter, quia sicut est libera Deo existentia
hominum; ita etiam necesse est ut sint eidè
libera quæcumque ad hominis existentiam
consequuntur ex natura rei. Ceterum quia
supposita hominis existentia non datur no-
ua libertas ad ea sancienda vel non sancien-
da, quæ iuris naturalis esse dicuntur; pro-
pterea hoc ius directè & immediatè ac for-
maliter non est liberum ex modo nostro
concipiendi & iuxta ordinem rerum ab ipso
connaturaliter præscriptum, licet re ipsa sit
eadem, & æquè immediata libertas Dei ad
existentiam hominis, & ad existentiam iuris
naturalis atque ad omnia & singula quæ in-
de naturaliter consequuntur.

Ius naturale dicitur ab omnibus immuta-
bile & invariabile cum Philosopho loco iu-
dicato quæst. 5. quia quod ad naturam cu-
iusque necessariò consequitur non potest
mutari aut variari manente eadem natura.
Eiusmodi autem est ius naturale respectu
naturæ humanæ. Sed considerandum est
naturam humanam, licet sit semper eadem
quoad suam substantiam ac essentiam, ideo-
que sint immutabilia iura spectantia ipsam.

eius naturam secundum se ; posse nihilominus mutari ac variari quoad accidentalem dispositionem, tum animi, tum corporis : & tunc consequenter contingit mutari ac variari materialiter ius naturale : ita vt eadē actio materialis quæ antea licebat ac debebatur, reddatur postea illicita propter diuersam hominis antea & postea dispositionem . Quod explicatur communiter exemplo depositi . Vt enim depositum reddatur deponenti , iuris naturalis est ; & tamen si deponens arma incidat in amentiam ac furorem , aut fiat hostis patriæ , non sunt ei reddenda , tametsi illa reposcat , eadem est ratio de alijs eiusmodi iuribus fundatis non in natura hominis secundum se , sed quatenus subest tali vel tali accidenti ac statui , ideoque capacibus exceptionis . Immutabilitatem istam iuris naturalis participat magna ex parte ius gentium iuxta Theologorum & Canonistarum usurpationem, quia fundatur in necessitate morali hominum ad illud mutua conuentione sancendum . Deficit verò omnino ob contrariam rationem ab eadem immutabilitate & inuariabilitate ius positium , prout ab iisdem usurpatur .

Iam ex parte subiecti diuiditur ius communiter in paternū, æconomicum & herile . Circa quam diuisionem D. Thomas & Philosophus vbi supra ille art. 4. hic cap. 5. & cæteri omnes docent non dari ius & iustum simpliciter inter patrem & filium . Quia ius & iustum essentialiter est ad alterum . Filius autem non est simpliciter alter à patre, sed comparatur cum ipso tanquam pars eius . Quod nonnulli interpretes accipiunt de communicatione vtriusque quoad partē corporis ratione generationis . Verum hæc interpretatio, nisi promoueatur vterius & assumma-

assumatur tanquam fundamentum rationis formalis ac immediatæ substineri nequaquæ potest, idque duplici de causa. Prima est quia Philosophus & D. Thomas eadem ratione, iisdemque verbis tradunt eandem doctrinam de Domino & seruo; & tamen seruus non est pars physica domini. Altera ratio est quia inter filium emancipatum & patrem datur ius & iustum simpliciter; & tamen emancipatio non tollit communicationem physicam, quæ habita fuit per generationem. Similiter datur iustum simpliciter inter patrem & filium etiam nondum emancipatum, quoad bona castrensia filij, quorum tamen bonorum acquisitio non minus dependet à generatione; quæ videlicet est prima origo aptitudinis ad militiam, atque idè & bonorum castrensiū.

Dicendum igitur est idè nec inter patrē & filium; nec inter Dominum & seruum dari ius & iustum simpliciter, sed tantum secundum quid & cum limitatione scilicet paternum & dominatiuum; quia filius est pars moralis respectu patris, & similiter seruus respectu Domini. Sunt autem uterque partes morales quia subiaccēt voluntati patris & domini ad eū modū quo subiaccēt cuiusque voluntati manus & pedes ipsius. Hac enim de causa inter duos ciues quorū neuter sub altero est, agnoscunt iustum simpliciter, atque exemplum iuris ac iusti mutui vnde quaque perfecti ponunt in iisdem Philosophus & D. Thomas locis citatis; nempe quia neuter eorum sub altero est. Cum enim ius sit libera facultas, alteritas requisita ad rationē iuris ac iusti non consistit in distinctione suppositorum sed in diuersitate libertatis; quæ diuersitas non datur simpliciter in iis quorum alter sub altero est, ut contingit in

filio & seruo respectu patris, & domini.

Obseruanda hoc in loco est diuersitas subiectionis quæ est ciuium ad Principem ab ea quæ est filij & serui ad patrem & dominum. Princeps dupliciter comparari potest cum ciuibus quibus præest. Primò tanquam cum subditis, quatenus subsunt iuri iurisdictionis; atque hoc pacto non datur inter eos ius & iustum quod est obiectum iustitiæ particularis, sed quod est obiectum obediætiæ. Secundo comparari potest Princeps cum singulis ciuibus tanquam homo cum hominibus præscindendo à iure iurisdictionis, ratione cuius vnus præest & alij subsunt; atque hoc pacto datur inter Principem & subditos ius & iustum simpliciter quod est obiectum iustitiæ particularis. Similiter ergo pater & dominus comparati quatenus tales cum filio & mancipio quatenus talibus sunt incapaces iuris ac iusti simpliciter, licet eiusdem sint capaces quoad ea, in quibus comparantur præcisè vt homines, absq; subiectione vnus ad alterum. Talia sunt quæ ad vnum quemlibet hominem pertinet iure naturæ incapaci exceptionis.

Vndè si pater aut dominus abuteretur vxore filij aut serui; eosque immerentes infamaret, mutaret, aut occideret, iniuste simpliciter ageret. Eadem est ratio de filio non emancipato quoad bona castrensia, & de emancipato quoad omnia sua bona; nec non de seruis quoad nonnulla in quibus leges exceperunt in fauorem libertatis eorum. Quoad hæc enim nulla est subiectio filiorum & seruorum ad patres & dominos, ideoque comparantur præcisè vt homines beneficio vel naturæ prouidentis rationalitati subditorum & dignitati fundatæ in illa inamissibiliter, aut non amissibili sine culpa;

vel Principum & Rerumpublicarum volentium promouere priuilegijs militiam arduam ex se & necessariam; aut excitare diligentiam ætatis filiorum iam satis adultæ sibi que sufficientis; alijsque iustis de causis eximentium filios & seruos à patria & herili potestate.

Extat porro discriminem quoddam insigne inter Principem & subditos ex vna parter & inter patrem & filium ex alia. Princeps enim licet comparari possit cum subditis, & vt Princeps, & vt homo præcisè est: sub neutra tamen consideratione conuenit ei ius & iustum secundum quid respectu subditorum. Quoad ea enim in quibus comparatur vt Princeps, conuenit ipsi ius iurisdictionis simpliciter tale. Quoad cætera conuenit ius proprietatis tale itidem simpliciter tam actiue quàm passiuè. Nec datur aliquod medium taliter participans de utroque eo extremo vt vtrumuis dici possit tantum secundum quid. At inter patrem & filium quoad ea, in quibus comparantur vt tales formaliter datur iustum quoddam medium inter illud quod respicit obedientiam, & quod respicit iustitiam particularis; quod proinde dicatur iustum non simpliciter, sed secundum quid & subcerta quadam ratione; nempe paternum. Ratio huius discriminis quod est in confesso apud omnes, non est apud omnes vsque adeò clara & manifesta. Videtur autem ea esse legitima quæ deducitur & quidem facile ex dictis superius de quidditate & natura iuris proprietatis & iurisdictionis.

Dictum nimirum est alterum ius ordinari ad felicitatem habentis ipsum; alterum ad felicitatem aliorum. Paternitas autem est titulus tribuens liberam facultatem ordinatam indiuisum ad felicitatem patris & fi-

lij. Hac enim de causa si pater in educatione filij & dispositione rerum ad eum pertinentium incumbat propriæ, aut delectationi aut vtilitati cum detrimento, aut etiam absque promotione eiusdem filij quoad mores, sanitatem, aut supellectilem, non dubitatur quin turpiter egerit aduersus obligationem paternæ prouidentia & dilectionis. E conuersò, si ita innigilauerit promouenda fœlicitati filij, vt ob eam passus sit aliqua incommoda, aut amiserit aliqua commoda propria, nec filium fecerit ex parte inferuire paternæ fœlicitati; sed eâ postpositâ aut sepositâ totum filium & omnia quoquo modo ad eum pertinentia soli eidem, filio applicuerit in solidum, censetur eo ipso rationibus suis cessisse pater & progressus esse ultra limites obligationis paternæ.

Pater igitur patriam liberam potestatem circa filium esse ordinatam indiuisim ad fœlicitatem vtriusque. Quare neque ius proprietatis constituit neque ius iurisdictionis simpliciter, sed ius quoddam alterius speciei consistens in consensu & participatione indiuidua illorum duorum extremorû. Quod proindè ius appellatur paternum non solum ad indicandam differentiam eius materiale ex parte subiecti, sed etiam formalem inde resultantem quoad essentiam ipsius iuris ac iusti, vt constat apertè ex D. Thoma & Philosopho locis citatis & ex ratione modo data. At Princeps habet duo iura realiter distincta saltem æquiualentem ex parte terminorum quos respiciunt, alterum proprietatis quo agit tãquam quilibet persona priuata pro vtilitate & fœlicitate propria; alterum quo fungitur vt princeps in bonum publicum. Perspicitur igitur ex his clare discrimina intentum.

Eadem

Eadem doctrina applicanda est proportionem seruata iuri quod est inter dominum & seruum. Quia etiam Dominatio est ordinata indiuisim in felicitatem domini & serui. Cum enim seruus quatenus homo essentialiter sit gratia sui & ordinatus ad propriam felicitatem, nulla hominum conuentione fieri potuit, vt libertas eius subijceretur domino; sicut subiiciuntur res inanimata & bruta, vtque nulla superesset obligatio prouidendi felicitati ipsius. Quare libertas serui translata in arbitrium domini per constitutionem humanam transit in ipsum cum onere imposito per legem naturalem, essentialiter indispensabilem, vt inserviat eius felicitati quoad ea, quæ sunt de substantia eiusdem felicitatis; quoad bonam nimirum famam & corporis integritatem ac sanitatem & quæ sunt præcise necessaria ad hæc duo bona conseruanda. Atque hoc ita se habet in ordine naturali. In ordine verò supernaturali remanet insuper obligatio quoad vsum etiam sacramentorum, & alia quæ sunt similiter necessaria ad substantiam & finem vitæ christianæ. Quoad hæc enim manet seruo ius tum naturale, tum positium diuinum aduersus dominum; licet ius politicum & humanis legibus inductum nullum illi suffragetur, nisi vbi priuilegio aliquo & fauore summa seruitutis ratio mitigata fuerit.

Ius itaque dominatium seu herile eadem fere ratione, atque paternum desciscit à iure & iusto simpliciter, & facit tertiam speciem quasi mixtam ex iure proprietatis & iurisdictionis. Dicitur autem ius paternum & dominatium deficere à iure & iusto simpliciter, non quod sit inferioris conditionis, & minorem inducat obligationem. Certum
namque

namque est, quod non minorem sed multo maiorem obligationem inducat ceteris paribus, quam ius quod tale simpliciter dicitur; siquidem ut constat ex dictis, transgressio obligationis fundatæ in iure paterno, & dominatio est malum ex sua ratione formali contrarium bono felicitatis duorum; cum transgressio aliarum obligationum vniuersalium consistat in sola contrarietate ad felicitatem vnius. Ratio igitur ob quam nomine iuris & iusti simpliciter & sine addito intelligitur ius solius vel proprietatis, vel iurisdictionis, est, quia his duobus iuribus commercia, ordo, & societas generis humani vniuersaliter continentur, & quod frequentissimum est, intelligitur absque addito sub nomine, quod est cōmune significato non ita frequenti.

Dictum verò est eandem serè, & seruata proportionè rationem esse de iure paterno & dominatio; quia absolutè differunt inter se specie. Ius namque paternum inductum est lege naturali in fauorem magis prolis quam patris, cuius indicium est duplex. Primum est quia filius datur patri iam præhabenti per se loquendo plura ad felicitatem necessaria quæ desunt filio, ac pròinde postquam iam Deus magis prouiderat indigentia patris quam filij, si patrem non grauasset in fauorem filij. Necessè igitur fuit ex natura rei, ut patrè specialiter grauaret, ac filio indulgeret magis, cum vtrumque amet ex natura rei æqualiter, utpote æquales in natura & bonitate intrinseca. Alterum indicium est, quia cessante indigentia filij, ut dirigatur à patre, ob statem iam maturam & iudicium sibi sufficiens, incipit conaturaliter emancipatio & filius desinit esse sub Patria potestate. Quod non

fieret, si subiectio filij ad patrem non esset principaliter instituta in gratiam & obfingentiam filij. Seruitus autem inducta est per constitutionem humanam in fauorem, maximè dominorum. Quod non indiget probatione, siquidem seruis sola relicta est vita cum bonis quæ per legem naturalem, aut positivam diuinam prorsus indispensable sunt connexa vitæ, nec eripi potuere lege humana, quin vita ipsa eriperetur. Ius itaque patris in filium participat magis de iure iurisdictionis; dominatium verò magis de iure proprietatis; licet neutrum alterutri simpliciter conueniat, dum pater & dominus, filius & seruus considerantur, vt tales formaliter, & quoad ea quæ ad ipsos pertinent, vt tales sunt.

Ius æconomicum quod est inter virum & uxorem, neutri tollit verum ius proprietatis simpliciter tale aduersus alterum, vt docent Philosophus & D. Thomas locis citatis & communis cæterorum consensus. Ratio est quia matrimonium est datium, mutua potestatis alterutri conjugatorum aduersus alterum quoad vsus ipsius matrimonij. Quoad alia verò pertinentia ad gubernationem & dispositionem familiæ & rei familiaris, licet vxor sit sociâ maritæque hic teneatur attendere ad illius voluntatem ac placitum, quatenus necesse est & sufficiens per se ad socialem & tranquillam vitam, peragendam, præsertim in ijs quæ sunt propria muliebris prouidentia ac dispositionis. Præsertim nihilominus maritus vxori propter maiorem dignitatem viri, maioremque aptitudinem ad regendum cum inuitabile sit vitandæ confusioni alterutrum præesse. Habet præterea vir ius non simpliciter tale aduersus uxorem in plerisque dispositionibus.

bus rei familiaris & totius familia; ; idque propter rationem non abfimilem illi quæ reddita est circa ius paternum & herile .

Longum porro esset & ultra limites præsentis instituti de ijs omnibus sigillatim discernere , quæ cadunt sub iure vtriusque coniugis indiuisim , & quæ ad ius alterutrius seorsim pertinent . Suffecerit pro nunc obferuare in genere ex Philosopho, D. Thoma & alijs vbi supra quaest. 1. vtrique coniugi conuenire ius proprietatis simpliciter tale aduersus alterum quoad aliqua ; quoad alia verò ius non simpliciter tale , sed æconomicum mixtum ex iurisdictione & proprietate, quod ferè in omnibus pertinet ad maritum : atque primum verificari quoad ea quæ ad commodum alterutrius priuatimè pertinent ; secundo quoad cætera quæ vtriusque intersunt promiscuè . Ex ijs igitur omnibus constat satis communes diuisiones iuris tum ex parte principij tum ex parte subiecti esse bonas, vtpotè adæquatas & per species inuicem essentialiter dissidentes , & quæ contineant doctrinam valde vtilem ac necessariam ad perfectam intelligentiam virtutis iustitiæ quæ circa illas omnes versatur, & diuersimodè circa singulas .

Ad 1. Ius gentium iuxta vsum canonistarum & Theologorum inductum quidem est determinatione humana absolute libera, sed ad quam impulerit necessitas moralis ita statuerendi . Quæ autem operantur homines impellente præuia necessitate morali eueniunt vbiq; & semper vniformiter , licet absolute deficere possit vniformitas absque miraculo vt dictum est in qq. de Gratia .

Ad 2. Patet responsio ex notatione modo adhibita ad 1. Quia quod statuitur secundum necessitate morali sic statuerendi differt spe-

cie ex parte obiecti & ex parte actus quo statuitur, ab eo quod constituitur absque necessitate morali. Dictum autem est, ius gentium constitutum esse præeunte necessitate morali, atque inde procedere vniuersalem eius vniuersitatem. Ciuile verò ius statuitur absque necessitate morali saltem vniuersali atque inde resultat eius diuersitas in alijs atque alijs & locis & temporibus.

Ad 3. Constat ex dictis hæc tria iura pateternum, æconomicum & herile quatenus talia sūt formaliter dissidere specie adæquatè quoad omnes terminos quos respiciunt cum inter se tum ab omni alio iure. Illæ igitur differentiz & nullæ aliæ exprimi debere.

QVÆSTIO VIII.

Vtrum virtus iustitiæ recte definiatur constans, & perpetua voluntas, ius suum vnicuique tribuens?



IDE TVR non rectè defini, quia quod est constans & perpetuum numquam deficit virtus autem iustitiæ deficit sæpe tum quoad actum tum quoad habitum; Ergo virtus iustitiæ non est quid constans & perpetuum.

2. Virtus iustitiæ nihil operatur saltem directè & formaliter nisi præexistente iure in eo circa quem operatur, vtque iuri præexistenti conformetur. Ergo virtus iustitiæ

non

non tribuit ius, sed quod debetur ratione & iuris præexistentis ante operationem eius.

3. Impossibile est inesse perpetuam aliquatenus, & constantem voluntatem circa aliquid ei qui nullum vnquam actum voluntatis exercuit circa idem. Virtus autem iustitiæ infunditur parvulis in Baptismo simul cum cæteris virtutibus vt dictum est in disputatione de virtutibus in communi & in qq. de virt. Theol. & tamen parvuli sunt incapaces eliciendi aliquem actum. Immo & adultos contingit sæpe iustificari nullo elicto actu iustitiæ particularis; & tamen recipiunt virtutem iustitiæ sicut reliquas omnes virtutes supernaturales. Ergo non est de ratione iustitiæ constans & perpetua voluntas tribuendi.

Confirmatur à posteriori quia puer baptizatus cū peruenit ad vsum rationis, adultus recentèr baptizatus & qui per pœnitentiam expiauit peccata eo ipso habet iustitiā per se infusam; & nihilominus tam facile succumbit cuilibet tentationi ac difficultati aduersus actum iustitiæ; atque is qui nullū talem habitum recepit. Certè non eam experitur constantiam, quam experitur circa quamlibet operationem, qui propositum de illa efficax, hoc est constantem & perpetuam voluntatem prius concepit. Ergo non est de ratione habitus iustitiæ in communi quod in se contineat constantem eiusmodi & perpetuam voluntatem.

R. Iustitia in sacris litteris, & consilijs frequenter accipitur pro habitu incompofibili cum peccato lethali. Deinde apud sacros & prophanos Scriptores non minus familiariter ponitur pro collectione omnium virtutum. Vnde iustus dicitur perinde
atque

atque sanctus, & qui caret omni peccato lethali, quique in nullius deficit perfectione virtutis. Neutro ex his modo usurpatur in præsentis iustitiæ nomen, sed pro peculiari quadam virtute cuius obiectum est ius proprietatis hucusque explicatum, & in ordine ad quod definitur ab Ulpiano iustitiæ: *constans & perpetua &c.*

Quæ definitio ab omnibus recipitur, sed fere ab omnibus ita explicatur, ut potius emendari videatur. *Constans & perpetua* ponitur loco generis. Omni namque virtuti commune est, ut conferat facilitatem operandi in propria materia victricem difficultatum pugnantium aduersus eius actus, quod constantiæ nomine designatur; utque contineat in se propositum vniuersale nullo vnquam tempore, nullaque in re deferendi rectitudinem sibi propriam, quod perpetui nomine significatur. *Voluntas* non ponitur pro potentia sed pro actu voluntatis, qui sæpe adhibetur pro habitu præsertim à Iuristis, atque in præsentis sic proculdubio accipitur. Quia nullus actus ratione sui præcisè habet constantiam, & perpetuitatem, sed ratione habitus quem inducit propositum actuale firmiter retinendi in omni materia & opportunitate rectitudinē cui adhæret.

Ius suum, quod pertinet ad rationem differentialem, non ponitur pro iure actiuo & potestatiuo. Quod scilicet neque per iustitiam tribui, nec auferri per iniustitiam potest ut infra patebit. Ponitur ergo passiuè pro eo, quod cadit sub iure actiuo ac potestatiuo, & per ipsum tanquam per formā suam cuiusq; denominatur. *Vnicuique* non solum singulas personas, sed etiam quamlibet multitudinem & rem publicam integrā
com-

complectitur, quando gerit munus, ac vices personæ priuatæ, seu perinde cum alijs comparatur, atque si esset persona priuata. Particula *tribuens* accipienda est positivè, & negativè. Ad eandem namque virtutem pertinet dare nondum habenti, & non auferre iam habenti, quod suum ipsius est.

Ex his apparet definitionem istam optimè redactam esse in formam debitam à D. Thoma dicente quæst. 58. art. 1. *iustitia est habitus secundum quem aliquis constanti & perpetua voluntate ius suum unicuique tribuit.* Patet etiam eandem definitionem coincidere reipsa cum illa alia Philosophi cap. 1. dicti l. 5. *Eth. iustitia est habitus secundum quem aliquis dicitur operativus secundum electionem iusti.* Nempe habitus includit in se constantiam, & perpetuitatem circa suum obiectum. Vnde hæc duo maioris solum claritatis gratia adiunguntur habitui à D. Thoma, utque antiquæ definitioni maneret decus quantum posset. Nam secundum conceptum præcisum sufficit dicere: *Iustitia est habitus ius suum unicuique tribuendi; seu tribuendi unicuique quod suum est.* atque sic esse ferri solent à D. Thoma definitiones aliarum virtutum absque ulteriori expressione constantiæ, & perpetuitatis, licet ambæ sint omnibus virtutibus communes ut dictum est; neque quoad eas quidquam habet speciale iustitia. Particula *iusti* adhibita à Philosopho est magis idonea, quam *ius suum*, quod adhibetur ab Ulpiano ut liquet ex data, circa eam Ulpiani particulam, adnotatione. Quia iustum passivè, ius verò activè plerumque & aptius usurpantur.

Quod addit Philosophus, secundum electionem, est itidem commune omni virtuti morali. Qualibet enim est electiva sui obiecti

ti, ut medijs conducendis ad ultimum finem. Accipiendum autem id est in sensu formali, ut sit electio iusti quatenus iusti formaliter, & quia iustum est. Si quis enim operetur iustum, idque per liberam electionem eius, quod iustum est; non tamen quia iustum est formaliter, non elicit actum proprium virtutis iustitiæ. Cuius rei ratio reddita est, dum ageretur tum de virtutibus in communi, tum de bonitate & malitiâ actuuum humanorum.

Ex hoc principio deducitur obiectum, formale iustitiæ non esse, quod iustum est, seu quod debetur alteri debito iustitiæ, & quod per eandem iustitiam, unicuique tribuitur; sed ius actiuum, ratione cuius debetur, quod tribuitur, & quod præsupponitur in eo, cui per iustitiam tribuitur aliquid. Quia quod tribuitur per iustitiam nihil differt per se præcisè ab eo, quod tribuitur per liberalitatem, v. g. Eadem namque pecuniæ possunt tribui ex liberalitate, & ex iustitia, & sic de alijs. Ergo si id quod tribuitur per iustitiam, haberet respectu ipsius rationem obiecti formalis, obiectum formale iustitiæ nihilo differret ab obiecto formalis liberalitatis; arque ideo nihilo differret iustitia a liberalitate, quandoquidem distinctio virtutum fit per sola obiecta formalia ipsarum. Ergo aliquid distinctum ab eo, quod tribuitur per iustitiam, habet rationem obiecti formalis respectu ipsius. Hoc autem, non potest esse aliud quam ius actiuum per quod scilicet solum constituitur in ratione iusti, ac debiti, quod tribuitur.

Notandum est definitionem Vlpiani congruere multo magis iustitiæ acquisitæ quam infusæ. Et quidem certum est Vlpianum solum de iustitia acquisita, & naturali exponenda

nenda directè, & formaliter cogitasse. Nihilominus quia etiam Theologi solliciti vel maximè de iustitia supernaturali et infusa, omnes ad vnum amplectuntur cum D. Thoma definitionem Vlpiani, neque vllam præterea aliam definitionem, aut quærunt, aut exhibent, qua specialiter comprehendant iustitiam infusam, aut qua seorsim exponant quidditatem eius, necesse est accomodare, aliquo modo iustitiæ etiam infusæ constantiam & perpetuitatem attributas ab Vlpiano rationi communi iustitiæ, ne vsque adeo communis & vnanimis approbatio eius definitionis penitus contemnatur.

Constanti itaque & perpetuæ voluntati; idest proposito efficaci & vniuersali circa aliquam materiam duo principaliter conueniunt. Alterum est vis inclinandi voluntatem, atque alliciendi ad actus conformes proposito, eisdemque reddendi magis sperabiles, quam forent illo non præconcepto. Alterum est impossibilitas cum actibus contrariis in eadem materia. Habitui infuso conuenit hoc secundum, licet non conueniat primum. Quia habitus infusus expellitur per quemuis actum vitij oppositi grauius peccaminosum; atque propositum efficax, & vniuersale de vitando eiusmodi actui iniustitiæ est de ratione hominis simpliciter iusti. Peccata namque venialia iniustitiæ non faciunt iniustum, nisi tantum secundum quid. Habitui naturali iustitiæ conuenit è conuerso inclinatio & allicientia ad actus ipsius; & non conuenit impossibilitas cum actibus vitij contrarij etiam grauius peccaminosis.

Ergo licet diuersimodè. diuersisque titulis, æqualiter nihilominus, certè non valdè inæqualiter conuenit habitui infuso atque natu-

naturali, participatio voluntatis actualis constantis & perpetuæ de reddendo cuique, quod suum est. Commune præterea utique est ut in genere causæ efficientis contineat eandem voluntatem constantem, & perpetuam, & quidem cum excessu perfectionis ex parte habitus infusi. Atque hæc duo omnino sufficiunt; ut sub communi illa definitione comprehendantur utriusque generis habitus. Verum quia inclinatio & allicientia propria habitus acquisiti cadit sub experientiam manifestam, estque propterea notissima omnibus: impossibilitas verò cum actu contrario propria habitus infusi non cadit sub experientiam usque adeò perceptibilem, estque multò occultior, propterea apparet definitionem Vlpiani soli convenire iustitiæ acquisitæ; cum sit re ipsa communis etiam infusæ ut patet ex dictis. Ex quibus demum colligitur eandem definitionem esse absolutè bonam, & adequatam.

Ad 1. Non convenit virtuti constantia; & perpetuitas physica reddens impossibile physicè interitum ipsius; sed sola intentionalis reddens difficilem eundem interitum tam ipsius habitus secundum se, quam etiam actus data opportunitate operandi, uti explicatum est.

Ad 2. Dictum iam est ius in definitione sumi passivè, quo cessat difficultas objectionis.

Ad 3. Verum est non posse naturaliter inesse habitualem constantiam, & perpetuitatem quin præextiterit actualis: inesse tamen supernaturaliter potest, quin eadem præerit. Quia Deus supernaturaliter supplere potest causalitatem suam causalitatem nostræ voluntatis, eique indere habitualem dispo-

dispositionem æquivalētem modo superius
 exposito dispositioni habitæ per actus pro-
 prios. Quia Deus est causa cōtentiua nostræ
 voluntatis & omnium actuum honorum qui
 ex illa prodire possunt. Indidem & ex su-
 periori explicatione patet satis ad confir-
 mationem; verum definitio Philosophi, ex
 a & ius & maiori cum præcisione exprimens
 quidditatem iustitiæ secundum se, conuenit
 æqualiter iustitiæ acquisitæ & infusæ acce-
 pta ut iacet, ideoque est obseruanda magis
 licet sit minus vulgaris, uti contingit in
 profundiori quavis rerum expositione.

QVÆSTIO I X.

Vtrum sit proprium iustitiæ respice-
 re medium rei, & constituere
 æqualitatem rerum?

IDEBVR neutrum esse pro-
 prium ac speciale iustitiæ.
Vnde. Quia omnibus virtutibus
 moralibus commune, ac es-
 sentiale est quod respiciant
 medium rationis ut dictum
 est in disputatione de virtutibus. Medietas
 autem rationis dari non potest nisi quate-
 nus ratio inuenit medietatem in rebus. Quid
 enim est medium rationis, nisi medium diu-
 dicatum, ac constitutum per rationem in
 rebus? id est medium rei cognitum per ra-
 tionem. Vnde medium rei nihil conferre
 potest ad habitum & actum virtutis, nisi
 quatenus cognitum ut tale, & propositum
 voluntati per rationem; ac proinde nisi
 quæ

quatenus simul est medium rationis . Ergo medium rei & rationis respectu virtutis in idem prorsus recidunt . Quapropter nulla virtus ab alijs virtutibus differre potest per alterutrum ex his medijs; siquidem vtrumq. est commune omni virtuti specificatae per vtrumlibet ex illis.

2. Medium quod adscribitur virtuti morali à Philosopho & D. Thoma alijsque communiter est constitutum inter duo extrema vitiosa. Obiectum autem proprium iustitiæ non est constitutum inter duo extrema vitiosa. Quia dare plusquam debeas quod est alterum ex extremis, quibus interiacet tale obiectum, non est vitiosum per se, ut patet. Ergo obiectum iustitiæ non est medium neque rei neq. rationis.

3. Neque, æqualitas inter personas secundum se, neque inter res, aut iura earum intendi ac constitui potest per iustitiam. Quoad personas res est clara; quia personæ secundum se sunt æquales vel inæquales ex sua natura independentes ab actu iustitiæ; nèque iustitia quoad hoc quidquam præstare valet. Tam quoad res & iura si pertineret ad iustitiam constituere æqualitatem in illis, possent pauper, vilis & æger operando iuste, & satisfaciendo obligationi iustitiæ insidiari diuitijs, honori, & sanitati eorum, qui his bonis abundant, quo usque eos redigerent ad perfectam secum æqualitatem. Et è conuerso nemo posset præminere, cuiquam alteri vlla in re, aut iure rerum. Quibus nihil iniquius & absonantius esse potest. Ergo ratio iustitiæ potius consistit in retinenda æqualitate æqualium, & inæqualium inæqualitate, ac per consequens non magis spectat ad ipsam æqualem, quam in æqualem.

Re. D. Thoma quæst. 58. art. 10 cum Philosopho 2 Eth. cap. 6. docet iustitiam respicere medium rei, & per hoc eam differre à cæteris virtutibus moralibus, quæ respiciunt medium rationis, atque hoc ita inualuit apud auctores, ut habeatur veluti primum principium. Eodem recidit, quod iisdem affirmant per iustitiam constitui æqualitatem: medium nimirum rei esse æqualitatem inter extrema quorum est medium. Vnde Philosophus in præsentī l. 5. sub initium ac deinceps iustum & æquale; iustitiam & æqualitatem pro eodem prorsus usurpat, & ex mente D. Thomæ ea iustari dicuntur, ut relatū est supra in 1. quæst. quæ ad æqualitatem rediguntur. Quare soli iustitiæ tribuitur quod æqualitatem formaliter constituat. Cæteræ namque virtutes, ac præsertim caritas, tametsi æqualitatem aliquando constituent inter eum cui insunt, & alias personas non tamen id faciunt respiciendo formaliter æqualitatem; sed identicè tantum, ac materialiter atque hoc similiter inualuit apud omnes ut indubitatum.

Dicendum itaque est communem istam, sententiam & explicationem iustitiæ per illa prædicata esse procul dubio verissimam, in eo sensu in quo à Philosopho & D. Thomæ tradita est, quod ad iustitiā attinet, exequibilis per ipsam formaliter. Prima est æqualitas proportionis inter iura cuiusque, & res pertinentes ad ipsum; ut scilicet sicut se habent iura vnus ad iura alterius, ita omni nino se habeant res vnus ad res alterius terminantes eadem iura. Nempe huiusmodi æqualitate non seruata impossibile est, ut unicuique tribuatur quod suum est. Is enim cuius res magis excedentur à rebus alterius quam iura eiusdem à iuribus eiusdem, im-

possi.

possibile est ut habeat omne quod suum est. Habebit enim necessario minus. E converso si res excedant plusquam iura, necessario habebit magis quam quod suum est. Quatenus enim excedit habebit rem non suam, ut est manifestum; siquidem res sit sua cuiusque ratione iuris circa eandem. Eadem est ratio ut patet si iura sint paria & res impares. Ergo æqualitas proportionis inter iura & res cuiusque est procul dubio de ratione iustitiæ.

Secunda æqualitas est inter datum, & acceptum, per contractum aut quasi contractum, siue voluntarium siue inuoluntarium. Si enim duo ita inter se comparentur, ut singuli habeant octo atque alter eorum, dans tantum duo accipiat quattuor, ex æqualibus fiunt inæquales aduersus iustitiæ leges quibus satis fieri non poterit quo usque is qui accepit quattuor; duo insuper alia reddat; & sic iterum reddantur æquales ex inæqualibus. Hoc enim non ita præstito impossibile erit ut unicuique tribuatur quod suum est, quod tamen ad iustitiam pertinet, ut constat ex eius definitione. Quia verò quoad hoc eadem omnino ratio, est siue supponatur æqualitas materialis rerum & iurum ante contractum, aut quasi contractum, siue supponatur inæqualitas contraria, patet semper ad iustitiam spectare ut constituat æqualitatem inter datum & acceptum.

Tertia æqualitas est formalis per conformitatem ad leges, & conventiones hominum, omnibus, & singulis hominibus omnino æquales. Quam in rem notandum est, lege & conventionem omnino æquali formaliter respectu duorum, posse suboriri inæqualitatem materiale inter eosdem, ita ut lex, & conventio faveat æqualiter utrique.

& vterque æqualiter in eam consentiat iuxta rectam rationem, & amorem sui illa directum; & nihilominus per diuisionem rerum, ac iurium conformem tali legi, & cōuentioni euadant valde inæquales inter se, quo ad iura, & res vnicuique contingētes. Conspicitur hoc clarè in contractu sortis, qui licet sit æqualis respectu vtriusque contrahentis, vt pote, exponens vtrumque periculo, & spei æqualibus; euētus tamen necessariò est in æqualis fauens vni, & aduersus alteri, adeoque alterum alteri constituens materialiter inæqualem. Simile quid contingit in omni vniuersaliter inæqualitate quoad iura humana, & quoad terminos eorum. Omnis enim acquisitio iuris dependet à conuentione hominum quā implicitè, vel explicitè consentiunt omnibus modis, qui de facto existunt, acquirendius, eamque conuentionem lex adeo lata confirmet vt insinuatum est quæst. 5. & exponetur amplius infra agendo de rerum diuisione.

Itaque qui obtinent res inæquales cum iuribus similiter inæqualibus sunt inæquales inter se tantum materialiter, æquales verò formaliter, quatenus ea inæqualitas originem ducit ex lege & conuentione æquali respectu omnium. Quare iustitia pauperis tribuens diuiti ius suum, & diuiti tribuens pauperi suum constituit quidē materiale inter illos inæqualitatem; retinet tamen formalem inter eosdem æqualitatem, quatenus ea inæqualitas est conformis primæ legi & conuentioni ambobus æqualiter fauenti, atque ab ea originem ducit. Et contra si pauper rapiat diuiti medietatem bonorum, hoc verè cōstituit quidē æqualitatem materiale, sed corrumpit

pit æqualitatem formalem per difformitatē cum primæua lege, & conuentione æqualē simpliciter & secundum se respectu vtriusq. sed inducente hic, & nunc inæqualitatem materiale iurium, & rerum inter illos propter eandem illam æqualitem coniunctam cum disparibus alijs circumstantijs, & conditionibus conferentibus ad acquisitionem iurium, & rerum ex præscripto eiusdem legis & conuentionis.

Tertia ista æqualitas conueniens obiecto iustitiæ per denominationem à primæua diuisionum lege omnibus hominibus æquali est propria iustitiæ naturalis, quam solam Philosophus considerauit; necnon & iustitiæ supernaturalis dissidentis à naturali, quoad bona naturalia, præcisè ex motiuo, vti dissidet, ea, quæ datur de facto. Hæc enim eandem diuisionem, & diuisionum legem, obseruat, quam obseruat iustitia naturalis existente inter ipsas diuersitate ex ordine ad finem quem respiciunt & non ex quantitate rerum. Cæterum supernaturaliter potuit ab initio constitui lex diuisionum nō fauens æqualiter omnibus, nec constituens omnes in spe & periculo per se æquali acquirendorum iurium, & rerum. Nihil enim Deum impedire potuit quo minus ita flaueret si voluisset. Arque in hoc euentu iustitia nō debuisset obseruare æqualitatem istam tertio loco explicatam, sed solum duas alias quæ præmissæ antea fuere, quæque sūt de conceptu quidditatiuo iustitiæ, vt sic & in communi, & quæ proinde sunt æqualitates intentæ à Philosopho & D. Thoma, alijsque communiter.

Quod ad medium attinet obseruandum à iustitia, certum imprimis est commune esse iustitiæ cum cæteris virtutibus morali-

bus, ut debeat respicere medium propositum à ratione prudenti, utque sufficiat ad actum proprium ipsius, si amplectatur obiectum propositum ut medium inter excessum & defectum, tametsi reipsa non sit medium, quod proponitur; sed alterum ex extremis per se vitiosis. Certum similiter est medium quod respiciunt reliquæ virtutes morales distinctæ à iustitia, consistere inter aliqua extrema realia, & eatenus medium ipsarum dici posse medium rei. Falsum nihilominus est nullam propterea superesse rationem specialem, ob quam medium, quod spectat ad iustitiam dicatur medium rei; & quod spectat ad alias virtutes medium rationis: non verò è conuerso.

Dicendum igitur primo, est dari medium quoddam reale situm inter duo extrema vitiosa; atque hoc medium positum esse, ut docet Philosophus loco paulo ante citato, & in præsentī cap. 4. inter damnum & lucrum, siue inter plus & minus relatiue ad ius exercentis iustitiam & eius circa quem exercetur. Lucrum dicitur à Philosopho quod cuique contingit ultra id, ad quod habet ius; damnum verò quod cuique deest ex ijs, ad quæ habet ius. Quare plus habere quam debeas, est lucrum; & minus habere quam debeas, damnum. Hæc duo extrema sunt vitiosa ut patet. Qui enim plus habet quam debeat habere, facit contra legem, ratione cuius debet non tantum habere; ac per consequens facit contra eandem legem, qui est causa ut alter habeat minus quam debet habere, quia neutri tribuitur præcisè quod suum est, sed alteri plus, alteri minus. Inter hunc igitur excessum ex vna parte, & defectum ex alia, qui sunt extrema vitiosa, constituit medium iustitia auferendo ab

excedenti medietatem excessus, eademque medietate in alterum translata; & similiter auferendo medietatem defectus seu inferioritatis, quam alter patiebatur. Si enim duo ita inter se comparentur, ut uterque habeat ius ad sex, atque alter ultra sex ad se pertinentia usurpet duo, eo ipso is habet octo. & alter non nisi quatuor; ac proinde, excessus ex vna parte & defectus, seu inferioritas ex alia est penes quatuor. Diuisis autem utrinque ijs quatuor in duas medietates, atque alterutra medietate in alterum translata, quod fit per virtutem iustitiæ, rediguntur ambo ad æqualitatem, & constituitur medium inter lucrum, & damnum; inter plus & minus. Patet igitur virtutem iustitiæ consistere in medio inter lucrum & damnum, plus & minus, quæ sunt extrema vitiosa.

Dicendum rursus est, virtutem iustitiæ rectè per hoc distingui à cæteris virtutibus, quod ipsa respiciat medium rei, reliquæ verò medium rationis. Quia iustitia præcipuè ac præcisè attendit ad medietatem rei, nec satisfat obligationi eius, donec ea medietas executioni mandetur, quantumcumque medietas rationis ponatur à parte rei. Reliquæ verò virtutes præcipuè, ac præcisè attendunt ad medietatem rationis, eaque posita nulla ulterius superest obligatio ipsarum propria. Qui enim bona fide soluit decem credens, se nihil plus debere non propterea extinguit debitum, si i ipsa debebat viginti; sed cognito errore tenetur reddere alia decem non secus, ac si mala fide soluisset inito. At qui in materia alterius virtutis moralis passus est ignorantiam inuincibilem, & operatus est conformiter ad dictamen fundatum in illa, nihil resarcire te-

metur cognita postea veritate . Si enim vno die plus comedit quam deberet simpliciter, non propterea sequenti die tenetur minus comedere vt compenset excessum materiallem diei antecedentis, sed, perinde omnino, atque si die antecedenti nullus excessus materialis extitisset, dummodo in sequentem diem non resultauerit inde diuersitas ;. Et sic in cæteris similiter virtutibus, & earum actibus contingit, ita vt obligatio præsens pendeat ex præsentis dispositione subiecti & obiecti, & non ex eo præcisè, quod excessit siue ex parte rei, siue ex parte operis, seu bona, seu mala fide peracti .

Deinde mensura rectæ rationis non consistit in indiuisibili in materia aliarum virtutum, & variatur pro varia conditione subiectorum, & circumstantiarum ; atque adeò medium per illas intentum pendet ab arbitrio prudenti singulorum conferente materiam, circa quam agendum est cum persona operante, idque quoties agendum est . At mensura rationis in materia iustitiæ consistit in indiuisibili ; & eius medium est idem respectu omnium, & hæret rei inuariabiliter ; eaque propter merito dicitur medium rei, cum ob oppositam rationem medium cæterarum virtutum dicatur medium rationis .

Medium istud rei quod attribuitur iustitiæ coincidit : cum triplici illa æqualitate, quam dictum est per iustitiam constitui ; solumque differunt per diuersos comparationum modos, ac terminos, relatè ad quos res eadem consideratur . Rursus idem medium rei, & quodlibet æquale ex illis tribus coincidit cum eo, quod suum cuiusque est, seu cum iusto passivè sumpto, solumque differunt ratione vt dicit Philosophus eodè illo cap. 4

Quare

Quare ad exercitiũ iustitiæ perinde est
vtrumlibet ex his formaliter cognoscere.
Coincidit præterea plus de bono, cum mi-
nus de malo. Quia ipsum minus de malo est
quoddam bonum. Vnde ad iustitiam spectat
constituere medium inter minus & plus de
malo, eodem prorsus modo quo dictum est
de medio inter plus & minus de bono.

Licet autem obiectum iustitiæ consistat in
medio inter duo extrema vitiosa, vt liquet
ex somnibus quæ hucusque dicta sunt; ac
proinde iustitia ipsa consistat in medio ob-
iectiue & causatiue. Quid est illi commu-
ne cum cæteris virtutibus moralibus. Ni-
hilominus habitus iustitiæ non est mediũ
inter duos habitus vitiosos, atque adeo for-
maliter non consistit in medio iustitia. Quæ
differt à reliquis virtutibus moralibus, non
solum obiectiue & causaliter consistentibus
inter duo extrema vitiosa, sed etiam forma-
liter inter duo vitia. Ratio huius differen-
tiæ est. Quia extrema vitiosa, quæ vitat iu-
stitia, sunt mutuo inseparabilia. Vnde
prouenit non posse in ordine ad illa dari,
nisi vnicum habitum vitiosum. Quo nam-
que habitu aliquis est causa, vt ipse plus
habeat, quam debet habere; eodem est cau-
sa, vt alius habeat minus, quam debet ha-
bere. E conuerso quoque habitu est causa vt
alius minus habeat; eodem est causa, vt ipse
plus habeat formaliter vel saltem æquiva-
lenter; quam debet habere. Licet enim
possit aliquis esse causa, vt alius minus ha-
beat destruendo præcisè, vel distrahendo
eius bona; quia tamen bona alterius, seu
destruenda, seu distrahta inferuiunt destru-
entis, seu distrahentis delectationi perinde ac
si essent propria eius bona, atque delectatio
est fructus cæterorum bonorum, propterea

æquivalente, & in fructu ea bona sibi usurpat, & perinde reputatur, atque si ea retineret. In alijs virtutibus non ita res habet; quia extrema vitiosa illis opposita sunt inuicem separabilia immo & impossibilia, magisque dissidentia inter se, quam à medio virtutis. Certè quoad separabilitatem res est clara, quia nemo simultaneè plus erogat & minus, quam par est; idemque cernitur in cæteris eiusmodi. Constat igitur ex his omnibus ad virtutem iustitiæ essentialiter pertinere mediocritatē rei; & æqualitatem rerum, atque per hoc ipsam differre à cæteris omnibus virtutibus.

Ad 1. medium proprium iustitiæ dicitur medium rei non per exclusionem rationis proponentis illud voluntatis; sed per exclusionem rationis constituentis illud diversimodè respectu singulorum facta comparatione specialiterum singularum cum singulis personis hic & nunc; & quia mensura totius obligationis, quæ est propria iustitiæ, non pendet à solo dictamine rationis existente cum exercetur operatio virtutis, ut contingit in cæteris, virtutibus, & notatum est supra.

Ad 2. Illud argumentum laborat falsa suppositione. Supponit nimium extrema, quibus interiacet medium iustitiæ ex sententia Philosophi & aliorum, esse dare plus vel minus quam debeas, & non reperiri aliæ extrema vitiosa quibus interijci possit. Quod iam constitit esse falsum. Dictum enim est medium iustitiæ consistere inter plus unius personæ & minus alterius, quam cuique debeat, quorum alterum ab altero est inseparabile. Cum plus & minus contraria cæteris virtutibus considerentur respectu unius tantum eiusdemque personæ, vel si aliquando

aliquando respectu plurium, vniformiter tamē & per modum vnius; eaque sint inuicē separabilia, imò & impossibilia.

Ad 3. Liquet ex dictis supra æqualitatem absurdē vsurpari in obiectione, & omninò præter mentem Philosophi, D. Thomæ & aliorum communiter, qui videlicet loquuntur de æqualitate formali, ac proportionali iuxta leges, & iura; non de illa materiali personarum, & rerum secundum se, quæ vitur obiectione.

QVÆSTIO X.

Vtrum Iustitia versetur circa solas operationes, an etiam circa passiones?

IDETVR circa vtrasque æqualiter versari, neque quoad hoc vllum esse discrimen inter iustitiam & ceteras virtutes morales, quia ex Philosopho 2 Eth. cap. 3. omnis virtus moralis versatur circa voluntates & dolores seu tristitias, quæ certè sunt passiones. Ergo omni virtuti morali commune est, vt versetur circa passiones; tanquam circa propriam materiam. Rursus ex eodem ibidem capite 6. virtus vt sic & incommuni definitur: *quæ bonum facit habentem, & opus eius bonum reddit*. Ergo commune non minus est omni virtuti, vt versetur circa operationes; quas scilicet bonas reddere minimè potest, quin versetur circa easdem. Ergo neutro ex capite potest esse

84 De materia iustitiæ.

Vlla differētia inter iustitiā, & alias virtutes.

2. Neque iustitia potest exequi operationes suas non superatis passionibus, quibus illæ redduntur difficiles; neque fortitudo, & temperantia possunt superare passiones, nisi ut exequantur operationes pertinentes ad vnamquamque illarum, utque eliciantur actus profecutiuos honestatis, cui aduersantur passiones. Ergo commune est omni virtuti morali, ut circa operationes, & passiones indiuisim versetur.

3. D. Thomas quæst. 58. art. 8. & 9. eadem ratione qua docet iustitiam non circa passiones, sed circa operationes versari, docet idipsum de omnibus partibus iustitiæ tam potestariis, & integralibus, quam subiectiuis. Patet autem eas iustitiæ partes versari circa passiones. Liberalitas enim ex.gr. quæ est pars potestatiua iustitiæ, moderatur nimium amorem pecuniæ, qui est passio concupiscibilis, & sic de cæteris similiter.

4. Quælibet virtus ex proprio motiuo potest superare quamlibet sui operis difficultatem, vnde cūque illa proueniat. Continet enim in se propositum vniuersale semper & pro quolibet circumstantia adhaerendi suo motiuo; atque de iustitia dictum est signanter disput. 8. contineri in ipsa huiusmodi propositum tribuendi unicuique quod suum est. Tale autem propositum opponitur omni contrariæ difficultati, ut per se satis patet, & in exemplo posito liberalitatis nemo dubitat, quin possit per eam immediate superari nimius pecuniæ amor illi resistens. Et cuius pretij esset virtus, quæ quantum est de se, cuius etiam minimæ motioni cuiusvis passionis inclinantis in contrariam necessario cederet, nisi per aliam virtutem ipsi subueniretur?

5. Licet

5. Licet ut aliquod opus sit materialiter iustum solum requiratur esse reipsa commensuratum iuri alterius ex quocumque demum motivo ac intentione fiat; tamen ut sit formaliter iustum necesse est fieri ex motivo proprio ac speciali iustitiæ. Quia hoc est de ratione virtutis tam in communi, quàm in particulari uti superius dictum est & alibi demonstratum. Hinc autem colligitur opus formaliter iustum non posse fieri absque victoria alicuius passionis. Quia motivo iustitiæ opponitur circa redditionem pecuniæ avaritia, idemque proportionaliter contingit in quavis alia materia tam ipsius iustitiæ quam omnium aliarum virtutum, quæ sunt partes ipsius. Corruptio enim corporis & passiones in illa fundatæ reddunt nos pigros, atque difficiles ad omne opus formaliter bonum. Similiter autem contingit in actibus fortitudinis & temperantiæ. Fieri si quidem potest, ut actio materialiter tantum fortis, aut temperata fiat absque victoria passionis; quia ignoratur periculum mortis actioni reipsa coniunctum, aut quia ceditur alicui alij passioni; idemque dicitur de voluntate turpi, cuius vitatio connexa actioni, quæ exercetur, aut ignoratur aut oritur ab alia passione. Ergo victoria passionis contrariæ etiam in alijs virtutibus requiritur solum ad ipsarum actiones formaliter tales. Ergo iustitia versatur circa passiones eodem prorsus modo, quo versantur circa easdem reliquæ virtutes morales, adeoque directe etiam & per se.

R. Philosophus cap. 1. 2. & 4. & D. Thomas quæst. 58. art. 8. & 9. docent materiam iustitiæ esse solas operationes exteriores ordinatas ad alterum; fortitudinis verò & temperantiæ esse solas passiones; solumque
indi.

indirectè iustitiam circa passiones , & reli-
 quas virtutes circa operationes exteriores
 ad alterum versari . Quæ sententia ab om-
 nibus vnanimi consensu recipitur , dempto
 Buridano, cuius fundamentis nuper propo-
 sitis, vt occurratur duo sunt præferenda ,
 alterum spectans ad quæstionem de voce ,
 alterum spectans ad quæstionem de re . Ad
 quæstionem de voce spectat effectus virtu-
 tum , qui sunt ad alterum , nomine ; opera-
 tionum communiter censerī ; qui verò non
 sunt ad alterum actiones simpliciter , non
 operationes appellari . Vnde fit iustitiam &
 omnes eius partes ; quia sunt ad alterum ,
 versari circa operationes, & nō circa actio-
 nes; ceteras verò virtutes circa actiōnes, &
 non circa operationes iuxta communem
 loquendi modum .

Ad rem autem spectat virtutes omnes ad
 hoc dari, vt superent aliquam difficultatem,
 ac arduitatē actionis seu operationis ho-
 nestæ . Nempe ad actus nullo ex capite dif-
 ficiles ac arduos nulla est necessaria , nulla-
 que datur virtus . Superflueret enim &
 quod virtuti repugnat, esset inutilis habēti.
 Iustitia autem & eius partes hoc differunt
 à fortitudine & temperantia , earumque ,
 partibus; quod actus istarum redduntur dif-
 ficiles solū ex renitentia passionum : Actus
 verò iustitiæ sunt difficiles ex suo obiecto
 præcisè independenter etiam à renitentia
 passionum . Quare reliquæ virtutes ita ve-
 stantur circa passiones; vt illis semotis dandæ
 non forent, nec essent vlla ex parte neces-
 sariæ; iustitia verò illis etiam semotis esset
 necessaria, & daretur .

Discrimen istud obseruauit optime, & de-
 monstrauit D. Thomas 1. 2. quæst. 56. art. 6.
 & quæst. 60. art. 2. & 3. vbi notat aliud esse
 bonum

bonum unicuique proportionatum secundū speciem & indiuiduum ; aliud excedens proportionem potentie, vel secundum speciem, vel secundum indiuiduum . Bonum, respectu cuiusque proportionatum secundū speciem & indiuiduum , est bonum propriū cuiusque secundum se considerati, seu quod habet rationem boni respectu cuiusque secundum se . Bonum excedens proportionē cuiusque secundum indiuiduum tantum est bonum proximi ; quod scilicet non differt à bono proprio secundum speciem , sed secundum indiuiduum tantum . Bonum excedens proportionem cuiusque etiam secundum speciem est bonum diuinum ; distans scilicet infinite à bono proprio cuiusque, secundum se . Si comparatur voluntas cum bono sibi proportionato , id est proprio volentis secundum se , non indiget ad prosecutionem eius ullo habitu , aut virtute sibi superaddita per se loquendo . Quia ad bonum proprium & proportionatum cuiusque potentie abunde sufficit inclinatio eius innata , si non adsit aliquod aliundè impedi- mentum , aut difficultas . At verò ad prosecutionē boni minimè proportionati, quale est bonum diuinum, & omne bonum alienū, quatenus alienum , tantèsi nullum aliundè adsit impediementum aut difficultas , indiget voluntas habitu, licet nō vt simpliciter prosequi illud possit ; benè tamen vt facile possit ac promptè . Quia bonum alienum non, vsquē adeo allicit ; nempe bonum est amabile ex sua ratione , unicuique autem proprium vt docet Philosophus, & testatur experientia affectus erga bonum proprium, valde solliciti , languentes verò naturaliter erga alienum .

Deinde,

Deinde, ut de bono diuino nihil pronuntietur, de cuius arduitate alia insuper ratio est, nec ad punctum præsens pertinet immediatè, & paulo post obiter de eo dicitur; circa bonum proximi, præsertim quod per iustitiam exhibendum est, adest peculiaris ratio difficultatis, quæ ex eo prouenit: quod vnusquisque naturali inclinatione appetit præminere alijs præsertim quoad libertatem & amplitudinem terminorum, intra quos ipsa continetur. Istos terminos ampliat iniustitia plusquam par est, & iustitia impedit quominus ita ampliuntur, ut superius dictum est. Inest ergo peculiaris difficultas obiecto iustitiæ, propter quam, ad illius prosecutionem promptam ac facilem necessaria sit specialis virtus; idque independentè à passione contraria. Quia appetitus partis sensitiuæ seu passio dirigitur cognitione materiali, quæ non est collatiua, vnius extremi cum alio, ideoque iudicare, non potest de præminetia vnius supra alium. Quare nimius appetitus præminetia est vitium partis rationalis, ut rationalis est, Angelis quoque communis naturaliter; nec prouenit formaliter à passione, sed tantum materialiter, quatenus per passionem propendimus ad ea bona secundum se considerata, quorum consecutione vnus alteri præminet quoad amplitudinem terminorum libertatis. Quapropter nemo potest esse formaliter iniustus ex motiuo proprio actus iniusti præcisè propter passionem, sed propter nimium affectum formaliter rationalem, ita contrarium dictamini rectæ rationis, ut tamen sequatur ductum cognitionis formaliter rationalis, & habentis locum etiam in substantia purè spiritali. Patet igitur ex
ijs

ijis adesse rationem specialem, ob quam reliquis virtutibus moralibus potius, quam iustitiæ adscribantur passiones tanquam materia propria, circa quam versentur.

Verum ut hoc ipsum innotescat clarius, eximanturque manifestius passiones à materia propria, & peculiari iustitiæ, notandum est ulterius, nullam virtutem moralem habere æquales vires resistendi omnibus difficultatibus, & passionibus impellentibus ad actum vitij contrarij; sed vnam quamlibet quibusdam principaliter, & maiori cum vi; alijs verò minus principaliter, minusque constanter resistere. Alias enim omnes indiscriminatim passiones æqualiter essent materia cuiuslibet virtutis. Quia nulla est virtus, cui non aduersetur quælibet passio pro aliqua circumstantia & rerum dispositione. Castitati enim ex. g. contradicit avaritia, quando occurrit voluptas lucrosa promittente pecunias sollicitatore; similiterque contradicit timor eodem minanti necem, si sibi non consentiatur; & si minetur infamiam, contradicit superbia. Contradicet verò semper luxuria. Idem de cæteris omnibus, tum virtutibus, tum passionibus eodem modo comparatis deprehendi facile poterit.

Sequela autem, quod omnes indiscriminatim passiones æqualiter sint materia cuiusvis virtutis moralis, est absurda tum propter vnanimem omnium auctorum consensum destinantem singulas seorsim virtutes moderandis singulis contrariarum passionum binarijs: tum quia data qualibet virtute superfluerent reliquæ eodem prorsus modo & ratione atque superfluit, data vna virtute fortitudinis, alia rursus fortitudinis

dinis virtus intra idem genus & in eodem subiecto ad moderandos timores .

Dicendum igitur est vnamquamque virtutem moralem primo & principaliter, maioriq; cum vi resistere difficultati quæ est inseparabilis per se à motiuo eiusdem virtutis, & quod proinde opponitur formaliter ac directè motiuo vitioso, ex quo oritur difficultas contraria . Hoc modo comparantur inuicem fortitudo, & timores, quos inveniunt obiecta terribilia ; nec non temperantia, & voluptates tactus ; quibus proinde passionibus maiori longè vi resistunt singulæ singulis proportionatæ, quàm è conuersò . Ratio est quia quoties exercetur actus alicuius virtutis, toties concipitur propositum formale & explicitum de facienda resistentia passioni & superanda difficultate directè, & formaliter sibi contradicenti, & inseparabili per se à motiuo eiusdem virtutis . De resistentia verò facienda alijs passionibus deque alijs difficultatibus superandis solum concipitur per se propositum implicitum, & in genere, seu vagum . Manifestum autem est, propositum formale, & explicitum de aliqua re in particulari longè prævalere viribus & efficacitate supra propositum implicitum, & in genere, seu vagum, dum cætera sunt paria .

Iam difficultas huiusmodi specialiter vincenda per virtutem iustitiæ oritur ex appetitu prælationis aut minoris inferioritatis respectu alterius, quoad terminos propriæ libertatis . Hic enim appetitus occurrit semper, & repugnat iustitiæ in quacunque materia versetur . Semper enim iustitia ius suum unicuique tribuit, ac proinde continet libertatem agentis iustè intra proprios terminos .

nos nō augendo illos neque secundum se, per additionem bonorum, neque comparatiuè per diminutionem alienam. Passiones autem contradicentes iustitiæ sunt diuersæ pro diuersitate iurium, quæ reddit unicuique. Nam cum reddit pecunias, resistit auaritia; cum honorem, superbia; cum sanitatem & integritatem corporis sæpe ira, sæpe timor; & sic iuxta alias varietates materiæ, & circumstantiarum variantur passiones resistentes. Quapropter nullius passiones determinatè superandæ propositum formale, & explicitum includitur vniuersaliter in omni actu iustitiæ; sicut includitur propositum seruandæ æqualitatis & resistendi inclinationi innatæ ad præminentiam. Patet igitur ceteras virtutes versari formaliter & explicitè circa passiones, & præcisè ratione ipsarum esse necessarias, & non propter actiones, quibus incumbunt, secundum se consideratas: iustitiam verò è conuerso versari formaliter & explicitè circa operationes, esseque necessariā ratione difficultatis, quæ inest ipsis secundum se, & non ratione aliquius passionis determinatè, sed neque indeterminate præcisè ratione passionis. Quod erat ostendendum pro defensione opinionis communis, & veræ.

Ad 1. Philosophus in posteriori illo testimonio vsurpat opus in latiori significatione, prout complectitur omne genus actionū immanentium & transeuntium; ordinatarum & non ordinatarum ad alium. Quod non tollit quominus eadem vox vsurpetur familiariter in significatione strictiori pro sola actione ordinata ad alterum, vt vsurpatur à D. Thoma in præsentī, & à Philosopho alibi sæpe. Ad priorem locum respondet D. Thomas quæst. 58. art. 3. ad 1. iuxta doctrinam

Nam Philosophi, tum illo cap. 3. tum maxime 7. Eth. cap. 1. non omnem virtutem moralem versari circa voluptates & tristitias sicut circa materiam propriam; quandoquidem fortitudo versatur circa timores & audacias, quas patet non coincidere cum voluptatibus, & tristitijs, seu doloribus, quibus moderandis præest temperantia.

Voluptas igitur, & iustitia sunt communes omni virtuti morali non sicut materia eius actioni subiecta, sed sicut finis ad eandem actionem consequens. Nam qui habet habitum alicuius virtutis post operationem illi conformem afficitur magna & speciali quadam voluptate; tristitiâ verò post operationem defectuosam contrariam. Et hoc modo iustitia etiam versatur circa voluptates & tristitias, Nec enim est iustus, qui non gaudet operationibus iustis, ut habetur 3. Eth. cap. 8. & consequenter neque is qui non tristatur de operationibus iniustis. Cōstat hanc interpretationem esse legitimam, ex eodem illo loco cuius pars assumitur in obiectione, omisâ ratione Philosophi, quæ continet in se solutionem datam. Subiungit enim sic: *præterea si virtutes sunt circa affectus, atque affectus; omnem verò affectum actionem voluptas sequitur aut dolor; virtus ob id ipsum circa voluptates doloresque versatur; consequentes utique & habentes rationem finis; non verò materiæ peruenientis rationem & moderandæ per eandem, siquidem sermo est de voluptate & dolore, qui sequitur affectum, & actionem.*

Ad 2. Concesso antecedenti distinguitur consequens: ergo commune est omni virtuti morali ut circa operationes & passiones indiuisim versetur respiciendo utrasque, formaliter & æquè directe, ac principaliter
abique

absque vlllo quo ad hoc discrimine inter virtutes ; Negatur consequentia . Cum discrimine ita vt aliæ virtutes respiciant passionnes formaliter & directè , actiones verò secundum se identicè & minus principaliter : aliæ autem è conuerso ; conceditur consequentia . Huiusmodi distinctionem omnes admittant necesse est pro distinctione diuersarum passionum circa quas, sicut circa materiam propriam versantur diuersæ virtutes ; cum ostensum sit quamlibet virtutem cuiuslibet passioni aliquammodo resistere .

Itaque D. Thomas & cæteri communiter Theologi non affirmant iustitiam & eius partes subiectiuas, ac potestatiuas respicere operationes tanquam materiam adequatam respectu sui, vt excludant omninò passionnes ; neque fortitudinem & temperantiam ita respicere passionnes, vt excludant omnino operationes seu actiones ; sed illis attribuant operationes, ijs verò passionnes tanquam materiam præcipuam, & per se ob rationem datam . Frequentissimum porro est, vt quod est in vnoquoq; præcipuum, & per se, dicatur de ipso simpliciter, vtque ex eo desumatur absolute denominatio, perinde atque si id in ea re vnicè reperiretur. Certè differentia vocum qua vsus est D. Thomas est admodum accommodata ad significandū discrimen reale quod expositum est inter iustitiam, & alias virtutes .

Ad 3. Notandum est ex D. Thoma q. 13. de malo art. 1. avaritiam, vt est inordinatio affectus, opponi liberalitati, & sub ea ratione habere vitium contrarium prodigalitatē ; at verò vt est extra in re ; idest vt significat appetitum inordinatum partis rationalis independentem a motu appetitus sensitiui, & fundatum in natura rei exterioris cōparatā cum

cum natura rationali defectuosa , quatenus prona ad præminentiam quo ad bona exteriora ; hoc inquam modo sumptam auaritiā opponi iustitiæ , & sub hac ratione non habere vllum vitium ; contrarium . Cuius ratio exposita est in quæst. præcedenti .

Dicendum igitur est liberalitatem , quæ est pars iustitiæ tantum potestatiua , vtpotè partim conueniens cum iustitiā , partim dissidens ab eadem non opponi formaliter & directè auaritiæ , vt est inordinatio affectus & passio partis sensitivæ , quatenus conuenit cum iustitiā , sed quatenus differt ab eadem . Quod omnino conuincit discursus superius factus circa difficultatē formaliter , & explicitè superandam per iustitiā . Idem proportionaliter conuenit cæteris partibus potestatiuis iustitiæ . Quare dum dicitur partes subiectiuas , & potestatiuas , aut etiam integrales iustitiæ versari circa operationes , & non circa passionēs ; accipiendum id est de partibus quidem subiectiuis absolutè & absque limitatione ; de cæteris verò cum hac limitatione formaliter quatenus conueniunt cum iustitiā , seu ratione eius prædicati , quod est ipsis commune cum iustitiā .

Ad 4. & 5. Patet ex dictis quamlibet virtutem posse ex vi sui motiui superare omnes & quolibet difficultates operis pertinentis ad ipsam ; non tamen æqualiter eodemque modo , sed aliquas cum speciali & maiori vi atque directè & vniuersaliter ; alias verò non ita : atque difficultatē eo modo specialiter superandam a virtute iustitiæ esse independentem formaliter ab omni passione , neque formaliter provenire a corruptione corporis , sed esse per se separabilem ab ea . Quod non ita contingit in virtutibus reliquis , de quibus loquitur obiectio cum
confu-

confusione eius quod se habet per se, & est principale ac vniuersale cum eo, quod nequaquam tale est.

QVÆSTIO IX.

Vtrum iustitia particula is differat specie à iustitia legali?

IDETVR non differt.
1. Quia vnum, & multa non diuersificant speciem virtutis. Quod tanquam primum principium admittitur ab omnibus; & confirmatur, quia eadem virtute redditur ius suum, quod multis indiuisim debetur, & quod debetur vni scorsim; atque eadem siue liberalitate siue misericordia subuenitur multis & paucis; vni & pluribus. Communitas autem, cuius bonum respicit iustitia legalis, differt à singulis contentis in communitate, quorum bonum respicit iustitia particularis; sicut vnum & multa; ac per consequens bonum communitatis differt à bono singulorum, tanquam bonum multorum à bono vnius. Ergo neutrum bonum differt ab altero specie. Ergo neque virtus circa alterum differt specie à virtute circa alterum.

2. Vnaqueque persona particularis includitur in Republica tanquam pars illius, & bonum totius est bonum vniuscuiusque partis; atque è conuerso. Ergo virtus ordinans ad bonum commune, seu ad bonum Reipublicæ sufficienter ordinat ad bonum partis, seu particularis cuiusque personæ. Ergo posita iustitia legali erga Rempublicam, superflua

persequit iustitia alia particularis erga singulos. Repugnat autem virtuti esse superfluum.

3. Si admitteretur iustitia particularis distincta à legali, admittenda consequenter essent multæ iustitiæ legales, specie distinctæ iuxta multiplicitem communitatū. Alia namque constituenda esset pro tuendo bono familiæ; alia pro bono tribus; alia pro bono Ciuitatis; alia pro Regni; & sic de alijs vsque dum deueniatur ad vnam iustitiā legalem providentem bono totius generis humani; quod nimirum est quædam vna Respublica sub vno Principe Deo cōstituta. Hæc autem tanta iustitiarum legalium specifica distinctio & multitudo est contra cōmunem hominum sensum doctis absonans & indoctis. Neque tamen videtur sequelam negari posse, quia tanta est distantia vnius familiæ à tribu, & huius à Ciuitate, & sic de cæteris; atque est vnius hominis à familia. Ergo si virtus respiciens bonum vnius hominis differt specie à virtute respiciente bonum commune familiæ, virtus respiciens bonum familiæ differt etiam specie à virtute respiciente bonum tribus, vel Ciuitatis aut Regni.

R. Iustitia legalis dupliciter vsurpatur; primum pro habitu eliciente actus conformes legi. Atque hoc sensu iustitia legalis non est vna aliqua species virtutis, sed collectio omnium virtutū: quia leges disponunt de omnibus vniuersim & singulis quæ pertinent ad honestatem. Vnde nulla est virtus, quæ non eliciat actus conformes legi. Iustitia igitur particularis differt inadæquatè à iustitiā legali eo modo vsurpata. Differt enim vt pars à toto. Secunda iustitiæ legalis vsurpatio, eaque frequentior, & quæ absolute

absolutè subintelligitur, dum aliud non exprimitur, est pro habitu intendente immediate bonum commune; atque in hoc sensu procedit quæstio proposita.

Dicendum est, cum Philosopho in præsentī cap. 1. & 2. & lib. atque cap. 2. necnon lib. 1. & cap. 3. Polit. & cum D. Thoma quæst. ista 58. art. 6. & 7. alijsque communiter iustitiam legalem, quæ & generalis dicitur, distingui specie à iustitia particulari hucusque explicata. Probatur 1. à posteriori. Quia ut dicit Philosophus cap. illo 3. polit. contingit aliquem esse bonum virum eatenus saltem, ut nemini iniuriam inferat, certè sit difficilis ad illam inferendam, & nihilominus non esse bonum ciuem, sed negligentem boni communis, & promouentem facile bonum priuatum neglecta communitate. Bonum autem ciuem facit iustitia legalis; & iustitia particularis facit bonum virum in ordine ad vitandas iniurias singulorum. Ergo iustitia legalis & particularis sunt virtutes inuicem separabiles, & distinctæ specie.

Deinde iustitia particularis constituit æqualitatem, ut dictum est inter eum à quo exercetur, & eum, circa quem exercetur; quæ æqualitas utrique est æqualiter bona, ut patet & neutri fauet cum iactura alterius. At iustitia legalis fauet bono communi etiā cum iactura exercentis illam usque adeò, ut vitam quoque ipsam parata sit impendere bono communi; certè non æque fauet illi, qui eam exercet, & ei, circa quem exercet. Quia bonum commune æqualiter pertinet ad singulos quosque ciues seorsim sumptos. Undè necesse est, ut non tantundem intersit vniuscuiusque seorsim sumpti, quantum reliquorum omnium simultaneè sumptorum. Ergo qui intendit bonum commune, minus

sibi prouidet, quam cæteris omnibus, circa quos simul sumptos benefica eius intentio versatur. Patet igitur quam maximam esse istarum inter se virtutum diuersitatem.

Confirmatur à priori. Quia iustitia particularis habet pro motiuo, vt dictum est supra, liberam facultatem alterius, munitam lege aduersus eum, qui exercet talem iustitiam, respicitque eam legem quatenus fauentem alteri, & grauantem, in fauorem eius, ipsum particulariter iustum. Huiusmodi autem motiuum nequaquam, habet iustitia generalis. Nec enim tuetur, liberam facultatem aliorum aduersus generaliter iustum, sed communem ipsi cum cæteris. Quia non potest ampliari, aut intra suos limites defendi & conseruari libera facultas communis, quin amplietur, defendatur & conseruetur singulorum quoque ciuium facultas libera saltem æquiualeuter; cum quod commune est essentialiter pertineat ad singulos communis.

Istam rationem promouet subtiliter & efficaciter D. Thomas art. illo 7. Quia iustitia legalis distinguitur à virtutibus vnumquemque ordiuantibus quoad ea particularia bona quæ spectant directè & formaliter ad ipsum secundum se; nimirum à fortitudine & temperantia, earumque partibus subiectiuis & potestatiuis. Ergo etiam distinguitur à virtute ordinante vnumquemque quoad ea bona, quæ spectant ad alterum in particulari, quatenus alter est; idest à iustitia particulari. Patet consequentia. Quia bonum commune, cum pertineat æqualiter ad singulos communis, non potest magis includere in se bonum vnusquisque ex communitate secundum se considerati, quam prout distincti à cæteris. Ergo virtus in-

sentia

tentiva boni communis non magis distinguitur à virtutibus intendentibus bonum, cuiusque particularis secundum se, quam bonum eiusdem quatenus est alter, ab eo, qui intendit ipsius bonum. Distinctio autem iustitiæ legalis à fortitudine & temperantia est manifestissima omnibus; ac proinde est certa etiam distinctio eiusdem à iustitia particulari & ab omnibus eius partibus. Unde iustitia legalis est media inter virtutes ad se & virtutes ad alterum, & participat æqualiter de perfectione peculiari utrarumque, & ab utrisque æqualiter & pari ratione dissidet specie.

Demum iustitia particularis æqualiter afficit omnes, & ab omnibus ac singulis cuiuscunque gradus & conditionis exercetur eodem modo. Iustitia autem legalis, ut docet ex Philosopho D. Thomas art. 6. citato in Principe est principaliter & quasi architectonicè, in subditis verò secundario & quasi administratiuè. Quæ quidem ratio probat distinctionem, quæ intenditur, iustitiæ legalis à particulari. Quia nequit eadem specie virtus diuerso, & non diuerso, sed eodem modo afficere personas diuersas secundum munus & statum, easque inclinare ad actus specie diuersos, & non diuersos specie. Non tamen probat iustitiam legalẽ Principis dissidere specie à iustitia legali subditorum. Quia eadem virtus potest eedere actus specie distinctos propter specificam diuersitatem dispositionis & circumstantiarum ex parte subiecti aut obiecti; atque ita contingit in præsentī, quia Principi & subditis proponitur motuum boni communis idem quoad substantiam, illi ut præcipiat, his ut exequantur in ordine ad ipsum bonum commune; Licet sæpe utantur di-

uerfis motiuis ex parte intellectus ad inueniendam rectitudinem electionum pertinentium ad utrolibet ex illis, eaque de causa differant specie prudentia politica Principis & subditorum.

Quapropter quod docet Philosophus 2. phys. text. 34. & 35. artes architectonicas & administratiuas, vt equestrem & fransactiuam; nauigatorem & nauifactiuam, specie differre, verum est in ijs quæ eam differentiam sortiuntur per se ex vi motiui principalis, vt in exemplis positis; non verò in ijs quæ habent illam accidentaliter ex diuersa dispositione, aut statu subiecti vt in casu presenti. Subditus enim bene affectus ab bonum commune; si fiat Princeps, ex eodem affectu operatur diuersimodè atque diuersa diuersitate saltem logica. Non sic autem faber nauium, si fiat nauclerus; sed diuersa arte utitur ex diuersa consideratione, diuersoque motiuo per se loquendo. Vt vt autem habeat hoc obiter notatum, certum est propter rationes adductas iustitiam particularem dissidere specie à iustitia legali.

Ad 1. Falsum est singulos communitatis comparari cum ipsa communitate, tanquam vnum cum multis nō vnitis inter se, & cum ipso vno, vinculo societatis ciuilis. Comparatur enim tanquam pars cum toto, interueniente participatione bonorum, & malorum obuientium illi, & ordinatione ad vnum communem finem, leges, Magistratū & similia. Patet autem huiusmodi partem & totum differre specie ab vno, & multis non ita colligatis inter se; necnon à paruo & magno dissidentibus inter se sola quantitate. Quare exempla de multis & paucis seminantibus eandem virtutem liberalita-

et, misericordiae & similia, sunt abs re; dñi non sumitur multitudo ciuilitate vnita, & quatenus includens, per huiusmodi vnionē, ipsum etiam qui eas virtutes exercet. Quo pacto instituitur comparatio in præfenti.

Ad 2. Bonum communitalis est bonum, singulorum ciuium, & bonum vniuscuiusque ciuis, est itidem bonum communitalis; sed cum hoc discrimine, quod aliqua bona spectant ad singulos ciues, directè & immediatè, & ad communitalitatem non nisi mediatè & indirectè; quædam verò alia è conuerso, ita vt in quibusdam omnes & singuli ciues, eosdem proportionaliter vsus & actiones habeant, in alijs verò nequaquam. Pateet autem diuersimodè affici homines, ad ea, quæ cuiusque intersunt directè & immediatè, suntque ipsius vsibus & liberæ facultati specialiter deputata; & ad ea quæ vnumquæque respiciunt tantum indirectè, & mediatè, subsuntque suis, & aliorum vsibus ac liberæ dispositioni indiuisim. Sunt igitur apta hæc vtriusque generis bona ad terminandas diuersas virtutes, nec potest vna sola, dare directè, & explicitò facilitatem ad seruandam in verissibet rectitudinem.

Ad 3. Admittitur in primis cum Philosopho cap. 6. & cum D. Thoma art. illo 7. ad 2. 3. Iustitiam incumbentem bono familiaritatis distinguere specie à iustitia intendente bonum ciuitatis. Quia familia componitur ex personis non habentibus eam iurium & bonorum, atque libertatis inuicem independentis distinctionem mutuam quam habent ciues comparati inter se & cum ciuitate. Quod liquet ex dictis quæst. 6. versus finem.

Negatur deinde admittendam esse iustitiæ legalem specialem erga totum genus humanum, aut erga eas ipsius partes cum quibus

non aliam habeat quis coniunctionem socialem, quamque est communis toti generi humano. Cum enim genus humanum nullam habeat specialem coniunctionem socialem cum vnoquoque homine, præter eam, quæ cum vno capite Deo coniungitur, atque idèd solum in ordine ad vltimum finem, ea sola virtute charitatis, qua quisque profectur bonum diuinum, profectur etiam bonum commune totius generis humani, nec est necessaria alia virtus, ad prosecutionem istius boni communis. Hoc nimirum est inter Deum & alios Principes discriminè; quod bonum aliorum Principum est separabile saltem quoad aliqua ab vtilitatibus subditorum: Deus verò non est capax propriæ alicuius vtilitatis, omnemque proinde vtilitatem quæ ex ipso, exque rebus omnibus creatis prouenire potest, vult nobis. Vnde qui Deum amat, eiusque se conformat voluntati, eo ipso vult generi humano totum bonum toti ipsi commune; & vice versa qui vult bonum, quod est toti humano generi commune, & ad quod, vt ad finem communem omnes eius partes ordinantur, eo ipso vult Deum, qui solus est finis omnibus rebus creatis communis.

Demum Iustitiæ legales intendentes bonum commune aliarum minorum communitatum sunt diuersæ specie iuxta diuersitatem specificam ipsarum communitatum. Quia vt docet Philosophus lib. 3. Polit. cap. 3. & 4. Respublicæ (eadem est ratio de alijs communitatibus) dissident inter se specie ea diuersitate specifica finium, ad quos proximè ac immediatè ordinantur; atque hunc finem intendit intendens bonum commune cuiusque communitatis proprium. Vnde iustitia legalis militis erga exercitum dissidet specie à iustitia

à iustitia legali mercatoris, erga societatem mercatoriam. Quia ille victoriam; hic diuitiarum incrementum intendunt. Idem dicitur proportionaliter de alijs communitatibus dissidentibus inter se specie, maximè verò de ijs, quæ sunt inuicem subordinatæ, ideoque habent fines inuicem subordinatos; quo pacto comparatur Tribus cum Ciuitate, & Ciuitas cum Regno. Nequè verò huiusmodi specifica multiplicatio iustitiarum legalium est absurda, aut communi hominum sensu repugnans, licet non sit communiter ab auctoribus animaduersa; quia consonat Philosopho, & efficaci rationi vt patuit.

QVÆSTIO XII.

Vtrum iustitia particularis differat specie à cæteris virtutibus?

IDETVR non differre. Quia religio tribuit Deo ius suum, nempe honorem, & cultum ipsi debitum. Neque hunc honorem, & cultum exhibere Deo potest, quin cæteris etiam omnibus substantijs rationalibus iura sua tribuat. Quia cum Deus velit ac præcipiat, vt cæteris omnibus iura sua tribuantur; ad honorè vtique, & cultû eius spectat, vt d'ita fiat. Neque enim omitti potest, quod Deus præcipit, absque contemptu legis diuinæ, idest ipsius Dei indistincti à sua lege. Ergo virtus tribuens vnicuique ius suum, idest iustitia particularis est, indistincta à virtute religionis.

2. Ad virtutem obedientiæ spectat cōformitas nostræ voluntatis cum voluntate Dei. Quæ conformitas debetur Deo iure suo, & præstari minimè potest, quin cæteris omnibus, præstentur iura sua; quæ videlicet omnia præcipit Deus vt præstentur. Ergo eodem modo virtus iustitiæ est indistincta à virtute obedientiæ. Confirmatur vtrumque argumentum, quia cætera, quæ continentur in definitione iustitiæ particularis præter iuris sui vnicuique attributionem, expressam in vtroque argumento, dictum est supra omnibus prorsus virtutibus esse communia. Nihil igitur superest, per quod iustitia particularis differat specie à Religione & obedientia.

R. Manifesta in primis est distinctio specifica iustitiæ particularis à virtutibus Theologicis. Quia iustitia tribuit vnicuique ius suum respiciendo tãquam obiectum formale ius potestatum alterius, formaliter vt tale, & consistit in medio inter duo extrema vitiosa, quorum neutrum convenit virtutibus Theologicis vt constat ex dictis in primis quæst. circa ipsas. De cæteris virtutibus moralibus patet eadem distinctio tum ex ratione modo data; quia nulla illarum habet pro motivo formali ius potestatum alterius superius attributum iustitiæ, & sola ipsa consistit in medio rei vt dictum est quæst. 9. tum quia reliquæ virtutes morales versantur circa passionem tanquam circa materiam propriam ipsarum; iustitia, verò circa operationes, vt liquet ex q. 10. tum quia obligatio incumbens cæteris virtutibus differt specie ab obligatione urgente iustitiæ, vt constat ex qu. 3. Nequeunt autem virtutes eiusdem speciei quidquam habere diversum specie.

Et hæc quidem ostendunt clare diuersitatem specificam iustitiæ à fortitudine, & temperantia, alijsque virtutibus, quæ dicuntur ad se. Circa virtutes alias ad alterum; quæ dicuntur partes potestatiuæ iustitiæ, dicendum est cum D. Thoma quæst. 86. & alijs communiter, aliquas ex illis differre à virtute iustitiæ per defectum æqualitatis; alias per defectum debiti fundati in iure alterius. Per defectum huiusmodi debiti deficiunt ab adæquato conceptu essentiali iustitiæ, veracitas, gratitudo, vindicta cuiusque propriæ auctoritati permissa, liberalitas, affabilitas, amicitia, & aliæ eiusmodi. Ex quibus aliqua vix vllā respiciūt rationē debiti; ex parte obiecti, aliæ vero respiciūt rationē debiti fundatā in sola, vt cōmuniter dicitur; honestate virtutis; hoc est nō fundatā in iure alterius, seu in amplitudine iuridica libertatis alienæ, sed in sola, comparatione operis cum operante factā per rectam rationem. Per defectum verò æqualitatis deficiunt à ratione, & conceptu quidditatiuo adæquato iustitiæ, religio, pietas, & obseruantia, maximè verò religio. Quia Deo nunquam potest exhiberi honor, & cultus æqualis infinitæ eius Maiestati. Differt autem est quæst. 9. æqualitatem esse de ratione iustitiæ. Differt ergò manifestè religio à iustitia. Indidem etiam differt obediētia: quæ est species obseruantia, & non attendit æqualitatem rei cum re, sed conformitatem voluntatis inferioris cum voluntate superioris, ac præcellentis.

Verum manifestior est, & quodammodo prior, magisque conspicua differentia, quæ petitur ex motiuo formali harum virtutum. Virtutes enim non distinguuntur formaliter per distinctionem operationum,

& effectuum quos præstant, aut peculiari conditionum; quæ iisdem operationibus, & effectibus conveniunt, sed per diuersitatem specificam motiuorum formalium, vt iam iterum dictum est, & aduertit D. Thomas vbiçunque aliquam virtutem secernit ab alijs. Motiua autem formalia istarum virtutum differunt inter se specie. Quia motiuum iustitiæ, est ius proprietatis, seu libera facultas alterius ordinata in bonum ipsius. Motiuum verò religionis est honestas honoris & cultus debiti excellentiæ, ac præminentie Dei, vt primi principij. Similiter motiuum obedientiæ est præceptum, aut consilium superioris. Quæ tria sunt valde diuersa. Licet enim possit in controuersiam vocari, an Deus ratione suæ excellentiæ, ac præminentie habeat ius proprietatis strictè tale ad honorem & cultum sui, possitque proinde iustitia hominis erga Deum imperare efficaciter, aut saltem in efficaciter, actus religionis similiterque possit controuerti, an Deus ratione suæ superioritatis & dominiij habeat ius strictum proprietatis ad obedientiam nostram; possintque proinde actus obedientiæ per eandem iustitiam similiter imperari, de quibus dicetur infra: dubitari tamen minimè potest quin præmentia super omnia creata, & ratio primi principij distinguatur formaliter à iure proprietatis, & libera facultate respectu honoris & cultus; idemque dicitur proportionaliter de motiuo obedientiæ. Patet igitur manifestè religionem & obedientiam, & à fortiori reliquas virtutes distingui specie à iustitia particulari.

Ad 5. distinguitur assumptum: Religio tribuit Deo ius suum nempe honorem, & cultum ipsi debitum mouente formaliter

excellèntia et præminèntia Dei, vt primò principij, conceditur assumptum: mox ente formalitè iure actiuo diuino proprietatis negatur assumptum, & indè consequentià. Eodè modo distinguendum est, quod in 2. dicitur de obedientia erga Deum.

Quod deinde adiungitur vtrobiq; de impossibilitate exhibendi Deo honorem, & cultum, aut obedientiam ipsi debitam, quin cæteris omnibus, & singulis tribuantur omnia sua iura, quatenus nulli vllum suum ius negari potest quin simul negentur Deo honor & obedientia, quæ ipsi debentur; Hoc inquam nihil probat. Quia potest nihilominus è conuerso tribui proximo ius suum per virtutem iustitiæ, quin propterea exerceatur formalitè vllus actus religionis aut obedientiæ erga Deum. Nempe duæ istæ virtutes sunt motiui vniuersalioris, quam iustitiæ, idèdque non conuertuntur saltem mutuo actus & exercitia huius & illarum, idque sufficit ad distinctionem, & necessitatem diuersarum virtutum. Hac enim de causa necessariæ sunt aliæ virtutes, vltra charitatem, ad opera non solum consilij, sed etiam præcepti obligantis sub mortali; tamen si huiusmodi operum omissio sit impossibilis cum actu charitatis.

Deinde impossibilitas actus elicitæ ab aliqua virtute cum omissione actuum, qui versantur circa alias materias, solum probat per actum talis virtutis posse imperari, vel efficaciter & determinatè ac proximè, vel saltem ineffaciter, & indèterminatè, aut dispositiue illos alios actus; non autem necessarias præterea non esse alias virtutes ad eosdem actus specialitè destinatas, & superantes formalitè, ac explicite eas difficultates, quæ vnicuique generè

actuum specialiter insunt, vt innotescit ex doctrina tradita quæst. 10.

QVÆSTIO XIII.

Virum virtus iustitiæ sit clarior & perfectior quam reliquæ virtutes morales?

IDEIT V R non esse clarior & perfectior. i. ex genere suo. Quia virtutes, quæ versantur circa bonum proprium moderando passiones sunt potiores virtutibus moralibus ordinatis ad alterum, & quæ versantur circa operationem, ac bonum aliorum, vt cõtendit Euridanus. Nempe intentio boni proprii est magis conformis inclinationi naturæ, vñ experientia constat, nec non ordinẽ charitatis, vt dictum est quæst. 43. de virt. Theol. Dictum autem est supra intentionẽ boni alieni esse proprium iustitiæ & partium omnium ipsius, atque reliquas virtutes morales versari circa passiones, & intendere bonum cuiusque proprium. Ergo fortitudo & temperantia, cum omnibus suis partibus subiectiuis & potestatiuis sunt perfectiores, quam iustitia cum suis.

2. Inter virtutes, quæ sunt ad alterum, præminent procul dubio religio, & obedientia mandatorum Dei; Quia, vt arguit, D. Thomas quæst. 81. art. 5. quæ sunt ad finem sortiuntur bonitatem ex ordine ad finem, ideoque quo sunt propinquiora finis sunt meliora. Omnes autem virtutes morales

les versantur circa media, ideòque sunt ad finem, atque huic sunt propinquiore religionis & obedientia mandatorum Dei, quam reliquæ virtutes ad alterum. Quia versantur circa ea, quæ directè, & immediatè Deum, specialiter respiciunt. Ergo religio & obedientia superant perfectione iustitiam simul cum cæteris virtutibus moralibus.

3. Inter virtutes, quæ versantur circa proximum excedunt liberalitas, & magnificentia. Quia quod continet totam perfectionem alicuius in se, & aliquid præterea perfectionis specialis superaddit, est perfectius illo. Hoc autem modo se habent, liberalitas, & magnificentia respectu iustitiæ. Ergo ambæ sunt perfectiores iustitiæ. Patet maior, quia quodlibet finitum fit maius qualibet additione. Probatur minor, de liberalitate, quia voluntas aliquid alicui super erogandi liberaliter includit essentialiter in se voluntatem non negandi, ad tribuendi, quod suum eiusdem est; & adiungit præterea voluntatem addendi de proprio. Idem patet à fortiori de magnificentia, quia hæc comparatur cum liberalitate, sicut liberalitas cum iustitiâ; siquidem liberalitas paruos, magnificentia magnos sumptus facit.

4. Inter easdem virtutes, misericordia est potior. Quia D. Thomas quæst. 30. art. 2. & 4. ponit misericordiam inter virtutes morales, quæ versantur circa proximum; eademque dicit potissimam inter omnes virtutes, quæ ordinantur ad proximum. Præterea iustitia etiam legalis ordinatur ad proximum, quæ tamen indubitanter præferatur iustitiæ particulari.

5. Ita natura comparatum est ut quæ sunt magis necessaria & minus rara sint virtuosiora.

lora. Sic aqua magis indigemus, magis-
 que abundamus quam vino; terra quam
 gemmis, & sic de cæteris eiusmodi. Atque
 inter sensus humanos tactus est maximè ne-
 cessarius, adestque animalibus, & omnibus,
 & semper, est verò minus perfectus, quam
 alij sensus. Certè est imperfectior visu, ut
 colligitur ex Philosopho initio metaphy-
 sicæ; & tamen visus est minus necessarius
 ad vitam, deestque multis animalibus; tum
 per se, tum per accidens. Ergo etiam inter
 virtutes ea est minus perfecta, quæ est ma-
 gis necessaria, & reperitur in pluribus.
 Eiusmodi autem est iustitia comparata cum
 liberalitate, magnificentia, & pluribus alijs.
 Quoad necessitatem quidem, quia iustitia
 omnes indigent & semper. Sic enim quis-
 que indiget rebus suis, quas, absque iustitia
 aliorum erga se, habere non potest. Simi-
 literque indiget pace, & tranquillitate,
 atque mutuis officijs benevolis proximorū,
 quæ tamen habere non potest absque sua
 erga alios iustitia. Quoad frequentiam ve-
 rò; quia iustitia potest ab omnibus erga
 omnes semper & ubique exerceri absque
 liberalitate, tum sua cuiusque erga alios,
 tum aliorum erga se. At liberalitas haberi
 non potest absq. iustitia tum sua erga alios,
 ut liquet ex ratione præcedenti; tum aliorū
 erga se; quæ seclusa non habebitur quid
 liberaliter erogetur. Præterea si compare-
 tur liberalitas cum multiplicitate exercitij
 iustitiæ, non potest nisi a paucis & erga
 paucos, atque rarentur exerceri. Quia
 multis nō suppetit vnde sint liberales: mul-
 tis erogari non potest, nisi per prodigali-
 tatem; & liberalitas sæpe exercita exhaurit
 eisdem materiam suam. Idem à fortiori con-
 cluditur de magnificentia. Ergo iustitia.

est minus perfecta minusque pretiosa quam alia virtutes.

6. Ea virtus est præstantior cuius opus est difficilius. Difficilius autem est terribilia, & ipsam quoque vitam contemnere, quod spectat ad fortitudinem; quam ius suum unicuique tribuere, quod spectat ad iustitiam; Ergo fortitudo est virtus præstantior quam iustitia.

7. Quod ad claritatem attinet & celebritatem magis plauditur liberali, et forti quam iusto; & qui fuere fortissimi maiorem nominis celebritatem obtinere semper, quam qui iustissimi. Ergo fortitudo, & liberalitas sunt virtutes clariiores, ac celebriores, quam iustitia.

R. Philosophus in hoc libro 5. sub finem capitis primi *præclarissima virtutum*, ait, *videtur esse iustitia; & neque Hesperus, neque Lucifer ita est admirabilis*. Suffragatur D. Thomas quæst. 5. S. art. 12. aiens: *manifestum est quod ipsa* (loquitur de iustitia) *est præclarior inter omnes virtutes morales*. Probat Philosophum ex vulgari proverbio; *Iustitia in sese virtutes continet omnes*: tum quia præditus iustitiæ, non solum sibi, sed alijs est bonus, potestque uti virtute, non solum in ordine ad se, sed etiam in ordine ad alios quorum alterum tantum præstant alia virtutes: tum quia uti virtute in ordine ad alios est difficillimum; a qua maxima videtur esse virtus, ad quam spectat, maximam superare difficultatem. Verum uterque loquitur de iustitia legali, eaque comparata cum solis virtutibus moralibus, quæ versantur, circa proximos directe, & immediate; atque in huiusmodi comparatione nemo est, qui dubitat de præminencia iustitiæ, quam convincit aperte ratio D. Tho-

na; nempe bonum commune intentum & iustitia legali præminere bono particulari circa quod versantur aliæ virtutes: sicut finis præminet medijs.

Iam quod ad iustitiam particularem attinet, docet similiter D. Thomas ibidem præcellere inter alias virtutes morales. Primo ex parte subiecti, quia iustitia residet in voluntate; aliæ verò virtutes in appetitu sensitivo; quandoquidem iustitia est moderatrix appetitus rationalis, reliquæ verò virtutes appetitus sensitivi seu passionum; ut dictum est quæst. 10. Deinde ex parte obiecti, quia aliæ virtutes laudantur solum quatenus sunt bonum ipsius virtuosus; iustitia autem quatenus est bona, & benefactiva, etiam respectu aliorum, atque diffusiva sui in alios. Quod est excellentius ac diuinus. D. Thomæ adhærent communiter cæteri adiuncta ex Caietano notatione sententiam eius accipiendam esse de comparatione, cum solis virtutibus moralibus, quæ vel nō sunt ad alterum, vel directè & immediatè ordinantur ad proximum, ut ad finem cui.

Dicendum autem primo est iustitiam particularem esse magis conspicuam magisque plausibilem ex sua natura quam ceteras virtutes morales; siue perfectiores sint siue minus perfectæ in se intrinsecè; de quo postea; Dempta tamen iustitia legali de cuius, quoad hoc etiam excessu dubitari non potest. Huc maximè confert Aristotelica illa cum Hespero, & Lucifero comparatio pertinens ex parte ad iustitiam etiam particularem, ut liquet ex tribus illis rationibus Philosophi initio propositis. Eodem manuducit D. Thomas quatenus quæst. 87. art. 6. pro significando excessu religionis ait tam præminere inter alias virtutes morales

les & de obedientia concludit quæst. 104.
art. 3. esse potiore inter virtutes morales:
& de misericordia quæst. 13. art. 4. eam esse
potissimam inter omnes virtutes quæ ordi-
nantur ad proximum: quæst. verò 58. art. 12
dicite iustitiam esse præclariorem. Præcla-
ritas enim conspuitatem & plausibilita-
tem significat potius quam intrinsecam per-
fectionem, ad quam referuntur voces præ-
latiæ aliarum virtutum. Idem clarè expri-
mit Tullius de officijs vbi agit de iustitia.
Ait enim *in Iustitia virtutis splendor est ma-
ximus, ex qua boni viri nominantur*. Quæ ipsa
nominatio est clarum argumentum summæ
celebritatis in hac virtute, vt pote imper-
tiente nomen, quod soli omnium simul vir-
tutum cumulo debetur re ipsa.

Probatur ratione. Quia vt superius
dictum est aliæ virtutes morales consistunt
in medio inter duo vitia, quorum alterum
excedit, alterum deficit à ratione medijs.
Vnde fit, vt medium ipsum appareat defe-
ctuosum, cum comparatur ad extremum
excedens; appareat verò excedens, cum
comparatur ad extremum deficiens. Qua-
propter vterlibet vitiosus confundit facilè
virtuosum cum altero vitioso atque vitupe-
rat; vtrilibet proindè difficile est agnosce-
re virtuosum vt talem, eique plaudere. Au-
diatur Philosophus 2. eth. cap. 3. *fortis cum
ad timidum comparatur, audax cum ad audaci-
cem, timidus esse videtur. Pari modo tempe-
rans &c. Liberalis etiam, prodigus &c.* Et
mox concludit: *quapropter, & extremorum
uterque medium ipsum à se compellit ad alte-
rum; atque fortem, audax quidem timidum,
timidus autem audacem appellat; & in cete-
ris simili modo. At iustitia est quidem me-
dia*

dia inter duo extrema vitiosa, non tamen, inter duo vitia, ut ostensum est quæst. 9. atque ideo ex comparatione, & oppositione cum utrolibet extremo vitioso, agnosci facile, atque laudari potest, cum neutrum ex illis extremis opponatur alteri, sed sola virtus utrique. Confundi verò cum neutro extremo vitioso potest magis, quam possit confundi audax cum timido, aut prodigus cum illiberali quandoquidem, iustitia perinde opponitur toti vitio sibi contrario, nec non ipsi totum vitium, sicut opponitur vnum extremum vitium alteri extremo vitio. Patet igitur iustum esse discernibiliorem, quam præditos alijs virtutibus moralibus, ac proinde magis conspicuum, magisque plausibilem esse.

Accedit alias virtutes non consistere in indivisibili ex parte obiecti, Contingit enim alium esse magis, alium minus liberalem ac fortem; & facilem ad maiores, vel minores donationes; ad maiorum, aut minorum periculorum contemptum, & sic de alijs; Atque ideo vnum magis accedere, ad alterutrum ex extremis vitiosis, quam alium. Vnde rursus confunditur facile virtuosus cum vitioso, cui fuerit magis affinis, non solum ab alterutro extremè vitioso, sed etiam à virtuosò, qui est propinquior ad extremum vitiosum oppositum. At iustitia consistit in indivisibili ex parte obiecti, & ideo omnibus facile patet, maximèque conspicua est.

Accedit rursus plausum & æstimationem aliarum virtutum esse deinceps certis quibusdam opportunitatibus, non usque adeo
fre.

frequenter occurrentibus . Fortis enim, æstimatur tempore belli, & contemnitur tempore pacis; Similiterque liberalis, & misericors, cum premit, aut depulsa iam est indigentia, & sic de alijs . At iustitia in bello & in pace omnibus semper & ubique est opportuna ac necessaria & æquè æstimabilis . Est ergo vniuersalior eius plausus .

Accedit demum actus earum virtutū, quæ non sunt ad alterum sæpe latere . Quia hærent in ipso virtuoso, ideoque parum obseruantur, & sæpe nec obseruabiles sunt . At iustitia testes habet inevitabiles suarum operationum, & omissionum eos omnes, quorum præcauet, aut reficit nocumentum . Quod ad discrimen maioris conspiciuitatis valet plurimum . Tamen si verò hoc discrimen sit commune iustitiæ cum cæteris virtutibus ordinatis ad proximum; superest tamen aliud caput, vnde istis etiam præferatur, vt sit præclarior . Cum enim iustitia solum tribuat vnicuique quod suum est saltem per se, ac directè, nullam ex proximo, cui id tribuit, gratiarum actionem, aliamue retributionem meretur, aut expectare potest præcise ex natura sui operis . At reliquæ virtutes, cum tribuant proximo, quod nondum erat ipsius, mouent accipientem, ad gratitudinem ac remunerationem . Quare exercitium cæterarum virtutum magis, quàm exercitium iustitiæ obnoxium est sinistrae opinioni de intentione operantis turpis lucrigratia, aut ex alio motiuo minus honesto . Claritudo autem, & plausus proprius virtutis, pendet ex opinionione de recta intentione operantis, & propria virtutis, cuius actus exercetur .

Nec obstat ad actus iustitiæ allicere timorem pœnæ & vindictæ imminenti in iusto sicut

sicut spes lucri allicit ad actus aliarum virtutum. Non inquam hoc obstat, tum quia iustitia sæpissimè exercet suos actus absque ullo timore ex omissione, vel quia non dum urget præceptum, vel alijs de causis, infra attingēdis: tum quia pœna & vindicta queritur ex vna parte. & æqua, ac plerumque multo etiam maiori sollicitudine vitatur ab altera, scilicet ab iniusto. Quod non contingit in retributione inducibili per actus aliarum virtutum, Quia ad eam propendet utraque pars. Quare timor mali temporalis ex iniustitia non est æqualis, spei lucri ex virtute ad alterum, non obligata, per ius alterius. Subsistit igitur ratio expensa in favorem iustitiæ. Porro quæ dicta sunt de claritate iustitiæ particularis comparata cū virtutibus cæteris præter iustitiam legalem, vim habent eandem, si non, & maiorem respectu iustitiæ legalis comparatæ cum cæteris virtutibus tendentibus ad bonum communis, ut patebit consideranti.

Dicendum rursus est virtutes ad alterum, idest iustitiam & eius partes, subiectivas & potestativas, ac integrales superare perfectione reliquas virtutes morales ex genere suo. Istam conclusionem euincunt auctoritates Philosophi & D. Thomæ fauentium illi locis initio indicatis, necnon rationes utriusque ibidem productæ.

Dicendum est tertio, neque iustitiam legalem, neque iustitiam particularem præeminere perfectione omnibus omninò virtutibus ordinatis ad alterum absque vlla prorsus exceptione; licet præmineat iuxta mentem & sensum Philosophi & D. Thomæ. Prior pars conuincitur clarè quoad virtutes religionis & obedientiæ argumento proposito in secunda ratione dubitandi, quod
est

est D. Thomæ in loco paulo ante citato circa religionem. Circa misericordiam similiter præferendam iustitiæ produceretur in responsione ad 4. fundamentum eiusdem Diuini Thomæ conuincens itidem efficaciter. Hæ igitur tres virtutes eximendæ sunt ex generali prælatione iustitiæ super alias virtutes morales.

Quoad alteram partem de mente Philosophi & D. Thomæ neuter, dum præfert iustitiam alijs virtutibus, loquitur de iustitiâ comparata cum omnibus cuiuscunque conditionis virtutibus moralibus etiam ad alterum, sed cum ijs tantum, quibus societas humana continetur, & ad proximos ordinantur. Circa quam rem nulla imprimis dubitatio esse potest de Philosopho; quæ videlicet comparisonem instituit, cum ijs solum virtutibus, de quibus ipse agit in ijsdem illis libris ethicorum. Non autem agit de religione & obedientiâ erga Deum, sed de ijs tantum quæ modo notatæ sunt, neque inter eas comprehendit misericordiam nisi formaliter compassiuam vt dicetur ad 4. Iam D. Thomas vbique obseruat sensum Aristotelicum, dum aliud specialiter non exprimit, sed usurpat locutionem vniuersalem.

Præterea si in generali ea prælatione iustitiæ non subintellexisset exceptionem religionis & obedientiæ erga Deum, necnon misericordiæ, non purè compassiue; manifestissimè sibi cōtradixisset semel atque iterum; & quidem in vna eademque parte Theologiæ, eaque ab ipso omnium diligentissimè ac perfectissimè elaborata, quandoquidem in eadem 2. 2. expressè præfert iustitiæ eas tres virtutes locis paulo ante memoratis. Certum igitur est quod de mente Philo-

Philosophi & D. Thomæ assertum fuit; & conclusio, quæ dicta est utrique conformis, est omninò vera.

Ad 1. Virtutes ad alterum ita prospiciunt bono alterius ut ipsæ ipsarumque actus valde etiam perficiant suum subiectum, sintque magnum eiusdem bonum. Intentio autem naturæ & ordo charitatis præferunt bonum cuiusque proprium coniunctum cum bono alterius illi bono quod est limitatum ad suum subiectum, nec est diffusivum sui. Eiusmodi namque est bonitas omnis, virtusque diuina.

Ad 2. Conceditur totum. Est enim demonstratiua ea ratio D. Thomæ. Sed iam præmonitum est in prælatione generali iustitiæ non comprehendere religionem & obedientiam mandatorum Dei à Philosopho, D. Thoma & alijs communiter, & à nobis exemptæ fuerunt expressè,

Ad 3. Liberalitas versatur primò & per se, ut docet D. Thomas quæst. 117. art. 6. circa passiones moderando propriam affectionem circa possessionem & usum pecuniarum. Ex consequenti verò, indulta facilitate quoad istam moderationem, coadiuvat postea ceteras omnes virtutes circa proximum ad actus ipsarum, ex proprio & peculiari vniuscuiusque illarum motivo, eliciendos tanquam remouens prohibens. Perfectio autem cuiusque virtutis pensatur penes id, quod conuenit illi primò & per se, & præcisè ratione sui motiui. Quare eadem de causa postponitur liberalitas iustitiæ, quæ postpositæ sunt eidem supra vniuersaliter virtutes, quæ versantur circa passiones.

Iam continentia iustitiæ in liberalitate non verificatur formaliter quoad perfectionem quæ conuenit iustitiæ ex suo motivo.

Quia

Quia hoc non continetur in motiua liberalitatis, vt patuit verificatur ergo de sola continentia in genere causæ dispositiue tantum, quatenus liberalitas ita disponit animam ad iustitiam vt iniustus non possit esse liberalis circa eandem personam, & circa idem genus rei; liberalis verò possit esse facilius iustus. Simili modo ac ratione negatur continentia iustitiæ & liberalitatis in magnificencia.

Ad 4. Misericordia vsurpatur dupliciter. Primum pro affectu compassiuo erga proximum subueniente eidem ex compassione; Atque hoc modo, est inferior virtus iustitiæ ob eandem rationem qua ipsa præfertur alijs virtutibus circa passiones. Secundo vsurpatur misericordia pro virtute cuius motiuum est dignitas naturæ rationalis patientis indignæ & impediende quantum potest, quominus ea patiatur. Quod motiuum & opus patet esse longè nobilius motiua & opere iustitiæ. Quia dignitas humanæ naturæ quæ pertinent ad eius substantiam præponderat incomparabiliter iuri hominis, quod est accidens ipsi inhærens. Vnde apparet opus operi similiter præminere, saltem formaliter. Notat porro Caietanus in hunc art. 12. quæst. 58. priori & non posteriori modo misericordiam communiter accipi; Ideoque non subintelligi quoad posteriorem significationem, dum non sit peculiaris & expressa mentio ipsius.

Ad 5. Conceditur in eodem rerum genere præminere perfectione quæ sunt minus necessaria ijs quæ magis necessaria sunt. Sed negatur iustitiam esse magis necessariam quam liberalitatem sumptam in eo sensu, secundum quem dictum est, ipsi præminere, iustitiam. Constat siquidem ex doctrina tradita

tradita circa tertium, iustitiam exerceri non posse ab illiberali secundum eam liberalitatis significationem, ac proinde est ea species liberalitatis magis necessaria quam iustitia, quandoquidem necessaria est ad ipsam iustitiam, cum hæc ad illam non sit similiter necessaria. Eadem est ratio de cæteris virtutibus, quæ sunt ad se, & versantur circa passiones. Magis enim necessarium unicuique est esse bene ordinatum in se, & ad se quam respectu aliorum; neque hæc secunda bona ordinatio haberi potest ab inordinato respectu sui. Discursus igitur objectionis valet potius ad confirmandam doctrinam superius traditam; atque obiectio videtur alia liberalitatis significatione, quæ non est ad rem ut liquet ex data eius expositione.

Ad 6. D. Thomas quæst. 27. fine quæst. 123. art. 12. ad 2. atque in præsentia art. 12. respondet optimè virtutes non æstimari ex magnitudine difficultatis secundum se, sed ex magnitudine causæ & motui, ob quod ea superatur: atque in virtutibus ad alterum motuum est præstantius per se, & præcisè ex ratione formali, cuiusque virtutis, quam in fortitudine & alijs quæ sunt circa passiones. Deinde tota collectio actuum iustitiæ est difficillima propter peculiarem eorum frequentiam suprà uotatam. Nam ut docet cum experientia D. Thomas eadem q. 123. art. 6. difficilius est diu manere immobilem, quam subito motu moueri ad aliquod arduum. Perinde autem est sæpe quod est difficile, & raro quod difficilius.

Ad 7. Liberali & forti plauditur plerumque plausu gratificante, & obsequente propter acceptum beneficium à liberali aut forti, vel propter potestatem acquisitam forti;

vel

vel æstimatione solius physicæ bonæ constitutionis: non verò laude magnificente, & morali. Cuius signum est, quia sæpe similiter plauditur manifeste prodigo, nec non audaci, ac per temeritatem victori, ad eum facere modum, quo plauditur agro vberri, & equo vincenti in cursu, aut prælio. Plausus autem iustè operantis plerumque sequitur opinionem honestatis, & est laus magnificativa, cum commendatione veræ virtutis ob rationes supra datas; atque hoc sensu attributus est iustitiæ plausus præcipuus & conspicuitas maior.

QVÆSTIO XIV.

Vtrum iniustitia sit vitium speciale?

IDEBTVR nō esse. 1. Quia homicidium, detractio, adulterium, furtum, personarum acceptio, usura, & similia, sunt actiones oppositæ iuri alieno proprietatis, atque adeò illis omnibus convenit ratio iniustitiæ propriæ talis; & tamen videtur illa omnia sub vno vitio speciali contineri minime posse, tum quia dissident valde inter se; tum quia contingit facilem ad furandum esse, difficilem ad homicidia, & sic de alijs.

2. Philosophus in præsentī cap. 8. dicit, operantes contra iura aliorum ex passione facere quidem iniuriam, non tamen esse iniustos. Essent autem iniusti si vnicus ac specialis esset habitus iniustitiæ. Quia is acquireretur quibusvis actibus iniustis, &

F con.

constitueret iniustos simpliciter seu vniuersaliter & in omni genere .

3. D. Thomas in præsentī quæst. 59. a. 2. ad 3. constituit hoc discrimen inter intemperantiam & iniustitiam, quod si quis faciat aliquid vltra mediocritatem in materia intemperantiæ, per accidens & præter intentionem ratione ignorantia inuincibilis; non propterea facit intemperatum, aut formaliter, aut etiam materialiter: facit verò iniustum materialiter qui simili prorsus modo transgreditur medium iustitiæ. Cui discrimini nullus esset locus, si daretur habitus specialis iniustitiæ, sicut datur habitus specialis intemperantiæ .

R. Sicut iustum ita etiam iniustum sumitur quandoque latè & generaliter, quandoque stricte & particulariter. Iniustum latè & generaliter est omne oppositum legi, & dictamini rationis. Vnde omnes peccatores iniusti, & omne peccatum iniustitia, atque iniquitas dicitur tum a Philosopho initio huius libri, tum maximè in sacris litteris frequenter. Iniustitia hoc modo sumpta non est particulare vitium, sed ratio generica, omnivitiis communis. Iustum stricte & particulariter est quod opponitur iuri alieno proprietatis tanquam læsuum eius, & transgrediens limites ab eo præfixos. Vnde iniustitia particularis est actio vel omissio contraria obligationi fundatæ in eodem alterius iure .

Iniustitia ista particularis est vitium speciale ex consensu omnium cum D. Thoma, art. illo 2. proximè citato. Quia ubi est materia specialis opposita speciali materiæ, specialis virtutis, eo ipso datur vitium speciale oppositum tali virtuti speciali: Datur autem specialis virtus intendens indemnitate

tatem iuris alieni, tanquam [materiam spe-
cialeni, ut liquet ex dictis à quæst. 8. Ergo
datur vitium speciale intendens læsionem
iuris alieni proprietatis; idest datur habitus
specialis vitiosus inclinans indiscriminatim
quantum est ex se ad omne opus iniustum.

Verum obseruare oportet aliud esse pec-
care contra iustitiam: aliud peccare ex ha-
bitu iniustitiæ. Fieri nimitum potest, ut
quis peccet furando contra iustitiam, quin
talis actus procedat ex habitu iniustitiæ. Po-
test enim quis furari ex solo motiuo gloriæ
vanæ, concupiscentiæ, iræ, timoris, aut simi-
libus. Et tunc peccabit quidem contra iu-
stitiam, quatenus nocebit iuri alterius; non
tamen peccabit ex habitu iniustitiæ, quate-
nus non mouebitur motiuo eius proprio, &
particulari. Cuius indicium est, quod post
eiusmodi actus sæpe repetitos non propte-
rea dabitur in furante facilitas, & inclina-
tio ad furandum quando iam amplius non
aderunt motiua gloriæ vanæ, concupiscen-
tiæ &c. propter defectum cognitionis actua-
liter illa repræsentantis; vel quia tamen si
actualiter adsint in cognitione, non pollent
nihilominus vi sufficienti ad reddendum
facile furtum propter virtutes contrarias
humilitatis, temperantiæ, mansuetudinis &c.
postea acquisite & auferentes facilitatem
ad prosecutionem eorum motiuorum, atque
adeo ad furandum ex iisdem motiuis. At si
quis sæpe furetur ex motiuo inæqualitatis
inter damnum & lucrum; hoc est propter
ampliandos terminos propriæ libertatis &
restringendos alienos, atque ex amore
præeminentiæ, quoad hoc, supra alios, acqui-
ret eo ipso habitum iniustitiæ, eritque facilis
ad furandum, tamen si desint cætera omnia,
motiua modo commemorata, aliaque similia.

124 De conceptu iniustitiæ.

Opposita formaliter & directè motiuis aliarū virtutum.

Patet igitur iniustitiam particularem oppositam formaliter & directè particulari iustitiæ esse vitium speciale distinctum specie ab omnibus alijs vitijs. Potest verò rectè definiri habitus intentius inæqualitatis inter damnum & lucrum: siue ampliatiuus propriæ libertatis & restrictiuis alienę vltra & citra terminos legitimos vtriusque, siue prosecutiuos præminentie supra alios quo ad terminos liberæ facultatis. Vel dicatur: iniustitia particularis est constans & perpetua voluntas ius suum unicuique negandi; idque eo proportionaliter sensu quo dictū est oppositum quæst. 8. circa habitum iustitiæ particularis. Est enim de vtroque habitu eadem proportionalis ratio; vtpotè inuicem contrario.

Ad 1. Si actiones illæ fiant ex motiuo iā explicato inæqualitatis, & præminentie, omnes pertinebunt ad specialem habitum vitiosum iniustitiæ, vt ad principium proprium ipsarum: sin minus pertinebunt ad diuersos alios habitus iuxta diuersitatem motiuorum. Verum hic secundus modus operandi est qui vt plurimum vsu venit, propter prædominium inclinationis passionum existens de facto in hominibus supra inclinationem prauam appetitus purè rationalis. Pro cuius rei intelligentia recolenda est doctrina quæst. 10. Quod autem euenit, vt plurimum apprehenditur facile vt vnicum. Vnde prouenit, vt difficilè appareat non considerantibus intimè naturas rerum; ea omnia peccata posse aliquo modo pertinere ad vnicum habitum.

Ad 2. Sensus Philosophi est nocentibus ex passione esse imputabile damnum illatura alijs

alij contra ipsorum iura, eorumque operationibus conuenire totam malitiam iniustitiæ; sed non propterea eos acquirere, & habitum specialem iniustitiæ, vñ cuius sint faciles ad similes operationes iniustas cessantibus etiam passionibus & motiuis aliorum vitiorum. Qui sensus est proculdubio legitimus, idemque est clarissimus ex dictis. Itaque omni operanti quod iniustum est, inest eadem priuatio bonitatis iustitiæ sub quouis motiuis, & imputatur æqualiter peccatū iniustitiæ; non tamen inest eadem bonitas physica actus, & habitus inde orti, nec eadem facilitas & inclinatio ad operationes iniustas pro omni euentu, nec est idem specie peccatum quoad entitatem materiale ipsius; atque hæc est intentio Philosophi.

Ad 3. In ea comparatione D. Thomæ datur paritas quoad duo; & disparitas quoad alia duo. Paritas est primum quod neque malitia intemperantiæ neque malitia iniustitiæ est imputabilis ad culpam operanti in eo casu. Quia cognitio & aduertentia actualis malitiæ obiectiuæ, est radix & causa imputationis in omni materia. Datur deinde paritas quoad hoc vt neutra operatio procedat ab habitu vel intemperantiæ vel iniustitiæ, vt liquet ex dictis à fortiori.

Disparitas est 1. quod medium temperantiæ est mediura rationis, medium verò iustitiæ est medium rei vt dictum est quæst. 2. Ideoque magis dici potest dari iniustum, quam intemperatum in casu ignorantie ac inaduertentiæ. Altera disparitas est quia intemperatum, vtpote pertinens præcisè ad operantem ex natura sua, regulatur solū per cognitionem operantis: iniustum verò regulatur etiam per rationem alterius, vtpotè pertinens etiam ad alterum præter

operantem. Quare ex hoc præterea capite
 adest sufficiens fundamentum discriminis
 constituti à D. Thoma, & diuersæ vtroque
 locutionis ab eo usurpatæ; atque hoc fun-
 damentum sufficienter indicauit ibidem
 Sanctus Doctor, nec aliud intendit Caieta-
 nus in expositione eius loci, licet non ex-
 ponat adedè clarè. Vtunque res habeat,
 nihil interest ad mores.

QVÆSTIO XV.

Vtrum sciens, & volens possit iniu-
 riam pati?

IDE T V R posse pati 1. Quia
 in contrahtu vsurario & si-
 moniaco dans pretium pro
 mutuo vltra sortem, & dans
 qualecumque pretium pro re
 sacra patiuntur iniuriam ab
 accipientetale pretium. Cuius manifestum
 indicium est quod accipiens tenetur ad re-
 stitutionem; excessus quidem in casu mutui,
 totius autem pretij in casu simoniæ. Idque
 verum est tametsi pretium datum fuerit à
 sciente, maximeque volente absque vlla
 prorsus coactione ex parte acceptantis pre-
 tium. Quod scilicet oblatum datumque ab
 altero fuerit præcisè, vt se liberaret ab onere
 gratitudinis, nec discederet grauatus ob
 beneficium sibi collatum gratuito; & quan-
 do nulla vrgebat necessitas illud quærendi,
 ac accipiendi, sed sola voluptas, & appeti-
 tus purè spontaneus concupiscentiæ.

2. Marito spontè ac libenter consentien-
 ti in adulterium vxoris, infert nihilominus
 iniu-

iniuriam adultera, eiusque actio contrahit rationem formalem & malitiam specialem, adulterij, adeoque & iniustitiæ. Eadem est ratio de volente occidi absque iusta causa, seu nulla existente causa præter voluntatē, qua desiderat occidi; necnon de volente, ac petente infamationem sui, præsertim si ratione officij sit persona publica. In ijs etenim & similibus casibus datur vera ratio iniustitiæ nihil obstante scientia & voluntate patientis. Quod auctores communiter supponunt ut certum. Nec magis dubitatur Sacerdotem pati iniuriam, si iudicetur à iudice Laico, tametsi velit ab eo iudicari & cedere iuri suo quoad forum Ecclesiasticū. Idem apparet ex irregularitate percutientis Sacerdotem volentem percuti punitiua iniuriæ illi nihilominus illatæ. Potest igitur iniuriam pati sciens & volens.

R. Vnanimis & certa omnium sententia est cum D. Thoma dicta quæst. 59. art. 3. sciētem & volentem non posse pati iniuriam. Ratio efficax D. Thomæ est, quia unusquisque se habet potius ut agens quam ut patiens, in eo quod sibi contingit ex propria voluntate. Nam quod sibi cōtingit ex propria voluntate, habet ex seipso; quod autē patitur habet ex alio. Repugnat igitur ut iniuriam quis patiatur volens. Nempe quatenus illam pateretur, iniuria esset à principio extrinseco; esset autem ab intrinseco, quatenus eandem vellet; id est esset ex seipso, quæ sunt contradictoria. Quæ de causa dixit Philosophus 3. phys. tex. 40. non posse idē secundū idem esse agēs & patiens.

Confirmatur quia nemo potest facere iniuriam per se & formaliter nisi volens. Ergo neque pati eandem formaliter potest nisi volens. Patet consequentia, quia sicut neque

quit quisquam constitui moraliter agens, nisi per voluntatem; ita non potest constitui moraliter patiens nisi contra voluntatem. Confirmatur rursus, quia nulla iniuria fieri formaliter potest, nisi peccando contra legem fauentem atque beneficam respectu eius, cui inferitur iniuria vt supra dictum est quæst. 3. & sæpe deinceps. Cum autem fauor & beneficium non conferantur inuito, ideòque nulla lex possit esse fauorabilis & benefica respectu nolentis fauorem & beneficium; atque volitio actionis iniuriøsæ foret nolitio fauoris & beneficij contrarij, patet iniuriam non posse esse volitam ab eo qui eam patitur, sed eo ipso deesse actioni rationem iniuriøsæ. Confirmatur denique quia ius constituitur intrinsecè per volitionem eius cui ipsum inest vt dictum est q. 6. Ergo eo ipso quod quis velit actionem materialiter contrariam iuri suo, cedit eidem iuri, nec subsistit amplius tale ius. Est autè de ratione actionis iniuriøsæ vt componatur cum iure alterius in contrarium; neque peccari iniuriøsè potest aduersus ius, quod iam euauit.

Ponitur ob oculos clarius vis listarum confirmationum aduertendo ius non grauare subiectum cui inest, sed ceteros in fauorem ipsius, vt constat ex definitione iuris superius data. Si autem posset quis pati iniuriam volens, posset planè ius aliquod esse grauosum respectu habentis ipsum. Quia ratione iuris ipsi conueniret, vt ceteri non solè possent, sed etiam deberent contradicere voluntati eius circa rem suam; certe non tenerentur nec possent illi conformari. Quia non possunt inferre iniuriam, sed tenentur ab ea abstinere. Quid autem est grauamen, si tale non est quod impedit impletionem, propria

propriæ voluntatis, atque ceteros constrin-
git ad contradicendum eidem? Quid quod
inde fieretius posse esse restrictiū pro-
priæ simul, & alienæ libertatis impediendo
illationem iniuriæ ab altero, & consensum
propriū in iniuria; id est in peccatum al-
terius? quod est contra quidditatem iuris,
& contra omnem superiorem doctrinam,
circa illud.

Declaratur & vrgetur vterius exemplo.
Quia emptor, qui sciens & volens dat pro
merce pretium maius quam debeat, nullam
vt est in confesso apud omnes, patitur in-
iuriam à venditore accipiente totum, quod
sibi datur, tametsi faciat materialiter iniu-
stum vt patet. Id quod nulla alia de causa
sublisteret potest, nisi quia actio materialiter
iniusta amittit rationem formalem iniuriæ
ob scientiam & voluntatem patientis seu
quasi patientis. Ergo repugnat actionem
aliquam esse formaliter iniuriosam respectu
volentis ipsam.

Accedit rem hanc Canonica & Ciuili sã-
ctione reddi indubitabilem quia Reg. 27. de
reg iur. in 6. statuitur, quod *scienti & con-*
sentienti non fit iniuria; & l. 187. ff. eodem
titulo deciditur *neminem fraudare eos, qui*
sciunt, & consentiunt repugnat autem, vt
iniuriam inferat alicui, qui eum non frau-
dat suo iure.

Ad 1. & 2. dicitur nullū eorum qui vtro-
bique adducuntur in exemplum, velle sim-
pliciter & absolutè, sed tantum secundum
quid voluntate formaliter pertinente ad ra-
tionem iuris. Quod tamen, vt percipiatur
clare, & solidè stabiliatur obiterque di-
ruantur nonnullæ aliorum responsiones mi-
nus idoneæ, aut nimis duræ, opus est do-
ctrina quæst. sequentis.

QVÆSTIO XVI.

Verum ius possit formaliter aut tolli per iniuriam, aut lædi absque iniuria?

IDETVR utrumque fieri posse. 1. Quia habenti ius ad rem potest impediri, ac negari ius in re per actionē iniustam ut infra dicitur & est certum apud omnes. Ergo potest auferri, seu negari ius aliquod per iniuriam.

2. Ius est reflexivum, aut quasi reflexivum supra seipsum. Eodem namque iure, quo quis habet rem quamlibet aliam ut suam, habet etiam necessario ipsum ius, ut suum. Alias necesse esset dari processum iurium in infinitum, ut aliquod ius fieret suum alicuius. Sicut ergo actio auferens res alias distinctas realiter a iure, quæ sunt terminus iuris potest esse iniusta per oppositionem cum iure circa illas; ita etiam potest esse iniusta actio auferens ius per oppositionem cum eodem iure, quod aufertur; idest cum iure iuris indistincti realiter ab ipso.

3. Habens aliquod ius absolutum, & illimitatum quoad tempus, eo ipso habet ius ad conservationem perpetuam sui iuris. Ergo fit illi iniuria, si impediatur conservatio talis iuris. Impediri autem non potest conservatio iuris, nisi per ablationem ipsius. Ergo ablatio iuris potest esse iniuriosa.

Confirmatur quia vnusquisque habet ius ad conseruationem sui: alias non esset iniusta occisio hominis. Cum autem quis occiditur deficient omnia eius iura, ideoque ablatio vitæ est ablatio omnium iurium conuenientium illi qui occiditur. Vnde si quis non haberet ius ad conseruationem suorum iurium, eadem de causa, neque respectu conseruationis sui vllum ius haberet, nempe hoc ius cum iniuria sibi contraria componi non potest, & ablatio vitæ est ablatio omnium iurium. Sequela autem est absurdissima, utpote auferens rationem iniustitiæ homicidio secundum omnes suas species; cum tamen nulla maior hominis ad hominem iniustitia esse possit quam homicidium.

R. de Conceptu formali iuris est, tum vt auferri formaliter per iniuriam non possit, tum vt ladi non possit formaliter, nisi per iniuriam. Probatur & explicatur prima pars huius principij primum à paritate. Quia nullum ius potest tribui formaliter per iniuriam, ita vt nōdum habenti ius aliquod tribuatur ab habenti, idque ab isto fiat virtute iustitiæ. Ergo nullum ius tolli, negatiue potest formaliter per iniuriam, ita vt habens ius aliquod incipiat non habere illud, idque fiat per iniuriam auferentis. Patet antecedens; quia cui aliquid confertur non præexistente iure, vt id sibi conferretur eo ipso confertur gratiose si quidem confertur quod non est suum ipsius accipientis. Patet consequentia; quia non minus est de ratione iniuriæ, vt contradicat iuri alterius, quā sit de ratione iustitiæ, vt conformetur iuri alterius. Aequè autem repugnat contradictio respectu extranei iam non amplius existentis; atque

Conformitas respectu nondum existentis.

Probatur deinde à posteriori. Quia iudex spolians reum bonis suis ob delictum dignum tali pœna, nullam illi infert iniuriam; infert verò latro, tametsi illa auferat eidem delinquenti cognita eius dignitate, ut spoliatur bonis suis. Huius autem discriminis nulla alia ratio esse potest, nisi quia iudex simul cum bonis auferat ius ad bona; latro verò auferre ius non potest, sed tantum bona. Quod si vel hîc haberet potestatem auferendi simul cum bonis ius ad bona, vel ille non haberet, secus omninò res, accideret, & iudex inferret iniuriam; latro non inferret. Patet igitur auferentem ius, eo ipso, nullam iniuriam inferre; ac proinde ius per iniuriam auferri formaliter minimè posse.

Probatur denique à priori. Quia iniustitia habitualis est habitus intentius inæqualitatis, ut dictum est quæst. 14 ac per consequens iniustitia actualis, est actualis intentio inæqualitatis. Constat autem ex dictis quæst. 9 istam inæqualitatem versari non inter bona vnius, & iura alterius secundum se; neque inter iura vnius, & iura alterius secundum se; neque inter vtraque simul, absolutè considerata; sed versari inter bona vnius & bona alterius cum proportionè ad iura vtriusque: Ita ut defectus proportionis inter hæc extrema essentialiter constituat inæqualitatem, quæ est materia iniuriæ. Manifestum verò est defectum istiusmodi æqualitatis dari non posse deficiente iure. Sicur nihil potest habere proportionem æqualitatis respectu extremi iâ nò existentis, ita nec inæqualitatis proportionem habere potest respectu eiusdè. Népe

extremo quod iam non datur a parte iuris, sicut nihil æquale, ita nec inæquale quidquam esse potest.

Confirmatur. Nam qui patitur iniuriam, idcirco illam patitur, quia ei negatur, quod eidem debetur, sed ablato iure iam, nec ipsum, nec eius terminus debetur. Ergo cui auferretur ius formaliter, non patitur iniuriam. Vis huius rationis ex eo clarius apparet; quia si posset ius formaliter auferri per iniuriam; fieri utique posset, ut quod alicui debebatur, inciperet esse indebitum respectu eiusdem præcisè ratione iniustæ ablationis. Quod est manifestè absurdum quia ablatio iniusta auferentem constituit debitorem rei ablatæ, & rem ipsam ablatam constituit debitam restitui. Patet autem sequela: quia deficiente formaliter aliquo iure, deficit eo ipso ratio debiti in termino iuris, si quidem ablatæ forma denominante nequit subsistere eius denominatio; atque ratio debiti est denominatio proveniens a iure. Ergo si formalis ablatio iuris posset esse iniusta aliquid prius debitum redderetur indebitum ratione iniustæ ablationis.

Altera pars principij initio propositi, nempe nullum ius, formaliter lædi posse, nisi per iniuriam videtur esse satis ex se manifesta. Quia ius proprietatis, de quo agitur, est libera facultas munita lege favente subiecto eius, & gravante alios in favorem ipsius, ut dictum est in definitione iuris. Quare fieri non potest, ut lædatur ius aliquod, quin restringatur libera aliqua facultas & fiat contra legem faventem eidem libere facultati; atque constituatur inter lædentem, & læsum inæqualitas contraria tali legi. In hoc autem consistit formalis ratio iniuriæ ut patet. Ergo repugnans

gnat actionem aliquam vel omissionem, esse læsivam iuris formaliter, eandemque non esse iniustitiam. Ea porro actio, seu omissio dicitur læsiva iuris formaliter, quæ est contraria, actioni, vel omissioni. ad quam ius dat liberam facultatem.

Quare ad iudicandum an aliqua actio, vel omissio quæ ex vi alicuius iuris præ-existentis secundum se futura erat iniuriosa, definat esse talis, ex aliqua suppositione superveniente de nouo; videndū est, an noua ea suppositio auferat ius præexistens ad eā actionē vel omissionē, an nō auferat? Si enim auferat ius, auferet etiam actionē vel omissioni rationem iniuriosā; sin minus: non auferet, quidquid illud, & cuiuscumque conditionis fuerit. Siquidē eo non obstante actio seu omissio erit læsiva iuris, non minus, quā si ea suppositio facta nō fuisset.

Ex his concluditur sententiam Philosophi D. Thomæ aliorumque communem, & certam defensam in quæst. proximè præcedenti quod volenti non fiet iniuria, intelligendam esse de voluntate qua quis validè renunciet iuri suo, illudque efficaciter abdicet à se non solum affectiue, sed etiam effectiue. Hanc esse mentem D. Thomæ patet ex illo art. 9. ad 1. *Homo enim ait per suam voluntatem possidet res, & ita non est præter proportionem vel propositum, si aliquid ei abstrahatur, sed secundum propriam voluntatem, vel à se ipso, vel ab alio.* Loquitur ergo de voluntate qua vnus quisque res possidet, & qua proinde retractata per contrariam voluntatem non amplius eas possidet, sed desinunt esse suæ ipsius.

Eam porro sententiam, tamen si absolute, & absque expressione ullius limitationis proferatur, esse capacem huius sensus,

ac restrictionis ex eo facile perspicitur; Quia dū agitur de iuribus voluntas disponens inualidè circa aliquid, perinde æstimatur ac si non esset; Ideòq. cōmuniter dicitur voluntas nulla; & quia moraliter nulla est re ipsa, dum agitur de voluntate quoad morales effectus, vt contingit dum agitur de iuribus, & iniurijs, non comprehenditur sub nomine voluntatis. Vnde patet nullam vim inferri per datam expositionem Philosopho & D. Thomæ atque regulis vtriusque iuris; quatenus negantibus iniuriam respectu scientis & volentis. Quia loquuntur expresse de voluntate inducente diuersitatem, moralem, in actionem materialiter iniustā. Quæ diuersitas induci nullatenus potest nisi inducta diuersitate in iure; cui videlicet, si non obstante ea voluntate adhuc perseveraret, non minus esset contraria, etiam formaliter, ac moraliter eadem, actio, quam si nulla talis voluntas, nullusque in eam consensus physicè adesset patienti.

Quia verò voluntas actualiter, & explicitè consentiens in actionem materialiter iniustam aliquando illi aufert, aliquando non aufert rationem formaliter iniuriosæ; pro isto discrimine clarius dignoscendo considerandum est quædam iura pendere in esse & conseruari ab actuali voluntate habentis illam: vel certè quoad primum esse ab actuali voluntate, eaque explicita ac determinatā circa talem rem; & quoad conseruari a defectu similis voluntatis actualis contrariæ: alia verò iura esse talia vt eorū conseruatio non pendeat a defectu voluntatis actualis contrariæ, neque ad primum eorū esse requiratur voluntas explicita, & determinata respectu talis rei. Prioris ge-

neris sunt iura pecuniarum. Quas videlicet nemo facit suas, nec reddit illicitam usurpationem earum, nisi habeat voluntatem specialiter liberam respectu ipsarum, qua velit eas esse suas; & superueniente voluntate contraria desinunt esse suæ. Posterioris generis est fama. Cuius videlicet ius habetur voluntate generali, qua vult sibi bene esse, siue esse felix ac beatus, & non amittitur voluntate actuali contraria.

Ratio huius discriminis inter diuersa iura pendet ex eo, quod quædam bona sunt talis naturæ, vt cum ipsis, & sine ipsis possit quis esse felix; imò possit promouere felicitatem per voluntariam iacturam eorum, seque disponere per ipsam ad alia maiora bona. Huiusmodi sunt pecuniæ, & abundantia bonorum temporalium, quibus in pauperes erogatis, aut aliter honestè renuntiatis crescit dispositio ad ditandum animum maioribus alijs bonis; ipsaque voluntate, se ad illa disponendi, incipit iam ditescere melius, & promouere felicitatem suam. Alia verò sunt bona, quorum iactura voluntaria non promouet felicitatem, sed minuit & reddit indispositum, aut minus dispositum ad consecutionem eius. Huiusmodi sunt fama bona, vera rerum cognitio & alia huius generis. Infamia enim voluntaria reddit hominem minus sollicitum de honestate vite, & minus utilem honestati aliorum conservandæ; & error quantum est de se disponit animum proximè vel remotè ad prosecutionem, vel fugam rerum contrariarum merito, ac dignitati ipsarum. Patet autem in voluntate generali, qua quis vult felicitatem, vtque bene sibi sit, non posse contineri voluntatem eorum bonorum, sine quibus felicitas, & ipsum bene esse optimè consistit;

consistit; ac proinde ad acquisitionem eorum, seu ad ea faciendâ sua necessariâ esse voluntatem explicitam ac determinatam, respectu ipsorum: Contineri verò in eadem generali voluntate, voluntatem eorum bonorum, quæ ita conferunt ad felicitatem, ut eorum iactura voluntaria minuât illam potius, & ad eandem malè disponat. Qui enim vult aliquid explicitè, eo ipso vult virtualiter & implicitè quæ sunt ad illud necessaria determinatè, non verò quæ necessaria non sunt.

Quia verò nemo est, qui nolit, aut possit omninò nolle felicitatem, sed necessariò omnes illam volunt, atque hæc voluntas præualet supra omnes alias volitiones, sit planè, nemini deesse posse voluntatem efficacem, quæ sufficiat ad constituendum ius respectu eorum bonorum, cum quibus fœlicitas habet illud genus connexionis, quæ modò exposita est. Vnde etiam si quis habeat, per errorem intellectus, aut deordinationem affectus, voluntatem particularem, qua efficaciter nolit eadem bona, illisque, & eorum iuribus renunciet efficaciter affectiue, atque ipsorum iacturæ similiter consentiat; non propterea desinet habere ius ad illa. Præualet nimirum voluntas vniuersalis felicitatis & eorum bonorum, cum quibus connectitur fœlicitas, huic alteri voluntati particulari contraria: tum quia voluntas felicitatis est ordinatiua cæterorum omnium ad ipsam felicitatem, cum maiori adhæsiōe ad hoc motiū, quam possit haberi ad aliquod aliud: tum quia ea voluntas continetur in qualibet alia voluntate, ut dictum est dum ageretur de ultimo fine, & de terminis humanæ libertatis. Quapropter quævis volitio circa
motiū

motuum particulare, quæ contradicit intentioni vniuersali felicitatis, sibi etiam ipsi contradicit virtualiter, & implicite; concordans partim cum eadem intentione felicitatis, partim ab eâ discordans. Præterea lex, qualem dictum est supra pertinere ad constitutionem iuris proprietatis, fauet intentioni felicitatis, non autem voluntati particulari contrariæ. Nempe Deus non vult eis nos iuribus spoliari, quibus egemus ad felicitatem per se, & determinate; tamen si dederit potestatem, ut culpa nostra amittere possimus bona ad illam conferentia merendo ablationem eorum, sicut & ipsum felicitatem amittere possumus, tamen si à nemine auferibilis ea sit absque culpa nostra, & merito, ut auferatur.

Ex quibus apparet patientem iniuriam semper esse vel ita nolentem, ut nullatenus sit volens; vel certè ita ut magis sit nolens quam volens; ideoque, vel esse pure patientem; vel certè patientem magis, quam agentem. Apparet rursus legem repugnātem abdicationi aliquorum iurium, tamen si contradicat alicui voluntati subiecti, cui ea insunt; esse nihilominus fauorabilem respectu ipsius: tum quia concordat appetitui non solum recto materialiter, & formaliter, sed etiam praualentī, & efficaciori; tum quia beneficium & fauor potest conferri irrationabiliter inuito. Ex quo vterius efficitur posse subsistere ius, tamen si detur in eius subiecto aliqua volitio illi contraria, dummodo detur simul volitio alia praualentis, per quam idem ius, constituatur atque subsistat. Indidem similiter efficitur legem repugnantem abdicationi aliquorum iurium, posse nihilominus esse ampliatiuam simpliciter libertatis subiecti eorum; quia potest
nihil.

nihilominus indulgere quoad plura, & maiora bona; solumque restringere quoad aliquid nocens, & odio habitum efficacissimè per aliam voluntatem ab eodem subiecto iuris. Qua in re Deus prouidet vniuersaliter omnibus ista sua lege, ad eum fere modum quo prouidet magistratùs dans curatorem prodigo ac dilapidatori bonorum, vt voluntas eius absque istius consensu sit nulla. Quo defenduntur illi potius quam restringantur simpliciter, & absolutè termini libertatis quoad plures vsus per tempus longius circa bona sua.

Non est difficile doctrinam istam deducere ad casus propositos in rationibus dubitandi quæstionis proximè præcedentis. Dicendum namque est primo conditionaliter: si voluntas dandi aliquid pro aliquo siue temporali, siue spiritali; atque consensus innocuum ab altero inferendū, sufficiant ad renuntiandum ius, vtquè ipsū omninò pereat danti sic & consentienti; nullam fieri iniuriam neque ab accipiente pretium, neque ab inferente nocuum, ac per consequens nullum deinde superesse onus, seu restitutionis, seu compensationis: secus verò si ius nihilominus integrum perseueret. Quæ quidem assertio vsquè aded manifesta est ex dictis huc vsque quoad vtramque suam partem, vt nulla vltèrius indigeat, aut expositione, aut confirmatione.

Dicendum rursus est absolutè & in genere acceptionem bonorum & illationem nocuum exercitas circa volentem dare, aut pati, eo ipso carere specie quadam iniustitiæ quam contraherent non existente ea voluntate & consensu, etiam quando eadem voluntas & consensus sunt insuffi-

cientes

scientes ad extinguendū ius volentis & consentientis quoad rem datam & nocumentū illatum. Quia ipso deest specialis iniustitia violentæ damnificationis. Nempe unusquisque habet ius quoddam speciale, ne patiatur violentiam circa sua bona. Quæ de causa rapina, differt specie à furto simplici eiusdem rei, illique superaddit, ratione specialem iniustitiæ, ut docent D. Thomas q. 66. art. 4. & alij communiter, ob specialem violentiam, quam ingerit raptor cum contēptu Domini præsentis, & actualiter renitentis; cum deberet illum reuereri, tametsi alias inferiorem, ob præminentiam quam q. 2. & 3. dictum est, inseparabilem esse à iure circa rem quæ ipsum terminat, & circa eius usus. Quia igitur scienti ac volenti actualiter & explicitè nunquam inferitur ea specialis violentia, quæ inferretur nolenti & nullatenus simul volenti, propterea neque fieri unquam potest ea specialis iniuria, quæ fieret nullatenus volenti, tametsi aliquando fiat absolutè aliqua iniuria iuxta nuper dicta.

Similiratione verificatur vulgare illud: beneficium non confertur inuito. Verificatur inquam aliquatenus, etiam respectu irrationabiliter inuiti. Nec enim huic confertur beneficium illud speciale voluptatis, seu complacentiæ præsentis, & animi bene dispositi ad gratitudinem, quod conferretur, si eadem actio exerceretur erga volentem & cupientem, & eo magis quo magis vellet ac cuperet. Qui enim accipit beneficium utrunque inuitus actualiter & in particulari, loco duplicis eius beneficii accipit duplex contrarium nocumentum, alterum displicentiæ ac tristitiæ præsentis, alterum indispositionis ad gratitudinem coniuncta

iunctæ cum debito gratificandi. Igitur è conuerso qui patitur damnum volens, atque consentiens, tametsi nulliter absolute velit, atque consentiat liberatur à duplici nocu-mento, altero violentiæ & displicentiæ ac tristitiæ præsentis seu incipientis ab illo ip-so instanti actionis damnificatiuæ; altero dispositionis præsentaneæ ad iram & vindi-ctam; & per consequens damnificator non committit iniustitiam quoad hæc duo com-missurus eandem, si idem damnum inferret nolenti actualiter & explicitè, seu nullatenus volenti.

Dicendum denique est breuiter in par-ticulari. Accipiens auctarium pro mutuo est absolute iniustus, si mutuatarius illud solu-at, vel ignorans præsentem illam mutuû commoditatem esse inuendibilem, & incô-pensabilem æquali pretio; vel soluat sciens quidem hoc, sed coactus ab iniqua mutuan-tis auaritia coniuncta cum propria præsentî necessitate. Quia in neutro casu adest vo-luntas donandi auctarium; Emptio verò ex natura rei est nulla vtpote vendens quod est inuendibile; ideoque non perit soluentî ius eiusdem auctarij, vtpote nullatenus do-nati, nec propriè soluti. Vnde consequens est iuxta dicta superius, vt committat pec-catum iniustitiæ, qui illud accipit. At si idem auctariû detur absque eiusmodi igno-rantia, & coactione etiam palliata, eo ipso donatur, & nulla est iniuria. Eadem est quoad hoc ratio de dante aliquid pro re, seu purè seu, non purè spiritali. Si enim det similiter ignorans vel coactus acceptio est iniustitia. Si verò det præcise ob gra-titudinem, & liberaliter, idque realiter ac sincerè nulla est iniustitia. Quia voluntas dandi, ac cedendi iuri suo est valida iuxta dicta

dicta superius de natura pecuniarum. Neque de hoc casu loquuntur auctores, dum vniuersaliter dicunt iniustos contractus vsurarios & simoniacos, vt notat inter alios Layman agens de simonia.

Similiter excessus conjugatorum sunt iniusti non solum respectu prolis legitimæ aut Reipublicæ. quo nonnulli recurrunt, & ad præsens minimè spectat; sed etiam comparatione mutua, idque propriè ac stricte, tametsi inuicem conuiueant, siue mutuò siue non mutuò. Quia vtrunque premit obligatio mutua fouendi in altero amorem erga se conjugalem, pacem & tranquillitatem, permanentem ad finem vsque vitæ. Contrariam verò imposterum dispositionem, animi vterlibet imprimit alteri, dum peccat, propter acres zelotipiæ motus, & amarā displicentiam consortis alio distracti, & affectus vt nimium diuisi. Neque verò potest conuiuentia præsens & permissio spontanea peccati impedire, quominus ea dispositio faciliè postea pariat separationem, animorum, odia, rixas, diffidentiam; quibus vitâ dis tenentur iure matrimonij inextinguibili per voluntatem postea superuenientem.

Præterea coniugati sunt ex vi matrimonij vna caro, vt habetur in Euangelio. Quare fieri non potest, vt alteruter eorum peccet cum tertio contra castitatem violando obligationem quā habet respectu sui ipsius secundum se, quin simul & indiuisim peccet contra iustitiam, violando obligationem quam habet respectu alterius consortis, vt potè indiuisi a se in tali materia. Quæ de causa non magis potest consensus alterius auferre posteriorem istam malitiam quam possit priorem. Quia non est amplius in
altera

alterutrius potestate, ut inducat mutuam, iuridicam diuisionē carnis; sed debet vterque se custodire non minus alteri, quam se secundum se immaculatum, & hoc modo providere ne alter maculetur, infametur: atque vilescat; idque siue ipse velit, siue nolit.

Ob eandem identitatem moralem vniū quisque coniugatus constituitur custos alterius, sicut debet esse custos sui ipsius in ordine ad obseruantiam cāstitatis coniugalis, acceptaturque ab altero ad hoc officium. Quare qui illi præstando reddiderit se inhabilem, eo ipso peccabit contra ius quæsitum alteri; sicut quiuis obligatus ad custodiendum quiduis aliud. Manifestum autem est coniugatum violatione thori reddi valde inhabilem ad præstandum hoc officium. Idque multo magis, quando peccatur ex consensu consortis. Quia consilia, quærimonæ, minæ, aliæque coniugales mutuò se custodiendi artes languent admodum, nec flocci penduntur ob memoriam exempli in contrarium relati; & adhibentur difficiles, ac tepidius ob conscientiam opigneratam vicissitudini exigendæ quasi iure suo ab eo qui prius consensit ac indulgit.

Ab istis perro obligationibus neuter coniugatus liberari potest voluntate alterius, quia nituntur consensu matrimoniali vtrò citroque præstito; cuius rigor est deinceps irreuocabilis ab ipsis affectiue; ideoque sunt inamissibilia iura fundata in illo, secundum se præcisè. Igitur ob consensum, seu permissionem spontaneam consortis non aufertur propria adulterij iniustitia; sed sola illa, quæ consisteret in violenta corporis alienatione, & speciali vi contristandi oblationem actualiter renitentis, seu non con-

iuentis

niuentis actualiter; atque quod ratio iniuriæ absolute perseveret, idè est quia ius matrimoniale perseverat nihilominus ut patet ex ratione data.

Iam quod attinet ad personam Ecclesiasticam cedentem iuri fori, aut non percussione, manifestum est neutrum ius amitti posse per voluntatem patientis. Cum senim istud ius cõcedatur nõ tam in fauorem personæ priuatæ, quam in fauorem ordinis Ecclesiastici & Clericalis, non potest amitti sola voluntate personæ priuatæ, quia subsistit vi alterius voluntatis irreuocabilis per ipsam, & illa sua ipsius voluntate, dependenter a qua Ecclesiasticus aut Clericus factus est, quæ voluntates non reuocantur, aut annullantur per voluntatem postea superuenientem cedendi foro, & volendi percussione. Idem dicitur suo modo de volente infamationem sui, & iacturam aliorum bonorum, quorum conseruatio est necessaria determinatè ad fælicitatem consequendam; quia ius ad talia bona subsistit v. voluntatis, qua vnusquisque vult fælicitatem prævalente omnibus alijs voluntatibus, ut superius dictum est. In omnibus igitur huiusmodi casibus & materijs idè datur ratio iniuriæ quia perseverant priora iura. Vnde demum deducitur omnem iniuriam præsupponere essentialiter ius, idè quæ iniuriam esse quia iuri contradicit, ac proinde ius neque auferri per iniuriam formaliter posse, neque lædi absque iniuria.

Ad 1. Conceditur antecedens, & distinguitur consequens: auferri materialiter potest, Conceditur consequentia: formaliter, negatur consequentia. quia ius in re respectu habentis ius ad rem comparatur veluti res quælibet distincta ab omni iure, quatenus

nus ius ad rem est ius ad ius in re ; atque hoc est terminus purus , & iustum passivum comparatione illius . Quare impediens iniuste ius in re non facit actionem contrariam ipsi iuri in re , sed contrariam iuri ad rem : ita ut per oppositionem ad solum istud posterius ius, ea actio sit iniuriosa . Illud autem ius comparatur formaliter cum unaquaque iniuria per ordinem & oppositionem ad quod habet actio rationem iniuriosam ; terminus verò eiusdem uris comparatur materialiter quia est materia in qua versatur iniuria . Cum igitur notanter dictum sit nullum ius formaliter auferri per iniuriam posse ; idest nullum ius auferri posse per actionem, cui conveniat ratio iniustitiæ, seu iniuriæ per oppositionem ad idem ius, patet nihil hac objectionem concludi contra conclusionem . Eadem porro ratio est de impeditione iuris proximi , aut intrinseci præsupposita existentia iuris remoti , aut extrinseci , deque alijs similibus iurium iuribus ; qualia sunt ius ad matrimonium post sponsalia, & ius ad rem promissam post promissionem acceptatam .

Ad 2. Imo inde concluditur oppositum ; quia sicut res quæ est sua alicuius pro aliquo instanti, absque vlla eiusdem iniuria est penes alium pro alio instanti, pro quo nullum iam competit illi ius respectu eiusdem rei ; ita etiam ipsum ius est penes alium, absque vlla prioris domini iniuria pro eo instanti, pro quo eidem priori domino nullum iam competit ius neque respectu ipsius iuris neque respectu termini realiter distincti illi correspondentis . Hoc autem necessario contingit pro instanti pro quo auferitur ius directum ; quia eo ipso auferitur etiam ius

reflexum, utpotè indistinctum realiter à directo.

Ad 3. Nemini conuenit ius propriè, & strictè tale respectu conseruationis suorum iurium formaliter; Sed conseruatio ista est vel metaphysicè necessaria, vel defectibilis sola eius voluntate & actione, qui sine iniuria auferre ius, & impedire eius conseruationem potest. Si enim ius aliquod à Deo immediatè conferatur, eiusque sola voluntate conseruetur ab ipso solo, auferri potest, atque adeo nō nisi iustè auferri potest. Quod si Deus promissione, aut reuelatione perpetuæ conseruationis idem ius stabiliat, iam conseruatio erit metaphysicè necessaria. Si autem ius homini ab homine conferatur, vel confertur ad nutum conferentis sine alia causa, vel in perpetuum, atque omninò absolutè, dum non aderit causa specialis iusta in contrarium. Si sit ad tempus & ad nutum, patet absque vlla iniuria auferri posse à conferenti, quando placuerit. Si in perpetuum & absolutè, nulla vi auferri ab eodem poterit. Quia post acceptationem, voluntas contraria conferentis erit nulla. Multo verò minus poterit auferri ab alijs non existente causa iusta in contrarium, à quorum videlicet voluntate minus pendet tale ius. Quando autem aderit iusta causa auferendi ius, patet iustè ablatum illud iri ab eo, ad quem pertinet causæ cognitio; ab alijs verò nullatenus auferri poterit, metum si maximè velint. Ergo conseruatio iuris formaliter non cadit sub iure, sed vel est necessaria vel non munita legè, atque negabilis sine iniuria. Vnde habens ius absolutum ac illimitatū, habet eius perpetuitatem non iure, sed quod maius, & alterius generis.

generis est, impossibilitate physica ablationis.

Ad homicidium, quod attinet, alius est dicendi locus. Sufficit pro nunc supponere ut certum, hominem non esse dominum suæ vitæ; sed totum eius ius immediatum ad solam Deum pertinere. Unde qui peccat occidendo hominem, non est iniustus erga ipsum sed erga Deum. Iura verò spectantia ad hominem non ab eo eripiuntur formaliter & immediate, qui eripit illi vitam, sed tantum indirectè, quatenus iura bonorū temporalium conferuntur homini tantum pro tempore vitæ mortalis; ac proinde intereunte homine vndecunque id proveniat, siue naturaliter, siue violenter, illa desinūt esse, vel transferuntur non per directam oblationem eorum; sicut quando iuste spoliatur illis reus per iudicis sententiam; sed indirectè per positionem termini, & conditionis ab auctore iurium designatæ, nunquam igitur ius auferitur directè & formaliter per iniuriam.

QVÆSTIO XVII.

Vtrum omne peccatum iniustitiæ sit mortale?

IDETVR esse. Quia in re venerea non datur paruitas materiæ, sed omne peccatum circa illam est lethale. Ergo neque in iniurijs datur paruitas materiæ, sed omne peccatum iniustitiæ est lethale. Probatur consequentia; quia neutra mate-

ria consistit in indiuisibili, & vtraque est finita. Quæ autem vniformiter sunt eiusmodi, possunt vniformiter auferendo diminui ita vt finiantur, & immediatè antequam finiantur, sint prope finem, & parum distantia à nihilo; Quod autem parum distat à nihilo in quouis æqualiter genere, est quid paruum, vsque adeò, vt videatur esse legitima definitio parus & magnus; quod parum vel multum distat a nihilo. Deinde, quale est auferre pomum vel obolum, tale videtur esse tangere extremos digitos, & sic de alijs similibus.

Rursus vitium oppositum iustitiæ & maius ac deterius quam vitium oppositum castitati. Quia iustitia est maior & præstantior virtus, quam castitas, vt constat ex q. 83. Ergo si aliquid exiguum contra iustitiam est veniale, multo magis veniale est, quod est exiguum contra castitatem. Denique, si consecrationem vitæ æternæ redderet moraliter impossibilem, quod omnia peccata contra iusticiam etiam in quantitate vtunque parua essent lethalia ideoque oportuit non omnia esse prohibita sub lethali; Idem sequeretur ex eo quod omnia peccata contra castitatem essent lethalia; quandoquidem nec occasiones horum peccatorum sunt pauciores, sed multo plures, nec motiua alliciunt minus sed multo magis, ac proinde ob eandem rationem oportuit, vt nec omnia ista peccata essent prohibita sub lethali.

R. Peccatum iniustitiæ esse mortale ex genere suo; posse tamen esse veniale, tum ex solo defectu deliberationis; tum ex sola paruitate materiæ; tum ex vtraque simul, communis & certæ scientiæ est, cum Diuo Thoma art. 4. quæst. 59. Probatur prima

prima pars Quia quod opponitur charitati est mortale ex genere suo. Charitas enim est vita animæ, & quod opponitur vitæ est induciuum mortis, ideoque mortale. Iniustitia autem opponitur charitati. Quia charitas intendit bonum proximi, iniustitia vero nocuumentum eiusdem, quod consistit in priuatione boni. Probatur altera pars quoad defectum deliberationis quia ut dicit Philosophus cap. 3. huius 5. fine: *ea que non solum ignorantes, sed ob ignorantiam, etiam faciunt, venialia sunt.* Nempe actus humani non tam æst mantur ex effectu, & qualitate obiecti parui vel magni secundum se, quam ex præcognitione perfecta vel imperfecta, dummodo sit inculpabiliter imperfecta.

Probatur denique de paruitate materiæ. Quia qui parum à medio recedit, non carpiunt, ut dicit Philosophus 2. Ethic. sub finem. Certè talis recessus condonatur facili, ac proinde est venialis, *Exigua namque iactura ex g. unius pomi, probabile est, quod non displiceat patienti,* ut dicit D. Thomas ad 2. Sane displicentia per se loquendo est parua, & facili imperfectam pacem, & beneuolentiam redditura. Quod si talis non esset, redderetur moraliter impossibilis per se conseruatio charitatis cum Deo & proximis, atque indè consecutio vitæ æternæ. Quæ sequela est absurda; inferitur verò legitime ex nimia frequētia occasionum leuiter nocendi, & facilitate inferendi leue nocuumentum. Postrema pars de exiguitate materiæ & deliberationis simul est manifesta à fortiori. Quanta porro debeat esse deliberatio sufficiens ad mortale, est quid vniuersalius, & pertinens ad quæstiones de actibus humanis. Determinatio quantitatis est res valde, difficilis, ut visum est Philosopho.

nee determinata ab eodem loco proximè indicato; exponetur verò infra, dum agatur de restitutione. Interim certum est materiam iniustitiæ tam parvam esse posse, ut non sufficiat ad lethale, sicut patet ex exemplo posito à D. Thoma.

Ad rationem dubitandi in contrarium, concedendum omnino est antecedens, neque est negabile absque magno animarum periculo, morumque corruptione ut habetur ex D. Thoma quæst. 15. de veritate art. 4. c. sub initium. Ratio disparitatis multis visa est difficilis, nonnullis impossibilis qui propterea negant antecedens; quia falsitas consequentis est omnibus manifesta ac obuia. Ratio legitima discriminis pendet ex legitima cognitione delectationis, & rei veneræ, in cuius significatione æquivocatione passi sunt pauci illi, qui negarunt antecedens.

Sciendum igitur est non omnem delectationem secundum tactum aut etiam visum, vel auditum qualitercunque perceptam esse veneræ ac libidinosa, sed eam solum, quæ consequitur ad actum consummatum luxuriæ, vel ad alios, qui sunt præiij, aut comitantes respectu actus consummati; exercentur verò cum eiusdem imaginatione, & cogitatione actuali: ita ut delectatio, cui animus adheret, quando est libidinosa, non sit ea sola, quam causare possent ex se præcisè tactus illi præiij, aut concomitantes secundum se, sed prout coniuncti cum tali imaginatione & cogitatione delectationis perceptibilis ex actu consummato. Unde tactus corporis constituitur in ratione, ac specie determinata veneræ seu libidinosa, non ex vi quam habet excitandi imaginationem & cogitationem atque inde complacentiam impulsivam ad actum consummatum.

matum; sed ex coniunctione cum eadem imaginatione & cogitatione, & cum adhesionem affectus voluntarij ad delectationem, quam causant eadem imaginatio & cogitatio ex obiecto representato. Quapropter consensus in actiones qualescunque causantes delectationem veneream, eo ipso est consensus in delectationem, quæ est propria actus consummati, licet non propterea necessario intersit consensus in ipsum actum exteriorum consummatum; cum sufficiens sit consensus in delectationem propriam talis actus præcisè, ut imaginatam, & ut representatam per cognitionem.

Iam verò in huiusmodi actionibus, & delectationibus, quatenus hac modo sunt venereæ ac libidinose, non dari parvitatem excusantem a peccato lethali ex eo liquet. Quia consensus in ipsas, quatenus tales sunt, includit consensum in delectationem propriam actus consummati luxuria, qui est peccatum mortale; Consensus autem in delectationem provenientem ab aliquo actu lethaliter peccaminoso? Licet concipiatur absque consensu in eundem actum, est peccaminosus lethaliter, ut docet D. Thomas in 2.æ quæst. 74. art. 4. Quia consensus in delectationem provenientem ab aliquo actu, etiam præcisè ut imaginatam; & representatam in cognitione non potest esse absque inclinatione, & adhesionem affectus ad ipsum actum, qui est causa delectationis: atque consentiens deliberatè inclinationi, & adhesionem sui affectus ad actum lethaliter peccaminosum eo ipso peccat lethaliter. Non enim est quid parvum, ac leve malum habere animum deliberatè inclinatam & adhaerentem malo gravi. Quare actiones licet secundum se leues & continentes ex se

precisè malitiam vel nullam vel parui momenti, quatenus veneret ac libidinosæ sunt sunt graues, nec sunt capaces malitiæ venialis, nisi ex indeliberatione.

Expositio ista & significatio actionis libidinosæ & consequentia inde deducta habentur apud D. Thomam in hac 2.2. q. 154. art. 4 c. fine: *¶ ideo, ait. cum oscula & amplexus huiusmodi* (scilicet libidinosi de quibus loquitur) *propter delectationē huiusmodi* (scilicet propriam actus consummati, de qua immediatè fuerat sermo) *sunt, consequens* *ut quod sint peccata mortalia; ¶ sic solum dicuntur libidinosæ. Unde huiusmodi secundum quod libidinosæ, sunt peccata mortalia.* Solum igitur expedit in hac materia non æquiuocare actiones libidinosas cum ijs quæ sunt occasiones libidinis, & prouocant ad libidinem; nondum tamen sunt libidinosæ. Hoc enim rectè obseruato nulla est de reliquo difficultas.

Nonnulli admittentes eandem, quæ modo data est, expositionem, ac restrictionem actionis libidinosæ consistentis in tactu, visu vel auditu, nempe est eadem de his omnibus ratio, vt deducerent eandem, quæ huc vsque deducta est, consequentiam, dixerunt quamlibet eiusmodi actionem libidinosam, afferre secum inseparabiliter periculū proximum consentiendi in actum ipsum turpem consummatū. Facilius nimirum vitari actiones præuias libidinosas simul, cum consensu in actum consummatum, quam vitetur iste consensus post illas actiones, exercitias libidinosæ; esseque probabilius ijs actionibus sic exercitiis subsequiturum esse istum consensum quam eundem esse cohibendum: atque per hæc duo adæquatè constitui actionem seu omissionem quamlibet, in ratione

occasionis proximæ & proximi periculi respectu peccati lethalis; quæ proinde si non vitetur peccatur lethaliter. Quam in rem aduertunt optimè posse actionem aliquam esse leuem, paruique momenti in ratione, delectationis actualiter: grauem verò, magnique momenti in ratione occasionis, & periculi propter dispositionem materiæ, seu subiecti.

Demonstrant id exemplo scintillæ missæ in magnam copiam pulueris tormentarij, quæ quidem est quid paruum quoad quantitatem materiæ, & ignis; est tamen quid magnum & maximè formidandum quoad vim excitandi in tali materia, magnum & inextinguibile incendium. In re autem presenti eiusdem esse conditionis, actiones quasunque libidinosas, etiamsi sint maximè leues in ratione delectantis actualiter, constat: tum à posteriori ex experientia pluribus exemplis, ac testimonijs multipliciter confirmata: tum à priori, quia delectationes eiusmodi perturbant rationem propter commotionem & confluxum, necnon dilatationem spirituum vitalium, quibus insident species impressæ, atque inde auctiâ supra modum apprehensionem, & representationem phantasie præcipitantis propterea maiori semper cum impetu indeterius. Patet autem minus, ac debilitari miserabiliter libertatem perturbata in hunc modum ratione, atque idèò periculum inde nasci, quale dictum est.

Nec obstat quod desit per accidens, aut inculpabiliter credatur deesse tantum ac tale periculum in aliquo individuo. Quia lex ordinata in bonum commune speciei, qualis est, quæ dirigit potentiam generatiuam, non attendit quid accadat in aliquo

indiudivo, nec expedit, vt subiiciatur arbitrio vniuscuiusque, vtpote suspecti ac incōpetentis iudicis; sed decernit circa omnes & singulos absque vlla exceptione iuxta id quod plerunque euēit ex natura rei, vt aduertit optimè D. Thomas quæst. 15. de malo art. 2. ad 12. nec satis aduertunt nonnulli moderni plaudentes indiscriminatim ac perniciosè Patri Granados circa obligationem legis cessantem cessante fine legis.

Hæc ratio est optima; est tamen minus conspicua, quam quæ prius deducta est ex D. Thoma: tum propter diuersitatem periculi maioris, & minoris, aut forte nullius moraliter ob disparē diuersorum dispositionem naturalem & habitualem: tum quia hoc ipsum periculum fundatur tanquam in radice & ratione vltima à priori in inclinatione & adhæsiōe animi ad delectationem actus consummati; quæ videlicet seclusa, periculum non esset vsque adeò magnum, & quæ ratione sui secundum se præcisè est grauiter deformis; Quare ratio periculi est magis attendenda pro ijs actionibus secundum se, quæ incipere quidem absolutè possunt absque libidine, ideoque quantum est ratione sui secundum se absque villo peccato, vel cum solo veniali; sunt tamen pronæ ad excitandam eandem libidinem, ideoque periculosa saltem vt plurimum, idque magis vel minus; leuiter vel grauiter pro diuersitate circumstantiarum. Atque hæc fuit occasio æquiocationis docentibus paruitatem materiæ in re venerea.

Vt ut autem hoc habeat, ratio intenti discriminis est manifesta ex duplici discursu superiori. Quia parua nocumenta, quibus venialiter peccatur, inferuntur absque delectatione in magno nocumento, & absque
magno

magno periculo illud intendendi per se ac
exequendi. Nec actus paræ iniustitiæ ita
stimulat animum ad magnam iniustitiam, nec
auget per se, sed potius minuit appetitum
iniuste agendi pro tunc. Oppositum autem
huius accidit in parua delectatione venerea.

Vndè patet responsio ad primam superio-
rem probationem consequentis. Quia actio
ex quo est contracta ad differentiam libidi-
nosæ, iam est contracta ad differentiam ma-
gnæ turpitudinis, ut ostensum est clare. Vn-
dè prius desinit esse libidinosa quam inci-
piat esse parua. Diminutio autem solum
in indifferentibus ad paruum & magnum
potest deuenire ad paruitatem. Qua de
causa nec in materia iustitiæ potest esse ve-
nialis ex paruitate materiæ actio iniusta con-
iiciens in extremam necessitat. Secunda com-
paratio nõ subsistit si tactus sit libidinosus,
seu venereus, si non sit non negatur paritas.

Ad 3. & 4. probationem. Non asseritur
omne peccatum contra castitatem esse le-
thale, sed solum esse lethalem omnem dele-
ctationem veneream. Quia ex sua ratione
est quid magnum in vitio opposito, atque
ius permissio, aut etiam prohibitio so-
lum sub veniali redderet diffici-

liorem consecutionem vitæ

æternæ. Quod non ac-

cidit in paruo no-

cumento in-

iusto.

Quæ duo pa-

rent ex di-

ctis.

QVÆSTIO XVIII.

Vtrum iustitia particularis diuidatur in distributiuam & commutatiuam tanquam genus in species ?

IDETVR non sic diuidi
sed tanquam subiectum in
V accidentia, vel tanquam ge-
nus in partes potestatiuas.
1. Quia tam iustitia distribu-
tiua quam commutatiua red-
dit ius suum privatæ personæ, atque moti-
uum ad id præstandum est, vt seruetur illæ-
sum ius eiusdem privatæ personæ, vtque
habeat in bonis, quantum ipsi debetur. Er-
go vtraque iustitia cōuenit in toto eo quod
pertinet ad rationem formalem & specifi-
cam iustitiæ vt liquet, ex eius definitione,
exposita in quæst. 8. Quod autem bonum, ad
quod terminatur tale ius, sit communis
vel privatæ personæ, est quid purè mate-
riale ad rationem iustitiæ perinde atque est
quid materiale esse bonum personæ eccle-
siasticæ aut secularis; publicæ aut privatæ.
2. Dignitas personarum, quam respicit
iustitia distributiva, fundatur in meritis &
laboribus earum impensis Reipublicæ; ita vt
Respublica tantum det unicuique de bono
communi, quantum ipse contulerat res-
pectu eiusdem boni communi. Hoc autem est
proprium iustitiæ commutatiuæ constituen-
tis æqualitatem inter datum & acceptum,
& cōsiderantis dignitates personarum qua-
tenus dant & sunt beneficia. Quod verò
exercita erga plures, eiusmodi compensa-
tione,

tione, inde resultet proportionalitas inter dignitates singulorum, & res singulis obuenientes, est quid accidentarium, & potest similiter euenire etiam in commutationibus, quæ fiunt inter priuatas personas, si vnus aliquis commutationes faciat cum multis tantumdem reddens singulis, quantum ab eisdem acceperat, atque inæqualiter laborantibus in vinea soluat stipendia similiter inæqualia.

3. Respublica creans gubernatorem Ciuitatis, aut Ducem exercitus, & sic de similibus, quod proculdubio est, opus iustitiæ distributiue, eo ipso obligat electos, vt fungantur his muneribus in bonum commune, eaque de causa solet vltra honorem addere stipendium. Obligatio autem æquiualeat operi in contractibus. Datur ergo manifestè in opere propriissimo iustitiæ distributiue æqualitas propria iustitiæ commutatiue non secus, ac datur inter conducentem operarios in vineam anticipatâ solutione, eisdemque operarios obligatos ad laborandum siue æqualiter siue inæqualiter, Ideoque recipientes stipendia siue æqualia siue inæqualia.

4. Si distributio bonorum communium fiat quidem seruata proportione ad dignitates singulorum, minimè tamen congruentes illi bonorum generi, quæ vnicuique tribuuntur, ex. g. si acuto & sapienti, sed minimè forti tribuatur gubernatio exercitus; fortis verò, sed obtusus, ac ignorans, præficiatur scholæ, & sic de alijs, eo ipso distributio erit iniusta, & non alia profectò ratione, nisi quia seruata eiusmodi dignitatum & rerum proportione, seu potius inproportione non potest Respublica recipere tantum bonum quantum tribuit, nec possunt

sunt ad illud præstandum validè obligari personæ tales habentes quidem dignitatem, quæ præemineant cæteris, sed non secundum quod ipsum. Ergo distributio bonorum communium, communiter attributa iustitiæ distributiue, vt sit iusta, necessariò includit in se æqualitatem inter datum, & acceptum propriam iustitiæ commutatiue.

5. Debitor habens multos creditores quantitatum inæqualium, & nõ potens omnibus æquatiter satisfacere, vt soluat quantum potest ex debito iustitiæ commutatiue, necesse habet attendere, iuxta normam iustitiæ distributiue, quantum cuique debereur absolutè; hoc est quanta sit dignitas singulorum ad sua bona, atque dependenter ab ista comparatione singulis proportionaliter diminuet de quantitate, quæ absolutè dari debuissent. Ita videlicet, vt si creditori centum aureorum dentur, quinquaginta, creditori quinquaginta aureorum dentur viginti quinque, & sic de similibus. Haud aliter qui eandem actionem iniuriosam exercuit aduersus principem, & plebeium, alapam v. g. vtrique iniecit; debet attendere ad eorum dignitates, pro satisfactione iustè exhibenda. Nec enim iustè satisfaciet, si idem præstiterit erga vtrumque non habitatione dignitatis eorum. Et tamen ex omnium sententia in his casibus solutio & satisfactio sunt opera iustitiæ commutatiue cum norma & modo distributiue. Ergo iustitia distributiua nõ differt à commutatiua nisi accidentaliter per adiunctam comparationem necessariam pro attingendo medio iustitiæ commutatiue.

6. Iustitia distributiua non respicit ius propriè & simpliciter tale, sed tale secundum quid, & impropriè. Iustitiam enim distribu-

tribui

Distributiva respicit bonum commune, vt diuidendum singulis ciuibus. Bonum autem commune non est proprium eius simpliciter cui confertur, antequam conferatur. Alias namque non esset bonum commune antequam distribueretur, sed particulare. Ergo iustitia distributiva nõ dat unicuiq; ius suũ. Ergo non est species iustitiæ particularis.

7. Bonum commune, nec etiam postquam distributum est alicui particulari, fit omninò proprium ipsius. Quia non obstat distributione retinetur adhuc aliquatenus à communitate, vtpote retinentes semper suum ius, quantum ipsius interest. Officium etenim Gubernatoris, Ducis, Custodis, &c. ita est proprium communitatis antequam detur personæ particulari, vt postquam datum illi est, eadem persona ratione officij sic specialiter deuincta & obligata communitati, habenti nimirum ius, vt idem officium non minus, sed multò magis quam antea inserviat eius vtilitati; sicut domus & ager inserviunt vtilitatibus eius, cuius sunt. Ergo iustitia distributiva, neque dat simpliciter aliquid, neque ius quod respicit est vnquũ suum simpliciter eius, cui redditur, ideoque non est iustitia simpliciter.

8. Bonum commune dabile absque iniustitia unicuilibet ex multis, cuiusmodi sunt plura bona reipublicæ in pluribus casibus non est proprium vllius ex ijs, quibus non datum est de facto, neque ante, neque post distributionem executioni mandatam. Ergo neque erat proprium eius cui de facto datum est, antequam ei daretur; qui videlicet erat eiusdem conditionis cum cæteris antequam ipsi daretur. Patet ergo non esse de ratione iustitiæ distributiue, vt det vnicuique

cuique ius suum, ideoque ipsam non esse speciem iustitiæ simpliciter.

R. Celebris imprimis est, & maximè vsus diuisione iustitiæ in distributiua & commutatiua; communis earum expositio ex Philosopho, cap. 3. & 4. & ex D. Thoma, quæst. 61, art. 1. & 2. adscribit iustitiæ distributiua æqualitatem proportionalitatis, seu proportionalitatem inter res, & personas. Nimirum ut sicut se habet dignitas vnius personæ; ad dignitatem alterius personæ, ita se habeat res collata vni personæ ad rem collatam alteri personæ. Iustitiæ verò commutatiua adscribit æqualitatem proportionis, seu proportionem inter res secundum se nullà habitâ ratione dignitatis personarum. Ita videlicet, ut res quæ accipitur sit æqualis rei, quæ redditur. Itaque iuxta communem istam expositionem iustitiæ distributiua constituit æqualitatem Geometricam secundum duas proportionēs alteram rerum, alteram personarum, eum de pendentia alterius ab altera seu cum similitudine inter vtramque; quæ communiter dicitur proportionalitas; id est proportio proportionum, attendens æqualitatem, non secundum quantitatem dati & accepti, sed secundum proportionēs. Iustitiæ verò commutatiua constituit æqualitatem arithmeticam rei ad rem, hoc præcisè attendens, ut quanta est res data ab vno, tanta sit res data ab altero.

Quare iustitiæ distributiua versatur inter quatuor ut minimum terminos duas nimirum res, & duas personas; & hoc efficitur ut si dignitas vnius sit ut octo, atq; res illi collata sit ut quatuor: Dignitas verò alterius sit ut quatuor, eo ipso res collata eidem sit ut duo; & sic de similibus. At iustitiæ com-

mutatiua versatur formaliter inter duos terminos præcisè; nempe duas res; & hoc efficit, ut si vendens, v. g. det equum valentem centum, accipiet centum (ab emptore). Quia vero sola bona communia conferuntur per iustitiam à communitate singulis personis eiusdem communitatis priori modo; posteriori autem bona singulorum ad inuicem; propterea D. Thomas art. illo. 1. & alij communiter dicunt iustitiam distributiuam esse directiuam communitatis ad singulas personas, & ordinatiuam boni communis: Iustitiam verò commutatiuam esse directiuam vnius cuiusque particularis personæ, ad aliam personam particularem, atque dispensatiuam boni particularis.

Iam communis probatio specificæ distinctionis inter utramque istam iustitiam desumpta ex Philosopho & D. Thoma, petitur ex eo quod iustitia distributiva constituit medium Geometricum seu proportionum: arithmeticum verò seu rei ad rem commutatiua. Cum qua differentia coincidit illa alia quod iustitia distributiva dat bonum commune; commutatiua particulare; verum in hac expositione desideratur adhuc maior claritas. Quia differentia mediij Geometrici, & Arithmetici, vel attenditur præcisè ex parte deliberationis intellectualis necessariò præeuntis actum vtriusque iustitiæ; vel ex parte motiui ad quod vtraque fertur immediatè; si primum appareret clarè ex quinque prioribus rationibus dubitandi, quæ sunt Buridani et Gualandii, idem genus comparationis præiux intellectualis necessarium sæpè esse ad inuestigandum, & constituendum medium iustitiæ commutatiuæ, quod necessarium est ad medium

dium iustitiæ distributiue. Si secundum indidem constare videtur nullum esse discrimen. Quia nullo existente discrimine cognitionis præuiæ necessariæ, ad proponendum motiū vtriusque iustitiæ, nullum potest esse discrimen mediij intenti per vtrâque, siquidem omnis differentia actuum voluntatis pendet ex differentia præuia cognitionum, ex quibus per se dependent.

Quod dicitur de bono communi distinguendum similiter est; vel enim dicitur commune præcisè quia est proprium communitatis antequam ab eadem communitate detur personæ priuata. Atque hoc non sufficit, vt datio talis boni excludatur à iustitiâ commutatiua, vt patet in solutione debiti resultantis ex contractu emptionis & venditionis celebrato inter communitatem, & personam priuatam. Constat enim tunc solutionem fieri ex bonis, quæ erant communitatis; & nihilominus fieri per iustitiâ commutatiuam; eademque est ratio de alijs huiusmodi contractibus. Vel rursus sermo est de bonis quæ antè & post appropriationem respectu personæ priuatae semper, sunt bona communia. Huiusmodi censentur ex sententia aliquorum officia omnia publica, aliaque nonnulla. Atque hæc videntur per nullam iustitiâ propriè dictam tribui personis priuatis propter posteriores tres rationes dubitandi supra propositas. Quod videlicet nullum sit ius propriè dictum eorum bonorum in personis priuatis, quibus dantur.

Deindè eiusmodi officia, & bona, vel videntur personis priuatis, quibus dantur, vti sit in quibusdam Rebus publicis; Et tunc dantur per iustitiâ commutatiuam, vt patet, cum.

cum nihil manifestius ad eam pertineat, quã directio emptionum & venditionum. Vel non venduntur. Et tunc non virtute iustitiæ sed liberaliter dantur. Quia quod est vendibile, si detur sine pretio, liberaliter utique datur.

Ex ijs porro omnibus satis superque apparet rem hanc indigere attenta ac diligenti explicatione; quam quidem conabimur adhibere sufficientem; Præmonito tamen, etsi omnibus difficultatibus satisfieri plenissimè non posset, non propterea deferendū esse communem sententiam. Cui videlicet adherent & Philosophus, & D. Thomas tamquam rei indubitatae, ut perspici apud illos potest in locis citatis. Idem præterea videtur esse communis hominum sensus, dum male distribuentes perinde appellant iniustos, atque eos qui iniquè agunt in commutationibus; neque verò dubitant de magna quadam differentia, inter distribuentem, & commutantem. Istiusmodi autem communes hominum sensus, sapientissimorum præterea certo iudicio communitos, non licet deferere propter difficultates irretientes potius quam concludentes, nec quietantes intellectum.

Cardo difficultatis vertitur in distinguendis inuicem iuribus, circa quæ versatur utraque iustitia. Quia clara distinctio virtutum pendet à distinctione clara motuorum, quæ illis obijciuntur. Ius porro quod respicit iustitia distributiva distingui specie ab eo iure ad quod terminatur & quo mouetur iustitia commutativa, testatur semel atque iterum clarè Philosophus. Cum enim toto illo cap. 3. exposuisset iustum distributivum, concludit in fine sic: *Hæc igitur est una species iusti.* Et mox in principio capitis quax-

164 De diuisione iustitiæ.

ti in quo agit de iusto commutatio, quod consistit in emendandis commercijs: Hoc autem, ait, habet aliam speciem à priori. Haud aliter D. Thomas art. 1. ad 5. Iustitia distributiva ait, & commutativa non solum distinguntur secundum unum & multa, sed secundam diuersam debiti rationem. Aliq enim modo debetur alicui id quod est commune; alio modo id, quod est proprium.

Quia verò ibidem ad 2. dicitur: & ita, cum ex bonis communibus aliquid in singulos distribuitur, quislibet aliquo modo percipit, quod suum est; nonnulli existimant. Tò aliquo modo esse additum diminuens, & significare. sunt tamen secundum quid & improprium; atque hac ratione & non alia differre ius terminatiuū iustitiæ distributiue à iure terminatiuo iustitiæ commutatiue. Verum hac interpretatio est illegitima. Primum quia ibidem immediate præfertur quod est totius, quodammodo esse partis, sicut pars & totum quodammodo sunt idem. Pars autem & totum habet modum identitatis, non secundum quid, & improprie, sed simpliciter & proprie, licet sit identitas tantum inadæquata. Constat deinde ex verbis adductis ad 5. licet alius modus debiti attribuitur bono communi & proprio; verique tamen attribui sine limitatione rationem genericam debiti. Dixit ergo D. Thomas bonum commune aliquo modo esse suum recipientis, quia expositio distincta, & clara eiusmodi suitatis fuisset necessariò aliquanto prolixior, & ipse voluit expedire argumentum breuitate solita sub communi & vulgari apprehensione suitatis boni communis, & particularis omnibus aliquatenus notæ. Qua tamen notitia quia posteriores auctores non fuere contenti, atque pauci sunt feliciter vsi, necessariam est.

est aliquid vltcrius superaddere.

Distinguendæ igitur in primis sunt tres classes bonorum communium. Prima est eorum bonorum quæ communitatis interest, ne approprientur singulis ciuib. seorsim, ideoque lege cauetur ne secedant in vllam priuatam personam. Atque ius omne istorum bonorum est quidem in singulis ciuib. inadæquate inadæquatione iuris, non tamen est in singulis distributiue, ac seorsim sumptis, sed in iisdem sumptis collectiue, & vt partes sunt formaliter communitatis; ita vt nullus ciuis seorsim sumptus vllum ad illa ius habeat neque in re, neque ad rem; neq; vagum, neque determinatum. Quia sunt communitatis, vt communitas est formaliter, eidemque vt tali lex fauet circa illa, grauans in fauorem ipsius singulos quosque ciues seorsim, & quilibet alias tam communitates quam priuatas personas. Huiusmodi bona sunt fontes, fluij, siluæ caduæ & similia, de quibus similis lex lata fuerit.

Secunda classis bonorum communium, continet ea, quæ communitatis interest, vt soli singulorum ciuium vtilitati directæ ac immediatè destinentur, vtque illis conferantur in eum finem tempore quodam determinato, aut in quadam certa rerum circumstantia; vel ob indigentiam urgente bello, fame, aut peste, aut aliquo simili malo, siue vniuersali omnium, siue non vniuersali; siue æqualiter siue inæqualiter afficienti singulos quosque: vel non ob indigentiam, sed ad compensandos labores, & merita in Rēpublicam collata, eiusque rem bene gestam: vel denique ob hoc præcisè, vt ciues melius habeant. Horum bonorum ius, siquidem, lege sancitum fuerit, vt vel pro modo indigentia, meritorum, aut fortunæ; vel non
nisi

nisi æqualiter, ac indiscriminatim omnibus approprientur; erit apud singulos ciues, ad rem quidem antequam fiat appropriatio, & traditio; in re verò postquam tradita fuerint; & inadæquatè non inadæquatione iuris, sed rerum quoad quantitates maiores, vel minores, æquales vel inæquales, prout Reipublicæ interfuerit & lex stabilierit. Si autem interfuerit quidem Reipublicæ, [vt ita fiat, sed nondum lex lata fuerit] id præcipiens, ius omne erit apud communitatem ante partitionem & traditionem singulis factam; post ipsam verò apud singulos.

Vnde in posteriori isto casu legis nondum latæ in fauorem singulorum ciuium, nec iniuriam pacti habentis vim legis, si eiusmodi bona distribuuntur in ciues, distributio facta, erit ex misericordia aut charitate, si ob indigentiam; ex gratitudine, si ob labores & merita; ex liberalitate vel magnificentia, si vt melius habeant ciues: numquam verò ex iustitia. Quia iustitia exerceri non potest, non præexistenti iure ex parte accipientis; nec ius adesse potest in accipiente, quin præexistat lex, quæ directè ipsi faueat, & ceteros grauet in fauorem ipsius, vt dictum est supra. Si autem lex lata fuerit, aut initum pactum habens vim legis, distributio facta erit ex iustitia. Facta nimirum erit habentibus ius ex vi eiusdem legis, aut pacti includentis in se legem fauorabilem directè & immediatè. Ex qua autem iustitia fiat, paulo post patebit. Ad istud secundum bonorum communium genus spectant pecuniæ, grana & similia, quorum cumulus est penes communitatem, velut in deposito, & custodia cum iure singulorum ad illa pro tempore & loco. Eodem etiam pertinet vsusfructus eorum bonorum, quæ reposita sunt in præcedenti classe,

Tertia

Tertia classis bonorum communium, quibus maximè & per se conuenit esse cōmunia, complectitur ea, quæ communis intetests, vt distribuuntur in ciues ob utilitatem quidem ipsorum; sed multo magis, ac principalius ob utilitatem, & commodum ipsius communis: ita vt ciues qui illa sortiuntur, habeant quidem indè emolumentum proprium, sed cum grauamine, & onere indidem deducendi bonum cōmune, idemque tuendi ac promouendi. Huius generis sunt officia publica, & honorifica, quæ à ciuibz quibus dantur, habentur quidem iure proprietatis, & eatenus cedunt in eorundem utilitatem; simul tamen habent adiunctum ius iurisdictionis latè vel strictè tale, ordinatum ad utilitatem cæterorum; atque eatenus grauant eos, a quibus habentur, & inserviunt directè ac immediatè commodis & fœlicitati communis; ita vt non omnino desinant esse communis propter appropriationem factā priuatis personis. Vnde ius istiusmodi bonorum ante & post eorum distributionem est penes communem, & eius partes; hoc est penes ciues partim collectiue sumptos, & quatenus constant cōmunitatem, partim sumptos distributiue, & quatenus sui quisque iuris, & liberæ facultatis est. Verum adest hoc discrimen ante & post collationem factam priuatis personis, vt ante collationem ius in re sit penes communem, & ius, ad rem sit penes priuatas personas, quibus deputari possunt: post collationem verò cōtra ius in re sit penes priuatas personas, & ius ad rem penes communem, uti paulo post exponetur.

Interim vt clarius percipiatur differentia horum posteriorum bonorum communium

nium ab ijs bonis communitalis, quæ in præcedenti classe sunt conclusa, obseruandum est discrimen inter duos milites ex gr. quorum alter accipiat a communitate stipendium pecuniarum pro labore & periculis, quæ subiuit in bello pro Republica; alter verò eadem de causa accipiat munus ducis. Qui accipit stipendium pecuniarum, ad nihil tenetur in posterum præcise, quia tale stipendium accepit; sed potest de illo, & de seipso disponere prout vult, potest quæ retenta illa pecunia secedere a communitate, & eius commoda omnino negligere, si aliunde non ligetur. At qui loco remunerationis obtinuit munus Ducis, tenetur in posterum inservire Reipublicæ, neque potest ab eius communione secedere retento officio, & præcise quia talem remunerationem acceptauit pro præcedentibus meritis, tenetur ad merendum vltius, & ad præstanda in posterum plura obsequia. Quapropter prior potitur bono suo quoniam grauetur; posterior cum grauamine.

Rursus prior potest stipendium exigere iure suo; & si illud negetur, nec aliud suppetat remedium, potest vti occulta compensatione. Posterior non poterit vti tali compensatione ob negatum officium; etsi voluerit suo quasi iure agere, poterit iure optimo repelli à Republica quatenus tentans sic agere. Quia in collatione talis officij. agitur directe, & immediate negotium potius Reipublicæ. & communitalis, quam priuatæ personæ; eum è contra se res habeat in solutione stipendij.

Denique Respublica, vt soluat stipendium pecuniarium considerat laborem & meritum præcedens vt verò conferat officium, considerat magis virtutem benefaci-

uam

quam impofterum respectu Reipublicæ & dispositionem præsentem, vt inferuiat commodis eius accepto eodem officio: hoc est considerat dignitatem præsentem, eamque expendit & vi & dispositione bene operandi, ac satisfaciendi muneri de futuro.

Ex triplici ista bonorum communium diuisione liquidò perspicitur, triplex itidē iurium genu s dari respectu eorundem bonorum. Primum est ita conueniens toti communitati simul sumptæ, vt nullo pacto circa eadem bona supersit ius singulis seorsim ciuibus, nisi inadæquatè, & quidem inadæquatione non rerum, sed ipsius iuris. Atque circa hoc ius manifestum est nō posse versari iustitiam distributiuam, sed vel legalem, vel commutatiuam tantum. Tale namque ius continet sub se bona contenta sub prima classe diuisionis, quæ communitatis interest, ideoque lege cauetur, ne distribuantur, nec vlli personæ particulari approprientur, sine qua tamen distributione, & appropriatione eiusque iusta exequibilitate, patet nullum posse esse locum,

Controuersia igitur solum esse potest de reliquis duplici iurē, quorum alterum respicit ea bona, quæ communitatis interest vt singulis ciuibus approprientur, intendendo directè, & principaliter solam eorū utilitatem, & felicitatem, & respiciendo ad eorundem, vel indigentiam, vel præcedentia merita, vel statum præsentem non satis prosperum; Alterum verò respicit ea bona, quæ itidem interest communitatis, vt distribuantur, & approprientur priuatis personis, vtque inferuiant eorundem utilitati peculiari; simul tamen directè inferuiant utilitati communi
H atque

utque hoc prius & principalius; licet utrūque directè, & immediatè intendatur, idēque consideretur dignitas singulorum non solum secundum merita; & titulos præcedētes, sed etiam & multo magis ratione dispositionis beneficæ in futurū respectu Reipublicæ per exercitium, & vsum boni communis ipsis appropriati.

Est autem satis obuia ratio controuertendi ac dubitandi de utroque iusto inuicē & cum iustitia distributiva collato. Quia utrobique est necessaria comparatio personarum & rerum, ut partitio rerum fiat iustè. datur etiam utrobique aliquod verum, ac proprium ius in personis priuatis respectu boni communis, quatenus ipsis appropriandi. Utróbique enim datur lex partitionis bonorum communium in utilitatem personarum priuatarum fauens directè, & immediatè commodis, & utilitati ipsarum. Quorum alterum, nempe hoc posterius videtur sufficere, ut distributio fiat ex iustitia propriè & simpliciter tali, utpotè respiciente ius accipientis propriè & simpliciter tale. Alterum verò, nempe illud prius videtur similiter sufficere, ut distributio non fiat ex iustitia commutatiua, sed ex distributiva; obseruante nimirum proportionem personarum accipientium cum simili rerum collatarum proportionē.

Ut igitur hæc istorum bonorum & iurium similitudo quæ fuit tota procul dubio causa æquiuocationis, & diuersitatis sententiarum magis declaretur ac introspectetur; distinguenda præterea est, cum D. Thoma art. 2. citato ad 3. duplex necessitas adhibendi comparationem dignitatis personarum, ut singulis detur, quantum pertinet ad ipsos. Alia namque comparatio di-

gnitatis

gnitatis personarum instituitur, ut per illā innotescat æqualitas Arithmetica inter dānum & lucrum respectu singulorum. & non ut sistatur in ipsa dignitate secundum se, utque illi proportionetur, seu adæquetur, quod singulis dandum est. Alia verò comparatio instituitur ad hoc solum, ut innotescat proportionalis correspondentia rerum ad dignitates, utque sistatur in ipsa dignitate secundum se; & illi immediate proportionetur, atque adæquetur, quod singulis dandū est. Res hæc fiet manifesta iisdē illis exemplis, quæ superius producta sunt aduersus veram sententiam. Si quis enim impactā alapā offendit Principem & plebeium; ut satisfaciatur utrique ex iustitia, necesse est ut comparet dignitatem vnius cum dignitate alterius; non tamen ibi sistit, sed inde deducit quantitatem nocimenti, quod singuli passi sunt; ac deinde per actum iustitiæ intendit æqualitatem non cum dignitate, sed cum nocimento, cuius inæqualitas prouenerat ex inæqualitate dignitatum.

Vnde tamen si princeps amiserit Principatum, & plebeius eum obtinuerit, quando re ipsa exhibetur satisfactio; plus nihilominus exhibendum est per se illi qui fuit Princeps tempore iniuriæ illatæ; quam ei, qui fuit plebeius. Quod profectò nequaquam fieret, si attenderetur immediate ad dignitates. Quia tunc amissā, vel acquisitā dignitate amitteretur simul, vel acquireretur ius ad maiorem cōpensationem. Similis est comparatio ut per se patet, inter creditores inæqualium quantitatum. quæ præferenda est ante solutionem à debitore impotente solvere cum æqualitate absoluta rei ad rem. Similis itidem est comparatio inter socios sibi inuicem obligatos ex contractu Societatis

tatis exponentibus singulis inæquales quantitates; atque inter alios eiusmodi.

E conuerso is ad quem pertinet nominare ad officia Consulis, Tribuni, Quæstoris, & similia, necesse quidem similiter est vt comparationem instituat inter dignitates earum personarum, inter quas facienda est electio; non tamen, vt inde subducatur quantitates obsequiorum, aut aliorum bonorum, quæ quisque contulit in Rempublicam, aut obligandus est ad conferendū, vtque constituat æqualitatem seu ad rem, inter datum & acceptum, inter damnum & lucrum: sed, vt sistat in ipsa dignitatum mutua proportionem ex parte eligendorum, idemque proportioni aliam similem proportionem constituat officiorum, quæ unicuique conferentur. Ita vt quod cuique conferitur, siue maius, siue minus, correspondeat cuiusque dignitati siue maiori, siue minori, nulla habita ratione æqualitatis inter dignitatem cuiusque secundum se, & officium quod illi conferitur secundum se, sed solius æqualitatis inter proportionem dignitatum convenientium singulis cum officiis, quæ singulis conferantur.

Ex his apparet, quando necesse est præferre comparationem personarum ante partitionem bonorum, ita vt ad iustitiam partitionis non expediat sistere in ipsa comparatione personarum & dignitatum, ipsis convenientium, sed in subducta inde quantitate lucri & damni seu dati & accepti; actum partitionis pertinere ad iustitiam commutatiuam. Quia tunc constituitur æqualitas Arithmetica inter datum, & acceptum, inter damnum & lucrum: atque personæ, quibus fit partitio, considerantur vt æquales quoad dignitatem, seu potestatem

etiam benefactiuam respectu Reipublicæ: hoc est nulla habetur ratio inæqualitatis personarum quoad hoc, sed eodem modo fit partitio siue sint æquales, siue sint inæquales personæ penes eiusmodi dignitatem. Quam quidem personarum, ut æqualium, considerationem, & usurpationem obseruauit Philosophus tanquam propriam, & characteristicam iustitiæ commutatiuæ, eiusque distinctiuam à distributiua. In Illo namque cap. 4. in quo dictum est ab eo exponi ex professo iustitiam commutatiuam, sic habet. *Iustum autem, quod est in commercijs, est quidem æquum quoddam, & iniustum siniquum, sed non illa comparatione rationum, sed Arithmetica. Nihil enim refert, si probus prauo detraxerit, an prauus probo; neque si adulterius probus, an prauus comiserit. sed ad differentiâ nocuenti lex respicit tantum, & uisitur ut aequalibus, si hic iniuriam facit, ille patitur, & si hic nocuit, ille est laesus.*

Quare è conuerso, quando ante partitionem præferenda est necessario comparatio personarum, ita ut ad iustitiam partitionis necesse præterea sit sistere in ipsa earum comparatione, & non in subductâ inde quantitate lucri & damni, dati, & accepti: partitio pertinebit ad iustitiam distributiua. Quia tunc non constituitur æqualitas Arithmetica inter datum & acceptum; inter dânum & lucrum: sed æqualitas proportionalis, & Geometrica inter dignitates singulorum, & bona singulis collata. Quod inde magis demonstratur, quia sicut in præcedenti comparatione nulla habetur ratio inæqualitatis personarum immediatè, ita in comparatione ista posteriori nulla habetur ratio inæqualitatis inter id quod exigitur ex parte accipientis, & id, quod eidem.

datur, secundum se, sed siue munus sit Arithmetice æquale dignitati, siue non sit, dummodo eadē & æqualis sit proportio inter dignitatem, & munus vnius; atque inter dignitatem, & munus alterius, partitio erit iusta. Vnde prouenit, vt idē munus quod suo tempore datur iuste digno vt octo, alio tempore detur æquē iuste digno vt quatuor tantum propter vniuersalem imminutionem dignitatum conuenientium personis, inter quas facienda est partitio, & vice versa, quod vno tempore datum fuit iuste digno vt quatuor, alio tempore non poterit dari iuste, nisi digno vt octo propter contrariū augmentum dignitatum. Eadem vicissitudo eodē simul tempore contingere potest in diuersis rebus publicis, imo & in eadem quoad diuersa genera munerum distribuendorum exigentium diuersi generis dignitatem, & vim benefactiuam respectu Reipublicæ in re ciuili, & militari, & sic de alijs, vt quisque considerando facile deprehendet.

Hinc iam concluditur ius conueniens priuatis personis respectu illorum bonorum communium, quorum diuisio ordinatur directe, & immediate in solam utilitatem, & commodum singulorum seorsim ciuium, estque propterea facienda iuxta mensuram indigentia, aut obsequiorum, & meritorum præexistentium, seu obligationis ea præstandi; vel æqualiter omnibus absque vlla tali comparatione. Concluditur inquam, istud ius pertinere ad iustitiam commutatiuam, atque per ipsam vnicuique illud reddi. Et quidem quandò diuisio facienda est omnibus in communitate contentis indiscriminatim, & cum æqualitate Arithmetica quantitatuum singulis obuenientium, res

est manifesta. Qui tunc nulla est necessaria comparatio personarum, & rerum, nec constituitur æqualitas proportionalitatis, sed qualis paulo ante assignata est a Philosopho iustitiæ commutatiuæ sumptis personis, ut prorsus æqualibus. Nec minus manifesta res eadem est, quando diuisio facienda est iuxta mensuram, laborum, meritorum, aut obligationis. Quia tunc fit quod idem antecedenter comparatio personarum: non tamen ut in ipsa immediatè sistat actus distribuendi; sed ut inde subducatur quantitas pertinens ad vnumquemque, & constitutur æqualitas Arithmetica inter datum, & acceptum, ut liquet ex discursu, qui modo præmissus est.

Idem ostenditur de partitione facienda iuxta mensuram indigentiae. Quia tunc etiam præmittitur comparatio quoad indigentias, ut inde deducatur quantitas vnicuique deputata à Republica per legem partitionis perinde omnino atque dictum est præmitti comparationem inter creditores inæqualium quantitatum & socios in contractu materialiter inæquali. Nec est discriminē, nisi quod creditoribus, & socijs conuenit ius ex rebus datis & ex positis; Ciuibus autē indigentibus ex deputatione, & lege communitatis. Quippe deputatio ipsa, & prima voluntas diuidendi non est actus iustitiæ particularis, sed iustitiæ legalis, aut liberalitatis aut alterius similis virtutis.

At verò ius conueniens singulis ciuibus respectu bonorum communium quæ in tertiam classē coniecta sunt, & quorum partitio pertinet directè, & immediatè non solū ad utilitatē eorūdem ciuiū seorsim; sed etiā, & multò magis ad utilitatē & comodū

totius coninnctim communitalis, eaque propter partitio eorum facienda est iuxta gradum dignitalis, seu virtutis benefactiue couenientis vnicuique respectu Reipublice. Hoc inquam ius non pertinet ad iustitiam commutatiuam, sed ad distributiua, atque per ipsam est vnicuique tribuendum, quod debet tribui ratione talis iuris. Quia tunc non pręmittitur comparatio inter dignitates, & conditiones personarum ex vna parte, & rerum distribuendarum ex altera, vt indę subducatur æqualitas Arithmetica rei ad rem inter datum, & acceptum; inter damnum & lucrum; sed vt sistatur in ipsa comparatione, & per actum, quo fit distributio, intendatur per se, atque constituatur æqualitas Geometrica inter dignitates singulorum, & munera singulis collata.

Inter hæc duo Iurium genera, quę fundantur in natura bonorum contentorum in duplici posteriori eorum classe, obseruandum præterea est diligenter discrimen quoddam iam ante insinuatum: nimirum quod primum illud ius afferens directę solum singulorum seorsim ciuium vtilitatem, est adæquatę penes eosdem ciues seorsim ac distributiue sumptos adæquatione iuris, existente inadæquatione solum ex parte cumuli & termini bonorum diuidendorum. Posterius verò ius diuinciens sibi directę vtilitatem tum singulorum seorsim ciuium, tum totius indiuisim communitalis est partim penes communitalē, seu penes omnes ciues sumptos collectiue; partim penes singulos ciues sūptos seorsim, seu distributiue; & pertinet ad vtramque istam partem inadæquatę inadæquatione iuris. Quapropter reddēs prius illud ius satisfacit solis priuatis per;

personis, quibus bona distribuit, ijsdemque solis est iniurius qui male distribuit, & peccat contra legem distributionis: reddens verò ius posterius satisfacit tum ijsdem, tum etiam communitati: & utrisque est iniurius qui peccat in distributione. Ratio huius discriminis est, quia ius proprietatis, de quo solo agitur, circa aliquid est penes illū, ad quem pertinet utilitas inde proveniens, & cui lex fauet quoad eandem utilitatem, ut liquet ex quæst. 3. Dictum autem modo est utilitatem provenientem ex bonis secundæ classis, quæ bona respicit primum iuris genus pertinere solum ad singulos seorsim cives, ijsdemque legem partitionis favere directè; posterius verò iuris genus versari circa bona tertiæ classis ex quibus utilitas directè & immediatè redundat indivisim, tū in singulos seorsim, tum in communitatem; atque utrisque legem partitionis indivisim favere directè. Ergo discrimen datum est legitimum.

Ex ista istorum duorum iurium distinctione deduci possunt legitimæ & claræ definitiones utriusque iustitiæ. Iustitia namque distributiva est *virtus utrique tribuens ius partem collectivè, seu indivisim cum alijs, partem distributivè, seu seorsim suum*. Commutativa verò est *virtus unicuique tribuens ius adæquatè suum distributivè seu seorsim*. Definitiones istæ tametsi ex dictis satis conspicuæ sint, reddentur tamen clariiores multò, ac firmiores animadversa convertibilitate, & realitæ earum convenientia, cum expositionibus præmissis initio quæst. ex Philosopho & D. Thoma.

Philosophus aiebat, iustitiam distributivam esse illam, cuius obiectum est medium Geometricum, & quæ constituit æqualitatem.

Geometricam, seu proportionalem, & inter proportionales: commutatiuam verò esse eam, cuius obiectum est medium Arithmeticum, & quæ cōstituit æqualitatem Arithmeticam, seu quantitatem rei ad rem. Ratio autem ex qua prouenit hæc diuersitas est, quia quando ius aliquod non est relatiuum ad ius alterius, illique connexum, sed simplex, & unicuique siue multitudini siue personæ priuatæ seorsim absolutè, & secundum se conueniens; nihil necesse est comparationes facere immediatè, vt satisfiat tali iuri. Satisfit enim, si illi absolutè & secundum se adæquetur arithmetice quoad id quod datur. Quando autem ius est correlatiuum, & essentialiter compositum, atque heterogeneum, quoad suas partes necesse è conuerso est, vt fiat comparatio immediatè per actum iustitiæ; nec nisi proportionali æqualitate satisfieri illi potest, vt patet. Talia autem iura exprimuntur in definitionibus datis. Exprimuntur ergò radices, & rationes à priori eorum, quæ dicit Philosophus, & dantur prædicata conuertibilia realiter, cū Aristotelicis.

D. Thomas docebat iustitiam distributiua esse directiuam communitatis ad personas priuatas, & ordinatiuam boni communis: commutatiuam, verò esse directiuam personæ priuatæ ad personam priuatam, & ordinatiuam boni particularis. Quod profectò perinde est atque dicere iustitiam distributiua esse, quæ rectè componit ius communitatis, cum iure personæ priuatæ respectu eiusdem boni; & ita ordinat bonum commune, vt simul atque indiuisim consulat, tum priuatæ personæ, tum communitati. Quod non fit, nisi satisfaciendo indiuisim vtriusque iuri. Similiter commutatiua esse directiuā in per-
sonæ

sonæ priuatæ, ad personam priuatam, & ordinatiuam boni particularis; perinde est atque commutatiuam esse, quæ satisfacit iuri priuatæ personæ seorsim, & secundum se dando illi bonum suum particulare, siue hoc idem bonum antecedenter fuerit communis, siue non fuerit; sed priuatæ personæ. Hoc enim nihil refert formaliter ad rationem iustitiæ,

Nempe nomine boni communis simpliciter & absolutè prolatis intelligitur, quod per se, & ex sua natura est bonum communis; nec habere, aut dare potest nisi communitas, aut qui gerit personam communis, & habet in se facultatem eius propriam, & quod non omnino desinit esse communis etiam directè & immediatè, quia datū, & appropriatum est priuatæ personæ. Cuiusmodi bona sunt officia publica & honorifica, ut liquet ex expositione tertie classis bonorum communium. Reliquis namque bonis, ut pecunijs, siluis, fluuijs, & similibus accidentarium & extrinsecum est, ut sint penes communitatem, vel priuatam personam, atque ut communia, vel priuata sint; & ideo possunt dispensari à communitate, per iustitiam commutatiuam, aut aliam virtutem distinctam specie à iustitia perinde, atque à persona priuata. Erunt proinde per accidens materia iustitiæ distributiue si conferantur priuatæ personæ à communitate cum ea iurium inadæquatione mutua, essentiali dependentia, & quasi permixtione, quam dictum est conuenire per se muneribus, & dignitatibus publicis.

Intellecto igitur in hunc modum D. Thomas, prout intelligendus omninò est, constat ipsius, necnon & Philosophi expositiones, quibus reliqui omnes subscribunt, conuenire

nire planè cum definitionibus nostris, nisi quod istæ ponunt ob oculos clarissimè distinctionem specificam iurium, quæ sunt obiecta formalia vtriusque iustitiæ, & à quorū proinde distinctione specifica, & clara intelligentia dependet à priori distinctio specifica & intelligentia clara virtutum quæ versantur circa ipsa. Definitiones porro illæ traditæ in eum modum manifestè demonstrant falsam in primis esse sententiam Buridani & Gualandi negantium diuersitatem intrinsecam, & distinctionem specificam inter iustitiam distributiuam, & commutatiuam. Manifestum siquidem est ius partim conueniens priuatæ personæ seorsim, partim communitatis, vt includenti in se eandem priuatam personam, & ex utroque iure mixtum, atque conflatum mutua cum connexionē, & dependentia, atque heterogeneitate vtriusque partis differre specie à iure simplici, & incomposito, nec includenti in se eiusmodi heterogeneitatem, & mutuam dependentiam; quandoquidem vtrique iuri conueniunt intrinsecè prædicata opposita. Nec magis obscurum est dissidere specie virtutes quarū obiecta formalia sunt specie diuersa. Eadem definitiones similiter demonstrant non esse veram sententiam in quam inclinat Cardinalis de Lugo cum Suarez, & Rebello, iustitiam distributiuam non esse iustitiam propriam, & simpliciter; sed secundum quid talem. Ius namque priuatæ personæ non desinit esse proprium, & simpliciter tale, quia est essentialiter coniunctum indiuisim cum iure communitatis; imò ea de causa est præstantius, & quodammodo magis proprium, ac rigorosum ius. Dictum autem est huiusmodi esse ius, quod est obiectum formale iustitiæ distributiue. Vnde ipsa non solum

est

est propria & simpliciter iustitia particularis; sed etiam est nobilior, & quodammodo magis propria, ac rigorosa iustitia quam commutativa. Vera igitur & ex omnibus quæ dicta sunt certa omnino est sententia communis diuidens iustitiam particularem in distributiuam & commutatiuam, tanquam genus in species.

Ad 1. Conuenit quidem utraque iustitia in reddendo vnicuique iure suo, id quod ex motiuo seruandi illatum tale ius; id est conuenit utraque iustitia in conceptu generico iustitiæ particularis. Caterum differunt inter se; Quia ius quod reddit iustitia distributiva, & prosequitur tanquam motiuum suum formale, differt non solum materialiter ex parte termini, sed materiæ remotæ, circa quam versatur; sed etiam formaliter, ac essentialiter à iure reddito, & volito ratione sui per commutatiuam. Quia illud est heterogeneousum & compositum ex priuato, & communem mutua vtriusque dependentia sibi intrinseca: illud autem est simplex & vniforme, ut dictum est.

Ad 2. Negatur dignitates, respectu quarum constituit æqualitatem iustitia distributiva esse merita, & labores singulorum pro Republica. Hæc enim compensantur per gratitudinem vel iustitiam commutatiuam, ut dictum est. Iustitia igitur distributiva constituit aliam æqualitatem, quæ versatur immediate inter dignitates singulorum, & munera singulis collata in utilitatem eorum, & communis indiuisim, ac directæ. Negatur rursus per iustitiam distributiuam constitui saltem per se æqualitatem Arithmeticam inter dignitates singulorum quoad vim benefactiuam eorundem respectu reipublicæ, quam eadem iustitia attendit, & munerat quæ

ra quæ per ipsam singulis conferuntur. Non enim constituit per se nisi æqualitatem purè proportionalem, & dammodo hæc seruetur, nihil officit huic iustitiæ, quod vis benefactiua, quæ obligatur Reipublicæ sit secundū se æstimabilior, quam munus quod confertur à Republica, velè contra. Perinde namq; est, quoad rectitudinem huius iustitiæ, quod inter hæc extrema secundū se detur excessus, ex alterutra parte, siue parvus, siue magnus; & quod ex neutra nullus detur excessus. Solum namque attenditur ad proportionalitatem. Magnum igitur est discrimen inter computationem, quæ fit à priuatis personis pro iustitia commutatiua, & eā quæ fit à republica pro iustitia distributiua.

Ad 3. Accipiens à Republica munus aliquod cum proportionē ad vim benefactiuā eiusdem, non semper obligat eidem Reipublicæ eas præcisè vires bene faciendū quas præhabet independentē à munere, quod accipit. Obligat enim eas prout coniunctas cum munere, quod accipit, quando accipitur munus publicæ administrationis, quod trique auget vires benefactiuas Reipublicæ, estque intrinsecè ordinatum ad benefaciendū eidem. Vnde in eo casu quod datur à Republica priuatæ personæ, & quod Reipublicæ obligatur à priuata persona, pertinet ad vtramque partē iure indiuiduo, & vtriusque inadæquato. Quod minimè euenit in materia iustitiæ commutatiuæ, & in conductione operariorum ad vineam. Vnde comparatio dignitatum, & rerum, earumque mutua proportio remotè tantum & mediātē necessaria est ad actum in posteriori casu elicitem à iustitia commutatiua: ad distributiua verò pertinet directè, & immediatè, non vt inde deducat quantitatem debiti
 seu

seu mercedis; sed ut constituatur immediata proportio inter dignitatem & munus.

Ad 4. Patet ex modo dictis gubernationem exercitus collatam acuto, & sapienti; sed minimè forti; atque directionem scholæ commissam forti, sed obtuso & ignoranti esse iniustas, non quia deest æqualitas rei ad rem; sed quia deest proportio inter dignitatem, & munus. Quapropter æqualitas in eiusmodi rebus seruanda essentialiter differt ab æqualitate, quæ spectat ad iustitiam commutatiuam; quæ videlicet solam constituit æqualitatem rei ad rem, vndeunque, & quomodocunque illa deducta sit.

Ad 5. Exempla illa nihil faciunt contra veram, & communem sententiam. Proponuntur nimirum actus, in quibus remotè tantum, & extrinsecè inuenitur forma aliqua, & imitatio iustitiæ distributiue quoad actus remotos consultationis. Deest verò proximè, & immediatè forma distributionis propria ex parte syllogismi immediate practici, & ultimi dictaminis conscientie proponentis immediatè motiuum, & materiam propriam distributionis prout distinctam à motiuo & materia commutationis. In quo est maxima diuersitas, ut iam patuit, & fuit causa æquiocationis ijs qui discursum remotum aliquatenus simileni considerarunt absque vltima conclusione, atque intimatione diuersæ obligationis fundatæ in iuribus specie diuersis.

Ad 6. bonum commune conferendum personæ priuatæ per iustitiam distributiua non usque ad eò pleno iure est proprium communitatis etiam antequam conferatur & approprietur personæ particulari, atque est proprium eiusdem communitatis boni, quod ipsius interest, ne approprietur vlli
 priuato

privatæ personæ, atque repositum fuit supra in primâ classe bonorum communium. Quia respectu boni cōmuni conferendi per iusticiam distributivam datur ius parziale ad rem in persona privata digniori etiam antequam illi de facto conferatur, & sit illi iniuria si conferatur alteri. Dicitur nihilominus bonum commune absolute, quia prævalet ius communis, utpote potioris, & habentis rationem totius, ac finis respectu singulorum, ex quibus coalescit.

Ad 7. Ea obiectio tantum probat quod usque adeo impense traditum, & explicatum est supra; nimirum ius, circa quod versatur iustitia distributiva, partim esse communis, partim privatæ personæ ante, & post distributionem factam. Quare officium Gubernatoris, Ducis, Custodis &c. fit, per distributionem, proprium eius cui conferatur, cum vero iure in re, non tamen usque adeo pleno, ut nihil iuris supersit communitati, quæ contulit officium. Semper enim universitas retinet ius quoddam quasi usufructus. Sed non propterea ad communis spectant officia, postquam distributa sunt illo omnino modo quo spectant ad unumquemque domus eius aut ager. Quia omnis utilitas domus, & agri pertinet ad eum, qui est eorum dominus pleno & adæquato iure adæquatione iuris & rei. At officiorum iuste distributorum utilitas pertinet ad eos etiam quibus collata sunt, ut dictum est q. 3. ad 4. & quæst. 4. in responsione ad quæst. & alibi sæpe.

Ad 8. Quando bonum commune dari potest absque cuiusquam iniuria unicuique ex multis, unicuique eorum inest ius vagum ac distinctivum respectu talis boni, ita ut omnibus fiat iniuria, si nulli eorum conferatur,

tur, & etiam fiat iniuria illi, cui conferetur, si propter electionem ac determinationem ipsius, exigatur compensatio, seu pretium, ratione officij secundum se ut constabit infra, dum deducuntur consequentiæ practicæ doctrinæ præsentis circa venditionem istiusmodi officiorum, ubi etiam diluetur difficultas supra obiter mota occasione venditionis officiorum. Quod ad præsens attinet non desinit, ius aliquod esse propriè & simpliciter tale, quia est vagum & indeterminatum; quandoquidem inducit tantam obligationem rei exhibendæ, atque si esset omninò determinatum idque non solum ex parte eius cui inest obligatio, & ex parte rei conferendæ, sed etiam ex parte subiecti, cui conferendum est ius in re, seu cui res ipsa tradenda est, ut patet in multis euentibus equum eâ conditione, ut ex sorte, vel ex electione vendentis tradatur, & adiudicetur alicui ex ipsis determinatè.

Hic obiter determinari potest ex dictis controuersia vulgaris: an sit locus iustitiæ distributiue, quando vnum tantum officium aut beneficium conferendum est seorsim, & vnus tantummodo adest dignus cui conferatur? Dicendum autem est cum Suarez, aduersus nonnullos alios, dari tunc locum iustitiæ distributiue strictè tali. Primo ac principaliter quia is euentus non tollit rationem formalem iuris compositi ex priuato & communi, distributiuo & collectiuo; ex quo iure dictum est specificari iustitiam distributiuam. Deinde quia etiam in eo euentu facièda est comparatio tum illius qui est dignus, cum cæteris qui sunt indigni; tum eiusdem digni cum cæteris, qui habent alia officia, aut beneficia, tum eorundem officiorum

iorum seu beneficiorum cum eo quod hic
& nunc est conferendum: atque post hanc
comparationem facienda est collatio digno,
quia sua dignitate præminet cæteris; estq;
præterea conandum si fieri possit, vt ijs, qui
iam sunt in officio, aut beneficio constituti,
promotis, aut retractis, constituatur pro-
portio Geometrica dignitatum, & munerum.
Quod si hoc fieri non possit, id erit per ac-
cidents respectu intentionis, & attentionis
quæ est propria iustitiæ distributiue; sicut
est per accidents respectu cõmutatiue, quod
debitor non possit debitum adæquare mate-
rialiter solutione. Philosophus autem ad-
scribit vtrique iustitiæ eam æqualitatem &
proportionem, quæ ab vtraque intenditur
pro se. Iam alia quædam hinc inde attasta,
inter proponendam sententiam Phi-

losophi & D. Thomæ, & vtriusque

expositiones, vsque aded om-

nia sunt clara ex dictis

hucusque vt nihil

opus sit super-


addere

vlte-

rius circa

singu-

la.



QVÆSTIO XIX.

Vtrum Deo conueniat iustitia parti-
cularis strictè talis, aut distri-
butiua, aut commu-
tatiua?

I D E T V R vtraque vel sal-
tem altera cōuenire propriè
ac strictè. 1. Quia psalm. 10.
dicitur: *iustus Dominus &
iustitiam dilexit*. Et 2. ad Ti-
mot. ult. in reliquo, ait Paulus,
*reposita est mihi corona iustitia, quam reddet
mihi Dominus in illa die iustus iudex*; quæ &
similia alia quamplura sacrae paginae testi-
monia explicari minimè possunt absque ma-
nifesta violentia, & improprietate verborum,
si neutra iustitia admittatur in Deo propriè.
2. Spes nostra non posset esse in Deo de
præmio & compensatione laborum, & me-
ritorum; si nulla alterutrius iustitiæ obliga-
tio Deum ad ea premeret. Quod manifestè
videtur supponi ab Apostolo ad Hebræos
7. 10. dum sic arguit: *Non enim iniustus est
Deus ut obliuiscatur operis vestri & dilectio-
nis, quam ostendistis in nomine ipsius*. Et ratio
est quia seclusa obligatione iustitiæ liberum
esset Deo dare, vel negare pro libito præ-
mium operum nostrorum, eorumque, vel
obliuisci, vel recordari.

3. Deus potest supernaturaliter nobiscum
loqui locutione obligante nos ad creden-
dum. Quod fieri non potest, quin ipse vi-
cissim subeat obligationem dicendi verum.
Nulla namque obligatio est credendi illi, cu-
ius

188 De iustitia Dei erga hom.

ius nulla est obligatio dicendi verum. Hæc autem obligatio dicendi verum est propria iustitiæ. Quia est ad alterum dantem aliquid pro aliquo, vel Geometricè quatenus vni- cuique magis vel minus creditur iuxta ma- iorem vel minorem eius dignitatem, vel Arithmeticè quatenus tanti fit à loquente, fides sibi præstita, quanti ab audiente vera manifestatio & notitia rei.

4. Dantur in Deo propriè, & formaliter aliæ virtutes ad alterum, vt liberalitas, mi- sericordia, amicitia, seclusis imperfectioni- bus quas in nobis præsupponunt, aut conti- nent. Nulla autem est maior ratio de illis quam de iustitia propriè & simpliciter tali.

5. Philosophus 8. Ethic. c. 3. docet inter eos iustitiam esse posse inter quos amicitia, esse potest. Datur autem in Deo vera & formalis erga nos amicitia, vt dictum est, quæst. 39. de virtutibus Theologicis. Ergo dari etiam potest in Deo iustitia erga nos, propriè & simpliciter dicta.

6. Vtraque iustitia est perfectior nullam includens in se imperfectionem præcisè ex suo conceptu essentiali. Est quidem perfe- ctio, quia hæc est de ratione virtutis. Nulla, verò includit imperfectionem, quia, vt do- cet D. Thomas 1. contra gentes cap. 23. ra- tione 5. virtutes ad alterum, & quæ circa operationes, non circa passiones versantur, qualis virtus est iustitia, vt supra dictum est, nullam dicunt imperfectionem ex suo præ- cisè conceptu essentiali. Deinde si quæ esset imperfectio maximè ex eo, quod vtraq; virtus respiceret rationem debiti, & obli- gationis. Ex hoc autem capite neutri iusti- tiæ est essentialis aliqua imperfectio. Quia non necesse est debitum hoc, & obligationē fundari in lege, aut iure potestativo alterius, sed

sed sufficit si fundetur in proprio placito, & voluntate operantis ex iustitia, atq; incon-
decentia respectu eiusdem, quod perfectiq-
nis potius est, atque ita euenit in Deo.

7. In particulari. Iustitia commutati-
ua videtur esse tribuenda Deo. Quia, ex cō-
tractu, seu pacto oneroso oritur obligatio,
& materia propria iustitiæ commutatiuæ,
post adimpletam ordinationem, & præ-
missa acceptatione. Deus autem pacifica-
tur nobiscum de conferenda gloria sub cō-
ditione meritorum, & honesti laboris, da-
turque acceptatio ex parte nostra. Ergo
præstita conditione meritum datur à Deo
gloria per iustitiam commutatiuam. Con-
firmatur quia Deus constituit æqualitatem,
inter obsequium & eius compensationem;
iuxta mercedem & pretium, independenter
respectu, & qualitate personarum, ut con-
stat ex illo ad Romanos 2. *Qui reddet unus-
cuique secundum opera sua.* Et in Euangelio
proponitur regnum celorum, ut merces, &
inuitantur homines ad eius emptionem.
Hoc autem est propriissimum iustitiæ com-
mutatiuæ.

8. Iustitia distributiva videtur similiter
inhegabilis Deo ratione peculiari. Quia vi-
detur Deo persoluit præmia meritorum
collocando vnumquemque in eo gradu, &
loco, qui est proportionatus dignitati eius,
ut constat ex illo: Ioan. 14. *in Domo Patris
mei mansiones multe sunt;* & de suppl. ejs
ex illo actorum 1. *ut abiret in locum suum.*
Confirmatur ex Diony. cap. 8. de diu. nom.
*omnibus quod cuique accomodatum est, tribui;
pro ea, quæ vnum quodque eorum, quæ sunt,
attingit dignitate.* Id ipsum constat ex du-
plici præterea alio capite. Quorum alterum
est apud Deum non dari acceptionem per-
sonarum

sonarum, ut dicitur ad Romanos 2. Virtus autem opposita acceptioni personarum est iustitia distributiva. Alterum est Deum non rependere premia nostris bonis operibus intendendo æqualitatem cum ipsis secundū se, sed pro ut dignificatis per gratiam iustificantem, & gratum facientem; id est ætēta dignitate cuiusque personæ. Ratio horum omnium est quia quilibet actus Divinus circa res creatas essentialiter ac formaliter, & non solum realiter ac identicē est proprius supremi ac vniuersalis Gubernatoris, adedque circumspicientis ordinem & proportionem cuiusque rei respectu omnium, & quarumlibet aliarum tum personarum, quam rerum, ut ostenditur quæ 28. de Incarnat. Id autem fieri non potest, quin proportioni Arithmetica Geometrica quoque adijciatur. Datur ergo in Deo iustitia distributiva propriē talis.

R. Expositis in quæst. præcedenti iustitia commutativa, & distributiva, ordo doctrinæ postulat expositionem materiae circa quam utraque versatur, & subiectorum, quæ sunt, utriusque capacia. Quod ad materiam attinet constat satis ex eadem quæst. præcedenti, illa bona communia, quorum appropriatio ad priuatas personas, pertinet directē & immediatē siue ex natura rei, siue ex lege, ad vtilitatem, & comoda communis simul, & priuatae personæ, seu conferentis, & accipientis simul, cum iure utriusque individuo circa illa, esse materiam remotam iustitiæ distributivæ. Illa verò siue communia, siue priuata bona, quorum appropriatio, & attributio directē, & immediatē pertinet ad solam vtilitatem accipientis cum iure eiusdem adæquato respectu, eorum esse materiam.

riam remotam commutatiuæ. Constat consequenter materiam proximam vtriusque iustitiæ esse operationes, seu actiones, quibus eadem bona tribuuntur personis ad quas spectant, seu quibus conuenit ius accipiendi: ius verò ipsum esse motuum vtriusque iustitiæ proportionaliter.

Quod attinet ad alteram partem de subiecto, certum est homines ex sua natura esse capaces iustitiæ tum distributiue, tum commutatiue in vicem exercendæ. Quilibet enim homo est capax ex sua natura iuris obligantis alios homines in fauorem & commodum ipsius, tum seorsim, tum coniunctim cum alijs. Et similiter est capax reddendi alijs hominibus ius suum cum proportionem, & æqualitate, tum Geometrica, tum Arithmetica. Geometrica quidem quia accidit quosdam quibusdam hominibus esse magis idoneos ad benefaciendum Reipublicæ, atque adeò digniores vel propter naturalem constitutionem, vel propter dispositionem, & inclinationem habituale in alijs atque alijs disparem. Arithmetica verò quia qui sunt æquales in natura habent bona æque hinc & inde æstimabilia, inter quo proinde intercedere possit æqualitas Arithmetica. Pater igitur hominem esse subiectum idoneum iustitiæ distributiue, & commutatiue erga hominem exercendæ; atque adeò vtramque hominibus inuicem comparatis conuenire. Superest ergo quæstio de homine cū Deo, & Angelis comparato; atque de angelis cum Deo, & inter se comparatis. An scilicet alterutra iustitia conueniat Deo respectu Angelorum vel hominum; aut è conuersò; aut Angelis inter se vel respectu hominum; aut è conuersò? Præcipua verò controuersia est an Deo

Deo conueniat iustitia siue distributiuā siue commutatiuā propriē & simpliciter dicta respectu hominum vel Angelorum? De quo proinde primò determinare oportet.

Dicendum autem est Deo non conuenire propriē & simpliciter iustitiam particularem, aut commutatiuam, aut distributiuam secundum suum conceptum essentialiter adæquatè sumptum. Præcipuum fundamentum est. Qui dat eadem indiuisim voluntate ius & terminum iuris, seu actiui & passiuum, eo ipso non dat ex iustitia particulari. Iustitia enim particularis, antequamlibet actionem suam præsupponit, essentialiter, & formaliter ex parte accipientis actiui respectu boni quod accipit, ut patet ex definitione iustitiæ. Neque it vero præsupponi ius ex parte accipientis respectu actionis indiuisim illi conferentis ius & terminum iuris, seu respectu eius boni, quod simul ac indiuisim conferitur cum ipso iure, ut patet ex terminis. Et confirmatur quia conferens liberaliter aliquid, aut purè misericorditer, idè non confert ex iustitia, quia dat non præsupposito iure, ex parte accipientis, sed illud confert simul ac indiuisim cum eiusdem termino. Deus autem eadem indiuisim voluntate dat creaturæ ius quodcumque actiui formaliter illi conueniens respectu bonorum, quæ accipit à Deo, quatenus à Deo accipit, eadēque bona; nec oppositum fieri vllō pacto potest. Quia Deus nec potest dare aliquid alicui, quin eo ipso ferat legem, ut illud sit accipientis, seu accipientis vsibus liberum relinquatur, cum eius voluntas sit lex cæterorum omnium. Nec etiam potest ferre legem constitutiui essentialiter iuris, ut aliquid sit alicuius, idè nullum cuiquam

conferre potest ius, quin quatenus ad ipsum spectat eadem voluntate idem illud conferat ei, in cuius fauorem fertur talis lex. Nec enim Deus potest ferre legem, qua vel ipse obligetur, cū non sit capax obligationis moralis proprie talis; vel alios obliget, vt potest, ad aliquid faciendum, quin ipse quantū est de se idipsū facere velit; cū hæc eius voluntas includatur essēcialiter, in potētia proxima cæterorū ad faciendū, quod iubentur; idest in cōceptu essēciali obligationis actualis, & formalis. Patet igitur impossibile esse, vt Deus det aliquid alicui, quin ea ipsa voluntate, qua id dat, conferat ius respectu eiusdem rei: Atque e conuerso, vt conferat ius respectu alicuius rei, quin ea ipsa voluntate velit efficaciter rem eandem conferre quantum est de se, idque absolute, & determinatē, si ius sit absolutum, & res conferenda sit à solo Deo; sin minus conditionatē, aut vagē ac indeterminatē. Repugnat igitur Deum quidquam cuiquam conferre ex iustitia particulari propriē & strictē tali.

Confirmatur. Quia actus diuinæ voluntatis essentialiter inseparabiles mutuō speciali ratione sunt indistincti inter se non solum realiter, sed etiam virtualiter inrinfecē, vt dictum est in quæst. de Deo. Patet autem voluntatem diuinam collatiuam iuris respectu rei conferendæ à Deo esse inseparabilem essentialiter à voluntate collatiua eiusdem rei, quantū est ex parte Dei. Si enim istæ duæ voluntates separarentur fieret, vt iustē quis careret simulque iniustē aliquo dono Dei; si quidem quilibet caret iniustē eo bono, cuius habendi ius accepit à Deo; iustē verò caret eo bono, quod Deus vult, vt ipse non habeat, seu non vult, quantum est de se, vt habeat. Qua ratione, vt

alia prætermittantur resellitur singularis sententia Ripalda dicentis dari in creaturis ius, & in Deo iustitiam, quibus obligetur potentia eius ordinaria; non verò quibus obligetur potentia eius absoluta: ita ut si Deus negaret creaturis ea bona, quæ ipsis debentur ex natura rei utendo sola, sua potentia ordinaria inferret illis iniuriam. Resellitur inquam, quia perinde hoc est atque dicere, Deum illaturum esse iniuriam, si uteretur potentia sua absoluta, simulque uteretur sola sua potentia ordinaria. Deum enim negare cuiquam quod ipsi debetur ex natura rei, id verò est Deum uti formaliter potentia sua absoluta. Vnde ille auctor solum hoc dicit re ipsa Deum nihil negare posse nisi iuste, etiam si sit debitum ex natura rei. Quia quod tale est non potest negari, nisi de potentia absoluta: ipsa enim negatio per seipsam formaliter est usus potentie absolute. Ius autem ad aliquid essentialiter denominat iniustam negationem sui termini procedentem ab eo, aduersus quæ est idem ius. Cum igitur ille auctor fateatur nullam ullius boni negationem prouenientem à diuina voluntate posse esse iniustam, sed eo ipso quod ab ea procedat esse iustam, consequenter tenetur dicere nullum verum ius conuenire posse creaturæ aduersus Deum, sed tantum chimericum, utpotè inducentis obligationem pro euentu tantum chimærico, pro solo nimirum euentu Dei utentis sola potentia ordinaria, simulque eo ipso utentis potentia absoluta. Quod nihil est dictum.

Confirmatur rursus ex indistinctione virtuali quæ tradita est quæst. 5. inter diuinam iurisdictionis & proprietatis iura. Inde enim consequitur repugnare, ut Deus ferat legem

fauora-

favorabilem alicui circa aliquam rem; id est
ut ei conferat ius circa illam, quin eo ipso
velit eidem indivisim conferre utilitatem,
cuius intentione redditur favorabilis talis
lex, id est quin conferat eo ipso indivisim id,
cuius ius contulerit. Videatur quæstio illa
quinta. Et quidem nullam legem potest Deus
ferre, quin voluntate ipsa legislativa effica-
citer velit non impedire ex se ad impletionem
legis, seu non reddere impossibilem eandem
adimpletionem. Quare dum fert legem, qua
vult, ne quis impediatur a consecutione, con-
servatione, aut aliquo alicuius rei usu, eo
ipso vult efficaciter non impedire ipse, quan-
tum est de se; quandoquidem ipso non ces-
sante ab impeditione, nemo potest ab ea
cessare positivè, seu facere aliquid impedi-
tioni contrarium. Deum autem ferre eius-
modi legem, formaliter est velle dare ius, ut
dictum est quæst. 3. 4. 5. & velle non impedi-
re consecutionem, conservationem, aut usum
alicuius rei, est velle eandem conferre, quan-
tum est de se. Nempe Deus ipsa conferen-
di tam suspensione, seu omissione, quam no-
litione impedit collationem rei. Repugnat
enim, ut aliquid alicui conferatur Deo omit-
tente, aut nolente conferre. Unde perin-
dè è converso est nolle Deum omittere, aut
suspendere collationem rei, ac velle rem
conferre, quantum est de se. Est igitur for-
maliter individua in Deo iuris & rei colla-
tio, ideoque neutrum virtute iustitiæ con-
ferre potest.

Neque verò ullum est adversus hæc pa-
trocinium, aut effugium in promissionibus
divinis, seu gratuitis, seu onerosis, quarum
est frequens expressio in sacris litteris, &
quibus positis videtur resultare verum ius
in creaturis adversus Deum, utpote obliga-

cum ex natura rei, ut stet promissis, posita acceptatione ex parte creaturarum. Non inquam vllum hinc patet effugium; quod videlicet obstruitur obseruato discrimine inter diuinas, & humanas promissiones. Promissio humana includit in se obligationem præstandi, quod promittitur; imò, quod ad suam essentiam attinet, nihil est aliud quam voluntas obligandi se alteri ad præstandum aliquid in fauorem ipsius; quod consistere potest absque vlla voluntate actuali id ipsum exequendi. At diuina promissio est sola voluntas aliquid faciendi, idque antecedenter reuelandi ei, cuius interest, ut fiat; ita ut voluntas diuina promissiua nihil superaddat simplici voluntati aliquid faciendi absque præuia promissione præter voluntatem reuelandi antecedenter, quod iam constitutum est, ut ita fiat. Impossibile nimirum est, propter rationes nuper propositas Deum obligari obligatione propriè dicta per vnum actum suæ voluntatis ad habendum alium actum, quo exequatur id ad quod obligatur. Quare eatenus solum dicitur Deum obligari ad aliquid, quatenus per actum essentialiter immutabilem suæ voluntatis contrahit necessitatem metaphysicam ad præstandi. Quam profectò necessitatem non aliunde subire potest, quam à sua id ipsum præstandi voluntate efficaci, idcirco præstitura formaliter, & præcise per seipsam.

Reuelat verò antecedenter hanc suam voluntatem, ut gignat in nobis spem certam optati euentus, quando vult eam gignere; idque facit eo modo quo in eundem finem manifestatur ab homine præsens voluntas suæ obligationis in futurum. Sed non concipit voluntatem quam manifestat eo modo, quo concipitur ab homine imponente sibi obli-

obligationem moralem propriè talem; sed contrahendo necessitatem metaphysicam, faciedi quod promittit indistinctam virtualiter intrinsecè à voluntate ipsa promissiva.

Promissiones diuinas esse huiusmodi, nihil videlicet superaddentes voluntati faciendi præter voluntatem reuelandise velle facere, docuerat iam prius operosus defensor iustitiæ diuinæ, distributiue, & commutatiue propriè talis P. Suarez prælect. de libert. diu. disput. 2. sect. 2. idemque docuere ante ipsum D. Bonauentura, Scotus, Durandus, & plures alij apud Montoyam disp. 56. de volunt. Dei sect. 7. Et ratio vltior est. Quia promissio obligatoria tum solum test vtilis, quando promittens vel est mutabilis, vel potest suspendere voluntatem faciendi aliquid, siue per puram omissionem, siue per nolitionem reflexam volitionis simul, & nolitionis directæ. His enim seclusis patet promissionē obligatoriā quatenus obligatoriam fore inutilem & superfluum, atq; omnino cōtemptibilem respectu promissarij. Cuiusmodi nihil in Deo esse potest. Omnem autem voluntatem diuinam esse immutabilem, essentialiter est certū ex fide; atque in Deo esse impossibilem suspensionem simultaneam volitionis, & nolitionis directæ circa aliquod volibile simpliciter à Deo supponitur in presenti vt certum ex communi consensu, & stabilitum satis in qq. de Deo.

Adde repugnare veram obligationem moralem, cui repugnat malum tam culpæ quam pænæ. Quia obligatio moralis dici non potest necessitas metaphysica determinata aliquid faciendi; sed est necessitas vaga faciendi aliquid vel peccandi, ac subeundi pœnam, si id non fiat. Patet autem vtrumque hoc malum repugnare Deo: Nec minus clare

patet repugnare tum verum ius aduersus aliquem absque vera eiusdem obligatione morali; tum veram in aliquo iustitiam particularem respectu alicuius absque verò istius iure aduersus illum, vt liquet ex datis iustitiæ & iuris definitionibus. Repugnat igitur tum verum ius ex parte nostra aduersus Deum; tum vera in Deo iustitia particularis aduersus Deum,

Exclusa per hæc à Deo iustitia particulari in genere, vix quidquam superaddere oportet de commutativa seorsim aut distributiva; esto multa dici possent aduersus vtramque. Aduersus commutativam illud est efficax, quò præcipue vtitur Vasquez. Pertinet nimirum ad conceptum essentialē iustitiæ commutativæ constituere æqualitatem inter datum & acceptum; inter damnum & lucrum, vt sæpe dictum est, & expositum quæst. præcedenti, ex Philosopho cap. 4. huius quinti. Hæc autem æqualitas repugnat Deo, quia Deus nihil lucrari potest quidquam à nobis accipiendū; vt liquet ex illo Job 25. *Si iuste egeris, quid donabitur tibi aut quid de manu tua accipiet?* Et rursus cap. 22. *Quid prodest Deo si iustus fueris? aut quid ei confert, si fuerit immaculata via tua?* Ratio est quia Deus se solo est æquè beatus & æquè bene habet, atque cum omnibus rebus creatis, ac proinde nihil ipsius interest, siue detur, siue non detur quidquam creaturæ, neque ex rebus creatis, & earum defectu quidquam accrescit Deo utilitatis, vel nocumenti. Accrescit verò nobis ex ijs, quæ Deus circa nos facit. Patet autem inter utile & inutile nullam veram esse posse; sed solum imaginariam, aut similitudinariam, aliquam dari & accepti æqualitatem. Ergo vt similitudinaria aliqua, & impropria iustitia

tiæ commutatiua Dei ad hominem dari potest; vera tamen, & quæ propriè talis sit dari nequaquam potest.

Adde quâdo exhibemus Deo aliquod obsequium, non solum præstari aliquid ipsi prorsus inutile; sed insuper illud ipsum bonum opus, quo obsequimur, præstari potius nobis à Deo, esseque ipsius donum perficiens nos; ideoque nobis vtile, & quo etiam ratione sui immediatè obligemur ad gratiarum actionem, vt semel atque iterum dictum est in qq. de gratia. Ergo ex re accepta Deus teneri minime potest ob nostra obsequia ad compensationem, & commutationem, sed donis donis cumulat, dum præmia confert meritis liberalior vtrorumque simul collatione, quam si præmia daret sine meritis.

Adde rursus ex doctrina Philosophi c. 5. D. Thomæ & aliorum communi in præsentibus contrapassum esse de ratione & conceptu essentiali iustæ commutatiui; scilicet vt tantum nocumentum patiatur vteruis commutantium, quantum commodi reportat, transferendo in alium tantumdè iuris, & bonorum, quantum ab alio transfertur in ipsum. Repugnat autem Deo contrapassum, non solum quia nihil pati potest, nulliusque nocumenti est capax; verum etiam, & ob hoc multo magis, quia iura & bona omnia, nobis confert non ea transferendo, seu abdicando à se, sed creando, aut gignendo de nouo, sibi que subiiciendo, ac retinendo sub suo dominio, quæ confert nobis cum repugnantia, vt ius vtile proprietatis cuius nos sumus capaces aut eius terminus existant in rerum natura, & non sint nostra, simulque Dei omnibus modis, quibus, aut Dei, aut nostra esse possunt. Hæc namque iura ac dominia non solum sunt impossibilia, sed

etiam sunt mutuo connexa essentialiter, viliquet ex dictis quæst. 5. Vnde patet nullum esse neque repassioni, neque quasi repassioni locum, cum vtrimque fiat indiuisibile accessio iuris & bonorum, quam maxima excogitari potest, & expeti ab vtraque parte.

Circa iustitiam distributiuam hoc præcipue obseruandum est, Deum sua munera impertiri creaturis, impertiendo simul vnicuique dignitatem muneribus cõgruentem. Quod quia facere non possunt Principes, & Republicæ creatæ, propterea necesse habent pro iusta munerum partitione, attendere ad præexistentem dignitatem accipientium. Hinc Deus infirma mundi eligit ad maximos fines ac munera: quod ipsum hominibus facere non licet absque peccato contra iustitiam distributiuam, cuius legibus non tenetur Deus, nec vititur earum directione ob contrariam vtroque rationem. Deinde Deus in conferendis præmijs, alijsq; bonis accumulandis, non tam respicit ad dignitatem accipientium, quas longè superat muneribus, quam ad suam intendens, ut eam deceat quod facit. Certè non respicit ad dignitatem benefactiuam accipientium respectu conferentis, aut etiam communitatis quatenus includentis ipsum; si quidem Deo nemo benefacere potest. Quos tamen respectus supradictum est esse de ratione iustitiæ distributiue.

Denique Deus dat vnicuique quod spectat ad ipsum secundum se consideratum, nec singulis addit quidquam vel detrahit, saltem quo ad substantiam bonorum, propter concursum aliorum plurium vel pauciorum, maiori vel minori dignitate pollentium. Quod constat ex citato testimonio

Roma.

Romanorum; *reddet unicuique secundum opera sua*; & quia oppositus agendi modus est proprius non habentis thesaurum bonorum sufficientem pro æquali simpliciter compensatione singulorum. Ergo medium Geometricum, quod ex Philosopho, & communi consensu dictum est supra, spectare ad iustitiam distributivam, esseque de eius conceptu, Deus non observat, ac proinde, neque utitur iustitia distributiva. Constat igitur ex his omnibus repugnare Deo, tum iustitiam particularem ex genere suo, tum specialiter utramque eius speciem iustitiæ distributiæ & commutatiæ propriè & strictè talis.

Ad 1. In illis, alijsque eiusmodi testimonijs, non alia continetur iustitia Dei, quam providentialis & gubernatrix, quæ communiter dicitur legalis, estque iustitia propria & absque metaphora talis; imò est prima, ac præcipua species iustitiæ commendata, ac celebrata a Philosopho super omnem aliam iustitiam, sub initium huius quinti; eademque procul dubio decet Deum, & ab omnibus incunctatè cum summa proprietate admittitur in ipso, & se sola sufficit, ad rectitudinem omnium diuinarum circa nos operationum, quibus fit, ut posteriora prioribus perfectè congruant, eorumque exigentiam expleant adæquatè. Per hanc iustitiam exponuntur absque vlla violentia locutiones sacrae de iustitia Dei, maximè cum illis plerumque non insit sensus scholasticus, sed vulgaris & planus, iuxta quem ij Principes maximè iusti dici, ac celebrari solent, qui adherent bono communi; atque inde ad cetera diriguntur. Adhæret autem Deus summè bono communi, quia summè adhæret sibi ipsi, qui per essentiam est bonum om-

nium commune, atque inde ad cetera omnia diffunditur, attendens, & exequens in omnibus quod se maximè decet, & semper operans quia sic decet se operari.

Ad 2. Firmitudini spei nostræ sufficit iustitia legalis. Quia ratione huius metaphysicè repugnat, ut præmia, & supplicia non dispensentur prout oportet, & bono regimini creaturarum rationaliū omninò congruat. Neque verò liberalitas, gratia Dei complectens omnes, & singulas operationes diuinas nobis vtilis, ac fauorabiles excludit iustitiam, quæ satisfacit exigentiæ, & quasi iuri rerum præexistentium. Quia Deus omnia, & singula sua bona largitur potens quidem simpliciter, & absolute ea penitus negare, idèoque liberaliter, impotens tamen, ex suppositione quod aliqua conferre velit, ut posteriora prioribus nō aptè respondeant iuxta dictamen, & ordinem sapientiæ suæ; quæ est necessitas ad æquale proportionaliter compensationem meritorum, atque ad eandem efficaciter volendam, si merita efficaciter voluerit. Non igitur sequitur ex negata Deo iustitia particulari, inconueniens intentum in obiectione.

Ad 3. Deus non vult vno actu loqui, & se obligare ad veram locutionem, & alio actu dicere verum; sed vtrumque vult indiuisimè per vnum actum non ex obligatione moralitè propriè tali, sed ex necessitate metaphysica neutrum ab altero separandi, idque independentè à motiui iustitiæ tam communitatiuæ quam distributiue, & ex solo moriui iustitiæ legalis, atque ob solam iustam suæ ipsius æstimationem, ut pluribus, expositum, & confirmatum, est q. 22. de v. r. Theol. ad 7.

Ad 4. Aliquæ virtutes ad alterum dantur in Deo formaliter & adæquatè, ut quæ ibi
enume-

enumerantur. Aliæ verò non dantur, vt gratitudo obseruantia, obedientia, & similes. Quarum videlicet perfectio quidditatiuæ adæquate sumpta supponit essentialiter aliquam ex parte subiecti imperfectionem, qualem dictum est essentialiter supponi à iustitia particulari: nimirum subesse iuri alterius, & posse habere obligationem, seu necessitatem absolutam aliquid faciendi aliunde quam ab ipsa præcisè faciendi voluntate. Quibus aliæ similes imperfectiones detectæ supra sunt, tum in conceptu iustitiæ particularis in communis, tum in speciali conceptu iustitiæ commutatiuæ, & distributiue.

Ad 5. Philosophus eo in loco distinguit amicitiam imperfectam, & vtrunque lucratiuam ab amicitia perfecta, quæ in honestate, & virtute fundatur; atque illi imperfectæ, cuius certè Deus non est capax, non huic secundæ perfectæ annectit capacitatem iustitiæ. Deindè non exprimit, de qua determinatè iustitia loquatur; & an de iustitia simpliciter tali. Vnde relinquit locum, vt intelligatur de iustitia, vel distributiua, vel commutatiua, vel legali, & de non simpliciter tali prout fuerit amicitia. Demum Philosophus neque amicitiam Dei cum hominibus agnouit perfectam, & simpliciter talem; sed nec agnosce re potuit, vt colligi facile potest ex dictis q. 39. de virt. Theol. Et quid dicent aduersarij de amicitia inter patrem & filium; dominum & seruum, quæ non negat Philosophus propriè talem; & tamen negat inter eosdem ius & iustitiam, propriè & simpliciter talia, vt apparet ex dictis quæst. 7. versus finem.

Ad 6. Iam patuit iustitiam tam commutatiuam, quam distributiua esse quidem perfectiones, sed coniunctas cum aliqua imper-

fectione quatenus eam essentialiter præsupponunt ex parte subiecti; nec ab ea imperfectione eximi posse ex eo præcisè, quia sunt virtutes ad alterum ut liquet ex exemplis allatis circa quartum; vel ex eo præcisè quia ius alterius, & obligatio illi fauens proueniunt ex aliqua voluntate præexistētī ipsius operantis ex iustitia; siquidem demonstratum est nulla tali voluntate obliganti, præuenire Deum posse suam voluntatem immediate collatiuam humanorum iurium & rerum. D. Thomas tantum eximit virtutes ad alterum ab omni imperfectione ex parte obiecti voliti; non verò etiam ex parte subiecti. Agnoscit enim istiusmodi imperfectionem in illis virtutibus ad alterum quæ prælatæ sunt in responsione ad quartum.

Ex quibus præterea virtutibus ita negatis Deo communi consensu, ut eidem attribui absque absurditate non possim, eaque non solum quoad modum loquendi, sed etiam quoad rem ipsam, constat quæstionem de attribuendis vel negandis Deo singulis quibusque virtutibus, quæ sunt in usu apud nos nullatenus esse quæstionem de voce, sed omninò realem. Quia videlicet non est quæstio de voce, sed realis, per quam quaeritur de vnaquaque virtute, an perfectio specifica & differentialis ipsius sit essentialiter connexa cum aliqua subiecti, cui inest, imperfectione conueniente ipsi vel secundum se, vel taliter affecto; an non sit taliter connexa cum imperfectione? Quod certè non satis considerarunt, nec nisi superficialiter dignoscere potuerunt res, de quibus agitur in præsentī, qui ausi sunt dicere controuersiam præsentem esse solum de voce, id est nō solum inutile; sed etiam à solis ineptis & ignavis hominibus serjō disputabile;

cum

cum tamen magni auctores de ea plurimum idque iure merito hinc & inde disputa-
uerint.

Ad 7. Et eius confirmationem. Promissio-
nes, contractus; & pacta non stabiliuntur à
Deo voluntate se obligandi; sed voluntate
nobis notificata faciendi; si fecerimus, &
quidem faciendi; ea ipsa voluntate imme-
diatè, postquam præstitum id fuerit; quod
ad nos spectat. Atque hoc ipsum, quod
præstandum à nobis est, quodque dicitur
onus in obiectione, est vtile nobis etiam,
ratione sui immediatè; Deo verò inutile, &
ab ipso potius donatum nobis, quam ipsi à
nobis; Vnde fit vt Deus constituat æquali-
tatem, seu potius proportionem congruen-
tem inter merita & præmia non ex iustitia
commutatiua; sed ex legali, & gubernatri-
ce reddendo vnicuique secundum opera sua,
cum quadam eatenus similitudine, sed non
cum realitate & cōceptu specifico emptio-
nis, & venditionis. Quæ ipsæ voces & aliæ
illis æquivalentes magis demonstrant non
agi de æqualitate propria iustitiæ commu-
tatiuæ; quandoquidem constat nostra meri-
ta non posse esse pretium ita æquale Regno
cœlorum, & beatitudini; dicentē Apostolo
momentaneum & leue esse illa omnia cō-
paratà cum pretio, & æstimatione gloriæ.

Ad 8. Dictum est Deum operari circa
singulos prout ipsum decet ex iustitia lega-
li indistincta à dilectione sui. Decet autem
Deum, vt quantum cuique dignitatis contu-
lerit, tantumdem gloriæ conferat, atque
hoc ipso collocet in diuerso gradu & loco
iuxta diuersitatem meritorum & gratiæ,
vtrumque tamen singulis cōfert eadem vo-
luntate virtualiter indiuisibili volendo vt
merita sint causa gloriæ; non tamen, vt vo-
luntas

Iustas meritorum, aut ipsa merita, aut obligatio aliqua inde consurgens sint causa voluntatis conferentis gloriam, & præmia. Neque ut singulis accedat quidquam aut decedat propter maiorem vel minorem numerum aliorum plus aut minus merentium, aut propter dispares dignitates ex inæquali gratia sanctificante. Vnde patet comparationem vniuscuiusque accipientis præmium cum reliquis non pertinere ad munus, & finem proprium ac specialem iustitiæ distributiue, sed ad perfectionem propriam iustitiæ legalis habentis motuum vniuersalissimum quod sub se complectitur indiuisim omnia creata tam irrationalia quam rationalia, tam purè physica quam moralia, & constituit idoneam eorum indiscriminatio omnium inter se dispositionem ac coherentiam. Quod non minus excludit vitiosam personarum acceptionem quam iustitiæ distributiua propriè dicta, & saluat omnia perfecte, quæ in obiectione attribuuntur diuinæ prouidentiae, & illud præsertim quod adducitur ex Dionysio nequaquam locuto de meritis præcisè, & præmijs, sed de ordine rerum creaturarum vniuersim omnium, & singularum. Vnde liquet illud testimoniū adduci abs re, cum irrationalia secundum se non ordinentur, ac proportionentur inter se, per iustitiā distributiua propriè & strictè talem, ut est in confesso etiam apud aduersarios.

Inquam verò per distributiua propriè, & strictè talem. Quia negari non potest iustitiā legalem, & prouidentialem Dei habere aliquam similitudinem analogicam, & inadæquatam cum iustitiā, tum commutatiua, tum distributiua propriè tali, quatenus ex vna parte unicuique tribuit quantum

exigit

exigit perfectio eius physica, & bonitas moralis perinde; atque si nulla alia existeret entitas prædicta perfectione aliqua, aut merito; siue maiori, siue minori, siue æquali; quod spectat ad imitationem iustitiæ commutatiuæ: & ex alia parte nihil peragit circa aliquam, vel rem vel personam absque respectu ad cætera omnia; & singula contenta in vniuerso, atque ita constituit idoneam, & pulcherrimam vniuscuiusque rei ac personæ cum cæteris omnibus, ac singulis proportionem, & consonantiam, quod spectat ad imitationem iustitiæ distributiua. Vnde effectum est; vt inter alios Diuus Thomas aliquando soli iustitiæ commutatiuæ, aliquando soli potius distributiua adscribat diuinam præmiorum aliorumque bonorum partitionem. Quæ non aliter in concordiam venire possunt, nisi

accipiendo vtriusque generis testimonia de iustitia commutatiua, & di-

tributiua quoad aliquam so-

lum cum vtraque simili-

tudinem ratione di-

cta. Videatur

cum eodem

Diuo


Thoma Caietano in præ-

senti quæst. 6. art. 4.

circâ responsio-

nem ad pri-

mum.



QVÆSTIO XX.

Verum conueniat homini iustitia
aut commutatiua aut distribu-
tiua respectu Dei ?

IDETVR veramque con-
uenire. R. Quia, quod ad cō-
mutatiuam attinet, eadem
est obligatio reddendi Deo
quæ sunt Dei, atque est red-
dendi homini quæ sunt ho-
minis, iuxta illud Matthæi 22. 21. *Reddite
ergo quæ sunt Cæsaris Cæsari & quæ sunt Dei
Deo.* Quæ autem sunt hominis redduntur
homini per iustitiam commutatiuam. Ergo
per eandem redduntur Deo quæ sunt Dei.
Alias comparatio esset inepta, ac disparata;
cum tamen facta sit à Christo Domino.

2. Peccata hominum habent veram ra-
tionem iniuriæ aduersus Deum, ex commu-
ni consensu Theologorum multipliciter cō-
firmato ex sacris litteris, & sanctis Patribus.
Ratio autem iniuriæ coincidit cum ratione
iniustitiæ; quæ dari non potest nisi in eo qui
est obligatus ad oppositum ex iustitiâ, aut
commutatiua, aut distributiua; maxime ve-
rò ex commutatiua quando iniuria est ad-
uersus personam singularem secundum se
consideratam.

3. Quod attinet ad distributiua. Deo
exhiberi debet cultus seruata proportione
eius dignitate, ita vt cultus Deo exhi-
bitus excedat proportionaliter cultum ex-
hibitum alijs, quātum excedit dignitas eius
dignitatem cæterorum. Observantia autem
cuiusmo-

eiusmodi proportionis pertinet ad iustitiam distributivam, ut dictum est in quæst. præcedenti. Ergo ea exercetur propriè per homines erga Deum.

2. Deo convenit verum ius proprietatis, ut constat ex quæst. 5. Verum autem ius proprietatis fundat circa alios veram obligationem pertinentem ad veram iustitiam seu distributivam, seu commutativam, ut colligitur ex definitionibus iuris & iustitiæ supra datis inuicem collatis. Ergo alterutra vel utraque ea iustitia est admittenda in homine erga Deum.

R. Dicendum est, neque commutativam, neque distributivam iustitiam simpliciter, & propriè talem convenire homini respectu Dei. Non quidem commutativam, quia hæc considerat personas, ut æquales uti dictum est supra ex Philosopho; quod tamen respectu Dei nunquam vlla in re, aut sub vlla ratione formali locum habet. Deinde contrapassum est de conceptu commutativæ ut dictum est ex eodẽ Philosopho; Quod nec tam parvæ parte Dei dari potest, qui nihil potest esse, neque ex parte nostra comparari Dei; si quidem tota utilitas suarum, nostrarumque operationum, & rerum nobis manet prævalens nocumento temporali, si quod patimur eius gratia. Demum æqualitas Arithmetica est similiter de conceptu eiusdem iustitiæ, ut dictum i idem est ex Philosopho, & alijs. Æqualitas autem Arithmetica constitui nunquam potest inter Deum & hominem, tum quia dignitas Dei, & ius in ea fundatũ tendit in infinitum syncreticè, tum maxime, quia res operationes hominis erga Deum & homines, sunt utiles soli homini, & inutiles Deo. Insuper utile autem & prorsus

propterea inutile: nulla potest esse æqualitas
 Arithmetica, quæ similiter repugnat inter
 utile, & pure decens: absque vlla utilitate.
 Eadem porro est incommensurabilitas inuti-
 lium, ac nocentium cum purè dedecenti-
 bus nihilque nocentibus, quorum alterum
 spectat ad homines, alterum ad Deum. Ergo
 neque peccando, neque bene operando po-
 test constitui ab homine æqualitas Arithme-
 tica aut inæqualitas formaliter opposita
 huic æqualitati. Ergo neque iustitia com-
 mutatiua exerceri potest, aut committi in-
 iustitia opposita huic iustitiæ ab homine
 erga Deum.

Sed neque iustitia distributiua esse
 potest in homine respectu Dei. Quia digni-
 tas Dei est incomparabilis cum dignitatibus
 cæterorum; neque Deus accipere potest ab
 homine munus aliquod, aut iustè correspon-
 dens eius dignitati, aut cedens in utilitatē
 partim ipsius, partim nostram; quod tamen
 dictum est esse de conceptu iustitiæ distri-
 butiue propriæ & simpliciter talis. Quæ
 propter ius Dei aduersus nos non consti-
 tuitur simpliciter tale, sed diuinum ad eum
 quo quæst. 3. dictum est de iure tribu-
 herili & oeconomico, idque ratione multo
 maiori & manifestiori ut apparet ex dictis.
 Quapropter ius Dei fas potius appellatur à
 D. Thoma, & alijs communiter; idest ius su-
 pra omne ius & excellentius in suo conce-
 ptu, quam sit ius quod obseruat iustitia
 particularis; ideoque spectans ad religio-
 nem potius, obedientiam, charitatem, &
 alias similes virtutes, quibus solis, & non
 iustitia particulari colimus Deum. Eadem
 porro ratione, qua negatur vtraque iustitia
 homini respectu Dei, neganda quoque est
 Angelis respectu eiusdem. Vigent enim
 æqua-

æqualiter quoad utrosque rationes: proposita.

Ad 1. Testimonium illud ex Mathæo accipiendum est cum distributione accommodata, ut quæ sunt hominis reddantur per iustitiam commutativam; quæ Dei per religionem. Quæ accommodata, & non omnino æqualiter similis quoad utrumque extremum intelligentia admittenda est ab omnibus quoad conceptum suitatis eodem modo contentæ in eo testimonio; quandoquidem suitas spectans ad Cæsarem erat suitas utilitatis & lucris; suitas verò Dei solius excellentiæ, ac decentiæ; illa respiciens finem, cui utilitatis perfectibilem per bona sua; hæc respiciens finem cui solius excellentiæ minime perfectibilem, aut ut sic dicatur, felicitabilem per bona creata. Vnde Christus Dominus dixit ea verba: adiudicans Cæsari utilitatem pecuniæ; Deo honorem & cultum. Quæ sunt disparia.

Ad 2. Peccata hominum continent rationem iniuriæ non oppositam formaliter iustitiæ particulari, sed quod deterius multo est religioni, obedientiæ, iustitiæ legalis & charitati. Vnde peccatis hominum contra Deum deest ratio iniustitiæ propriè talis non per defectum, sed per excessum malitiæ, & nefas potius sunt quam iniustitia. Et quidem ratio iniuriæ adversus Deum est communis omni generi peccatorum, quatenus opponitur præceptis divinis, quæ sunt actus iurisdictionis formaliter, & non proprietatis, ideoque convertibilis esse non potest cum iniustitiâ propriè, & strictè tali; quæ videlicet connotat formaliter solum improprietatis.

Ad 3. Culus exhibetur Deo per virtutem religionis tanquam in comparabili quoad

quoad dignitatem; cum omni alia dignitate; ideoque cultus ipsi debitus seruat proportionem cum cultu aliorum, non proprie Geometrica, sed improprie, & similitudinarie tantum, quia neutrius extremi aut replicatione, aut diminutione potest perueniri ad æqualitatem Arithmeticam. Ad iustitiam autem distributiuam pertinet proportionalitas Geometrica proprie talis inter dignitates & res, eorum qui debent comparari per eam iustitiam. Et præterea ad exhibendum cultum Deo cum omni iustitia seu æqualitate possibili erga ipsum, nihil opus est Deum comparare, aut etiam quasi comparare cum alijs. Quia habet dignitatem cultus exemptam ab omni eiusmodi comparatione, & combinatione.

Ad 4. Cõstat ex quæst. 4. Deo nõ cõuenire sus puræ proprietatis, sed quod indiuisum est iurisdictionis ordinatum in nostram utilitatem; quale non est ius ex quo specificatur iustitia commutatiua.

QVÆSTIO XXI.

Utrum inter Angelos & homines
detur Iustitia aut commutatiua
aut distributiua?

IDENTVR neutrius iustitiarum inuicem exercendarum esse capaces. I. Quia bona Angelorum propria, & quæ sunt propria hominum non possunt reduci ad æqualitatem. Differunt namque specie substantia- liter; ideoque habent omnia dissidentia specie quoad substantiam, & incommensurabilia absque vlla communi mensura alicuius æque æstimabilis ab utrisque, per com-
pa.

parationem, ad quam redigi possint ad æqualitatem, aut Arithmeticam, aut Geometricam. Quod manifestatur magis conferendo singulas verimque species rerum. Pecuniæ namque, Palatia, agri, & similia quæ magni habentur ab hominibus, nullius sunt usus utilitatis, aut æstimationis, apud Angelos. Similiter species impressæ Angelorum, habitus voluntatis, potentie, & earum actus quæ sunt tota ipsorum suppellex sunt respectu hominis inutilia, nulliusque usus, ac proinde nec æstimationis alicuius. Eadem est ratio de cæteris eiusmodi omnibus. Quæ autem ita inter se comparantur, neque iustitiæ commutatiuæ, neque distributiæ materię esse possunt; quandoquidē utraque essentialiter intendit æqualitatem.

2. Angeli inter se neutram possunt exercere iustitiam. Commutatiuam quidem, quic nullus Angelus indiget bonis alterius; atque origo commutationis est mutua commutantium indigentia, ut infra dicetur ex Philosopho. Deinde bona unius Angelinon sunt transferibilia ad alterum; quia omnia Angelorum bona reducuntur ad accidentia sola unicuique eorum intrinseca; atque commutatio fieri non potest absque translatione mutua bonorum. Distributiua similiter repugnat. Quia Angeli immediate continent à Deo quidquid pertinet ad eorum dignitatem. Ergo non dependent inuicem alter ab alterius voluntate, & opere quoad proportionem, aut proportionalitatem dignitatum, & munerum aut rerum. Ergo non possunt exercere inuicem iustitiā distributiua. Ergo multò minus possunt homines & Angeli inuicem exercere alterutram iustitiam. Quia multo magis dissident inter se, multoque minus inuicem dependent

pendent homines & Angeli, quam Angeli inter se.

3. Iustitia distributiva, & obligatio quam ipsa respicit rediguntur ad iustitiam commutativam, & ad obligationem quam respicit, ut contendit Vasquez, quatenus comparatio inter dignitates, & munera singulorum spectans ad iustitiam distributivam, idem instituitur, ut inde subducatur quod unicuique seorsim sumpto deberetur ex iustitia commutativa. Cum igitur constet ex prima ratione inter Angelos, & homines iustitiam commutativam exerceri minime posse, concluditur neque distributivam alterutra ex parte circa alteram exerceri unquam posse.

R. Questio hæc est parvi momenti, Dicendum verò primo est iustitiam commutativam utralibet ex parte respectu alterius dari proprie, ac stricto atque exerceri posse saltem quoad commutationes inuoluntarias, de quo commutationum genere dicitur infra. Ratio est quia tam homines, quam Angeli sunt capaces iuris quisque sui aduersus omnes alios, atque adeo, & mutue obligationis non ampliandi terminos propriæ libertatis cum iactura aliorum habent enim communem Principem Deum impertientem singulis bonorum cumulum peculiarem lege lata, ut illis maneat, eorumdem inferunt utilitati ac liberæ dispositioni. Patet autem indemnitate hominum bonorum, & postquam læsio facta fuerit, restitutionem pertinere ad iustitiam commutativam, quatenus moderantem commutationes inuoluntarias ne fiant, etsi factæ fuerint rescindantur constituta æqualitate Arithmetica, non inter res unius & res alterius, sed inter res spectantes ad unum.

namquemque, & eiusdem: conueniens cōsideratis eatenus vt æqualibus: seu perinde atque si nulla in esset æqualitas, personis, licet absolute, in se inæqualibus. Quæ quidē ratio efficaciter conuincit quoad commutationes saltem inuoluntarias. Quia cum neque Angeli, neque homines sint impeccabiles ex sua natura, nec sit maior ratio, cur peccare possint in alia materia potiusquam in materia iustitiæ inferendo inuicē nocumenta quoad famam, & honorem, aliaque similia pertinentia ad ius proprietatis eorum, sunt utique capaces naturaliter, vt peccent mutuo peccato iniustitiæ. Quod peccatum ex natura sua inducit obligationem restituendi, & resarciendi, nocumentū illatum. Quod est opus iustitiæ commutatiuæ. Possunt igitur hoc pacto exercere mutuo iustitiā cōmutatiuā Angeli & homines.


Dicendū rursus est iustitiā distributiua, neque Angelos erga homines neq. homines erga Angelos, exercere de facto posse. Quia ea bona communia, quæ quæst. 18. dictum est pertinere ad hanc iustitiā tanquam materiam propriam, & ad equatam eius. Deus per se ipsam Angelis distribuit immediate quoad partem spectantem ad ipsos. Partem autem quæ spectat ad homines, eisdem distribuendam commisit absque consortio Angelorum in iure, & opere distribuendi. Non negatur tamen possibilem absolute esse iustitiā distributiua tum Angelorum inter se, tum Angelorum simul, & hominum inter se. Non enim apparet vnde repugnet, vt Deus eo modo committat arbitrio Angelorum, & hominum distributionem munerum cōferentium ad bonum, vtrorumque commune simulque speciale eorum quibus illa

illa deputarentur determinatè. Supererat
 ut ultimo loco exponeretur utraque iusti-
 tia inter patrem & filium; dominum & ser-
 uum; maritum & uxorem verum quia faci-
 lis admodum & cuius obuia est circa istos
 consequentia ex dictis quæst. 5. de mutuis
 eorum iuribus: nihil necesse est eam in rem
 distinctius adijcere; quando manifestum est
 iustitiam vniuscuiusque sequi naturam iu-
 ris circa quod versatur, atque ius ista-
 rum personarum, eo in loco expositum fuit
 clarò.

Ad 1. Illud argumentum solum pro-
 bat mutuam Angelorum, & hominum in-
 capacitem quoad commutationes volun-
 tarias, per quas & Angelus ad hominem, &
 homo ad Angelum transferant aliquid cum
 æqualitate Arithmetica æstimabilitatis inter
 datum & acceptum. Quæ æqualitas repu-
 gnât inter quælibet bona substantiarum in-
 trinsecè inæqualium atque specie inter se
 dissidentium, idque propter rationem ibi-
 dem expensam, quæ eatenus est efficax.
 Cæterum quoad commutationes inuolun-
 tarias, de quibus fuit superior conclusio,
 eadem ratio nihil probat. Nihil enim pro-
 hibet ablatam alicui à substantia inæquali
 esse æquale restituto eidem per eandem;
 imò est necesse esse æquale Arithmeticè, si
 totum restituatur, quod fuerat iniuste ab-
 latum, uti fieri procul dubio potest Deinde
 possibile itidem videtur Angelos inter se
 æquales exercere inuicem iustitiam com-
 mutatiuam etiam quoad commutationes
 voluntarias. Quia sunt capaces aliquorum
 bonorum extrinsecorum, ut laudis, honoris,
 aliorumque eiusmodi officiorum atque
 quoad hæc potest vltro, citroque æquali-
 tas constitui inter æquales; esto rarè, & vix
 vnquam

Vnquam eiusmodi bona sibi inuicem praestituri videantur Angeli etiam in statu viatoris, aut etiam purae naturae, sed ex liberalitate, & pura beneuolentia uti plerumque fit inter homines quoque abundantes bonorum, & nobiliter inuicem familiares. Atque hoc obiter.

Ad 2. Patet ex modo dictis quoad iustitiam commutatiuam; quoad distributi-
uam vero ex dictis ad quaestionem in poste-
riori parte. Ad 3. patet in idem suffi-
cienter; nisi quod principium ibi assumptum
à Vasquez nequaquam subsistit. Quia ex
dictis in quaest. 18. circa naturam iustitiae
distributivae, & rationem iuris specialis,
quod ipsa respicit inter dignitates, & mune-
ra singulorum, non ad hoc institui, ut sub-
ducatur quantum unicuique debeatur ex
iustitia commutatiua, & ex iure unicuiusque
adequate proprio; sed ut sistatur in mutua
dignitatum, & munerum collatione, & im-
mediate satisfiat iuri individuo com-
munitatis simul, & personae par-
ticularis aequè; et immediate
pertinente ad utram-
que, nec idonea
circa quod ver-
setur iu-
stitia
commuta-
tiua.



QVÆSTIO XXII:

Virum iustitia vindicatiua sit species iustitiæ particularis indistincta à iustitia commutatiua.

VIDEATUR esse indistincta à iustitia commutatiua 1. Quia iustitia punitiua constituit æqualitatem inter peccatum & penam: Constitutio autem æqualitatis est propria iustitiæ commutatiuæ. Ergo iustitia vindicatiua est indistincta à commutatiua.

2. Pudet teneretur ex iustitia commutatiua ad resarciendum omnia detrimenta quæ Reipublicæ aut personis priuatis prouenerint ex iniusta scelerum impunitate. Non autem ad hoc teneretur ex iustitia commutatiua, si non teneretur ex eadem ad vindictam, & punitionem scelerum. Ad eandem namque virtutem pertinet præcauere nocumentum antequam inferatur, ad quam pertinet illud resarcire postquam illatum est, ut paulo post dicetur. Ergo actus iustitiæ punitiue est actus iustitiæ commutatiuæ. Accedit D. Thomas docens quæst. 108. art. 2. ad 1. punitionem prout refertur ad publicam iustitiam esse actum iustitiæ commutatiuæ.

R. Iustitia vindicatiua hoc habet ex genere suo, ut non tam ordinetur in utilitatem eius, circa quem exercetur, quam in utilitatem aliorum. Hoc enim præstat, ut ceteri feliciter sapiant in capite insipientis. Nempe

Nēpe reus ratione delicti i cōparatur, iūmē-
tis insipientibus, & similis sit illis. Atque
cum homo ob dignitatem naturæ rationa-
lis hoc habeat proprium, vt sit, & ametur
ratione sui, vtque ordinentur in vtilitatem
eius, quæ circa ipsum aguntur; ratione
peccati decidit ab eo gradu excellentiæ, &
honoris, atque per pœnam ordinatur in
bonum potissimum aliorum, vt bruta, solū-
que hoc sibi deinde sup̄est beneficium
propriū rationalitatis, vt pœnam conuer-
tat in bonum peculiare suum per virtutem
patientiam, & propositum emendationis.
Quæ ratio est, ob quam eadem illa, quæ
quis libenter perferret ex charitate, miseri-
cordia, aut alio simili motu, agrè ferat, si
iniungantur in pœnam, maxime si iniungan-
tur ex affectu præcisè puniendi. Quia vi-
delicet eatenus secū agitur vt cū bruto, &
infra dignitatem naturæ rationalis secundū
se. Ob similem rationem quæ quis sponte
sua paratus erat facere, aut omittit, aut
exequitur illibenter accedente iussione,
& directione alterius, si aliunde non accre-
scat aliud bonum, in quod ipse afficiatur.
Quia videlicet eatenus secū agitur vt cū
minus sufficiente sibi, atque indigente
præcepto, & directione alterius. Est autem
de ratione iustitiæ particularis simpliciter,
& strictè talis, maxime verò, commuta-
tiua, vt ius suū unicuique tribuat, suū
vtique suitate proprietatis; & rursus est de
ratione huius iuris vt inserviat vtilitati
propriæ subiecti, cui inest, vti sæpè dictum
est. Hoc autem nequaquam conuenit digni-
tati, seu quasi dignitati ad pœnam prole-
nenti ex delicto vt liquet ex discursu facto;
& ex eo præterea, quia licet ob indispoli-

tionem animi, quæ cernitur in delin quere-
re, prau deatur pœnam non esse ipsi pro-
futuram, infligitur nihilominus, quando
est pura pœna. Quando verò non est
pura pœna non pertinet eatenus ad iusti-
tiam punitiuam eius inflictio, sed vel ad
charitatem, vel ad misericordiam, aliamue
similem virtutem. Ergo iustitia punitiua
pro vt comparatur cum eo qui punitur,
nec est eadem cum iustitia commutatiua,
nec est species iustitiæ particularis pro-
priæ & strictæ.

Verum neque relatè ad Rempublicam,
cui obstringitur iudex ex officio ad vindi-
ctam & punitionem delictorum, neque
relatè ad indemnitate personæ particula-
ris pœdentem ex punitione delicti, est actus
iustitiæ commutatiuæ punitio delicti. Sicut
enim Dux militiæ, etiamsi paciscatur cum
Rupublica de eius incolumitate aduersus
inimicos, pugnat nihilominus cum hoste,
& victoriam nanciscatur per virtutem for-
titudinis, & non per virtutem iustitiæ cõ-
mutatiuæ; ita etiam Iudex, utcumque paci-
scatur cum Republica, exequitur immédia-
tè, & formaliter punitionem per iustitiam
vindictiuam habentem pro motiuo formali
honestatem proportionis inter pœnam, &
peccatum, & non ius proprietatis conue-
niens, aut communitati, aut cuiquam per-
sonæ particulari. Punitio enim ex sua ratio-
ne formali nulli tali iuri immediate satisfa-
cit, sed habet honestatem suam peculiare
independentem immediatè, & formaliter ab
omni iure proprietatis. Quare pactum ini-
tum cum Republica à Iudice, & obligatio
inde resultans ad indemnitate ipsius Rei-
publicæ, & personarum particularium pœ-
dentem

dentem à punitiōe solum efficit, vt Iudex per virtutem iustitiæ commutatiuæ possit imperare actum punitiōis quem deinde immediatè exequatur iustitia vindicatiua; non verò vt iustitia cōmutatiua immediatè moueatur propria; & peculiari honestate punitiōis; quod tamen necesse esset vt iustitia commutatiua sibi ascisceret actum punitiōis, vt indistincta à vindicatiua sub aliquo tandem respectu, & comparatione. Igitur iustitia vindicatiua adæquatè est extrà totū genus iustitiæ particularis tam relatè ad eū qui ponitur, quàm relatè ad quoslibet alios; atque ita docet D. Thomas ex professio. toto illo art. 2. quæst. 108.

Ad 1. æqualitas propria iustitiæ commutatiuæ est Arithmetica, eaque nō inter res secundum se, sed cum respectu ad iura cuiusque, vt dictum est quæst. 9. æqualitas autem inter peccatum & pœnam est solum proportionalis, nec eam mensurat ius vllum proprietatis immediatè, & formaliter.

Ad 2. vt Iudex teneatur ad restituendum damnum emergens ex impunitate non necesse est punitiōem pertinere ad iustitiā commutatiuam directè & immediatè; sufficit enim, si ab ea dependeat mediatè per modum imperantis. Neque quidquam aliud docet eo in loco D. Thom. sed hoc ipsum omnino. Solet hic quæri similiter an iustitia legalis sit species iustitiæ particularis seu simpliciter dictæ. Verum de hac re dictum iam est oportunè, & ex professio quæst. 11. Quare cum nulla præterea species iustitiæ explicanda supersit; nec circa iniurias specialiter contradicentes iustitiæ, aut distributiue, aut commutatiue quidquam specialiter occurrat, vltra ea quæ superius di-

Et sunt circa iniurias in communi, quod ad intelligentiam reparationis earum conferre possit, oportet hanc ipsam reparationem immediate annectere.

QVÆSTIO XXIII.

Vtrum Restitutio sit voluntas ius suum prius læsum unicuique tribuendi?

IDETVR non esse 1. Quia restitutio est actus iustitiæ particularis. Ergo habet idē motiūm adæquatum quod habet iustitia particularis. Dictum autem est motiūm adæquatū iustitiæ particularis esse ius vnus cuiusque secundum se. Ergo idem eodem modo sumptum, & non prout læsum formaliter est etiam motiūm adæquatum restitutionis relatē, ad quod quidditas eius exponi & definitio eius tradi debet.

2. Restitutio satisfacit ei, qui passus est iniustitiam quoad totum nocumentum inde resultans, & quoad totum ius conueniens eidem aduersus aggressorem. Patienti autem conuenit ratione iniuriæ ius quoddam peculiare aduersus aggressorem quod antea non habebat, quodque proinde lædi non potuit tēpore iniuriæ illatæ. Quia iniuriæ ultra rem ablatam tenetur ad penam subeundam, & ad placandum iniuriatū, & consequenter iniuriatus acquirit ius nouum quoad hoc. Ergo restitutio non tribuit solum ius prius læsum.

3. Si

3. Si restitutio versaretur formaliter circa ius læsum non distingueretur ab actu pœnitentiæ. Quia pœnitentia ex suo conceptu est virtus reparatiua iuris læsi. Certum autem est restitutionem distinguï totaliter à pœnitentiâ.

4. Restitutio communiter definitur *reditio rei acceptæ: damni illati compensatio: in æqualitatis factæ formaliter vel materialiter contra iustitiam commutativam ad æqualitatem reductio*: atque D. Thomas quæst. 52. art. 1. dicit *restituere nihil aliud esse videtur, quam iteratè aliquem statuere in possessionem rei suæ*. Hæc autem omnia differunt formaliter ab hoc quod est tribuere ius prius læsum, vt patet. Neque verò licet deferere aut loco mouere definitiones communes.

R. Eadem est ratio non lædendi ius alterius, & postquam læseris reparandi. Vtrūque enim præstatur ex eodem motiui seruandi æqualitatem: & ne alter iacturam in bonis suis, iuri que sui læsionem patiatur. Quapropter actus nolendi inducere in æqualitatem contrariam æqualitati, seu non in æqualitati præexistenti, & actus volendi inducere æqualitatem contrariam in æqualitati præexistenti; hoc est volendi restituere, sunt eiusdem speciei, & perfectionis, solumq. differunt logicè quatenus voluntas restituendi est superatiua difficultatis illius specialis, quæ inest retractationi prioris propriæ voluntatis damnificatiuæ; vt potè placentis per seipsam damnificanti, indeque allicientis ad continuationem sui, & consequenter reddentis specialiter difficilem, amissionem sui, & retractationem. Duplicet enim necessario dimittere quod placet habere, & iam habetur cum complacentia. Hoc autem pacto habetur quilibet actus

voluntatis, & nō potest aliter haberi; ideoque non potest retractari absque speciali aliqua difficultate distincta ab ea, & superaddita vitra eam, cum qua initio omissus fuisset idem actus superata ea sola difficultate omittendi quam ingerebat motium eiusdem actus secundum se.

Hinc perspicitur non rectè eos facere, qui ex eo probant pœnitentiam esse specialem virtutem distinctam à ceteris omnibus virtutibus, quia est superatitia specialis difficultatis consistentis in retractione prioris voluntatis peccaminosæ. Si enim hæc ratio valeret, admittenda etiam esset virtus specialis pro opere restituendi, nec restitutio esset actus proprius iustitiæ commutatiuæ. Quod est contra communem Theologorum omnium consensum cum D. Thoma loco nuper indicato. Et quidem merito, quia virtutes non distinguuntur specie inter se & à vitijs omnibus contrarijs ex difficultatibus quas vincunt, sed ex causa & motivo vincendi. Hinc enim habent totam suam perfectionem, ideoque & speciem. Certè difficultas specialis proveniens ex adhesionem ad motium & opus vitij contrarij unicuique virtuti, atque ex habitu vitioso comparato per actus repetitos ipsius, non potest esse materia propria alterius virtutis specialis. Quia munus proprium cuiusque virtutis est resistere vitio contrario, non solum ut non existat, utque nulli actus eliciantur pertinentes ad illud; sed etiam ut postquam extiterit, aboleatur per actus contrarios; & sæpe acquiritur virtus animo iam præoccupato per vitium contrarium, atque ideo acquiritur per actus superantes difficultatem specialem consistentem in retractione,
prio-

priorum, actuum vitiosorum, alias nulla virtus acquiri posset ab eo, qui antecederet contra ipsum peccasset; Nec virtutes possent esse admodum utiles, vsusque frequentis, & idoneæ respectu fragilitatis humanæ vsque adeò mutabilis, labilis in malum, & emendabilis; sed magis forent propriæ, & accommodatæ respectu immutabilitatis Angelicæ. Igitur restitutio est actus proprius iustitiæ contra quam prius peccatum fuit, seu materialiter, seu formaliter.

Observandum est restitutionem aliquando confundi cum satisfactione; aliquando usurpari, ut distinctum ab eadem. Nam qui debitum solvit, aut rem furto sublatam restituit dicitur satisfacisse creditori & vero domino. Qui verò contumelia aliquem affecit, tametsi compensauerit hoc augmentum honoris; dicitur nihilominus nondum satisfacisse iniuriam passo, si nondum præstitit quantum sufficit ad eum placandum, & auferendam offensionem hærentem animo ex memoria contumeliæ. Quod ex eo prouenit quia aliquando satisfactio sumitur latè pro reparatione inæqualitatis consistentis in rebus exterioribus, & in operationibus, quæ versantur circa illas: atque hæc reparatio propriè est restitutio; aliquando vero satisfactio sumitur strictè pro reparatione inæqualitatis consistentis in passionibus interioribus, & in actionibus, quæ versantur circa ipsas, atque hæc reparatio, uti est satisfactio propriè & strictè, ita est restitutio latè & impropriè.

Contingit autem dari restitutionem absque satisfactione propriè & strictè sumpta; & e converso dari istam satisfactionem absque restitutione propriè & strictè tali. Contingit etiam utramque coniunctim exhiberi.

Nam qui mutū reddit ex. g. verè restituit, & tamen non satisfacit propriè, & stricte, nec satisfacere sic potest; Quia nulla præcessit offensio. Qui verò violenter abstulit à aliquo rem suam, potest humiliando se, illi eum sibi conciliare, & remouere offensionem animi subortam ex violentia, & ex contemptu peculiari offensi in illa incluso; tametsi rem sublatam non restituat vel differat restituere, quia offensus illam contemnit, nec vult repetere, sed spontè condonat; vel quia alia de causa iuste differtur restitutio. Si denique in eodem casu, & res sublata ad dominum redeat, & idem dominus placetur ac reconcilietur submissione, & offensoris, simul dabitur restitutio, & satisfactio, vtrique propriè stricte talis. Quæ omnia tradit admodum distinctè D. Thomas in 4. dist. 15. quæst. 1. art. 5. ad quæstionem 1.

Itaque inter restitutionem, & satisfactionem propriè ac stricte tales hoc est discrimen, quod restitutio fit gratiæ eius, cui fit; satisfactio verò exhibetur potissimum gratiæ eius, à quo exhibetur. Quia, restitutio reparat ius alterius, ac proinde aufert inæqualitatem præcisè, quatenus nocentem alteri, ius etenim proprietatis esse illa scilicet, vel reparatum illius tantum directè interest, cui inest idem ius. Satisfactio verò aufert offensionem alterius aduersus ipsum satisfaciētem, eandemque liberat à pœna debita suæ iniustitiæ, ut dicit D. Thomas loco citato. Plurimum autem cuiusque interest non habere quemquam alium offensum aduersus se, & liberari à pœna sibi debita subrogato in locum pœnæ aliquo alio facilius præstabili, minusque nocenti. Fauet igitur satisfactio satisfaciēti, vel soli, vel præcipuè; restitutio verò soli offenso, & non offenden-

ſcendunt, ac reſtituenti. Reſtitutio enim liberat offendentem ſolum ab augmento pœnæ & offenſionis alienæ, id eſt a malo nondum incurſo: ſatisfactio verò liberat eundem a malo, cui iam ſuberat. Igitur reſtitutio tantum negativè fauet reſtituenti, ſatisfactio verò fauet poſitivè ſatisfaciendi.

Ex his diſtinguenda venit duplex diſplicentia ac pœnitentia de actione iniuſta. Quarum altera dolet de ea actione quatenus nocente iniuriam paſſo; & quia diſplicet nocumentum alterius, inducit reſtitionem, per quam illud reparatur. Atque hæc diſplicentia ſeu pœnitentia eſt propria virtutis iuſtiæ, ut dictum eſt, nec nomine pœnitentiæ communiter intelligitur. Altera diſplicentia, ac pœnitentia longe diverſa à priori eſt, quæ dolet de eadem actione iniuſta quatenus nocente ipſi, qui fuit iniuſtus & iam eſt pœnitens; & quia diſplicet proprium nocumentum, utque illud amoveat inducit ſatisfactionem eius, qui paſſus eſt iniuriam, impedituam pœnæ imminentis ex eiſdem offenſione. Atque huiusmodi diſplicentia ſeu pœnitentia eſt actus virtutis ſpecialis diſtincta a virtute iuſtiæ, & ab aliis, quæ per aliaſ voces communiter ſignificantur, & intelligitur nomine pœnitentiæ ſimpliciter.

Reſpectu huius pœnitentiæ ſatisfactoriæ prior illa pœnitentia præciſè reſtitutiva, non comparatur ut pars, ſed ut præambulū quoddam, ut ait D. Thomas eodem in loco. Prius namque eſt per ſe ceſſare ab inferenda iniuria, & nocumento, quod præciſè præſtat reſtitutio, quam auferre iuſtam offenſionem ac indignationem alterius & impedire pœnam ſibi debitam, quod præterea præſtat pœnitentia. Nec enim fieri poteſt.

ut quis auferat offensionem alterius, & dignitatem pœnæ, quin cesset ab inferenda iniuria, ut patet; nec potest ab ea cessare per se loquendo, licet possit per accedens, quin restituat. Potest verò è conuerso cessare ab inferenda iniuria reparando priorè rerum inæqualitatē, quin propterea auferat offensionem. Offensionem enim fundat non solum iniuria præsens nolentis, restituere; sed etiam furè præterita perseverans in memoria iniuriam passi, & incōtemptu habituali iniuriantis respectu iniuriati, & nondum placati prout oportet per obsequium iniuriantis.

Nimirum, qui lædit ius alterius; eo ipso contemnit illum iniuste. Agit enim aduersus præminentiam eius in re sua, quam præminentiam dictum est quæst. 2. & 3. esse de ratione iuris proprietatis, sequè illi præferri in eadem re, eam sibi usurpando tanquam domino, & præminenti, cum non sit dominius, nec in ea re præmineat; sed sit inferior altero. Quare, præter restitutionem rei iniuste ablata, debet auctor iniustitiæ, vel exhibere satisfactionem per humiliationem voluntariam, qua tantumdem demittatur atque se extulerat iniuste, vel subire pœnam per humiliationem inuoluntariam, qua vilescat sub eadem proportionè iuxta dicta de natura culpæ, & pœnæ in quæst. præcedenti. Constat igitur ex ijs omnibus in quo formaliter cōsistat restitutio & quomodo differat à satisfactione propriè & strictè sumpta, atque ab actu pœnitentiæ; & cuius utraque virtutis sit actus; atque ultimò concluditur legitime definiri restitutionem per actum seu voluntatem tribuendi unicuique ius suum præsupposita per solutione eiusdem iuris.

Ad 1. Actus seruans illæsum ius alterius, & actus reparans ius alterius prius læsum habent idem motiuum adæquatū, eandemque proinde perfectionem adæquatam, ut dictum est vnde vterque actus pertinet ad eandem virtutem iustitiæ; Sed differunt logicè quatenus actus reparatiuus iuris læsi refertur intrinsecè ad difficultatem retrahendi priorem voluntatem iniustam, estque intrinsecè separatiua eiusdem difficultatis.

Quapropter in definitione notatur ius læsum ad exprimendam differentiam eam logicam non ad significandum motiuum diuersum. Nec enim difficultas habet rationem motiui, sed potius auersui respectu actus emendatiui. Ad 2. & 3. patet ex dictis.

Ad 4. omnes illæ definitiones, conueniunt re ipsa inter se, & cum nostra. Atque in idem omninò recidunt ex intentione suorum auctorum, nec controuersia vlla esse potest nisi leuis, aut potius purè vocalis. Placuit tamen formulam peculiarem adhibere, quæ præ cæteris consonaret definitionis superius datæ circa iustitiam, cuius vnum opus est ipsa restitutio; quæque non solum exprimeret materiam circa quam, sed magis motiuum formale, idque affectum ea circumstantia relatè ad quam differt restitutio ab alijs actibus iustitiæ. Quæ duo non adeò formaliter exprimuntur per alias definitiones.



QVÆSTIO XXIV.

Utrum obligatio restituendi fundetur in re accepta, & in iniusta acceptione?

I. D. B. T. V. R. non fundari.
1. Quia fieri potest ut accipiens rem alienam, tamen iniuste acceperit, ad nullam, nihilominus restitutionem teneatur. Quia fieri potest ut res accepta integre sit apud accipientem, absque vlla eius libertate & nova culpa, ut pote similiter interitura apud dominum vi causarum naturalium, aut alias fortuito. Quo euentu non est obligatio restituendi. Ergo non est de conceptu, aut acceptionis rei alienæ, aut etiam iniustæ acceptionis, ut fundet obligationem restituendi.

2. Iniusta acceptio continetur in re accepta, tanquam species in genere. Fieri namque non potest rem esse acceptam quin detur acceptio, cuius vna species est ut sit iusta, alia ut sit iniusta. Ergo illa diuisio fundamenti est vitiosa, & dici potius debuisse omnem obligationem restituendi fundari in sola acceptione rei alienæ: quandoquidem hæc acceptio, siue iniusta sit, siue non sit fundat dictam obligationem, neque quidquam aliud fundare eam potest.

3. Dantur leges, atque adeo obligatio de reparando damno illato absque vlla culpa per seruum aut animam, aut etiam aliquid inanimatum ipsius obligati ad reparandum. In hoc autem euentu nulla est acceptatio.

aut

aut res accepta. Ergo datur obligatio restituendi absque fundamento quod proponitur ut adæquatum.

R. Duæ communiter assignantur radicēs restituendi complectentes adæquatè omnem restitutionis faciendæ obligationem. Prima est res accepta, seu acceptio rei alienæ. Secunda est iniusta acceptio, seu acceptio formaliter culpabilis rei alienæ quatenus alienæ. Ex re accepta tametsi inculpabiliter accepta sit, ab existimante falsò, sed inuincibiliter rem esse suam, vel quocumque alio modo illa accesserit ad res eius, atque in ipsius potestatem venerit, oriri obligationem restituendi vero domino, quando cumque innotuerit rem esse alienam, manifestum est. Quia dum res est aliena, eo ipso subest ipsi alterius includenti in se, ut dictum est supra, legem favorabilem respectu ipsius, & grauantem reliquos omnes in fauorem eiusdem; atque adeo fiet contra obligationem, quam ea lex imponit, si res non restituatur ei, cuius re ipsa est.

Manifestius quodammodo est ex iniusta acceptione oriri obligationem restituendi. Quia iniustum est, ut quis iacturam suorum bonorum, suorumque iurium diminutionem patiatur præcisè ob iniquitatem alterius.

Pateretur autem manifestè si acceptio iniusta non gigneret obligationem restituendi. Et, quod æquè absurdum est fieret ut lex absolueret liberaretq; agentem iniuste ab eo onere & iactura, quibus grauaret patientem innocentem. Dictum præterea est quæst. 16. ius per iniuriã auferri minimè posse. Ergo non obstante iniusta acceptione perseverat ius in eo, cuius res accepta fuit. Perseuerante autem iure aliquo in aliqua persona non potest non perseverare in quolibet alio obligatione

ligatio relinquendi illi liberum terminum
eiusdem iuris. Quia ibidem dictum est ius
absque iniuria laedi non posse.

Inter obligationem ortam ex re accepta
& eam quæ oritur ex iniusta acceptione
existit insigne quoddam discrimen. Nempe
obligatio restituendi ex re accepta tamdiu
solum durat, quamdiu res ipsa durat, vel
formaliter, vel æqualiter, hoc est in se vel
in aliquo suo effectu transferribili in alium.
Nam quando res bona fide consumpta est,
aut quomodolibet desijt possideri, nulla
amplius superest obligatio restituendi, si
eius consumptio aut desitio possessionis non
relinquat aliquem fructum, seu effectum, quo
qui accepit, ditior factus sit. Ratio huius
exceptionis est, quia effectus rei computa-
tur moraliter pro re ipsa; nec par est, ut
quis fiat ditior ex re aliena, reddito inde
pauperiore vero domino. Vnde si quis bo-
na fide vendidit equum non suum, debet
pretium domino, si & pretium non interie-
rit, nec aliquod inde supersit emolumentum,
& sic de similibus. Ratio verò regulæ est,
quia nemo debet pati iacturam in rebus suis
absque sua culpa vel libero suo consensu sal-
tem implicito. Pateretur autem si pereun-
te aut abeunte re aliena, nullaque inde ex-
stante utilitate propria, deberet nihilomi-
nus rem suam illi substituere in beneficium
alterius. Quare ille alter cuius erat res con-
sumpta aut amissa perinde affici debet, atque
si causa aliqua necessaria fortuito illam ab-
sumpsisset; cum cæteris paribus præferatur
non possidenti, qui possidet.

At iniuste accipiens tenetur ad restitutio-
nem, tametsi res accepta interierit, nec
eius interitus fuerit conservatio rei pro-
pria nec ullum post se reliquerit effectum,

per se vtilem, sed solum inferuierit explenda libidini accipientis. Nempe iniquitas soli debet nocere inique agenti, & non innocenter patienti. Deinde qui iniuste perdidit rem alienam, ea usus est sciens & volens tanquam propria. Postulat autem lex iustitiæ constituens æqualitatem inter partes, ut iniuriam passus utatur vicissim re iniuriantis tanquam propria, eamque numeret inter res suas perinde subiectam liberæ ipsius facultati, atque subiecta fuit res sua liberæ facultati iniuriantis. Quare qui segetes alterius combussit, aut equum occidit, tenetur reponere domino quantum valebāt, & sic de similibus.

Iam verò nullam esse obligationem restituendi præterquam ex re accepta, & ex iniusta acceptione inde ostendi potest. Quia is cuius nomine detinentur, nec ab ullo iniuriam circa circa illas passus est, necesse est ut vel habeat apud se res omnes suas, vel eas, earumque partem ita amiserit absque cuiusquam culpa præterquam forte sua, ut apud neminem extent neque formaliter neque æquiuvalenter. Et si quidem eas omnes apud se habeat, patet nullum esse restitutioni locum; quia nulla erit inæqualitas, quæ per illam reparetur. Si verò non habeat res suas, idque contigerit absque cuiusquam culpa vel detentione; quod minus habeat, sibi tribuere debet, si liberè distraxit; si minus, Deo & causis necessarijs ab eo dispositis, aut causis secundis liberis quidem, sed perinde se habentibus, atque si essent, necessariæ. Patet autem neminem cuiquam teneri posse ex iustitia ad reparandum damnum quod vel sola sua vel sola diuina voluntate sibi contigit nulla alia interueniente causa libera, ut libera. Quia Deus neminem obligat

obligat ad emendandum, seu reparandum, cum proprio documento, quod alter peccauit, vel Deus ipse disposuit, voluitque positum. Quod si quis hoc modo incidit in extremam necessitatem, adest quidem obligatio subueniendi illi, sed perinde omnino, atque si nihil unquam habuisset, aut amisset, ac proinde ex misericordia vel charitate non attendente per se & ratione sui ad fortunam præcedentem, nec determinante per se personam quæ obligetur, prout attendit ac determinat restitutio, & reparatio damni, quatenus talis est & pertinet ad iustitiam particularem.

Omnis igitur obligatio restituendi fundatur adæquatè in re aliena accepta, & in iniusta acceptione rei alienæ. Obseruandum autem est sub iniusta acceptione contineri non solum actionem eius qui directè intendit & culpabiliter induxit positivè damnum alterius ex ea intentione, sed etiam eius, qui indirectè illud induxerit per negligentiam, aut omissionem culpabilem formaliter quatenus tale damnum subsequutum est. Quia negligentia, & ommissio culpabilis æquiparatur voluntati positivæ iniquè nocendi. Nempe utrius modo æquè contemnitur lex faciens iuri patientis damnum, ipsique iuri contradicitur æquè.

Ad 1. quando res aliena interit apud illum qui illam accepit, perinde interitura apud dominum, nihil subinde ille censetur accepisse alienum, quia nihil re ipsa alienum detinet amplius villo modo.


Ad 2. Expositum iam est discrimen reale inter obligationem restituendi ex iniusta acceptione & ex acceptione non iniusta. Vnde nomine rei acceptæ, dum contraponitur iniustæ acceptioni, intelligitur acceptio

non iniusta, seu materialiter tantum iniusta. Quo pacto sint duæ species acceptionis, quæ significantur in illo communi modo loquendi. Dicatur nihilominus claritatis gratia, si placet, obligationem restituendi fundari adæquatè in acceptione rei alienæ tum formaliter iniusta, tum materialiter tantum iniusta.

Ad 3. Leges præscribentes reparationem damni inculpabiliter illati, idque mediato tantum aut non obligant in conscientia, aut obligant ad restitutionem nõ nisi latè & improprie talem ut diceretur in quæst. 26. ideoque nihil nocent doctrinæ traditæ quæ agit de restitutione proprie tali.

QVÆSTIO XXV.

Vtrum vltima resolutio obligationis restituendi fiat in commutatio-
nes voluntarias & inuo-
luntarias?

 **V**IDE TVR non fieri, atque quæstionem laborare falsæ suppositione. i. Quia commutatio est nomen significativum operationis humanæ, ut humana est in duabus ut minimum personis, ab alterutra circa alteram ex stentis. Quando autem aliquis utitur re alterius, vel persona, vel opere eo invito (quo in euentu dicitur intervenire commutatio involuntaria) datur quidem operatio humana, & libera ex vna parte, nempe ex parte utentis iniuste; at ex parte altera pa-
tientis

tientis damnum nulla datur operatio humana, sed perinde agitur cum ea, atque si effractionis ac libertatis experts, aut res prorsus inanimata. Cogitur enim, aut ne cogitur quidem sed prætermittitur, ac si nõ esset in rerum natura. Abusue igitur & absq; vllõ legitimo fundamento videtur dici commutatio eiusmodi vtriusque personæ vicissitudo, ratione cuius altera pure patitur.

2. De ratione commutationis est, vt vtrius commutantium aliquid decedat, & aliquid æquiualens accedat de nouo. Quando autem aliquis rem alterius vsurpat absque eius consensu, aut eum pulsat, aut opere eius nolentis abutitur, nihil de nouo accedit patienti æquiualens illi quod accedit iniurianti. Illi enim sola accedit iniuria, & diminutio bonorum; huic autem accedunt bona ipsa aut delectatio lædendi. Inter quæ sanè nulla est æquiualentia. Et tamen indoritur obligatio restituendi. Ergo ea subsistere potest absque vlla prorsus commutatione; imò ideo maximè, subsistit quia non datur commutatio, sed sola mutatio negatiua in vno extremo, & positiua in alio.

3. Pertinet similiter ad conceptum commutationis obligatio constituendi æqualitatem inter ea, quæ commutantur, vtque ea obligatio resultet ex voluntate ipsorum commutantium qua velint subire vnusquisq; & inuicem imponere talem obligationem. Si enim obligatio aliqua mutua imponatur duobus, sola alterius tertiæ personæ voluntate, non dicuntur illi duo commutare, sed pati rerum suarum mutationem. Quando autem vnus infert iniuriam, & alius patitur ex neutra parte datur voluntas inductiua obligationis. Is enim qui patitur sæpe est ignorans eius, quod agitur, ac proinde iuratum.

lum habet actum voluntatis quo imponat obligationem restituendi. Vnde patet; etiam quando scit ac renititur, exercetque voluntatem intentiuam obligationis, & rei suæ, independenter ab ea eius voluntate resultare obligationem restituendi. Iam qui infert iniuriam, eam habet voluntatem alteri spoliandi, ut si posset eum spoliare iure suo, sicut spoliatur termino iuris, seque liberare, ab obligatione reparandi iniuriam, id proculdubio præstaret. Ergo neque hic habet voluntatem inductiuam eius obligationis. Vtrique igitur extrinseca est vis inductiua obligationis, eaque proinde inducitur sola alterius tertiæ personæ voluntate. Atque hoc est magis manifestum quando obligatio restituendi fundatur præcisè in re accepta. Cuius videlicet acceptio contingit neutro sciente, aut volente saltem formaliter, ac proinde neutro cogitante de regressu rei, aut de obligatione regressus. Ergo obligatio restituendi datur sæpe nulla interueniente commutatione.

R. Philosophus cap. 4. huius quinti initio meminit distinctionis inter commutationes voluntarias, & inuoluntarias his verbis. *Restat id iustum, quod fit in emendandis commutatis, tam ijs quæ sua sponte faciunt homines, quam ijs quæ inuitis ipsis efficiuntur.* Idem aduertit distinctius D. Thomas quæst. 61. art. 2. his verbis. *Commutatiua iustitia est directiua commutationum, quarum quædam sunt voluntaria, quædam inuoluntaria.* Adjungit expositionem utrarumque dicens; commutationes voluntarias esse quando aliquis utitur re alterius, vel persona vel opere, eo inuito, seu occultè, seu palam ac violenter; voluntarias vero esse, quando aliquis voluntariè transfert rem suam in alterum, cum

cum onere, ut redeat vel totaliter, vel quoad aliquid saltem secundum aliquid æquiualens. Concludit autem ultimò his verbis. *In omnibus huiusmodi actionibus siue voluntariis, siue inuoluntariis est eadem ratio accipiendi medium secundum æqualitatem recompensationis. Et ideo omnes istæ actiones ad unam speciem iustitiæ pertinent, scilicet ad commutativam.*

Et quidem quando voluntariè quis transfert rem suam in alterum cum onere acceptato per alterum, ut iterum redeat, vel secundum se vel secundum aliquid æquiuales facile percipitur ratio commutationis. Quia existit utrimque mutuus consensus æqualitatis constituendæ circa rem aliquam remanente penes alterum iure illius, & penes alterum re ad priorem reditura vel secundum se, vel quoad aliquid æquiualens. Quod planè sufficit, ut res de vno ad alterum ita mutetur, ut commutetur cum æqualitate. Ius namque rei ipsi rei æquiuale re censetur quoad aliquos effectus, maxime verò quoad commutationes. Quæ videlicet non transferunt inuicem res in eodem momento, & tamen cum iustæ sint æqualitatem, qua iustitia subsistit, in eodem momento constituunt. Nec enim iniuriæ vel per vnum momentum inducunt, seu materialiter seu formaliter. Id verò fieri minimè posset, si ius rerum rebus ipsis non æquiualeret moraliter quoad subsistentiam & æqualitatem contractuum. Hoc autem ex eo provenit, quod obligatio ut res alicui ab aliquo detur fundata in illius iure perinde æstimatur, atque obligatio, ut res eadem iam habita eadem ab eodem non auferatur. Verobique enim utilitas vnius cuiusque infque pendet à voluntate alterius physice, liberae solumque obligata per legem & ius.

Quoad

Quoad cōmutationes inuoluntarias paulè occultior est doctrina Philosophi & Diui Thomæ. Pro earum igitur claritate obseruandum est iuxta dicta & fusè declarata in quæst. 15. Omnes homines conuenire in uolenda propria felicitate, & consequenter in uolendis ijs omnibus, quæ ad felicitatē sunt necessaria. Quapropter, cum præsens hominum felicitas consistat in uita sociali, colligata uinculo mutue pacis ac beneuolentiæ, necesse est aliquam in ipsis existere voluntatem qua uelint efficaciter ea omnia, sine quibus mutua eadem pax, tranquillitas animorum, ac beneuolentia subsistere minimè possunt. Manifestum autem est contrariari mutue pacis, tranquillitati animorū, ac beneuolentiæ actionem iniuriosam, qua quis insidiatur bonis alterius, eaque imminuit; nec redire posse eam mutuam coniunctionem, nisi cessante ea dissidiorum causa; idest nisi facta restitutione. Omnes igitur homines conueniunt in habenda aliqua uoluntate, qua nolint actiones iniustas, & qua uelint reparationem iniustitiæ, si quidem actiones iniustæ præextiterint.

Istam porro hominum uoluntatem sua Deus uoluntate, quæ lex est creaturarum, munit; tum quia illos in eundem illum finem primum creauit; ideoque necesse fuit, ut eadem illa ad eundem finem necessaria, similiter uellet uoluntate antecedenti; tum quia homo utpote rationis & libertatis particeps factus est ratione sui, hoc est amore beneuolo ac amicabili, cuius ea natura est, ut faciat conformare inclinationem, & uoluntatem amantis cum uoluntate & inclinatione amati quatenus conferente ad felicitatem ipsius; ideoque necesse fuit ut quæ unusquisque hominum sibi uult in ordine

ad

ad suum verum bonum, hoc est felicitatem veram, eadem Deus illi vellet, atque hæc sua voluntate erga singulos obligaret reliquos, ne illis impedirent, quæ sunt ad eandem felicitatem necessaria.

Atque hæc est ratio, ob quam documentum illud; *quod tibi non vis alteri ne feceris*, coincidat cum lege naturali, coordinante homines inter se, sitque compendium eius, & vividissima expressio. Nempe hoc quod dicitur; *quod tibi non vis*, accipiendum est de ea voluntate, quia sibi quisque vult veram felicitatem, & quæ ad eam sunt necessaria. In ista namque voluntate omnes homines conveniunt cum discrepent in ijs, quæ ad eandem felicitatem non pertinent, sed potius illi repugnant. Quare si quidem Deus erga omnes univ ersaliter homines benevolum & amicabilem affectum gerit, dum in eo statu perseverant, in quo ab ipso creati sunt, nec potest habere voluntatem, & affectum alij quem, quo efficaciter aduersetur alteri suæ voluntati & affectui, ideoque nec potest velle, quod est fini per ipsum intento contrarium, sit planè, ut dissidentes duorum hominum voluntates non possint ambæ habere opitulante sibi diuinam voluntatem, sed vtrisque aduersantem, vel saltem alteri, pro ut contigerit vtrumque, vel alterum tantum ita inuicem aduersari, ut simul diuertant ab ea prima voluntate, qua communem veram felicitatem concorderiter complexi sunt, eidemque voluntati contraria vel nr.

Constat igitur in commutationibus, quas Philosophus & D. Thomas dixerunt involuntarias, non deficere mutuum consensum, vi cuius subsistant, & sint actiones propriæ humanæ valentes inducere vi sua obligatio-

nem

nem reparandi æqualitatem sublatam. Tametsi enim is qui patitur damnum absolute nolit actionem damnicantis, eandemque nolle, quin inculpabiliter inducit inæqualitatem præcisè ratione rei acceptæ; Supposita tamen illatione inocumenti vult, qui illud passus est, superesse sibi ius ad reparationem inæqualitatis. quod, ut dictum, æquiparatur rei terminanti idem ius; itaque in hoc idem ius reparationis consentit auctor etiam ipse inæqualitatis, quando inculpabiliter eam inducit. Licet autem iniustus, ac culpabilis auctor inæqualitatis nolle ea voluntate, qua inducit inæqualitatem, ut superesset læso ius reparationis; nihil tamen efficere sua ista voluntate potest. Quia habet eatenus sibi contradicentem, ut dictum est diuinam voluntatem, vi cuius opitulantis nostræ inclinationi ac voluntati omnia, demum iura subsistunt. Manet proinde obligatus ad reparationem iuris læsi ac si in eam obligationem consentiret illa ipsa voluntate, qua lædit. Quia consensit in illam voluntate illa generali eademque irrevocabili communis felicitatis & mutue pacis ac tranquillitatis, quam voluntatem Deus sua voluntate stabilivit ac pramuniuit, ut dictum est. Unde auctor iniustitiæ nulliter postea concipit voluntatem ablativam iuris alieni; imò hac ipsa voluntate apponit conditionem, ut confurgat in læso novum quoddam ius, quod antecederet ipsi non inerat absolute; nimirum, ut is qui læsit, retractet suam iniustam voluntatem, & superet difficultatem specialem, quæ inest eidem retractationi.]

Hoc autem totum provenit ex voluntate illa generali quæ est communis auctori iustitiæ cum patiente iniuriam; nec non cum eo qui inculpabiliter accipit rem alienam. Quare

in nullo euentu acceptionis rei alienæ & iniustæ acceptionis deest mutuus consensus absolute, & simpliciter in obligationem restitutionis & reparationis damni, siue iuste, siue iniuste illati, ratione cuius voluntatis, & consensus existente apud aliquem re aliena seu formaliter, seu æquiualeuter modo explicato in quæst. præcedenti, eo ipso supersit in domino rei ius ad rem recuperandam; hoc est aliquid moraliter æquiualeus rei ablata, quoad æqualitatem quæ est de conceptu commutationis. Constat igitur ex his omnem obligationem restituendi ultimo resolui resolutione ultima infra Deum ad commutationes humanas voluntarias & inuoluntarias. Et quidem facile apparet huc tandem reuocari duas illas radices obligationis restituendæ, quæ ex communi omnium consensu propositæ sunt in quæst. præcedenti. Ideo enim ex re accepta oritur obligatio restituendi, quia unusquisque antecedenter ad euentum accidentalem transitus rei suæ in alium, vult, vt res sua, dum in se formaliter, vel in suo effectu vtil. æquiualeuter existit, atque perseverat in ratione suæ; hoc est non donatur ab ipso, aut vtcumque sua voluntate formaliter, vel æquiualeuter non transfertur ad alium. Vult inquam, vt ad ipsum redeat, atque oppositum si fiat, eo ipso dissoluitur ex natura rei mutua pax & beneuolentia. Similis est ratio de restitutione ex iniusta acceptione. Antecedenter enim ad iniustam acceptionem, & ad disconformitatem, quam formaliter constituit voluntas iniuste accipiendi, & inducit iniusta ipsa acceptio, omnes in hoc conveniunt vt nolint iniquitatem alterius sibi nocere: & si quidem nocumentum illatum fuerit; velint illud quamprimum reparari. Hoc enim

enim omnium interest, & quidem æqualiter, idemq; Deus vult voluntate sua legislativa. Hæc igitur antecedens, vniformis, & legitima omnium, hominum voluntas munita lege Dei & essentialiter irrevocabilis est prima radix omnis obligationis restituendi, eademque constituit in ratione veri contractus acceptionem rei alienæ siue culpabilis siue inculpabilem formaliter.

Ad 1. Licit aliquando desit voluntas actualis restitutionis in eo, qui patitur iniuriam; adest tamen voluntas habitualis neque retractata neque retractabilis reditus rei suæ, dum in eodem perseverat, ius ad illam, nec illi renuntiat. Sufficit autem ad veram rationem commutationis voluntas habitualis, verum notum est in alijs quoque contractibus.

Ad 2. In eo, cuius res accepta est ab alio, superest ius, vt eadem ad eundem redeat, & in accipiente consurgit obligatio eandem restituendi. Dictum autem est ius hoc & obligationem æquivalere rei ipsi, quod ad æqualitatem attinet commutationis.

Ad 3. Patet factum iam est quo pacto obligatio restituendi semper ac necessario fundetur in voluntate tam eius qui debet restituere, quam eius, cui debet fieri restitutio. Vnde commutatio inter vtrumque interueniens non propterea dicitur inuoluntaria, quia nulla datur vtriusque voluntas commutationis faciendæ. Datur enim vtriusque. Dicitur igitur inuoluntaria, quia eius executio supponit vtriusque aliquid simpliciter, & absolute inuoluntarium. Alter enim nollit illatum sibi fuisse noxamentum, alter nollit se teneri ad illud reparandum, seu superesse ius reparationis ei, qui passus est iniuriam, vel quod fieri potest neuter.

habet illam ea de re voluntatem actua-
lem, & explicitam tum, cum fit commu-
tatio.

QVÆSTIO XXVI.

Vtrum leges de reparando damno
inculpabiliter illato obligent
in conscientia?

IDENTVR nullo vnquam
pacto obligare in conscien-
tia. 1. Quia ex natura rei,
atque independenter à lege
humana nulla est obligatio
reparandi damnum inculpa-
biliter illatum. Ergo nulla talis obligatio in
conscientia induci potest per leges huma-
nas. Conceditur à multis antecedens, à qui-
bus negatur consequens, aduersus quos pro-
batur consequentia. Quia nulla existente
obligatione ex natura rei reparandi tale dam-
num leges obligantes nihilominus ad eius
reparationem eriperent ab innocente domi-
no ex rebus suis quantum sufficeret ad re-
parandum tale damnum; idest lex humana
disponeret contra legem naturalem. Quod
fieri non potest; quia eo ipso lex humana
est nulla.

2. Divisio rerum constituta per liberam
hominum conventionem, leges quæ indidē
emanauere non abstulerunt ius naturale,
quod quisque habebat ad recuperandum
damnum sibi illatum ab alio siue libero, siue
seruo, siue bruto, ob quod brutum inferens
damnum obnoxium maneret illud patienti
secun-

secundum sui valorem vel secundum se, eademque est ratio de seruo. Ergo is, cuius seruus, aut brutum intulit damnum, tenetur nunc etiam ex natura rei vel illud reparare, vel seruum aut brutum in noxam dare. Tenetur verò obligatione in conscientia, non personali, quia abest culpa ut supponitur, sed reali, quatenus seruus, aut brutum nocens eo ipso est obnoxium patienti, sitq; iuris eius. Ergo nullam in hac materia obligationem in conscientia inducunt leges humanæ, sed tota est ex iure naturæ.

3. Pugnat contra rectam rationem, nec villo pacto honestari potest, ut qui nihil malifici, atque in nullo aduersus quemquam alium peccauit patiatur nihilominus iacturam in bonis suis, ut inde refarciatur infortuniū alterius perinde casuale respectu domini innocentis atque si nihil omnino ad eum pertineret causa immediata nocementi illati alteri. Ergo neque ius naturale ad id obligat, nec obligare possunt leges humanæ quod ad conscientiam attinet, quia sunt iniquæ.

R. Dissident auctores, circa vim obligatoriam legum quæ habentur instit. & ff. si quadrupes pauperiem fecisse dicatur, & similia, quas expendit inter alios diligenter Molina tom. 3. disp. 712. & 713. per quas leges præcipitur reparatio damni illati ab aliquo inculpabiliter per seruum, equum, aut etiam rem inanimatam. Certum est quando præsumptum fuit illatum iri damnum, vel omnino infallibiliter, vel longè maiori cum probabilitate, idque potuit præcaueri absq; proprio nocemento proportionaliter notabili, teneri ad restitutionem eum, qui sic neglexit nocementum alterius per rem suam. Quia nihil differt an per temetipsum noceas

an per aliquid tuum, tuque propterea providentia subiectum: & an positivè, ac formaliter intenderis nocere, an implicite, & æquivalenter nocumentum volueris, aut contempseris. Vtrouis enim modo, dissolutus mutua pax, & benevolentia, nec ullus vellet aliū sibi esse causam damni per eiusmodi rerum suarum negligentiam, & per contemptum sui nocumenti; eundemque, superesse deinde liberum ab onere reparandi lationem. Dictum verò est in quæst. præcedenti in huiusmodi voluntate, & consensione mutua hominum fundari obligationem restituendi.

Difficultas igitur est de damno non præciso, aut quod vitari non potuit, nisi cum damno, & incommodo proportionaliter notabili, ideoque inductū est sine culpa Theologica. Vasquez & Turriauus, censent in casu posito dari obligationem restituendi in conscientia independentem a lege humana, seu ex natura rei. Alij negant obligationem ex natura rei, & affirmant ex vi legis humanæ, etiam ante iudicis sententiam. Molina loco citato, Cardinalis de Lugo, & alij negant obligationem in conscientia præterquam ex lege humana, idque post iudicis sententiam.

Dicendum 1. Est non consurgere obligationem restituendi ex natura rei ob damnum inculpabiliter illatum. Suaderetur hoc, quia omnes ægrè ferunt spoliari rebus suis, earumque diminutionem pati absque vlla sua culpa, & libera actione, aut omissione, ut subueniatur iacturæ alterius, causatæ per easdem res materialiter tantum suas quoad eum effectum; quandoquidem illum inducere non quatenus subiacentes directè vel indirectè voluntati domini, sed omnino præter eius volun-

voluntatem perinde, atque si essent alterius, aut nullius. Hoc enim pacto, necesse est, ut comparentur cum voluntate domini: res eius siue animata, siue inanimata; siue participes rationis, siue irrationales quoad effectum non imputabilem domino, & quem ipse non tenebatur vitare. Non igitur consensere, homines in obligationem eiusmodi reparationis.

Confirmatur; quia vnusquisque præferatur in rebus suis ouilibet alteri quoad omnia, quæ ex ipsis redundant, ut superius dictum est non semel. Ergo damnum proueniens ex re aliqua citra culpam domini grauare potius alios debet, quam ipsum dominum; nempe minus de malo, est plus de bono. Quare eadem ratione, qua omne bonum proueniens ex rebus cedit earum domino. Malum etiam proueniens ex iisdem inculpabiliter debet ab eodem repelli. Atque hoc videtur esse iuxta vnanimen omnium consensum antequam accedat nocumentum ex rebus vnius in res alterius. Quod apparebit clarius infra dum agetur de diuisione rerum, quæ facta, proculdubio est per voluntatem consulentem felicitati eius, qui in Rempublicam aliquod contulisset beneficium, ac veluti in præmium. Cui voluntati contradiceret voluntas statuens ut vnaquæque res domino potius noceret etiam quando damnum illatum esset præter eius voluntatem, & consensum etiam virtuale, adeoque teneret ipsum nimis sollicitum, redderetque infortunatum; utpote patientem damnum absque actione aut omissione imputabili ipsi, quin tantumdem officere posset non domino. Denique omnes ductu naturæ putant aliquid sibi deterius contigisse, si res aliqua suæ rebus alijs iridem suis

officiant, quam si officiant alienis, dummodo absit culpa; quod tamen non ita æstimaretur, si deberet reparari damnum alienum, quod innocenter euenit. Obligatio enim reparandi damnum æquiualeat damno; sicut in quaestione præcedenti dictum est ius reparationis æquiualeere reparationi ipsi. Patet igitur hanc sententiam cõsonare ijs quæ dicta sunt circa primam radicem vniuersalẽ omnis obligationis restituendi, neque salua ea doctrina, quæ communis est, negari illam posse.

Dicendum rursus est neque leges superius memoratas obligare ex se præcisè in conscientia ad reparandum tale damnum, Quia non vbique, nec omnes cuiusque loci homines egent æqualiter stimulis ijsdem, vt sint solliciti ac diligentes in præcauendis damnis alienis; sed alij plus, alij & alibi minus. Si autem daretur obligatio reparandi damni fortuiti ante iudicis sententiam orta præcisè ex facto ipso æquè omnes illis legibus comprehensi, vbique grauarentur, ac sollicitarentur, vt patet. Id autem ipsum minime accidet, si implorandum sit officium iudicis, tum quia explicitè vel implicitè, aut æquiualeter poterit iudex vti efficacia; cuius, tamen esset periculosus, & noxius vsus, si committeretur arbitrio, vel nocentis, velle si, vel vtriusque; utpote existente utroque impedito à rectitudine iudicij & à consensu mutuo per interesse proprium; & deterioribus quibusque effusius, minusque scrupulosè sibi fauentibus, ideoque futuris melioris conditionis, minusque grauandis; tum quia qui passus erit damnum interposita mora agendi cum iudice, deponet sensim, dolorem, & vel prætermittet actionem, vel non æquè vrgebit aduersus plerumque diligens.

gentissimum; atque etiam erubescet vrgendo eundem coram iudice, quantum par esset vrgere non vsque adeo diligentem; nec habebit testes & cæteros administratos æquè promptos ac paratos per se aduersus utrosq; Idem discrimen in idem sequetur circa genus damni quod, & vbi per quam raro accidit, aut frequenter.

13 Hæc igitur omnia satis persuadent nec legislatores intendisse, vt eiusmodi leges iudices damni fortuiti ac innocenter illati obligarent in conscientia ipso facto ante iudicis sententiam, nec primæuo hominum consensu datam illis esse potestatem cō modo obligandi, ac proinde nec obligare sic potuissent, tametsi maximè voluissent. Certè de facto eas leges non obligare ante iudicis sententiam, hoc præterea efficacissimè probat quod obseruat Cardinalis de Lugo; nimirum eas leges hoc pacto communiter esse receptas, & neminem vllibi se agnoscere obligatum ad reparationem damni innocenter illati, antequam à iudice ad id compellatur.

Dicendum postremò est post sententiam iudicis consurgere obligationem in conscientia ad reparandum damnum prout legibus constitutum est, quia tales leges non sunt iniquæ; quæ videlicet exponunt omnes æquali periculo & spei lucri ac damni ante euentum accidentalem damnosum vni & lucrosū alteri; nec imponunt onus intolerabile, sed maxime proportionatum. Quæ secunda pars probationis ideo additur, quia non sufficit leges antecedenter seu ex natura sua, esse æquales respectu omnium, vt sint iustæ & obligatorie. Eadem namque æqualitas spei, & periculi daretur si præciperent, vt pro damno illato per seruum, aut brutum,

res electas aut effusas absque culpa domini; is ad centuplum aut millecuplum damni teneretur. Vnde patet nonnullos non satis ex ea præcisè æqualitate probare, vti contendunt, eas leges non esse iniquas. Superaddito autem onus impositum non esse intolerabile, sed proportionatum boni communis promotioni; quod ex eo efficaciter comprobatur, quia ex leges communiter sunt receptæ, ac approbatæ; & a sapientibus conditæ fuere. Hoc inquam superaddito patet eas leges post iudicis sententiam obligare in conscientia. Quia quæ in bonum commune cum legum adminiculo præcipiuntur a legitima potestate omnino obligant in conscientia; in eum si quidem finem data est potestas legislatoribus & iudicibus; isque fuit initio vnanimis omnium consensus.

Istud porro genus reparandi damnum, alienum latè & improprie, ac reductiue tantum est actus restituendi. Quia bonum pro cuius iactura fit compensatio, nec formaliter, nec æquiualeuter transierat in compensantem, utpote nec delectatum, nec ditiorè redditum eà alterius iactura, nec alicuius inde commodi participem. Quare obligatio talis reparationis reductiue tantum pertinet ad alteram ex radicibus obligationis restituendi communiter assignatis; nimirum ad iniustam acceptionem, quatenus perinde agitur à lege & iudice atque si interuenisset acceptio formaliter iniusta; ideoque iuridicè, & in foro externo est acceptor iniustus is, cuius res, etiam absque culpa Theologica, & imputabili coram Deo, nocumentum alteri intulere in casibus per eas leges expressis. Cæterum re ipsa nihil est aliud eà reparatio damni; quam deputatio rei pertinentis ad vnum, in fauorem & ius alterius

alterius facta per publicam potestatem ob
bonum commune consistens in sollicitudi-
ne cuiusque, ne res suæ noceant alijs, quæ
deputatio executioni mandanda sit per iu-
dicem pro opportunitate in eum, finem cō-
ferente. Verum deinceps agendum erit
ordine de solâ restitutione propriæ & stricte
tali.

Ad 1. Licet lēges contradicentēs iuri
naturæ sint iniustæ ac nullæ; non tamen sunt
iniustæ ac nullæ, quæ superaddunt obliga-
tiones aliquas vltra obligationes iuris natu-
ralis, quatenus expediens visum fuerit bo-
no communi. Expediens verò fuit, vt per
cuiusmodi legēs redderentur omnes solliciti,
ne ex rebus suis nocumentum in alios re-
dundaret, vt quæ lites de culpa nocentis per
res suas non multiplicarentur nimium, &
cum nimia perplexitate. Ideò autem le-
gislatorum & iudicum arbitrio res ista reli-
cta est, quia non vbique gentium & omni
tempore, & absque discrimine personarum
est expediens eadem seueritas aut mititas
quoad hoc. Quæ autem sunt huiusmodi nō
pertinent ad ius naturæ vbique & semper,
& respectu omnium æquè vigens; nec pen-
dent immediate à primæuo & vniformi om-
nium hominum consensu; sed pertinent ad
legislatores & iudices, in quos ceteri quoad
res cuiusmodi transmissere propriæ volunta-
tis potestatem, ac directionem.

Ad 2. Ante rerum diuisionem imprimis
non erat discrimen serui & liberi. Vnde
quoad hoc laborat argumentum falsa sup-
positione. Atque ideò inde pendente à di-
uisione rerum, quilibet teneretur solum, de
damno inculpabiliter illato. Deinde neque
modò leges statuunt, vt dominus teneatur
de damno per seruum vtrunque illato, sed

de eo tantum, quod culpa serui illatum est. Quod autem infertur a bruto, infertur profecto absque eius culpa. Rursus brutum siue damnum intulisset, siue non intulisset, potuisset a quolibet capi, & propriæ utilitati, ac delectationi deputari absque ullo discrimine, nec ratione damni illati specialiter maneret obnoxium patienti damnum. Neque enim propterea impediuntur ceteri ab eo occupando conuertendo in propriam utilitatem. Denique ut ante rerum diuisionem brutum nocens maneret eo modo specialiter obnoxium patienti; non tamen idem dicendum esset independeret à legibus post rerum diuisionem. Quia ante diuisionem rerum cetera erant paria ex parte patientis, & non patientis damnum, & potuisset facile præualere adminiculum patientiæ, & damni utcumque tolerati. At post rerum diuisionem cetera non sunt paria ex parte domini & non domini; sed dominus præfertur quatenus alijs potius quam ipsi cedat hocumentum absque vera eius culpa causatum per res suas in rebus alienis propter rationem supra inductam. Superest itaque ratio, & materia sufficiens, ut leges inducant obligationem in te proposita peculiarem, nec subsistentem iure naturæ secundum se. Falsa igitur est suppositio argumenti, nec est bona consequentia.

Ad 3. Multis de causis publica potestas iuste potest adiudicare res vnius alteri nulla existente culpa, sed ita postulante bono communi; Postulat autem bonum commune, ut aliquando reparetur damnum etiam inculpabiliter illatum, utque id fiat a domino rei nocentis, tametsi ipse sit innocens, ut liquet ex rationibus productis circa primam.

QVÆSTIO XXVII.

Vtrum detur vniuersalis aliqua regula quantitatis restituendæ sub lethali?



IDE TV R nullam talem regulam assignabilem esse à posteriori. I. Quia auctores qui tentant tradere regulam eiusmodi vniuersalem, discrepant ferè omnes inter se. Quod non fieret, si daretur vnum aliquid vniuersale ac vniforme, cuius designatio posset quietare intellectum. Et propterea ea ipsa varietas opinionum parit eundem effectum quoad directionem, & praxim operationum humanarum, quem parere potest defectus realis & obiectiuus regulæ vniuersalis ex natura ipsa rei. Quia vnusquisque potest quauis opinione vti pro arbitrio; Id, que ita accidet, tametsi verà modo regula vniuersalis assignetur, quia non poterit fieri demonstratio euidentis veritatis eius, & falsitatis cæterarum opinionum. Ergo quod ea regula re ipsa detur, vel non detur in rebus nihil interest, & vtrouis modo determinatio talis quantitatis relinquenda iam est necessariò arbitrio viri.

2. Determinatio quantitatis restituendæ sub lethali ab vnoquoque respectu vniuersaliusque pendet ex circumstantiis innumerabilibus, & multiplicibus in infinitum syncretis theorematice; nempe ex maiori & minori abundantia rerum singularum, tum in vnaquaque Prouincia, tum respectu cuiusque personæ.

personæ. Quæ autem pendent ab innumerabilibus, atque in infinitum multiplicabilibus cum diuersitate, sunt indeterminabilia in vniuersum.

3. In diuersis materijs datur opposita ratio quoad quantitatem obligantem sub lethali. Quia in materia honoris & famæ, detractio materialiter leuis obligat ad restitutionem sub lethali respectu abundantis honore & famæ; eademque materialiter detractio ad nullam restitutionem obligat, vel obligat tantum sub veniali respectu infamis aut habentis parum honoris & famæ. De aliquo enim dicitur esse mendosum ex. gr. cui nihil propterea sit restituendum; de aliquo vero alio cui sit restituendum sub lethali, vel saltem sub veniali, idque solum propter honoris & famæ abundantiam in vno & defectum in alio. E conuerso in re pecuniaria furtum materialiter leue respectu pauperis potest obligare sub lethali ad restituendum; idemque potest nullam vel leuem solum obligationem inducere respectu prædiuitis. Ea autem quorum est opposita ratio con cadunt eatenus vniiformiter sub vniuersalem aliquam regulam.

4. Aliquæ sunt operationes ad alterum, quæ ab omnibus auctoribus relinquuntur arbitrio boni viri, & vnanimi consensu declarantur indeterminabilia in vniuersum. per regulam generalem, quæ æqualiter & vniiformiter dirigere valeat omnes omnium operationes & circa omnes. Operationes autem ad alterum omnes aliquo modo rediguntur ad materiam iustitiæ; & præterea nulla est peculiaris ratio de determinabilitate eorum quæ directè & formaliter pertinent ad virtutem iustitiæ propriæ & strictè talis. Ergo omnia quæ ad ipsam quomodo libet.

libet pertinent sunt necessario relinquenda arbitrio boni viri, & conscientie vnius cuiusque iuxta sensum sapientum hominum communem.

R. Quoniam dictum est supra restitutio-
nem duplici ex capite deberi posse; nempe
ratione rei siue culpabiliter siue inculpa-
biliter acceptæ; ratione damni culpabiliter
illati; duplex est consequenter consideratio
restitutionis debita sub lethali; nempe
ratione quantitatis latius patet, & ratione
culpe. Quia verò consideratio quantitatis
latius patet, cum sit communis omni restitu-
tioni, de ipsa primo loco dicendum est. Qua-
ritur itaque quænam quantitas siue rei ab-
lata, siue damni illati sit per se necessaria,
ac sufficiens; vt inde resultet obligatio re-
stituendi sub lethali; ita vt si non fiat resti-
tutio peccetur lethaliter per se loquendo?

Solet hæc quæstio tractari ab auctoribus
solum circa furtum & rapinam, siue tantum
circa res pecunia æstimabiles. Estque
mirabilis quædam circa id opinionum va-
rietas aientibus etiam nonnullis nullam cer-
tam regulam vniuersalem accommodabilem
omnibus actionibus & circumstantijs tradi
posse; sed totum hoc negotium quantitatis
necessariæ & sufficiens ad obligationem
grauem relinquendum esse prudenti arbi-
trio pro singulis casibus, vt videre est inter
alios apud Cardinalem de Lugo disp. 16
sect. 2. Quod omnino est apparentius, si qua-
ratur regula vniuersalis vniformiter acco-
modabilis non solum rei pecuniariæ, sed
etiam nocumentis honoris, & vitæ atque
salutis. Sunt enim hæc genera rerum lon-
ge inter se diuersa, & quæ propterea vi-
deantur nulli communi regulæ vniuersali-
ter subiacere. Verum difficultas quantita-
tis

26 De quantitate graui

his assignanda, & est omnibus istis generi-
 bus communis; sicuti, est communis ipsa
 ratio restitutionis & obligationis, grauis, ac
 leuis; & necesse omnino est, vt assignetur
 regula aliqua iisdem omnibus com-
 munis. *Est quidem communis difficultas.* Quia
 licet res ipsae sint diuersorum generum;
 peccatum tamen iniustitiae non specificatur
 ex illis secundum se, sed vt subsunt iuri pa-
 tientis iniuriam, quod est vniuersale, & vni-
 formiter atque ex eadem radice vicens re-
 spectu rerum omnium. Est verò assignanda
 regula aliqua eidem communis. Quia ius,
 quod reparandum est, habet rationem co-
 munem contentam sub vna definitione,
 vniuersali respectu earum omnium rerum,
 vt visum est quae 3. ac proinde necesse
 est, vt subeat eandem communitatem lesio
 & magnitudo lésionis, quae contrariatur
 eidem iuri. Deinde in casu particulari,
 quando dubitatur an tale determinatum
 noeuementum illatum proximo sit peccatum
 lethale, fieri non potest, quin recurratur
 ad aliquod principium vniuersalius, ac no-
 tius; quandoquidem neutra pars contradi-
 ctionis est per se nota, atque adeo defini-
 dum est dependenter ab aliquo notiori vni-
 uersaliter concludente de omnibus similibus
 in ratione grauis lésionis. Tale autem prin-
 cipium habebit rationem regulae vniuersa-
 lis, vt patet. Vnde omnes qui siue grauitate,
 siue leuiter peccant contra iustitiam; aut
 fugiunt actionem aliquam, quia est, siue
 grauitate, siue leuiter iniusta, necesse est vt
 aliquam talem regulam aliquomodo actua-
 liter cognoscant; cum rei particularis de-
 terminatio non sit per se, nota ex apprehen-
 sione terminorum quoad grauitatem, & le-
 uitatem

uitatem cuiusque rei, vel secundum se, vel relatè ad res alias specie, aut genere diuersas. Difficultas igitur in hoc solum consistit, vt quod omnes aliquo modo cognoscunt quoties peccant agendo iniuste, aut liberè omittunt actionem iniustam, id distinctè & clarè proponatur sub conceptu præciso, & quidditatio denudatum à particulari huius materiæ, & harum determinatè circumstantiarum conditione.

-i Certum porrò est non posse constitui regulam vllam vniuersalem neque in re pecuniaria ex quantitate determinata ipsius pecuniæ [e.g. duorū, triū, aut quatuoriorū, seu aureorū; neq. in materia honoris, & famæ ex magnitudine defectus attributi proximo per iudiciū internū, aut verbaliter aut opere ipso ex.g. quod alicui attribuitur esse mendacem, aut periurū, aut blasphemum, aut auctorem peccati, vel venialis, vel mortalis, & sic de similibus. Ratio est manifesta, quia eadem materialis quantitas monetæ habet diuersam, atque inæqualem æstimationem, & parit dispares effectus in diuersis Prouincijs; nec non in eadem Prouincia pro diuersis temporibus, & accidētibus; atque in eadem Prouincia; eodemq. tempore, & subiisdem circumstantijs vniuersalibus apud alios atque alios, diuersi status, conditionis, & facultatis homines. Quapropter detractio, aut non restitutio eiusdem pecuniæ & quantitatē monetæ, quæ in vna Prouincia aut pro vno tempore, & circumstantijs, aut respectu vnius personæ infert graue nocumentum, sub alia comparatione prouinciæ, temporis, circumstantiarum, aut personæ poterit esse leue, aut etiam leuissimum nocumentum, ideoque respectiue sufficiens aut insufficiens

ad peccatum lethale: Idem dicitur de eodem verbo iniurioso comparatione facta cū homine vel facinoroso ac infami, vel probo ac bonæ famæ; atque vbi & quando defectus imputatus est valdè familiaris, & frequens; aut è conuerso. Idem similiter dicitur de eadem percussione relatè ad hominē vel delicatum, ac debilem; vel fortem ac robustum; & sic de similibus. Abstrahendum igitur est à materia remota iustitiæ, & à designatione determinatæ in illa quantitatatis materialis pro constituenda regula vniuersali, qualis quæritur; tametsi multi & magni authores institerint eiusmodi designationi nulla alia tradita regula abstractiori, vt viderè est apud Card. de Lugo loco citato. Qui quidem perinde fecerunt, atque si pro illis & pro eo tempore tantum scriberent inter quos & quando scribebant: idque solum pro plerumque contingentibus; cū in scientijs & in libris omnis loci ac æui in defectibilia, ac inuariabilia tradi debeant, vnde particularia defectibilia, & variabilia indefectibiliter, ac inuariabiliter definiantur.

Huiusmodi videri potest pro tota vniuersim restitutionis materia, quod idem author tradit ibidem pro furto, & rapina ex Thoma Sanchez, & Victoria. Eam videlicet quantitatem esse sufficientem, ac necessariam ad peccatum lethale, cuius detractio, si non prohiberetur grauitè, seu sub peccato lethali, ac proindè facilè, ac frequenter perpetraretur, sequerentur magna inconuenientia in Republica, & conuictu humano. Licet enim hoc furtum talis determinatæ quantitatatis tale sit hic & nunc: at propter circumstantias personæ læsæ, eiusdemque opulentiam & pacificam pro-

spe-

peritatem non afferat, illi magnum detri-
mentum, potest nihilominus esse peccatum
lethale præcisè ratione quantitatis. Quia
hæc talis esse potest, quæ tametsi semel de-
tracta non valde noceat, nec magnum affe-
rat incommodum patienti, facile tamen,
atque adeo pluries, & à pluribus detracta,
magnum quemlibet Principem ac ditissimū
in pauperiem, & summam miseriam conij-
ceret. Quæ de causa oportuit, ut deductio
talis quantitatis prohiberetur sub lethali.
Idè alijs materijs, & casibus accomodari pro-
portionaliter potest. Ha igitur quantitas
est necessaria, & sufficiens ad peccatum
lethale cuius prohibitio sub lethali est ne-
cessaria, & sufficiens in vno quoque rerum
genere, ne sequantur magna in eodem ge-
nere inconuenientia.

Verum expositio illa non est sufficiens,
neque potest animus in illa conuiescere,
quin progrediatur vltèrius. Inquiritur enim
protinus quanta debeat esse magnitudo in-
conuenientium, quæ sequerentur si detra-
ctio aut non restitutio talis, determinatè
quantitatis pecuniar, honoris, aut salutis non
esset grauitèr prohibita. Certe nimirum
est ex potestate detrahendi, seu non resti-
tuendi absque lethali quantitatem imme-
diatè proximam quantitati sufficiens, & ne-
cessaria ad lethale, atque ex facili, & se-
quenti quantitatè vilius detractio, seu
retentio, sequi inconuenientia, quæ ma-
gna merito dicuntur, & verè sunt, si com-
parentur cum inconuenientibus, quæ se-
quuntur ex eo, quod deductio, ac retentio,
multò minoris quantitatis non sit grauitèr
prohibita, possitque proindè facili, & fre-
quenter euenire. Ergo dum non determi-

natur magnitudo inconuenientium, quæ sequerentur, nihilominò per actum est. Est autem similis prorsus difficultas in determinanda ista quantitate, seu absolute, seu comparative magna, atque indeterminanda ea quantitate de qua directè, quæsitum fuerat. Igitur expositio data transfert, non aufert difficultatem huius rei, nec progreditur, sed regreditur, & quidem in aliquid difficilius, ac obsecurius.

Dein te quæ sunt prohibita quia mala, & non solum mala quia prohibita, qualia sunt peccata iniustitiæ prohibita per legem naturæ, non ideo præcisè prohibentur, quia ex omissione prohibitionis sequerentur magna inconuenientia, sed ex eo potius, quia vnum quoduis ex his, quæ grauiter prohibentur, secundum se præcisè est magnum, inconueniens. Alias prohibenda non essent, nisi pro euentu, pro quo alia præterea inconuenientia sequeretur, aut esset magnū periculū quod sequerentur. Eodè pertinet quod Deus non ideo prohibet quæ prohibet naturaliter per seipsum immediatè & seorsim (qualis est prohibitio iniustitiæ, quia ommissio prohibitionis pareret magna inconuenientia, id est, quia ea ommissio foret turpis & peccaminosa. Omissio namque diuina aut est chymérica; aut laudabilis & honesta. Si quidem laudabilis & honesta sit, non potest parerè magna inconuenientia. Chymérica vero pareret ea, & non pareret ea, Igitur discrimen iniustitiæ grauis & leuis non est desumendum ex sequela inconuenientium, quæ pareret ommissio prohibitionis grauis.

Denique non omnes, nec plerique eorum, qui peccant agendo iniustè, considerant, an andè sequi possint magna, parua, aut media
etiam

etiam inconuenientia, si pluries, & à pluri-
bus eadem quantitas nocuenti inferatur,
eidem homini: tum quia nec omnibus, nec
plerisque adest prospectus intellectus suffi-
ciens in comparationem vsque adeo late-
patentem: tum quia tot possunt multiplica-
ri auctores nocuenti sufficientis tantum,
ad veniale; & tam pauci possunt esse aucto-
res nocuenti sufficientis ad lethale facile
concursum aduersus vnum, vt priores in-
ducant magnum inconueniens, & posteriora
res paruum. Vnde discretio ex hoc capite
potest esse, & plerumque esset difficillima,
& consequenter plerosque lateret. Omnes
autem non solum facile, sed necessario co-
gnoscunt actualiter regulam aliquam grauis
& levis iniustitiæ; dum agendo iniuste pec-
cant, aut lethaliter, aut venialiter. Quicum-
que enim aut lethaliter, aut venialiter pec-
cat, discernit alterum ab altero, & conse-
quenter habet aliquod præcognitum, vnde
discernat. Datur ergo alia vniuersalis re-
gula, & quidem notior grauitatis, & leui-
tatis iniustitiæ.

Adde leges humanas, quæ versantur in
materia iustitiæ ideo ferri & esse honestas,
quia earum omissio pareret magna incon-
uenientia. Alias enim grauamen legis, &
periculum peccandi per ipsam procreatum
esset iniquum. Sequebantur autem eadem
inconuenientia antequam eadem leges fer-
rentur; & tamen actiones quæ ex vilitate
legum sunt lethaliter peccaminosæ, non
erant peccaminosæ lethaliter antequam
eadem leges conderentur. Ergo sequela
magnorum inconuenientium non est ex se
præcisè vniuersalis regula grauis, & levis
iniustitiæ. Adde rursus etiam positæ legi-
bus, quæ de facto dantur in materia iustitiæ
sequi

sequi magna inconuenientia ; & quidem valde facile & frequenter apud multos. Ergo quod sequerentur, vel non sequerentur sic vel aliter talia inconuenientia non est bona regula, & indiget alijs præterea regulis, vt subtilitat aliquantulum.

Igitur pro stabilienda legitime regula, vniuersali præferendum in primis est discrimen peccati lethalis & venialis quod adhibet D. Thomas quæst. 7. de malo art. 1, & alij cum ipso communiter. Peccatum lethale est actio vel omissio dissolutiua ex sua natura amicitie, seu charitatis ac beneuolentie, & mutue pacis cum Deo, vel proximo. Amicitia Dei dissoluitur per contemptum intellectuale vel affectuum eiusdem. Amicitia proximi dissoluitur per nocumenrum eidem illatum, vel negatiue quatenus non exhibetur ei de bonis non suis, quod debet exhiberi; vel positiue quatenus ei subtrahitur de bonis suis, quod non debet subtrahi. Peccatum veniale est actio vel omissio non dissolutiua ex se eiusdem coniunctionis beneuolæ; existens tamen præter eandem, & ad ipsam non bene disponens, seu potius indisponens animum iisdem proportionaliter de causis.

Adiiciendum deinde est iniustitiam esse maxime prouocatiuam iræ, adeoque esse, maxime contrariam mutue paci, beneuolentie & charitati inter omnia peccata, quæ aduersus proximum committuntur. Quia sola iniustitia spoliât vnumquemque bonis suis, cum reliqua peccata contra proximum solum illi subtrahant augmentum bonorum suorum nondum suum. Vnusquisque autem affectur magis ex natura rei ad retinenda bona sua, quam ad acquirendum aliena, atque pro mensura affectus erga vnum quodque

quodque bonum ex surgit sensus doloris & iræ ex eius subtractione.

Præterea cum, ut supra dictum est quæst. 2. & 3. unusquisque habeat prælationem respectu omnium aliorum in bonis suis eandemque consequenter non habet, sed magis postpositionem in rebus alienis, utcumque per alios titulos sibi obstrictis; patet unumquemque dolentius ferre ex natura rei, quod sibi subtrahantur res suæ, magisque inde commoueri ad iram, quam si res alienæ non erogentur sibi. Quia per subtractionem iniustam rerum suarum deijcitur absque causa sufficienti à gradu dignitatis suæ, & agitur secum tanquam cum inferiori in ea re in qua est superior. Quod est valde amarum iuxta gradum suauitatis & affectionis, quæ iam inerat animo circa præminentiam iam habitam. Esto namque æquali affectu aut etiam maiori desiderentur, quæ nondum habentur; affectus tamen desiderij est etiam ipse insuavis ex parte, & amarus obiectiuè, quia fertur in obiectum prout affectum circumstantia displicenti. Vnde negato eius termino non vsque adeo mutatur status animi, nec tantus subsequitur nouus doloris sensus.

Apparet iam optimam & maximè conspicuam regulam grauitatis, & leuitatis iniuriarum peti posse ex viribus, quibus vnæquæque iniuria prædita est ad dissoluendam mutuam benedolentiam, perturbandam tranquillitatem, & concitandas iras atque inimicitias. Optimam quidem quia hoc pacto ratio maximè omnium discretiua peccati mortalis, & venialis applicatur formalissimè sub conceptu proprio ad determinatū istud genus subalternum. Maximè vero conspicuam, quia hinc fiet, ut unusquisque

ex dispositione animi sui, eiusque experimental consideratione, siue absoluta, siue conditionata, vti mox exponetur, facile coniiciat quam iniuriam inferre non possit, absque peccato lethali, & quam possit cum solo veniali. Præterea hic explicandi modus consonat valde expositioni obligationis iustitiæ, quæ data est quæst. 3. versus finem; nec non rationi gravitatis peccati iniustitiæ ex genere suo, quæ reddita est ex D. Thoma quæst. 17. initio.

Concluditur itaque eam quantitatem nocuenti siue iniuste illati, siue iniuste non reparati esse sufficientem, ac necessariam ad peccatum lethale, cuius seu ablatio; seu non restitutio est dissolutiva ex natura rei amicitia, & benevolentia mutua; & concitativa iræ atque inimicitia, seu iræ inimicabilis alienantis absolute animum patientis ab iniuriante eam verò quantitatem contineri intra limites peccati venialis ratione cuius non dissolvitur ex natura rei mutua benevolentia, & amicitia, nec excitatur impetus inimicitia, ac perturbatio; inducitur tamen tepiditas aliqua amicitia, ac benevolentia, & exurgit sensus aliquis doloris, & iræ facile sedandus.

Inquam utrobique ex natura rei quia, quod ad iustitiam attinet non maior requiritur quantitas, vti per iniuriam peccetur lethaliter aduersus hominem mansuetum, ac patientissimum, & in charitatis affectu validissime confirmatum, atque iniuriarum facile immemorem; quam aduersus hominem valde iracundum, & facilem; ac pronum ad inimicitias. Quia leges, quibus nititur ius, & dirigitur iustitia, non minus fauent bonæ, quam malæ indolis, bonorum quam malorum habituum hominibus, sed omnibus

bus consulunt indiscriminatim, ut pote intendentes æqualitatem rei. Quare non est attendendum ad accidentalem cuiusque dispositionem siue naturalem siue moralem; neque ad effectum qui hic, & nunc reipsa subsequetur in animo, & reactione iniuriati, sed ad id quod plerumque contingit, & ad effectum, quem nata est sortiri iniuria ex sua ppositione, quod qui illam patitur, sit antecedenter constitutus in temperamento quasi ad pondus indolis, & morum. Certe cum hac, quantum fieri potest, consideratione librari debet quantitas inducendum grauem, tum leuem obligationem restituendi; id est sufficiens ad dissoluendam mutuam pacem ac beneuolentiam, & quæ ad id non sufficit; nulla habita ratione dispositionis bonæ aut malæ accidentaliter; & non ut plurimum existentis in vnoquoque subiecto. Eiusmodi nimirum habitudinem respiciunt leges & primæus hominum consensus exponendus quæst. 41. Per hæc igitur omnia patet assignabilem esse, & oportere ut assignetur, atque eam, quæ assignata est, regulam vniuersalem quantitatis sufficientis ad lethale in materia iustitiæ esse legitimam.

Ad 1. Imo conatus tot sapientium hominum in ordine ad indagandam regulam vniuersalem quantitatis grauis comprobatur efficaciter eius designationem esse absolute possibilem ac necessariam, quia sapientes homines non conspirant in intentionem impossibilem aut inutilem, quæ stulta est. Aberrare autem à verò & inter se discrepare sapientibus etiam sæpe contingit maxime quoad comprehensionem vniuersalissimorum, & laissimè patentium, tamen si pos-

libilium & realium. Deinde plures circa hanc rem opiniones iam sunt antiquatae, & ita eueniet ceteris, quae falsae sunt durante conatu litteratorum pro indaganda, & promouenda veritate, quae quando inuenta est vires habet maximas ad opprimendas falsitates omnes contrarias. Interim diuersitas opinionum intra determinatos limites continetur, quos nemo esset qui praefigeret effreni hominum licentiae, si viri docteam non compescerent ac dirigerent. Salubris igitur est & circa possibile conatus in vestigandi regulam propositam.

Ad 2. Circumstantiae spectantes ad grauitatem, & leuitatem iniustitiae non sunt variabiles, in infinitum syncategorematicè formaliter, esto essent variabiles eum in modum materialiter, aut etiam quoad plus & minus, tum in ratione peccati lethalis, tum in ratione venialis, maioris, aut minoris. Pro tradenda autem regula vniuersali directiua iustitiae solum considerantur formaliter circumstantiae operis iniusti quatenus valentis illud constituere in ratione grauis, & levis iniustitiae.

Ad 3. Quae se habent opposito modo quoad aliquid possunt nihilominus vniiformiter se habere quoad aliquid aliud; atque ita contingit in exemplo obiectionis. Quia datur vniiformitas eorum extremorum quoad vim dissolutiuam mutuae pacis, & tranquillitatis, atque excitatiuae irae, & inimicitiae; sub qua ratione pertinet ad praesentem considerationem.

Ad 4. Ex debilitate intellectus, & non ex natura rerum provenit quod relinquantur indeterminata ac indefinita, quae spectant ad vnam quamque virtutem, & quod
com-

constitatur arbitrio cuiusque determinatio
ac definitio pro vnoquoque opere: Quia,
arbitrium tale à nemine concipi poterit,
nisi dependenter à principio, & regula
vniuersali aliquomodo præconcepta, vti
superius significatum est. Deinde actiones
iniustæ pariunt effectus, & affectus maiores,
magisque conspicuos. Vnde relatè ad il-
los facilius potest, & clarius definiri in
vniuersum grauitas; & leuitas earum quam
possit in materia aliena virtutum, & vi-
riorum.

QVÆSTIO XXVIII.

**Vtrum labor corporalis Diurnus sit
mensura quantitatis in re
pecuniaria?**

IDE TVR non esse. 1.
Quia mensuram oportet esse
invariabilem ac vniuniformem.
Labor autem diurnus est va-
riabilis atque æstimabilis in-
æqualiter tum ex parte
dierum breuiorum, & longiorum pro di-
uersis anni & mundi partibus; tum ex parte
laborantium valde inæqualiter quoad cele-
ritatem & bonitatem operis; tum ex parte
ipsius operis inæqualiter laboriosi, ac præ-
tiosi. Ergo labor diurnus non potest ha-
bere rationem mensuræ.

2. Pauci sunt, & vix vlli qui meminerint
laboris diurni; dum committunt furtum
grauē, aut illud omittunt quia graue est, &
tamen vtrique mensurant grauitatem, atq-

de ea iudicant, mensurantem autem oportet meminisse mensuræ, nec fieri potest, ut quis metiatur, quin utatur mensura.

3. Sunt qui multis de causis vilissimo pretio laborant toto die; quorum proinde labor non tanti æstimatur, quanti quod sufficit ad peccatum lethale furti, aut rapinæ; Ergo labor diurnus est ex se prorsus indifferens ad quantitatem grauem, & leuem.

4. Peccatum lethale differt notabiliter à peccato veniali, & consequenter quantitas sufficiens ad lethale differt notabiliter à quantitate sufficiens tantum ad veniale; quandoquidem ea qualitas peccati pendet à quantitate damni. Labor autem diurnus non differt notabiliter à labore ferè diurno ex gr. à labore, cui desit centesima pars diurni; eademque est comparatio huius laboris respectu eius, cui desit nonagesima nona pars, & sic de similibus. Ergo labor diurnus, non est idonea mensura quantitatis sufficiens ad lethale.

R. Regula generalis tradita in quæst. præcedenti reddetur clarior, utilior, ac firmior, si applicetur ad singula rerum genera, quæ sunt ad æquata materia iustitiæ. Tres igitur regulæ sunt ulterius deducendæ; alia pro pecunia, & rebus pecunia æstimabilibus; alia pro honore; & alia pro salute. Præmittetur verò primo loco consideratio eorum quæ pecunia æstimantur, quia sunt notiora, & vsus frequentioris. Porro in re pecuniaria eadem ferè de causa, ob quam in quæst. præcedenti exclusa fuit à ratione, mensuræ quantitas determinata monetæ videntur etiam excludenda bruta, ut equus, bos, gallina &c. nec non pondus determinatum tritici, vini, olei &c. ac demum pars
determ

determinata fundi, domus, & similia quæ
 habet tam naturalia quam artificialia. Quia
 huiusmodi omnia diuersimodè æstimantur,
 nec vniformem vnumquodque cum cæteris
 omnibus comparationem subit, sed longè
 difformem pro diuersitate aeris & soli. Nā
 iuxta abundantia & raritatis modum; faci-
 litatem aut difficultatem habendi, ac facien-
 di, in quibus est pro diuersis regionibus ma-
 gna diuersitas, crescit ac decrescit æstima-
 tio cuiusque rei, eiusdemque cum cæteris
 comparatio variatur.

Vnus est homo liber, qui vbique gentiū
 æstimationem obtinet maximè vniformem
 ob eandem omnium hominum dignitatem,
 naturalem, & æstimabilitatem illi conue-
 nientem ratione sui, siue vt fini, & non vt
 cæteris rationis expertibus, quæ æstimau-
 tur ratione alterius; quatenus necessaria,
 vtilia, & delectabilia, aut decentia sunt re-
 spectu hominis. Quia verò homo liber se-
 cundum se non est materia commerciorum
 & iustitiæ commutatiuæ, coniiciendi sunt
 oculi in ea, quæ sunt propinquissima homi-
 ni, & in quæ æstimationis gradus descendit
 immediatè ex æstimatione dignitatis, quæ
 est propria naturæ humanæ, & hominis li-
 beri. Huiusmodi autem sunt operationes
 ipsius hominis, cum maiori propterea vni-
 formitate æstimabiles vbique gentium.

Operationes porro hominis, aliæ sunt
 immanentes, vt rationales & animales; atq;
 istæ secundum se, non sunt pecunia æsti-
 mabiles, nec veniunt in commutationem;
 aliæ sunt transeuntes & corporales directæ
 in vtilitatem aliorum; atque istæ sunt æsti-
 mabiles pecuniā. Verum hæ ipsæ opera-
 tiones sunt rursus in duplici differentia.
 Aliæ namque sunt, in quibus præualet in-

genium, & eius cultura, memoria, phantasias
 aliaque animi dotes internæ, vt in pictura
 & musica; inque omnis generis directione
 ac gubernatione. Alia verò sunt, in quibus
 praualeat labor, & defatigatio corporalis,
 vt in agricultura & onerum, ac mercium
 asportatione; inque omnis generis pura,
 aut fere pura executione exteriori. Ea quo-
 rum æstimatio maximè pendet ab ingenio,
 alijsque similibus dotibus non sunt idonea,
 quæ assumantur in regulam modo intentam;
 tum quia plurimum participant de eo ge-
 nere quod dictum est non esse secundum se
 pretio æstimabile; tum quia pro diuersitate
 regionum, atque etiam temporum, est dis-
 par frequentia hominum plus, aut minus
 prædicatorum eiusmodi animi dotibus, necnō
 incumbentium artibus & laboribus, qui inde
 quoad perfectionem dependent; vnde pro-
 uenit disparitas æstimationis valde difformis.
 Obseruandæ igitur sunt pro re præsentī
 operationes, in quibus maximè praualeat la-
 bor & defatigatio corporalis, & sunt ubiq;
 necessariae & frequentes, vel æqualiter, vel
 non admodum inæqualiter.

Concluditur itaque huiusmodi laborem
 diurnum hominis mediocriter idonei, seu
 talis, cuiusmodi sunt vt plurimum, qui ad
 illum applicantur & conducuntur; nec non
 quæ tali labori per se & vt plurimum æqui-
 pollent secluis accidentibus, quæ in vita
 humana extra communem rerum ordi-
 nem interueniunt. Concluditur inquam,
 eiusmodi laborem diurnum esse quantitatem
 sufficientem & necessariam ad obligationem
 grauem restituendi, & æquivalentiam cum
 ipso esse mensuram cæterorum in hac ma-
 teria. Dicitur autem hominis mediocriter
 idonei; eius nimirum idoneitatis, quæ vt
 plurimum

plurimum reperitur, ac adhibetur. Quia sunt nonnulli eius roboris, agilitatis, applicationis, & durationis continuæ in laborando, ut labor eorum diurnus, quæque eidem labori æquipollent, procul dubio superent quantitatem necessariam ad peccatum lethale. Alij è conuerso sunt vsque adeò debiles, inertes aut desidiofi, ut labor eorum, & quæ ipsi æquipollent procul dubio sint infra quantitatem sufficientem ad lethale. Dicitur rursus, quæ per se & ut plurimum illi labori æquipollent. Quia tempore pestis ex.g. sunt tam pauci, qui corporaliter laborare possint, & est tã necessarius labor corporalis ad subuentionem infectorum, & ad præcauendum vltiorem infectionis progressum, & ad alia similia, ut pretium laboris diurni exerceat plurimũ ultra quantitatem necessariam ad peccatum graue. E cõuerso tempore sterilitatis, ac famis sunt tam multi, qui laborare velint pro mercede, & victu, & tam pauci qui velint operarios cõducere, ut idem pretium similiter decreascit infra eandem quantitatem. Sumendus igitur est in reglam vniuersalem labor diurnus secundum æstimationem, quam communiter habet seclusis eiusmodi accidentibus.

Quod autem labor diurnus hoc modo cõsideratus, & consequenter stipendium illi correspondens, quæque vtrius eorum æquipollent sufficiant ad materiam peccati lethalis ex eo apparet. Quia & operarius, si fraudetur tota mercede laboris diurni, & qui illum conduxit, si integer dies in otio ab eo traducatur, ægrè admodum terunt, neque id computant inter parua detrimenta facile dissimulanda. Deindè quod in ratione infortunii aut beneficij est quid magnum, non potest esse quid paruum in ra-

tione iustitiæ per se. Censetur autem esse magnum absolute infortunium, si quis per diem integrum perperam laboret; cum & Petrus Apostolus tanquam magnum infortunium ponderaret, quod tota nocte laborando nihil coepisset. Nec exiguum beneficium aut obsequium impendisse iudicatur, qui per totam diem corporali labore defatigatur gratis in utilitatem alterius. Denique in sacris litteris hoc ipsum clare demonstratur, dum Leuitici 9. grauius præcipitur: *non morabitur apud te merces mercenarij usque mane*. Et sæpe in nouo testamento significatur per metaphoram mercedis debite pro labore diurno, quod per metaphoram rei exiguae, nec pertinentis materiam debiti & obligationis grauis non idonee significaretur; nempe regnum Dei; & alimentum debitum ministro Euangelij; ibidemque acriter reprehenditur tanquam iniustitia grauis defraudatio mercedis diurnæ.

Iam si labor sit diurno moraliter minor, aut stipendium vnius diei defraudetur data eiusdem parte moraliter æstimabili, neutrum pro vna vice censetur quid magnum; sed inter facile communiter condonabilia computatur loquendo per se. Hoc idem cernitur proportionem seruata in exemplis positis Infortunij & beneficij æquè valentibus in fauorem huius partis, si bene considerentur: nec vsquam apparet testimonium simile sufficienter probans æstimari debere à prudentibus tanquam quid simpliciter magnum in ordine ad dissoluendam inuicem pacem & concitandam iram, iacturam laboris diurno minoris, aut pecuniæ, quæ non accedat ad stipendium vnius diei pro labore corporali. Inquam verò si non accedat moraliter, quia parum, pro nihilo reputatur in his rebus quoad

quoad grauitatem, & leuitam peccati. Videri igitur potest quantitatem assignatam, tanquam sufficientem ac necessariam ad obligat onem grauem restituendi, seu non nocendi esse definitam iuxta communem prudentum hominum estimationem, ac proinde regulam traditam esse legitimam. Cui nihilominus plussculum lucis, qua indiget, atque determinationis adijcietur q. 30.

Ad 1. Labor diurnus cum circumstantijs & modificationibus quæ adiuncta illi sunt, quæque communiter subintelliguntur sub nomine laboris diurni absolute prolato est vniformis ac inuariabilis vbique æstimationis ac proinde eo modo sumptus rationem regulæ & mensuræ habere optime potest.

Ad 2. Dictum est mensuram quantitatis grauis esse laborem diurnum & quicquid æquualet labori diurno. Quicumque autem peccat lethaliter furando aut rapiendo cognoscit necessario, formaliter, vel æquualementer se inferre nocumentum æquale iacturæ laboris diurni, nec peccare lethaliter potest, quin æstimet iniustitiam suam in hunc vsque gradum esse nociuam. Cognoscit igitur necessario laborem diurnum, eo modo quo is habet rationem regulæ.

Ad 3. Patet satis ex dictis circa circumstantias laboris diurni mensurantis iacturam pecuniarum grauem.

Ad 4. fieri potest vt aliquid ab aliquo differat parum entitatiue quoad quantitatem, intensionem, propinquitatem; & tamen eo ipso paruo discrimine, entitatiuo differat quamplurimum quoad vltimo completam ac determinatam producendi magnum effectum, vt patet ex igne quàm minimum fieri potest distante, vel non distante à massa pulueris tormen-

tarij, ex calore vt septem vel ut octo; ex pondere opprimente aut occidente propter differentiam vnius pomi vltra pondus vltimo sustentabile, & sic de similibus. In hunc igitur modum quantitas præcisè necessaria & sufficiens ad peccatum lethale differt parum entitatiuè a quantitate quæ est summa infra ipsam; distat tamen plurimum in ratione vltimo completæ ac determinatæ ad magnum effectum propter illud exiguum additamentum. Sicut enim vires corporis tandem aliquando deficiunt, propter exiguam additionem vltimo complementem pondus intolerabile atque ita concidit aut occiditur homo; ita propter exiguam additionem vltimò complementem iniuriam in ratione intolerabilis opprimitur tandem hominis patientia, concipitur ira, & dissoluitur pax, & tranquillitas mutua. Qui planè est effectus magnus secutus facta additione illa vltima parua, & non secuturus eadem non facta. Est igitur magnum discrimen inter laborem diurnum, & laborem immediatè minorem diurno quoad vim inductiuam magni effectus vltimò completam licet entitatiuè, & materialiter sit paruum discrimen. Iniustitia autem grauis & leuis differunt formaliter quoad vim inductiuam talis effectus completæ vel non completæ vltimò, vt liquet ex quæst. præcedenti.



QVÆSTIO XXIX.

Vtrum infamatio de lethali sit mensura quantitatis grauis in materia honoris?

I D E T V R non esse 1. Quia contingit alicui exprobrari, atque de eodem manifestari peccatum lethale, quin propterea peccetur lethaliter. E converso contingit quibusdam alijs exprobari peccatum veniale, aut idem de iisdem manifestari, nunimè posse quin peccetur lethaliter. Ergo infamatio de lethali non est mensura peccati grauis in materia honoris.

2. Sunt quædam peccata venialia quibus imputatis & manifestatis magis vilescit homo apud proximos, quam imputatione & manifestatione quorundam lethalium; idque per se. Quia quædam venialia, vt mendacia, magis nocent commercio & communicationi humanæ quam quædam lethalia, ideoque magis odio habentur & minus æstimantur illorum quam istorum auctores manifesti. Ergo pro statuenda regula grauis dehonorationis discernendū est inter peccata tum venialia, tum lethalia.

R. Quæstio proposita resolvitur triplici conclusione communiter recepta cum totidem notationibus. Prima conclusio. Infamatio de peccato lethali est sufficiens ad peccatum lethale, & inducit grauem obligationem restituendi loquendo per se. Patet hoc, quia omnes agere ferunt in peccati

sibi peccatum lethale, & censent magnum, ea de causa nocumentum se accepisse, si nondum illud passi erant; nec nisi admodum difficulter pacem, & beneuolentiam retinēt erga talem infamatorem.

Confirmatur, quia omnes subsunt præcepto habendi curam sui boni nominis; atq; huic præcepto grauitè contradicit, qui non habet curam, ne incurrat infamiam de peccato lethali. Si quidem per talem ac tantam famæ & honoris iacturam incidit in magnam quandam facilitatem peccandi lethaliter disiecto honoris freno, quod est potentissimum ad vnumquemque in officio continendum: atque vnusquisque tenetur sub lethali ad vitandam facilitatem, vt incidat in lethale. Ergo etiam tenetur non inferre alijs tale nocumentum. Nec enim magis cuiquam licet, aut minus prohibetur minuere bona aliorum, quam sua; sed magis è contra.

Additur autem in conclusione loquendo per se; & in probatione, si nondum illud passi erant. Quia fieri potest per accidens aliquem esse in tali gradu præiudicij communis existimationis constitutum, vt minimam lesionem, & facile dissimulandam, aut condonandam patiatur imputatione peccati lethalis; saltem in certo quodā genere. Quod potest esse diuersum pro diuersis quoad mores & constitutionem naturalem, & præuiā circa ipsos notitiam. Regula igitur data directe viget circa eos homines, qui non induxerunt alterationem circa se notabilem communis eius existimationis, quæ concipitur de naturali, & plerumque contingenti hominum constitutione ac modo agendi. Ceteros verò eadem regula comprehendit indirectè, quatenus quantitas infamationis

eorum metienda est per æquivalētiam iacturæ nouæ ad nocumentum, quod infertur per imputationem peccati lethalis illi, qui communem eiusmodi existimationem nondum notabiliter vulnerauit ac depressit.

Secunda conclusio: Infamatio de peccato veniali est sufficiens ad peccatum veniale loquendo per se, & inducit obligationem leuem restituendi; sequitur ex præcedenti. Quia eadem est proportio sufficientiæ huius infamationis ad peccandum leuiter; & ad obligationem leuem restituendi; quæ est infamationis de lethali ad peccandum lethaltet, & ad obligationem grauē. Et insuper confirmatio adhibita conuincit id clarè. Quia alias peccans venialiter coram alijs, eo ipso peccaret lethaliter per se loquendo, quatenus inde incurreret infamiā de peccato veniali, & pateretur iacturam boni nominis circa peccatum veniale, ad quam iacturam vitandam tenetur in genere ex lege Dei.

Dicitur autem hic etiā per se loquendo. Quia per accidens fieri potest, vt nullum sit peccatum imputate alicui non solum peccatum veniale in genere, cuiusmodi imputatio nullum respectu cuiusquam peccatum est iuxta legem ordinariam; sed etiam imputare peccatum veniale talis vel talis generis determinatè, atque vt commissum tali tempore, & in talibus circumstantijs ob iacturam boni nominis, quam is iam antecederet fecerit in tali genere. Quapropter huic conclusioni applicanda est proportionaliter comparatio & consideratio adhibita in præcedenti.

Tertia conclusio quælibet & sola alia læsio famæ & honoris in quouis genere perfectionis ac excellentiæ, siue naturalis, siue
moralis

moralis æquivalens infamationi de peccato lethali, est sufficiens ad peccatum lethale, & ad obligationem grauem restituendi: æquivalens verò infamationi de veniali est sufficiens ad veniale, & ad obligationem leuem. Res est clara ex dictis, quia non potest non esse eadem ratio ac æstimatione de eo quod æquualet, & de eo cui æquualet; cum ipsum non valere, fundare eandem obligationem, ac æstimationem, tollat formaliter æquivalentiam. Æquivalentia porro ista pensanda est iuxta dicta quæst. 27. quoad vim perturbandi animum, & impediendi statum mutue beneuolentiæ & tranquillæ pacis.

Notatio 1. Quod dictum est de infamatione, & æquivalentibus infamationi, in honorationi etiam commune est. Quia licet fama & honor distinguantur inter se realiter quatenus honor occultus & purè interior est assensus bonitatis seu perfectionis & excellentiæ convenientis alteri in aliquo genere. Exterior verò & perceptibilis ab alijs est manifestatio talis assensus verbo vel opere facta; & necesse nequaquam est, vt famam præsupponat: fama autem, prout opponitur infamiæ, & ad præsentem spectat considerationem, interior quidem est notitia honoris convenientis alicui apud aliquè alium, præscindendo ab assensu & dissensu; Exterior verò est eiusdem notitiæ manifestatio, & propagatio verbo vel opere facta; ac propterea necesse est vt fama præsupponat honorem eiusdem personæ seu verè seu falsò, prout contigerit famam esse veram, vel falsam ex quibus facile liquet quid sine infamatio & dehonoriatio tam purè negatiua quam positiua. Licet inquam fama & honor hoc modo differant inter se, & consequenter

quenter infamatio, ac dehonoriatio differat inter se eodem modo; subsunt tamen uniformiter, aut ferè eidem regulæ iam datæ. De discrimine inter famam & honorem, vsque adeò breuiter conclusio, videri quàmplura possunt si placet, quæ tamen placeant difficulter, apud Cardinalem de Lugo disput. 14. sect. 1.

Notatio secunda; nocumentum paruum in ratione honoris aut famæ potest esse magnum quoad rem pecuniariam; Atq; è conuerso. Si enim viro nobili in medio foro violenter rapiatur flos, quem manu gerit, aut teruntius, quem habet in crumena, iactura honoris est grauis, licet pecuniaria sit exigua ac ferè nulla. Si verò de medico dicatur deficere ipsi sensum tactus in extremis digitis, iactura pecuniæ poterit esse maxima, tametsi minima sit honoris. Idem est de aulico; quem amat Princeps, & est paratus conferre illi ingentia beneficia, si apponatur illis impedimentum manifestatione defectus in se quidem exigui, maximè tamen displicentis Principi. In his autem & similibus euentibus aderit obligatio grauis reparandi damnum sub ea ratione, sub qua magnum fuerit; leuis verò sub ea ratione, sub qua fuerit leue; siquidem altera reparatio fuerit separabilis ab altera. Quod si separabile non fuerint vel absolute, vel respectiue, vtraque simul reparatio erit debita sub lethali quoad alterum directe, & indirectè quoad alterum.

Notatio 3. quò quis magis abundat honore & fama, eo magis peccatur aduersus ipsum vniuscuiusque defectus imputatione, maiorque oritur obligatio restituendi. Quia videlicet eo est maius nocumentum quod patitur infamatus, seu dehonoriatus. Ascensus

sus enim eiusdem defectus circa duos inæqualis honoris & famæ, utrumque redigit ad eundem in eo genere gradum, ideoque plus amittit, qui magis antecederet excedebat eum gradum. Neque in hac materia est locus præsumptionis, qualis quæst. 31. dicitur sape adesse in re pecuniaria de cōdonatione maioris materialiter nocuenti; tum quia præsumptio voluntatis cedentis iuri suo quoad pecunias est honorifica diuiti, quā diues est, ideoque concipitur cum aliquo eius lucro in alio genere; præsumptio verò cessionis quoad honorem, nec est honorifica, nec lucrosa honorato, quā honoratus præcisè est, saltem nisi aliundè sit specialiter ordinata ad maius honoris & probitatis emolumentum: tum quia qui abundat honore, tenetur per se conservare honorem, dum illud in alium maiorem aut æqualem non commutat, iuxta illud: *curam habere bono nomine*: tum quia voluntas cedendi honori & famæ, dum non est circumstantionata modo dicto est nulla ut supra ostensum est in quæst. 16. Quæ de causa ultra alias voluntas, & desiderium sanctorum patiendi infamiam nullatenus potest honestare actiones infamatorias aliorum aduersus ipsos. Constat igitur ex his veram esse & quo sensu vera sit absolute, & per se regula gravitatis in materia honoris & famæ constituta per infamationem de lethali, & leuitatis per infamationem de veniali.

Ad 1. Illa vicissitudo contraria regulae traditæ contingit per accidens, ideoque non est contraria eidem regulae, prout communiter accipitur atque exposita est.

Ad 2. Illa diversitas peccatorum, plus aut minus nocentium humanæ communicationi contraria magnitudini malitiæ ipsorum

non efficit vt infamatio de minori peccato noceat magis quoad honorem; quam infamatio de maiori peccato; sed quod noceat magis quoad emolumenta alia pendentia a facilitate communicationis, & familiaritatis conueniente vnicuique respectu aliorum, iuxta dista in 2. Notatione. Vnde nihil inde habetur ad propositum.

Superest post hac vltimo loco explicanda quantitas circa nocuumentum salutis. Intelligitur vero nomine salutis communiter non solum integritas corporis, & quia quid ad corporalem sanitatem, ac bonam eius dispositionem pertinet; sed etiam omne genus perfectionis, ac bonitatis, tum physicae tum moralis afficientis hominem intrinsece. Videndum igitur est an damnum illatum in huiusmodi bonis animi aut corporis tale sit, vt possit ex sua natura inducere tantum doloris sensum, tantam excitare iram, & tantum asserre impedimentum mutuae benevolentiae ac paci, quantum inducere, excitare, aut asserre potest, frustratio laboris diurni, subtractio stipendij correspondenti tali labori, aut imputatio peccati lethalis. Si quidem tantumdem quoad hac valebit, erit quantitas nocuumenti sufficiens ad peccatum lethale; sin minus erit insufficiens, solumque sufficiens ad veniale; dummodo patiens sit inuitus rationabiliter; reliquet ex dictis in hac & in duplici precedenti quaest. Nempe nihil occurrit, quo melius, quam istiusmodi comparatione quantitas in hoc genere sufficiens & necessaria vniuersaliter determinetur. Nihil enim vnum apparet intra proprium genus, quod ita sit notum quoad quantitatem nocuumenti sufficientem ac praecise necessariam ad obligationem grauem, vt possit melius subire rationem

nem regula respectu ceterorum. Ideo
visum est rem hanc ita hic concludere per
modum appendicis relicta felicioribus in-
genijs expositione magis exacta intra pro-
prium genus.

QVÆSTIO XXX.

Vtrum quantitas sufficiens ad iniu-
ritiam grauem consistat in in-
diuisibili ex parte iniuste
agentis?

IDETVR consistere in in-
diuisibili. Quia iustitia cō-
mutatiua, ad quam pertinet
præcauere iniurias, & illas
reparare constituit æqualite-
tem Arithmeticam inter om-
nes homines, vti expositum est quæst. 9.
Eam autem constituere minimè posset, si
quantitas sufficiens ad iniuriam grauem non
consisteret in indiuisibili ex parte agentis.
Quia is respectu cuius ea quantitas esset
maior, quam respectu alterius, non tantum-
dem pateretur ab hoc altero peccante gra-
uiter contra ipsum, quantum ipse illi alteri
noceret, dum contra eum peccaret graui-
ter. Quæ est manifesta inæqualitas.

Sed contra est. Quia vnusquisque peccat
grauiter vel leuiter prout iudicat de sua
actione. Non autem omnes vniformiter iu-
dicant, sed multiplices de causa sunt varia
humana iudicia, vt in alijs rebus, ita & in-
taxanda quantitate determinata in materia
præsenti, idque euenit per se respectu to-
tius

tius multitudinis, licet in singulis possit ad-
esse tantum per accidens tale determinati
iudicium.

R. Videntur affirmatiuam sententiam te-
nere in quæst. proposita Cardinalis de Lugo,
& alij communiter apud ipsum loco supe-
rius indicato. Distinctione autem opus est.
Dicendum namque est quantitatem sufficien-
tem ad iniustitiam grauem non consistere
in indiuisibili absolutè, & quoad omnes vni-
uersim homines; consistere tamen in indiui-
sibili respectiue quoad singulos. seorsim ho-
mines. Explicatur & suadetur hæc assertio
exemplo iusti pretij rerum vendibilium.
Istud namque pretium non consistit in indi-
uisibili simpliciter & quoad omnes absolutè,
sed ex communi consensu agnoscitur sum-
mum, medium, & infimum; atque intra li-
mites iustitiæ discrimen istud existere posse
inter contrahentes communis existimatio
est; idque independenter ab ignorantia in-
uincibilis excusatione. At si inter duos con-
trahentes conuenerit determinatè de pre-
tio, aut infimo, aut medio aut summo, iam
pretium debitum ex iustitia consistit inter
illos in indiuisibili; ita ut neuter aut plus
exigere, aut minus soluere deinde possit
absque iniustitia utrumque exiguum ac mi-
nimum id sit, penes quod quæritur excessus
aut diminutio; tametsi initio utrumque intra
certos limites licuisset. Ergo similiter in
furto, aut rapina, & consequenter in resti-
tutione admittenda est simpliciter quantitas
summa, media, & infima intra limites quan-
titaris sufficientis ad obligationem grauem
vel leuem; licet res de se, vniuersumque
determinatè non detur talis latitudo eusdè
quantitatis. Ratio paritatis est; quia ut di-
ctum est quæst. 25. ex Philosopho & D. Tho-
ma

ma actiones iniuriosae habent rationem commutativam. In commutationibus autem id, in quod congruentum est, debetur. in indiuisibili prout subest conventioni; conventio vero ipsa potest fieri diuersimodè, & cum inaequalitate materiali, absque lésione iustitiae. Ergo simile quid admittendum est in actionibus iniuriotis modo dicto,

Verum quia quando commutationes sunt inuoluntariae, quales sunt omnes, quae fundantur in actione iniusta, non datur conventio singulorum cum singulis hic & nunc determinatè; & insuper is qui patitur iniuriam plerumque est ignorans eius quod agitur, necesse est ut determinatio eius quantitatis committatur saltem ut plurimum iudicio solius iniuriantis, utque is dirigatur regula illa; *quod tibi non vis, alteri ne feceris*. Per quam regulam iubentur singuli metiri ceteros ex seipsis; atque adeò obseruare legem obligantem vniformiter difformiter; numquemque videlicet iuxta sensum suum. Itaque quod quisque iudicauerit se grauius laturum ex natura rei, si ab alio subtraheretur sibi, erit quantitas, cuius subtractione ipse grauius peccabit. Hoc autem iudicium non esse vniformiter vniforme in omnibus patet; tum à posteriori, ex mirabili auctorum discrepantia superius notata quoad taxandam quantitatem grauem; tum à priori ex multiplici hominum genio atque ingenio, moribus, affectibus, latitudine & angustia cordis. Quare consequenter ad principia superius posita, & eorum fundamenta concludendum videtur summam eam quantitatem in re pecuniaria esse laborem diurnum fossoris terrae impensum tempore aestatis; impensum tempore hiemis esse infimam quantitatem grauem; medium verò qui


qui temporibus intermedijs impenditur. Probatum nimirum efficaciter fuit laborem diurnum, & quæ illi æquipollent conuerti cum quantitate sufficienti ac necessaria ad lathale. Is autem labor est longior aut breuior, maioris aut minoris pretij cum moralis diuersitate iuxta assignatas temporis differentias facta æstimatione solius laboris secundum se.

Inter istos igitur limites continget variare per se singulos quosque in taxanda quantitate graui; extra eoldem vero non nisi per accidens, non solum spectata natura rerum secundum se, sed etiam spectata eadem relatè ad humanum ingenium, atque ad eius vires absolute & simpliciter existentes in vno quoque homine. Facta vero in hunc modum taxatione determinata ab vno quoque ex consilio alterius, vel ex proprio Marte, ad eam vnusquisque tenebitur in indiuisibili. Ideo autem labor fossoris terræ potissimum proponitur vt regula ex P. Molina & alijs, quia est præ cæteris maxime corporalis, maximeque vniformis vbique, idemque in sacris litteris, quarum superamentio facta est, assumitur in exemplum. Dies porro intelliguntur, quales sunt Romæ, vbi hæc scribuntur. Vnde ad alias regiones, in quibus est diuersitas moraliter magna temporis diurni, traduci facile poterit doctrina tradita seruata proportionè quoad numerum horarum per quas ordinariè durat labor diurnus. Facile similiter est accommodare materiæ honoris, & famæ, nec non salutis quæ dicta sunt de re pecuniaria. Est enim de omnibus eadem proportionalis ratio.

Ad rationem dubitandi partis affirmatiuæ: iustitia commutatiua constituit æqualitatem

tatem Arithmeticam inter vnumquemlibet comparatum cum singulis quibuscumque alijs iuxta sensum cuiusque quoad commutationes inuoluntarias, & iuxta conventionem vtriusque commutantis quoad voluntarias; non verò constituit æqualitatem Arithmeticam vniuersim uniformem inter omnes vniuersim homines; neque id est possibile, etiam per se respectu conditionis humanæ, vt apparet ex dictis.

Ad rationem partis negantis: vnusquisque est expositus disparibus aliorum iudicijs, atque inde operationibus erga se, sicut ceteri sunt expositi arbitrio ipsius quoad operationes eiusdem erga ceteros. Vnde qui plus nocere poterit alicui quin peccet lathaliter, quam idem nocere ipsi possit absque peccato lathali, est expositus oppositæ computationi respectu alicuius alterius. Quapropter lex vniuersim difformitatis superius exposita est absolute æqualis respectu omnium præsertim considerando omnem vniuersim materiam iustitiæ; contingit enim latiore in vna materia esse strictiorem in alia, ideoque facta computatione vniuersali vnusquilibet vnusquilibet euadit absolute æqualis, vt patebit consideranti cum magna, & exacta attentione, huius rei cuius examen in præsentia euaderet longius iusto, esset curiosum magis, quam vtile.



QVÆSTIO XXXI.

Utum Grāuitas quantitatis consi-
stat in indiuisibili, ex parte
patientis?

IDETVR non consistere
in indiuisibili; quia grauitas:
V iniustitiæ pendet ex graui-
tate nocimenti inducti per
actionem iniustam. Furtum
autem scuti e.g. quod graui-
ter nocet pauperi, nequaquam grauius
nocet prædiui. Ergo non eadem quanti-
tas sufficit & est necessaria ad peccatum
grauē iniustitiæ respectu vtriusque. Eadem
est contraria ratio in materia honoris quæ
infamatio de mendacio nihil vel leuiter
nocet infaminoceat verò grauius ei, qui est
in magno honore constitutus: & similiter
in materia salutis. Ergo in tota materia
iniustitiæ variat quantitatem conditio pa-
tientium.

R. Quæstio proposita solum proponitur
ab auctoribus circa rem pecuniariam: an
videlicet regulā superius data æquē vigeat
respectu valde, & mediocriter diuitum; nec
non & pauperū; eadeinque Arithmetice quā-
titas debeat sub læthali nō auferri, aut ab-
lata restitui habenti maximas, & mediocres
diuitias, nec non ei qui non est diues? an
verò debeat esse eadem tantum Geome-
trice; vt sit eadem distantia quantitatis,
quā peccatur læthalius aduersus valde di-
uitem, à quantitate, qua peccatur læthali-
ter

ter aduersus mediocriter diuitem; quæ est inter eorum diuitias. Communior aucto-
 rum sententia est non esse eandem Arithme-
 ticè quantitatem respectu omnium, sed
 proportionalem modo dicto, idque censet
 indubitatum Cardinalis de Lugo disp. 6.
 sect. 2. Fundamentum est ratio dubitandi
 modo proposita.

Verum hæc opinio saluâ auctorum re-
 uerentiâ, quæ illis debetur maxima præ-
 ferri in re morali pendenti a prudenti
 arbitrio, videtur valde difficilis tum ad
 hominem tum simpliciter. Ad hominem,
 quidem quoad duo; quorum alterum est
 ratio illa dubitandi qua vnicui nititur; alterum
 est quod iidem auctores docent dari ni-
 hilominus quantitatem quandam sufficien-
 tem ad lethale respectu cuiuslibet; ean-
 demque necessariam respectu plurium in-
 ter se inæqualium quoad diuitias, tametsi
 notabilissimè inæquales sint.

Quod ad rationem illam attinet vel in-
 digentia; consideratur quoad ea præcise
 quæ sunt necessaria ad commodam con-
 seruationem vitæ; vel quoad ea etiam quæ
 sunt necessaria ad splendorem, & delicias
 aliosque fines. Si primum, nullum nocu-
 mentum illatum erit, ideoque nullum com-
 mitteretur peccatum iniustitiæ aduersus præ-
 diuites, si relictis, quæ sufficiunt ad com-
 modam conseruationem vitæ, surripiantur
 cætera omnia; Si secundum, nullum erit
 discrimen nocuenti respectu magis, &
 minus diuitis: Certè quod erit necessa-
 rium ad maiores delicias, maioremue
 splendorem, & sic de alijs finibus mino-
 ris, & maioris, eripietur cum minori pec-
 cato. Quæ sunt absurda.

Iam quoad quantitatem sufficientem re-
 spectu

specu cuiuslibet; simulque complectentem indiscriminatim plures inæqualiter diuites committitur manifesta inconsequentia. Quia eadem est differentia facultatum inter potentissimum habentem tot milliones annuos, quot habet millenarios mercator ditissimus; quæ est inter hunc, & habentem totidem centenarios; & sic de cæteris similiter; & consequenter non redigetur in statum miserum potentissimus Princeps, nisi per ablationem quantitatis centuplo, aut etiam millecuplo maioris, quam sit ea quantitas, cuius ablatione redigetur in similem statum mercator ditissimus, & sic de cæteris; eademque est ratio de eadem quantitate sæpius, aut non tam sæpè sublata, omnisque alia eiusmodi comparatio incommodorum, ad quæ recurrit Cardinales de Lugo, euadet semper similiter proportionata. Ergo vel est statuenda vna determinatæ quantitas pro omnibus indiscriminatim, vel nulla est admittenda vniformis regula aliquorum inæqualiter diuiti; sed, omninò proportionata cuiusque diuitijs, incipiendo à quantitate respiciente pauperrimum vsque ad ditissimum omnium in orbe terrarum. Hoc autem postremum nemo admittit, & sanè merito.

Eadem difficultas absolute ostenditur, prætermisso vitioso affectu auaritiæ, qui sæpè crescit, quo magis diuitiæ crescunt; unde resultat sensus ingens parui etiam nouementi, quorum iam ante aduertimus nullum habere rationem quod ad iustitiam attinet. Ostenditur inquam aliunde. Primò, quia vt infra dicemus ex communi sensu iuxta primam rerum diuisionem, & primæua iura gentium nemini licet, vt fiat ditior alijs, quin plus iisdem contulerit in bonum

publicum vel per se ipsum, vel per eum, a quo primum transmissæ sunt diuitiæ ad eundem cum eodem iure. Æquum autem est leges indemnitis ac restitutionis non minus fauere in quantitate æquali magis bene merito de Republica. Nequè verò iniquè diues est punibilis, aut tractabilis vt iniquus priuata auctoritate.

Deindè sequeretur commutationem alias æqualem, & iustam fidei inæqualem & iniustam commutantibus inuicem ditissimo, & non ita diuite. Quia quod transmitteretur in ditissimum, eo ipso redderetur facilius, & cum minori onere auferibile per furtum, aut rapinam, ac proindè minus æstimabile, vt potè magis expositum periculo omissionis; & è conuerso. Vnde ditior dum vellet emere deberet dare minus pretium, & maior qui non esset ita diues, vtroque inuicem contrahente.

Tertiò! Quo quisque est ditior, eo magis est expositus furto; & rapinæ ceteris paribus, expectata tota collectione bonorum, vt pote potentium latius, & obuiorum ad plurium manus. Ergo si simul esset minus protectus per leges quoad æqualem quantitatem, esset planè deterius conditionis, quam minus diues; nec esset vterque æque dilectus Reipublicæ.

Præterea qui sunt potentissimi, ac ditissimi habent, certè possunt habere præstantissimos fines proximos diuitiarum; vt tueri patriam tempore belli; eidem subuenire, tempore famis, propagare religionem, erigere, & ornare templa, & similia proportionaliter: atque potestas proxima ad hos fines est valde æstimabilis, consequenter qualibet eius diminutio potest perturbare animum, & dissolvere beneuolentiam, ac
tran-

tranquillitatē pacis eodem prorsus modo, quo æqualis diminutio, seu diminutio quoad equalē partē potestatis proximę ad finē minus præstantē, qui est proprius minus diuitis, id ipsum præstare potest. Patet igitur ditissimum posse rationabiliter æque affici ad æqualem quantitatem rei pecuniarię, & non minus ægre ferre eius ablationem, quam possit minus diues, & vtcunque opuro tenuis sine videlicet, ac potentia proportionaliter præstantiori acuate affectum erga singulas partes, quantum posset eundem tepefacere similium abundantia. Dictum autem est supra inde sumi mensuram quantitatis sufficientis ad lethale.

Denique, qui iustē & honestē acquirē aliquid de nouo, non sit propterea deterioris conditionis quoad ea, quę prius habebat. Nihil enim peccauit, nec demeruit fauorem legislatoris, imo meruit illum magis, si quidem ditescere nemo iustē potest, nisi promouendo bonum commune aliqua sua operatione honesta, vt suppositum est supra & infra ostendetur. Fieret autem deterioris conditionis etiam quoad bona prius habita, si eo ipso posset eripi aliqua pars illorum, cū minori difficultate, & onere sedentis, & quidem minori prope infinitē, quam posset ante nouam acquisitionem. Tanta nimirum differentia est peccandi lethaler & peccandi tantum venialiter attempta natura rei secundum se.

Rationes istę videntur profecto efficaces; neque verò est contemnenda auctoritas in contrarium, quę initio præmissa est. Suppetit autem idonea distinctio, quę vtrisque satisfiat. Dicendum primò est eandem quantitatem esse sufficientem,

ram, & necessariam ad peccatum lethale, respectu omnium, seu minus diuitum nulla facta suppositione voluntatis, qua quis cedat iuri suo, aut præsumptionis satisfundatæ de tali voluntate. Hoc omnino euincit argumenta nuper proposita, nec quidquam euincit in contrarium ratio illa vnica dubitandi. Quia ditior habet tantum ius ad cõmoda maiora, & fines prestantiores, & ad potentiam proximam verorumque; quantũ habet minus diues ad minora, & minus præstantes, eorumque potentiam proximam, vt liquet ex dictis. Magnitudo autem nocimenti prout consideratur in ordine ad iustitiam pendet ex magnitudine iuris læsi. Aliæ namque considerationes, & mensuræ nocimenti pertinent ad charitatem, misericordiam & similes virtutes.

Dicendum rursus est facilius, & in pluribus circumstantijs præsumi voluntatem ditioris, quam minus diuitis cedentem iuri suo quoad quantitatem absolutè sufficientem ad lethale, & quoad maiorem quantitatem quo diuitæ fuerint maiores, & quod res determinatæ, circa quas versatur actio iniusta, sunt minus conferentes minusque applicabiles proximè vel remotè ad fines præstantiores supra descriptos. Facilius namque & pluries contemnuntur, ac ceduntur alijs quæ sunt minus necessaria ad conseruationem simpliciter vel ad commodam conseruationem indiuidui, quam quæ sunt necessaria ad alios fines atque ob hunc vsum inter alios sunt æstimabiles diuitiæ; idque est verum semper proportionem seruata inter quosuis magis, & minus diuites, & quoad maiorem, minoremque necessitatem sub eadem finis comparatione. Hinc enim proficiscuntur donationes faciliores, & plures, ac maiores
ditior

ditiorum, atque facillimæ plurimæ, & maximæ ditissimorum, si comparentur cæteris paribus, cum ijs qui sunt minus diuites. Quia verò voluntas præsumpta sufficit ad excusandum à peccato, & obligatione restituendi, ut infra dicetur ac exponetur. Fit planè, ut sæpè sit necessaria maior quantitas ad peccandum lethaler per iniustitiam exercitam aduersus magis diuitem, quam per iniustitiam materialiter æqualem exercitam aduersus minus diuitem.

Pronum porro est suspicari auctores superius indicatos confudisse, quod sæpe accidit, & facile est ut eueniat, cum eo quod semper, & ex natura rei verum est; cuiusmodi confusionem esse facilem, & multis obrepere notauit alicubi Philosophus, & frequens experientia docet. Quia verò fundamentum talis præsumptionis non datur, semper. nec vniuniformiter apud homines etiam ditissimos, nec æqualiter circa omnium rerum genera, & pro omni tempore ac circumstantijs, obseruanda erunt diligenter pro praxi huius conclusionis quæ infra dic-

centur de voluntate præsumpta. Ad rationem dubitandiam nuper di-


ctum est. Et ea quæ addun-

tur satis superque

patet ex dictis

quæst.

29.



QVÆSTIO XXXII.

Vtrum ex peccato veniali iniustitiæ
resultare possit, grauis obliga-
tio restituendi?

IDETVR nunquam id ac-
cidere posse. Quia ad eandē
virtutem pertinet non læde-
re iniuste; & reparare læ-
sionem iniustam; & obliga-
tio ad vtramque fundatur in
eodem iure patientis iniustitiam; ac proin-
dē vtrumque opus subest eidem regulæ ex
parte agentis & patientis. Ergo fieri non
potest vt læsio sit venialiter peccaminosa,
& eius nihilominus non reparatio sit pec-
caminosa lethaliter vtque teneatur ad re-
stituendum sub lethali, qui ad id tenetur
ratione solius peccati iniustitiæ quod ve-
niale tantum fuerit.

R. Explicata quantitate rei explicanda
iam est quantitas culpæ. Quod pertinet ad
examen solius restitutionis, quæ debetur
ratione iniustæ acceptionis, quatenus dif-
fert ab ea, quæ debetur ratione rei accep-
tæ, tametsi accepta fuerit absque vlla culpa.
Videndum itaque est, quænam nocentis cul-
pa obliget ad reparandum damnum iniuste
illatum, tametsi res ablata non extet nec
in se, nec in suo effectu, aut quasi effectu.
Dictum nimirum est quæst. 24. hoc vnum
esse specialiter propriū acceptionis iniustæ.

Certum est peccatum lethale esse suffi-
ciens ad obligationem grauem restituendi;
nec est in nris certum si peccatum sit venia-
le solum ex parte materiæ ad solam suffi-
cere

reere obligationem restituendi sub veniali.
 Dictū namq. est q. 25. in casu nocumēti iniū-
 ste illati dari contractum cōmutationis in-
 ter damificantem, & damnicatū ex quo
 da nnificans manet obligatus ad reparandū
 damnum; si quidem contractus sit validus.
 Certum autem est validitati contractus ni-
 hil obesse paruitatem materiæ; nec est mi-
 nus certum libertatem sufficientem ad le-
 thale; sufficere ad valorem contractus ex
 genere suo. Difficultas igitur est; an quan-
 do materia nocumēti est in se gravis; &
 nihilominus peccatum nocentis est leue,
 ex defectu deliberationis resultet obliga-
 tio gravis, aut saltem levis reparandi dama-
 num.

- Dicendum est ex communi nullam inde
 resultare obligationem restituendi. Suade-
 tur primo, quia homines vel mediocriter
 cordati, ac prudentes non dissolunt amici-
 tias, nec perturbantur ira, aut dissensionem
 tranquillæ paci contrariam concipiūt pro-
 pter offensas ex defectu deliberationis ve-
 niales in vlla materia. Et quidem merito,
 quia in actibus venialibus ex defectu deli-
 berationis præualet is defectus ei, quod in
 tali actu adest deliberationis; præualet verò
 quasi infinitè, cum de mortali faciat venia-
 le, ideoque perinde potius æstimantur atq;
 si nihil prorsus deliberationis, nullaque cul-
 pa intercessisset; & damnum cōputatur per-
 inde, atque si fuisset omninò fortuitum.

Probatur deinde, quia deliberatio
 ex sua ratione insufficiens ad lethale, est
 etiam insufficiens ad valorem contractuum
 ex communi, & recepta auctororum senten-
 tia. Obligatio autē restituēdi provenit ex
 contractu cōmutationis vt dictum est. Er-
 go deliberatio insufficiens ad lethale, co-

ipso est insufficiens ad inducendam aliquam obligationem restituendi. Confirmatur quia peccatum iniustitiæ, est lethale ex genere suo, ut constat ex disp. 17. Ergo defectus deliberationis auferens ex sua ratione formaliter actioni iniustæ hoc, quod ipsi est essentialiale ex genere suo, sufficiet non minus, quin & multo magis ad auferendam proprietatem istam actionis iniustæ, ut relinquat post se onus reparandi nocumentum; si quidem hæc proprietas est separabilis ab illa alijs etiam de causis, ut infra dicetur.

Accedit fore inæqualem conditionem lædantis, & læsi, si ex nocumento non satis deliberato resultaret obligatio aliqua restituendi. Quia qui læsit teneretur ad sustinendum cum deliberatione perfecta nocumentum materialiter æquale; nocumēto alterius non satis deliberato; & ob delectationem, vix perceptam teneretur ad sustinendum dolorem, qualis consequitur ad perfectam deliberationem iacturæ; hoc est ad dolorem non modo multo maiorem delectatione intra eandem speciem; sed etiam genere diuersum. Quæ inæqualitas est contra rationē iustitiæ & inducit nullitatem contractus.

Difficultatem facessit aduersus hæc, quod ex paruis læsionibus plenè deliberatis, & sæpè repetitis resultare potest obligatio grauis restituendi siue vnus vni, siue vnus pluribus, siue plures vni nocuerint; idque etiā si, quod fieri potest, totum nocumentum illatū fuerit nullo interueniente peccato lethali, vel ob ignorantiam inuincibilem existentem in vnoquoque lædente de læsionibus cæterorum; vel ob defectum cooperationis respectu cæterorum; vel ob inaduertentiam actualem priorum læsionum; dum committerentur posteriores. Alias enim posset accidere

eidere, ut inferretur proximo cum perfecta deliberatione ingens nocumentum centum v.g. millium aureorum, similiterque in honore & salute absque ullo onere restituendi; quod non est dicendum, neque vltus vnquam ausus est dicere in omnibus vniuersimpropositis casibus. Quod autem peccatum lædētis sit veniale, vel ex defectu deliberationis, vel ex defectu alicuius aduertentia actualis, aut cognitionis circa aliquid aliud distinctum ab actione præsentis, nihil interesse videtur. Quæ enim perinde se habent ad venialitatem, vel gravitatem iniustitiæ, perinde quoque se habeant necesse est in ordine ad leuitatem vel gravitatem obligationis restituendi; cum sit eadē prorsus obligatio reparandi damni iam illati, & non inferendi damnum. Ergo leuitas peccati iniustitiæ proueniens ex defectu deliberationis non excusat saltē semper, ac necessario ab obligatione graui restituendi.

Pro dissoluenda ista difficultate, & ijs omnibus exactè exponendis ac determinandis, quæ tanguntur in ipsa agnoscendum, imprimis est ab omnibus magnum discrimere quoad concitandam iram, & perturbandam mutuam pacem inter peccatum iniustitiæ leue ex defectu deliberationis, & id quod leue quidem est, sed cum perfecta deliberatione commissum est. Plus enim mouet ad iram si quis cum perfecta deliberatione eripiat ab aliquo vnum iulium; aut eum dicat non admodum prudentem, aut pugno percutiat, quam si semisomnis aut semicubrius comburat segetes in magna copia, appellet fatuum, aut mutillet. Dictum autem est supra quæst. 27. iniustitiam, & obligationem restituendi mensurandam esse ex vi cogitandi iram, & perturbandi pacem, si non

fiat restitutio, aut fiat iniuria. Nulla igitur est consequentiæ ratio in difficultatē modo proposita, idque faciliè conijcere quisque potest à priori ex fundamentis prius positis.

Consideranda deinde sunt singula seorsim, quæ assumuntur in antecedente. Continent enim difficultates diuersas, nec pendentes ab eadem penitus ratione. Primum itaque, si vnus vni per minutas læsiones sæpè repetitas & moraliter vnitas inferat graue demum nocumentum, & admodum ægrè ferendum a patiente; tenetur sub lethali ad restituendum tamen si non peccauerit lethaliter. Tenetur verò ex contractu simpliciter inuoluntario actualiter hic & hunc; valido tamen per mutuum absolutum lædenti, & læsi consensam ex suppositione eiusmodi læsionum cum plena circa singulas deliberatione. Qui enim sic lædit, habet, quoties lædit, voluntatem superaddendi omni suæ anteriori obligationi eam patienti eam, quæ confurgit ex noua læsione. Undè cum accedit ad nouam læsionem, quæ ultimo completur grauitas nocumenti, & qua proinde grauitèr peccaret, si meminisset actualiter læsionum antecedentium, habet voluntatem superaddendi sibi obligationem ultra omnes obligationes præcedentes, & illis superaddita imponit sibi obligationem grauem restituendi. Nempe imponit obligationem reparandi nocumentum graue conceptam, & acceptatam cū perfecta deliberatione, & quantum fert materia contractus.

Explicatur hoc, & confirmatur exemplo paruarum promissionum. Quia si quis sæpius promittat Iulium alio atque alio tempore, & cum diuersa occasione, atque mo-
tuo

quo promittendi immemor priorum promissionum, dum facit posteriores promissiones; tenetur proculdubio sub lethali ad adimplentionem illarum, cum ventum fuerit ad magnam summam pecunie promissæ. Quod non alia profecto de causa verum est, quam quia quoties promittit de nouo, vult nouam sibi obligationem adijcere, erga promissar. ultra omnem obligationem antecedentem. Si enim non haberet voluntatem adijciendi nouam obligationem, sed solum renouandi obligationem præcedentem, post quamlibet nouarum promissionum multitudinem, deberet solum illum iurium ad quem se obligauit per primam promissionem. Similiter ergo contingit in præsentibus. Constitit nimirum superius dari eiusmodi contractum, vltro citroque acceptatum in omni actu iniustitiæ; & patet eum esse validum quando adest perfecta deliberatio. Peccatum itaque veniale iniustitiæ, tunc solum inducit obligationem grauem restituendi, cum includit in se contractum validum reddendi quantitatem notabilem, seu sufficientem quantum est de se ad peccatum lethale. Vnde n'h l. deducitur pro simili obligatione, ex contractu contento in peccato, quod est veniale ob defectum deliberationis. Quia hic defectus impedit valorem contractus, quoad vltimum eius complementum, quod adijcit voluntas iniusta nocendi. Pro intelligentia porro huiusmodi contractus, eiusque inuitabilitate quoad omnes, & singulas partes respectu lædenti, iniuste, obseruanda sunt diligenter, quæ dicta sunt in illa quaest. 25.

Eadem ferè ratione contrahit obligationem grauem restituendi, qui per leues singulorum ciuium lésiones spoliât communitatem, quantitate notabili, ex. g. qui vendendo vi-

num aut triticum aufert singulis ementibus ex mensura æstimationem oboli, atque inde congerit triginta aut centum scuta ultra iustum pretium; aut componit libellum infamantem leuiter singulos communitalis; sed eo genere infamiae, qua serpente per singulos absque vlla exceptione, cõmunitas redatur notabiliter contemptibilis, aut minus æstimabilis quam esset antea; aut simile quid perpetrat in negotio salutis, ij inquam contrahunt obligationem grauem restituendi; tametsi quod, difficillimum est, vt accadat, nec ab initio conceperint propositum infædendi eo modo nocumentum notabile cõmunitali; neque dum exequuntur posteriores læsiones leues, quibus nocumentum cõmpletur in ratione grauis ac notabilis; meminerint priorum læsionum, nec de illis diuertauerint, ideoq; numquam lethali ter peccauerint; dummodo in singulis læsionibus, aut erga singulos peccauerint venialiter cū plena deliberatione. Probatur eadem ratione, quæ adhibita est pro euentu præcedenti. Nam qui lædunt hoc pacto, habent quoties lædunt voluntatem superaddendi nouam obligationem omni suæ anteriori obligationi erga cõmunitalitatem, ideoque cum postremo peccant, consentiunt obligationi circa materiam grauem, quantum ea materia est capax. Est verò capax eo ipso obligationis sub lethali; atque hæc obligatio contrahitur valide, & acceptatur, vt liquet ex eadem quæ st 25.

Mirum itaque non est, si etiam in hoc posteriori euentu consurgat obligatio grauis restituendi ex solo peccato veniali plene deliberato; tametsi talis obligatio resultare non possit ex vilo peccato, quod est veniale ex defectu, deliberationis, quandoquidem

illud

Illud peccatum continet in se contractum, validum de re graui; istud verò inuolidum. Apparet igitur clarè quantum intersit quò ad istos duos casus inter venialitatem iniustitiæ prouenientem ex solo defectu deliberationis sufficientis ad lethale; & venialitatem aliundè prouenientem; & quam sit ratio discriminis a priori inter vtrunque, hoc extremum quoad obligationē restituendi; nec perindè se habere quoad istam in genere, quæcumque perindè se habet quoad illam in genere;

Observandum autem est circà istum posterioriorem euentum vnius leuiter lædētis singulos communitatis, & indè grauiter ipsam communitatem, quantitatem nocuenti debere esse multo maiorem; quam si vnus vni noceret. Quia vt plurimum & per se, plus afficiuntur homines erga propria, quàm erga communia, & magis perturbantur ac mouentur ad iram nocumento æquali proprio, quam communitatis. Quapropter quantitas nocuenti illati communitati modo dicto sufficiens ad inducendam obligationē grauem restituendi, oportebit, vt sit tanta, quanta sufficit, ad commouendum & excitandum tantumdem ad iram communitatem, & singulos in illa contentos prout contentos in illa, quantum vnusquisque commouetur, & excitatur quantitate nocuenti proprii, & particularis; quam superius dictum est sufficere ad peccatum lethale respectu cuiusque seorsim sumpti. Quod si ij quorum singuli leuiter læduntur, nulla societatis colligatione sunt specialiter inuicem coniuncti, sed ita affecti: vt nullus doloris & iræ sensus, aut vix vllus tangat singulos de nocumento cæterorum; & hoc nocumentum tale sit, vt indè non resultet aliud rursus
nocu-

nocumentum graue aduersus personam determinatam, vel aduersus alios societate ciuili specialiter coniunctos; nulla aut vix vlla quantitas damni inde confurgens sufficit ad peccatum lethale, aut ad grauem obligationem restituendi. Quia eo ipso cessat ratio grauis iniustitiae supra explicata ex D. Thoma quaest. 27. Vnde pro hoc euentu approbata venit opinio vniuersaliter asserta ab Angelo Medina, & Nauarra, atque vniuersaliter reprobata tanquam improbabilis à ceteris cum de Lugo disp. 15. sect. 3. nu. 48. cum tamen neque hanc censuram mereatur pro isto postremo euentu, nec illam approbationem nisi pro eodem. Verum tales euentus prout hic propositus est, videtur moraliter impossibilis. Certè exempla abominationis diuinæ aduersus ledentes per paruas lésiones adhibetur prouerb. 11. & Deuter. 25. solum in statera dolosa & ponderibus diuersis, quorum vsus complectitur, vt patet etiam directe concine ledentis, vel saltem eos, qui inter se tales sunt. Videatur Cardinalis cum istiusmodi obseruatione ac distinctione.

Vltimus euentus indicatus in difficultate, de cuius expositione agitur, de pluribus noceantibus vni seu personæ, seu communitati dupliciter contingere potest. Primo ita vt omnes communi consilio inferant nocumentum magnum iuvantibus singulis, reliquos impellentibus consilio, nutu, aut exemplo; vel reddentibus seu absolute, seu magis inimpedibiles eosdem a concursu simultaneo ad nocendum, tamen si singuli exiguum nocumentum per se ipsos immediate exequantur. Et tunc omnes & singuli lethaliter peccant tenentur, ut ad reparandum totum, & damnum in defectum ceterorum. Quia tunc singuli

singuli sunt causa totius damni totalitate & effectus, licet non totalitate causæ. Vnde ex hoc modo lædendi nulla est difficultas; pro re præsentis, neque est vlla apparentia paritatis pro ea u indehberatio. is. Fieri secundum potest. ut nullus seorsim. & secundum se leuiter nocentium habeat notitiam similiū læsionum, quas ceteri exequuntur; vel ita se gerat vnusquisque, tamen si habeat eā notitiam, ut nullo ex dictis modo, vel etiā aliquo alio æquiuasēti ceteris cooperetur formaliter, sed tantum purē materialiter, & per accidens: ut si aliqua multitudine iniquē devastante vineam Caij, aliquis alius fureretur obolum in domo eiusdem, vel racemum; ex alia eiusdem vinea. Et si quidem hoc modo res euenerit, non tenetur sub lethali ad restitutionem, qui sic executus est paruam læsionem. Quæ est communior auctorum sententia quam docet Cardinalis de Lugo, & multipliciter suadet ab incommotis oppositæ opinionis; quam tamen tradunt non pauci, nec ignobiles auctores apud eundem ubi supra.

Ratio à priori quoad vtramque partem huius resolutionis reddēs discrimen itidem à priori inter illas est. Quia vnusquisque iniuste lædens alterum eo modo paciscitur cum illo de reparando damno, quo modo damnum infert, ut colligitur ex sæpe citata quæst. 25. utpote ex qua hæc omnia pendēt. Igitur qui damnum infert iniusta cum reliquis nocentibus societate nociva, eo ipso cōsentit comuni obligationi ad reparandum totum damnum à se simul cum ceteris illatū. Voluntas enim sese inuicem iuvandi, indiuisim est voluntas sese inuicem implicandi obligationē reparandi totum nocumētum; perinde omnino, atque si omnes & singuli nocentes

centes dicerent patienti; nos tibi totū istud nocumentum reparabimus; atq; patiens cōsentiret in totum nocumentum, sub ea conditione; aut certē absque isto consensu in nocumentum, vti semper accidit respectu iniuste nocentium, acceptaret promissionē reparationis. At qui nocet, quando alij nocet, aut postquam illi nocuere, seu ad nocendum sunt parati nulla, cum illis inita societate, nullaque facta conuentione nociua cum iisdem, nullatenus consentit obligationi reparandi totum damnum. Quia nullum celebrat contractum reparationis sibi & ceteris nocentibus communem cum patiente damnum; sed perindē omninō se habet atq; si ceteris paciscentibus expressē, & in particulari de magna quantitate, ipse seorsim pacisceretur de solo obolo, vel racemo, siue conscius, siue non conscius, pacti per alios initi. Patet igitur ex neutro modo nocendi peccando venialiter cum plena deliberatione quidquam inferri posse pro simili obligationi graui ex peccato veniali ob defectum deliberationis, atque consurgere posse grauem obligationem restituendi ex peccato veniali iniustitiae si hoc insuper contineat consensum, vel implicitum, vel explicitum, in talem obligationem.

Supereff tamen adhuc alia difficultas eodem pertinens, & egens explicationis peculiaris. Videretur nimirum oriri saepe obligationem non solum leuem, sed etiam grauem restituendi ex culpa leui, imō & leuissima, idque non vi contractus tantum, aut officij atque consilij, de quibus apparet in utroque iure ita expressē dispositum esse, sed etiam seclusis his circumstantijs, vt colligitur ex capite ultimo de iniurijs, vbi Gregorius IX. dicit *imperitiam, & negligentiam non excusare*
 Et repa-

(à réparation videlicet damni dati) *sed solum nihil de contingentibus omisisse*. Quæ profecto est diligentia opposita culpæ leuissimæ. Culpæ autem levis, & leuissima non sufficiunt ad peccatum lethale. Ergo absque peccato lethali, datur grauis obligatio restituendi; neque id omne excusat ab hac obligatione, quod excusat ab eo peccato, tametsi ex circumstantiis non interuenerint, quæ in superiori discursu ponderatæ sunt pro consensu grauitè obligati in obligationem grauem.

Pro intelligentia huius textus exponenda in primis sunt culpa lata, levis, & leuissima. Culpa lata cõmuniter definitur omisio eius diligentia, & circumspectionis, quam plerumque homines eiusdem conditionis adhibere solent; ut si liber commodatus foris antè ostium relinquatur. Culpa levis est omisio eius diligentia & circumspectionis, quam diligentiores illius artis & professionis adhibere solent; idest qualis plerumque non adhibetur. Leuissima verò culpa est omisio eius diligentia, quam non nisi diligentissimi, & prudentissimi adhibere solent; idest qualis non adhibetur nisi admodum raro. Potest hoc ipsum paulo aliter exponi in hunc modum. Culpa lata est omisio eius diligentia, ad quam omissionem plerumque ac ferè semper consequitur damnum, seu interitus rei: nec prudenter sperari potest consecuturum non esse. Culpa levis est omisio, ad quam non ita frequenter consequitur damnum, seu interitus rei; atque prudenter sperari potest, licet cum aliquo timore consecuturum non esse. Leuissima culpa est omisio, ad quam rarissimè cõsequitur damnum, seu interitus, nec prudenter timeri potest consecuturum esse. Verum standum potius est, prioribus expositionibus ac vocibus quæ

quæ videlicet subiuntelliguntur apud omnes auctores, dum nominant triplex istud culpæ genus.

Observandum deinde est, cum Cardinali de Lugo, eandem omissionem, quæ in vna materia, & respectu vnius personæ obligatæ ad diligentiam adhibendam est culpa levis aut etiam leuissima; in alia & respectu alterius esse latam; nec easdem omissiones pro omnibus rebus, & personis pertinere ad eundem culpæ gradum ac genus. Quia prudentes, & prudentissimi homines pro diuersitate rerum, & status sui diuersam diligentiam, & circumspectionem adhibere solent. Nec enim eadem diligentia custodiuntur à prudentibus gemmæ, & globuli vitrei, sed ommissio diligentie quæ pro custodia vitri esset levis culpa, pro custodia gemmæ esset culpa lata, & sic de alijs eiusmodi. Et quidem pro culpa Theologica, & foro interiori obseruandum omnino est istud rerum, & personarum discrimen. Constat enim non leuiter peccaturum esse qui non adhiberet maiorem circumspectionem, ac diligentiam, quando adest periculum occidendi hominem, quam quæ sufficit ne peccet, quando adest periculum occidendi canem, aut equum alienum. Pro culpa igitur Theologica graui, aut leui ponderandæ sunt necessario conditiones personarum, & rerum.

At Iuristæ pro culpa iuridica, & foro externo non obseruant vsque adeò istas differentias, sed eandem omissionem, dicunt culpam seu latam, seu leuem, seu leuissimam, circa quamlibet rem, & relatè ad personas cuiuslibet promiscuè conditionis. Vnde dicere solent commodatarium, ex.g. si contractus cedat in commodum domini teneri ad restitutionem solum ex culpa lata; si in com-

commodum solius commodatarij teneri etiam ex culpa leuissima; si in commodum vtriusque commodantis scilicet, & commodatarij teneri ex culpa lata, & leui; non verò ex culpa leuissima, & sic de similibus iuxta legum ciuiliū dispositionem pro foro externo.

Dicendum iam est ad difficultatem propositam. Vbi omissio diligentie vacat culpa lethali, ideoque non datur culpa lata respectiua; hoc est spectata rei & personæ conditione; nunquam datur obligatio grauis restituendi, nisi forrè ob repetitum sæpè peccatum veniale plenè deliberatum iuxta dicta circa difficultatem præcedentem, aut ob contractum validum quo quis implicite vel explicite se obligauerit specialiter ad præstandam summam diligentiam, & ad reparandum damnum ex culpa etiam leuissima secutum. Quæ duæ exceptiones ab omnibus admittuntur. Prior quidem de peccato veniali sæpè repetito ob ea quæ superius dicta sunt, circa prædictam anteriorem difficultatem. Posterior verò de contractu speciali, quia per contractum speciale potest quis se obligare valide, prout libet, ad reparandum damnum etiam purè fortuitum, & eueniens absque vlla prorsus culpa, seu Theologica, seu legali.

His igitur prætermiſſis suadetur assumptum. Quia omnis obligatio restituendi ducit originem ab hominum mutua inter se, & conuentione vniuersali. vt sæpè dictum est ex doctrina quæst. 25. confirmanda vltèrius infra. Fieri autem non potuit, vt omnes in hoc vniuersaliter conuenirent, vt ex vniuerso peccato veniali resulkaret grauis obligatio restituendi. Quia peccatum veniale est de genere malorum moralitèr inuitabiliū

& quilibet facillimè incidit specialiter in illud, quod in omissione diligentiae consistit. Diligentia namque contraria requirit attentissimam plurimarum circumstantiarum observationem, & præcautionem. Restitutio è conuerso, quæ est materia obligationis grauis, est opus difficile ac arduum, cuius grauamen plerisque homines male vexat; Non potest autem omnibus hominibus vn̄uersaliter, ac vniformiter placere, vt sit facilè, ac penè inuitabile incidere in obligationem vsque adeò grauantem, & cui difficillimè satisfiat; maxime cum ex eiusmodi obligatione vniuersali prouentura minimè foret vnicuique spes indemnitis in bonis suis, æqualis periculo magni grauaminis. quandoquidem posita etiam eiusmodi obligatione adhuc peccatum veniale negligentiae foret vitatè difficilè, & restitutio itidem difficilis. Quotus autem quisque est, qui velit spem coniunctam cum periculo valde præponderanti? connaturalius igitur fuit, & conuenientius, vt omnes in eam voluntatem conuenirent, quæ reputarentur, tanquam malum purè fortuitum, quod ex veniali omissione, diligentiae processisset in materiam graui. Facilius nimirum est patientem esse in tolerando damno proprio adueniente extrinsecus per leuem alterius iniuriam; quam diligentem esse in reparando damno alieno ex bonis proprijs.

Quapropter in capite illo ultimo de iniurijs nomine imperitiæ, & negligentiae intelligitur peccatum lethale, vt asserunt Lessius, & alij. Nec nomine contingentium intelligitur indiscriminatim quiduis absolute possibile euenire, sed quod frequenter con-

vniversale, hoc specialiter persuadet quod suggerit ibidem Pontifex: *scire debuisti ex facto tuo iniuriam verisimiliter posse contingere.* Nec minori cum fundamento subintelligitur culpa lethalis in Can. *Consulisti* 2. quæst. 4. ubi agitur de homicidio parentum collocantium secum in lecto filios tenellos, unde eorum suffocatio, ac oppressio facile consequatur. Iam leges civiles præcipientes in nonnullis casibus reparatione damni secuti ex culpa leui, aut etiam leuissima, vel sunt accipiedæ, vt vult Cardinalis de Lugo, de culpa absolute quidem leui, aut leuissima, sed quæ respectiue sit culpa lata, & coincidat cum peccato lethali; vel potius dicendum est cum Soto, Lessio, & alijs eas leges non obligare in conscientia ante iudicis sententiam; idque eadem fere ratione, qua idem in simili dictum est quæst. 26.

Adde fieri non posse, vt omissio diligentie in re graui, & capaci quantum est de se grauis obligationis, sit venialiter tantum peccaminosa, nisi ex defectu deliberationis sufficientis quantum est de se ad lethale. Si enim sufficienter aduertas ex tua diligentie omissione graue nocumtum imminere proximo, teque teneri ad eam diligentiam peccas utique lethalius eam omitendo. Absurdum namque est dicere te nonnisi leuiter offendere proximum ea diligentie, ad quam ille habebat ius, omissione perfecte deliberata, quæ ipsi creat iuramentum centum millium aureorum, aut regni. Si autem desit deliberatio sufficiens ex se ad lethale, est ille ipse casus de quo ab initio disputatur, ideoque nulla in auctoritatibus propositis adducitur difficultas specialis. Concluditur igitur postremo nunquam
ex.

ex peccato veniali iniustitiæ resultare, & posse obligationem grauem restituendi, nisi actus quo peccatur consentiat cum plena deliberatione in obligationem grauem; posse vero si in illam ita consentiat modo superius explicato.

Vnde patet ad rationem dubitandi quia licet obligatio non nocendi, & obligatio reparandi damnum spectent ad eandem virtutem, & pendeant ex eodem iure; potest tamen variari obligatio ex voluntate nocentis imponentis sibi obligationem impostum maiorem quam sit illa, ad quam aduertit explicite, cum committit peccatum iniustitiæ; atque variata suppositione, variatur opus pertinens ad iustitiam, & exactum à iure.

QVÆSTIO XXXIII.

Vtrum necesse sit, & sufficiat restituere quantum ablatum fuerat?

DE TVR nec semper id esse necesse, nec semper sufficere. 1. quia fieri potest, ut tempore intermedio post iniuriam illatam, & antequam fiat restitutio, mutetur fortuna læsi, aut lædentis, aut vtriusque; nempe ut qui tunc erat diues, postea sit pauper, aut è contra. Atque ex vtriusque capite subsequitur inæqualis obligatio respectu cuiusque.

2. Qui læsit iniuste ultra restitutionem rei ablatae tenetur præterea reponere quantum

quantum sufficit ad sedandum dolorem patientis prouenientem ex iniuria ultra eum qui consurgit ex re amissa. Quia ad id cogunt iudices per sententiam. Quod esset iniquum, si ea obligatio superogandi non resultaret ex formali lædenti iniustitia. Necessè igitur est, ut iniuste accipiens restituat ultra id, quod ablatum fuerat.

R. Certum imprimis est ex dictis supra ratione rei acceptæ debere restitui totam rem, quæ accepta fuit, siquidem tota superfit; sin minus quatenus extiterit vel in se, vel in suo effectu. Effectus autem rei sunt tum res accipientis, cuius loco consumpta est res accepta, quæque consumenda erat, si hæc illi substituta non fuissent. Quia nemo per damnum alterius locupletior fieri debet. Tum fructus prouenientes ex re accepta, siue percepti iam sint, siue pendentes, quia res quælibet domino suo fructificat. Eius videlicet est virtus fructifera cuiusque rei, & quidquid in ea casualiter continetur, cuius est ipsa res.

Porro inter fructus restituendos censentur non solum purè naturales, seu qui spontè proueniunt nulla aut vix vlla concurrente industria, aut labore, ut fœtus animalium, & arborum poma; sed etiam mixti, seu ad quos æqualiter, aut fere virtus naturalis & industria, aut labor concurrunt; idque siue natura præualeat, ut in segetibus, vino, oleo & similibus, qui à Theologis dicuntur fructus naturales; siue præualeat industria, ut in pretijs rerum locatarum, & similibus, quæ à Iurisperitis dicuntur fructus ciuiles. Verum fructus mixti, non nisi deductis expensis, & æstimatione laboris, restituuntur. At fructus purè industriales, seu quorum res ipsa ferax non est de
se

se, sed sola hominis industria parit. licet, ad illos deferuiat res aliena tanquam instrumentum, non subiacent obligationi restituendi; sed fiunt etus, qui adhibet industriam, siue bonæ, siue malæ fidei possessoris fuerit. Quia sua unicuique industria utilis esse debet. Vnde ad dominum rei solum pertinebit quantum æstimabitur usus eiusdem rei, seu instrumenti.

Certum deinde est omnia eadem debere restitui ratione iniustæ acceptionis, seu læsionis; idque non tantum quatenus extiterint in se, vel in suo effectu, verum etiam si interierint, nec ullam inde cæperit utilitatem realem, qui nocuit. Quia nemini debet nocere iniquitas alterius in rebus absolutè suis. Quapropter qui iniuste læsit, debet præterea restituere omne lucrum cessans, & damnum emergens secundum prudentem æstimationem spei circa utrumque omnibus hinc inde consideratis. Idque debet siue lucrum cessans, & damnum emergens contineatur in eodem illo genere bonorum, in quo læsio directe facta fuit, siue in diuerso. Omnium namque indiscriminatim reparationem esse debitam, ratio data æque persuadet, dummodo nocumentum consecutum sit ex actione iniusta; nec illud erat aliunde nihilominus euenturum absque cuiusquam iniustitia. Nempe res similiter interitura apud dominum, nemine etiam ipsum iniuste ledente, nullius est pretij. Dicitur autem nemine iniuste ledente, quia nocumentum illatum ab vno, inferendum fuisse ab altero; nihil excusat lædentem de facto. Is enim de facto in se suscipit onus restituendi, quod similiter ad alium pertinisset, si alius de facto læsisset, ut contingit in re empta ab aliquo, quæ
vel

vel facultas eam destruendi emenda fuisset ab alio. Dictum nimirum est supra quæst. 23. perinde commutationem utrobique interuenire, quod ad hoc punctum attinet.

Difficultas igitur solum superest an qui iniuste læsit, teneatur præterea ad aliquid ratione culpæ. Respondet cum distinctione. D. Thomas quæst. 62. art. 3. ante sententiam quidem iudicis sufficere si restituatur quantum iniuste ablatum fuerat; post sententiam verò iudicis consurgere insuper obligationem in conscientia id adiiciendi, quod iudex censuerit. Subdistinguit ibidem Caietanus, Vel pœna stabilita per legem indiget ad executionem sui aliqua actione, ut mutilatio, verberatio, & similia: vel nulla præterea indiget actione, quia in sola priuatione consistit, ut excommunicatio, suspensio, interdictum & similes. Prior pœna ait non obligat in conscientia ante sententiam iudicis; posterior obligat.

Verum subdistingtio ista Caietani tangit punctum latius patens, quam sit hoc de quo hic agitur, & agit ibi D. Thomas. Datur nimirum leges pœnales non solum aduersus actiones iniustas, & offensiuas proximorum in suis iuribus, sed etiam aduersus alia peccata nihil nocentia proximis vel non nocentia aduersus ius, & iustitiam. Deinde non est vniuersaliter vera ea doctrina, quia lex spolians in pœnam iuribus circa bona pecunia æstimabilia non indiget ad sui executionem vlla actione positua, nec tamen obligat in conscientia ante iudicis sententiam. Præterea D. Thomas non agit de qualicumque pœna actionis iniustæ, sed de ea tantum, quæ imponitur in fauorem iniuriam passi, ut ipsi satisfiat, & tollatur ex eius animo offensio

præconcepta superaddendo poenam cedentem in eius utilitatem, & lucrum; pro qua re adest ratio specialis independens ab universali legum poenarum consideratione.

Nepè offensionē, & perturbationē animi, quā iniuste passus est qui passus est iniuriā, nō esse cōpensabilem ad æqualitatē, uti paulo post ostendetur, sicut est compensabilis ad æqualitatem iactura bonorum; quæ ablata fuere per injustam actionem. Ergo satisficit obligationi iustitiæ antecedenti sententiam iudicis, & consequenti ad iniuriam ex natura rei constitutā æqualitate inter ablatum, & restitutum, acque de reliquo quoad compensandam offensionem animi, & rationem formalem iniuriæ standum est arbitrio iudicis, nec est vlla ante eius sententiam obligatio specialis restituendi, ac superaddendi ultra quantitatem nocimenti illati in bonis exterioribus; quandoquidem in nouo Testamento nulla datur lex diuina aut humana de superaddenda determinata aliqua quantitate pro offensione animi, & ratione formali iniuriæ ut aduertit D. Thomas ad primum; atque hæc est legitima quæstionis propositæ resolutio: sufficere nimirum si tandem restituitur quantum ablatum fuerat, dum nihil ultra præcipit Iudex.

Ad 1. Constat ex quæst. 30. & 31. ex neutro illo capite variari quantitatem singulis debitam. Qui verò ex utroque vel altero docent illam variari hoc insuper difficultatis habent aduersus se, ut componant eam suam sententiam cum doctrina modo tradita quæ est communis, & indubitata, apud omnes.

Ad 2. patet ex nuper dictis cum D. Thoma, & videri insuper possunt quæ in eam rem

rem dicta sunt quæst. 23. circa differentiam inter restitutionem, & satisfactionem propriè talem.

QVÆSTIO XXXIV.

Utrum Restitutio facienda sit iuxta existimationem nocentis

IDETVR obligationem plus, vel minus restituendi nunquam pendere ab æstimatione nocentis. 1. Quia hoc est discrimen virtutum quæ versantur circa passionēs, & earum quæ versantur circa operationes; ut obligatio illarum mensuretur existimatione operantis, istarum verò nequaquam. Quia virtutes quæ versantur circa passionēs intendunt medium rationis; quæ verò circa operationes medium rei secundum se ut dictum est quæst. 9. Ergo quantitas restituenda semper, & vnicè dependet ab inæqualitate causata à parte rei, nec potest vnquam variari propter varietatem præexistentem in existimatione, & iudicio nocentis.

2. Si quantitas restituenda aliquando esset mensuranda dependenter ab existimatione nocentis, semper deberet taxari iuxta eandem. Quia lex restitutionis semper est vna, & eadem. Sequela autem est absurda apud omnes.

R. Non est dubium, quin si quantitas nocuenti reipsa illati fuerit minor, quam existimauit, qui nocuit, non teneatur is ad

restituendum iuxta suam æstimationem, sed præcisè quantum re ipsa nocuit. Quia hoc solum restituto constituitur æqualitas intentæ per iustitiã, & ad nihil ultra æqualitatem tenetur ex iustitiã, loquendo per se, & nisi error præius perseveret. Quando autem euentus nocumenti superat inculpabilem existimationem nocentis, non conveniunt auctores circa quantitatem restituendam.

Cardinalis de Lugo respondet post alios non paucos cum distinctione; vel enim nocumentum superans existimationem nocentis fuit realiter indistinctum ab eo, quod præcognovit, qui iniuste nocuit, ut si proiecit in mare gemmam alienam existimans esse vitrum, & sciens esse alienum quidquid esset. Vel fuit idem nocumentum realiter distinctum, & resultans deinde præter opinionem; ut si combussit segetes, & inde factum est, ut combureretur etiam domus præter omnem opinionem, & suspicionem comburentis, segetes. In priori euentu docet deberi restitutionem iuxta quantitatem nocumenti re ipsa illati: in posteriori vero non nisi quatenus præsumsum fuit. Reddit rationem discriminis, quia qui proiecit gemmam, tamen si existimet esse vitrum, vult re ipsa proicere gemmam, & volitione executiva vult perdere, quod habet in manu quidquid illud sit. Ergo tenetur ad reparandum damnum, quale re ipsa fuit, quia sic re ipsa voluit. Qui verò apposit causam damni re ipsa subsequuturi ignorans invincibiliter illud esse subsequuturum, nec realiter, nec formaliter vult damnum re ipsa subsequutum; nec illud magis amplectitur volitione executi-

na, quam intentiva; sed respectu utriusque se habet mere per accidens; & moraliter perinde æstimatur, atque si nocumentum omnino inopinatum, & distinctum realiter ab eo, quod præsum est, non esset re ipsa subsequutum.

Verum hæc ratio discriminis nequaquam satisfacit. Quia ignorantia quoad vim damnicandi perinde omnino est, atque ignorantia quoad valorem rei. Tota namque vis damnicandi est indistincta realiter ab actione, seu re nociva inferente re ipsa maximum nocumentum, non minus, quam sit indistinctus maximus valor à re plurimum valente in seipsa. Quare si is qui perdidit gemmam, aut verum aurum æstimans esse vitrum, aut aurum falsum, tenetur ad valorem gemmæ, aut auri veri, similiter is qui dedit cibum re ipsa lethalem existimans inculpabiliter esse causatuum solius insomnij, aut levis doloris in capite, tenebitur de toto damno consecuto re ipsa per se ad mortem hominis. Nempe voluisse causam necessariam damni, perinde moraliter est, atque idem damnum immediate, & in se voluisse, maxime cum privatio boni sit indistincta à quolibet impossibili cum eodem bono, ideoque per se ipsum immediate priuet eodem bono pro eo tempore, pro quo est impossibile cum illo de quo alias; nec enim ad præsens multum refert præterquam ad hominem aduersus auctores distinctionis, quæ directe impugnantur.

Ratio igitur paritatis à priori independens ab ea opinione de privatione, desumitur ex eo quod ad æstimationem, & effectus morales actuum, tam bonorum, quam malorum perinde valet distinctio rationis,

atque distinctio realis, ut dictum cum D. Thoma aliorumque communi & indubitata sententia quaest. 2. de virt. Theol. & alibi non semel. Ergo damnum esse distinctum, realiter, vel indistinctum realiter ab eo damno, quod praemissum est, seu existimatum formaliter, nihil variare potest estimationem, & effectus morales actionum; sed quantitas praecisa per rationem à quantitate damni realiter subsecuti perinde reputabitur, atque si identificata realiter minimè cum illa fuisset: sicut reputatur ab omnibus quoad quantitatem seu magnitudinem malitiae actus.

Dicendum itaque est vniuersaliter in nullo euentu deberi restitutionem ultra quantitatem in ocenter existimatam à nocente, nullamque obligationem resultare ex quantitate damni, & valore rei inuincibiliter ignoratis ita, ut ne dubitauerit quidem de ulteriori valore, aut vi nociva.

Ratio est, quia inhumanum est, ut homines contrahant obligationem ex actione sua modo minimè humano. Obligatio autem consequens ad ignorantiam inuincibilem, contracta eatenus esset modo minimè humano, quia homo quatenus ignorat, nihil differt a bruto, & agente inanimato. Caret enim eatenus libertate, quae est discretiva humanitatis, & à qua pendent obligationes contrahendae per actionem propriam.

Confirmatur ratione superius indicata, quaest. 32. versus finem. Quia nemo creditur consentire in contractum maioris periculi, quam spei. Voluntas autem consentiens reparationi damni minimè praui, & superantis estimationem coniecit in maius periculum, quam spem. Grauius namque

que procul dubio est spoliare se scientem bonis suis in compensationem erogandis, quam iisdem ab alio ignoranter priuari. Quare communis hominum consensus antecedens euentus æque possibiles respectu cuiusvis, hic potius est, vt reputentur pro damnis purè fortuitis quæ ab aliquo minime existimante illata fuerint, quatenus inculpabilem existimationem, & opinionem nocentis excesserint, quam vt spem aliquam maiorem concipere, ac fundare voluerint non pariendi nocumentum inito contrario pacto.

Confirmatur rursus, quia nemo rationaliter irascitur aduersus nocentem cum ignorantia nocuenti quatenus ignorauit, ac proinde non ageret rationaliter cum eo, si hostiliter eatenus ageret cum eodem. Ageret autem hostiliter, si compelleret ad subeundum magnum damnum, pro placatione sui, nec aliter vellet redire ad pristinam pacem, ac beneuolentiam mutui. Quare ad rationem discriminis supra assignatam dicitur in actione, siue mediata, siue immediata plus nocente, quam putauit auctor actionis, excessum se habere purè materialiter quoad prudentem operis estimationem, atque ideo nullum eatenus effectum moralem specialem resultare; neque realem ignoti cum noto identitatem quidquam in contrarium valere.

Dictum autem est vniuersaliter neminem teneri ad reparandum damnum, quatenus fuit inopinatum, ac inexcogitabile seu non non timendum prudenter. Quia nullum quoad hoc admittendum est discrimen inter eum, qui nocuit putans quantitatem nocuenti esse sufficientem ad lethale, & eum qui putauit esse sufficientem solum ad veniale;

320 De damno existimato.


niale; cum vterque putauerit esse minorem, quam re ipsa fuit, nec de? opposito dubitauit, quod rarò cōtingere potest. Licet enim qui putauit quantitatem esse sufficientem ad lethale, eo ipso hostiliter egerit, ideoque meruisse videatur, vt etiam cum ipso hostiliter agatur exigendo ab eo quantum re ipsa nocuit. Quod meritum nequaquam inest existimanti quantitatem esse venialem. Hac nihilominus differentia, cui plurimum insistit Cardinalis de Lugo disp. 8. sect. 5. nulla ex parte labefactat vim superioris nostræ rationis vniuersaliter concludentis. Solum enim persuadet facilius, ac rationabilius condonari venialiter, quam lethaliter peccanti restitutionem quantitatis ab vtroque existimatæ. Si enim exigatur vltra existimationem, ac prudentem dubitationem, non hostiliter solum agetur, sed etiam tyranicè ac inhumanè.

Opponit Cardinalis paritatem ex incur-
sione pœnarum excedentium sæpè existima-
tionem peccantis. Sed retorquetur facile
& efficaciter paritas. Quia quantitas pœnæ
iustæ non potest excedere per se quantita-
tem culpæ formalis; nec culpa formalis po-
test excedere existimationem peccantis cir-
ca gravitatem culpæ. Ergo similiter quan-
titas rei restituendæ non potest excedere
per se quantitatem nocimenti existimatam
à nocente. Nempè restitutio correspon-
det nocumento proximi sicut pœna culpæ
quatenus imputabilibus; idque simili pror-
sus modo pro culpa, & nocumento siue le-
ui, siue graui. Quæ ipsa vniformitas quoad
leue & graue in pœna & culpa nocet spe-
cialiter intentioni Cardinalis volentis tueri
discrimen inter iniustitiam leuiter, & gra-
uiter peccaminosam; cum tamen æquè con-
tingat

tingat pœnam per accidens excedere culpam leuem ac grauem; neutram verò vnquã excedere possit per se. Quæstio autem præsens est de obligatione per se vltra nocumentum existimatum. Concluditur igitur quantitatem restituendam nunquam posse, esse maiorem inculpabiliter existimata; posse tamen aliquando esse minorem.

Ad 1. Dictum est eo in loco, & sæpè alias medium rei quod intendit iustitia; considerari relatè ad ius eius circa quem operatur ipsa iustitia. Ostensum autem est non competere ius patienti, vt sibi restituatur quantum re ipsa fuit nocumentum, quod passus est, sed quantum inculpabiliter existimauit, qui nocuit; Atque eatenus tenetur ad medium rei qui nocuit; neque si postea per nouum errorem restituat bona fide minus quàm existimauit quando nocuit, propterea liberatur à tota obligatione, sed teneatur supererrogare, eum primum innotuerit posterior error. Cuius nihil simile est in alijs virtutibus quæ versantur circa passiones.

Ad 2. Satis superque patet ex dictis supra ratio differentiæ ob quam qui minus nocuit quam putauit non debeat restituere quantum putauit, sed minus; non verò similiter plus debeat restituere, quam re ipsa nocuerit, qui minus nocuit quam putauit, ideoque, neque semper, neque nunquam standum sit mensuræ existimationis, quæ præluxit nocenti. Quia semper satisficit iuræ patientis si recipiat quantum amisit, & aliquando etiam si minus recipiat.



QVÆSTIO XXXV.

**Vtrum sola nocentis intentio possit
variare obligationem re-
stituendi?**

I D E T V R variare posse
1. Quia in materia aliarum
virtutum sola diuersitas in-
tentionis ex parte operantis
potest inducere dispares ob-
ligationes ex.g. si actio vtilis
alteri fiat animo benefico, obligat ad gra-
titudinem; si minus non obligat; idemque
apparet in pluribus alijs aliarum virtutum
exemplis quæ prosequitur latè Cardinalis
de Lugo disp. 8. sect. 6. Ergo id ipsum acci-
dere potest in materia iustitiæ. Nec enim
apparet vlla quoad hoc punctum differentia
inter ipsam, & alias virtutes:

2. Sola diuersitas intentionis efficere
potest, vt quis constituatur, vel non consti-
tuatur in ratione causæ moralis respectu
effectus consecuti ad eius actionem; vt pa-
tet in eadem tentatione denominante da-
monem vel hominem causam peccati ex te-
tatione suborti, minime verò Deum; quia
illi intendunt peccatum, Deus verò minime
intendit. Ergo eadem sola diuersitas inten-
tionis efficere poterit, vt aliquis sit causa
moralis nocimenti resultantis proximo ex
sua actione, tametsi non sit inductiua illius
ex sua natura. Causalitas autem moralis in-
damnum proximi inducit obligationem re-
stituendi. Quia ratione mouetur Vasquez.

3. Videtur insuperabile hanc in rem ar-
gumentum

gumentum desumi ex lege secunda §. *idem habeo ait. ff. de aqua pluvia arcenda.* exque ab ijs similibus præipientibus reparationem damni secuti, si tale damnum intentum fuit ab auctore operis, ad quod consecutum est, minime verò seclusa intentione damni. Unde hoc idem ut certum supponere videtur quamplures auctores apud Thom. Sanchez lib. 2. consil. cap. 1. dub. 5. recurrentes ad intentionem operantis, aut omittentis pro obligatione, aut de obligatione restituendi. Ergo dubitari non potest, quin intentio nocentis se sola sufficiat ad variandam hanc obligationem.

R. An intentio nocendi possit aliquando inducere, vel augere obligationem restituendi, non ad futuram, si illa non adfuisset, tamen si cætera omnia adfuissent eadem; maxime verò si adfuisset præcognitio possibili. Hæc s. nocementi coniuncta cum pe. satisfactione moraliter certum illud non esse subsequendum ad talem actionem; & tamen de facto subsecutum est ad ipsam? Affirmant, & negant graues, nec pauci auctores. Dicendum autem est intentionem nocentis se sola nihil ad rem facere, nec variare posse obligationem restituendi. Cui sententiæ fauent Thomas Sanchez, Lessius, Nauarra, Turrianus, & alij. Quia ius proprietatis unicuique conveniens respectu suorum bonorum tantum indirectè extenditur ad actus interius voluntatis, quatenus sunt causativi alius cuius actionis directè contradicentis eidem iuri. Ergo quando actio exercita, ex intentione utrunque alias mala, non fuerit contraria iuri alterius, ea intentio non erit mala malitia iniustitiæ, sed invidiæ, inimicitie, vel alterius similis vitij. Confirmatur quia sola diversitas intentionis non potest efficere,


re, vt defit æqualitas bonorum, per iustitiã intentã, vt per se patet. Ergo non potest facere, vt actio exterior, alias non futura iniusta, sit iniusta, adeoque inductiua obligationis restituendi; hoc est vt sit inductiua inæqualitatis, & obligationis reparandi æqualitatem.

§ Ad 1. Hoc est discrimen inter iustitiã, & alias virtutes morales, vt illa in medio rei, ista in medio rationis consistant, vti expositum est quæst. 9. eamque medietatem respicit iustitiã relatè ad ius alterius, eoquẽ solo eam meretur; cum alia virtutes alijs rationibus nitantur. Peruersitas autem intentionis solùm recedit à medio rationis, quando seclusa intentione, nulla est iniustitia in actione secundum se, tametsi fiat cum perfecta alias rei ipsius cognitione, ac deliberatione, nec intentio secundum se præcisè considerata subest iuri alterius, vt per se patet. Alia virtutes respiciunt alia motiua, & medietatem aliam variabilis ex intentione operantis, ad quam etiam immediatè & secundum se referuntur. Nulla igitur est paritas obiectionis.

Ad 2. Distinguitur antecedens, sola diuersitas intentionis efficere potest; vt quis constituatur in ratione causæ moralis iniuste agentis formaliter, negatur antecedens; agentis contra caritatem amicitiam, beneuolentiam, misericordiam, & similes virtutes conceditur antecedens. Ratio discriminis patet ex fundamento veritatis, & ex responsione ad 1. Comparatio illa Dei & dæmonis, aut hominis nihil vrget. Quia illud discrimen non oritur ex sola diuersitate intentionis, sed etiam & maximè, atque radicaliter, quia dæmon & homo tenentur ad non tenendum; Deus verò non tenetur, vt non

tentet eo modo & sensu quo id illi est possibile; ideoque illis tribueretur peccatum secutum ex tentatione, tametsi illud minimè intendissent, sed tantum contempnissent secuti, alia motiua.

Ad 3. Leges illæ civiles nihil continent contra conclusionem positam sub terminis quibus ea notificata est, & sub quibus examinatur à Theologis quæstio præsens. Quia Iurisperiti non respiciunt ad intentionem purè internam secundum se; sed ad actionem vel omissionem, quæ talem intentionem necessariam præsupponit per se. Talis autem, seu actio, seu omisso est iniusta ex se, & inducitur obligationis restituendi, tametsi absit intentio formalis nocendi. Quia est inducitur damni alieni, vel absque villo commo- modo proprio, vel cum eo commo- do, quod est contra ius alterius. Nemo enim nisi per accidens ex præsumptione bene fundata, grauat per leges quando facit aut omittit id ad quod secundum se habet ius; hoc est id, in quo faucht ipsi leges, quamcunque nemum intentionem gerat purè interiorem actione exteriori existente conformi ad leges quoad omnia exteriora secundum se. Auctores verò indicati in obiectione, vel hunc eundem sensum secuti sunt, vel aberrant à vero.



QVÆSTIO XXXVI.

Utrum restitutio partis debiti possit
liberare ab obligatione gra-
ui restituendi.

IDETVR liberare posse.
r. Quia eadem lege, eodem-
que modo tenetur vnusquis-
que ad reparandum damnum
illatum, quæ & quo teneba-
tur ad illud non inferen-
dum; siquidem dictum est supra vtrumque
actum esse eiusdem infimæ speciei, eodem-
que iure patientis moueri adæquatè. Ergo
nemo peccat lethalter tetentione eius præ-
cisè partis, cuius solius ablatione non pec-
casset lethalter. Ergo liberari potest ab
obligatione graui per restitutionem solius
partis debiti retento reliquo, cuius ablatio
non fuisset peccatum lethale.

2. In materia honoris qui nocumentum
grauæ prius illatum ita imminuit, ut amplius
non sit grauæ, non subest deinde obligatio
ad graui restituendi, ac reparandi partem
damni quæ superest. Ergo similiter dicen-
dum est in re pecuniaria.

3. Qui alias non obligatus obstrinxit se
voto ad dicendum officium diuinum; & si
aliquando intermisisset, ad illud dicendum
bis die sequenti; liberatur ab obligatione
grauæ, si die sequenti dicat, secunda vice
vsque ad paruum quantitatem, quæ præter-
missa die præcedenti, pro quo compensat,
non peccasset lethalter. Est autem eadem
prorsus proportionalis ratio de restitutio-
ne, & compensatione pecuniæ sublata.

R. Valde

R. Valde percrebuit apud auctores modernos sententia affirmans eum, qui restituit partem debiti, quæ sublata non peccasset in iustitia lethali, liberari ab obligatione graui restituendi, quam contraxit per peccatum iniustitiæ in re pecuniaria. Dicendum tamen est non propterea liberari ab obligatione graui ex natura rei. Quia qui latus fuit quoad quantitatem sufficientem ad lethale, eo ipso acquisiuit ius aduersus lædentem ad exigendam totam illam quantitatem simul, potestque proinde vtendo iure suo nolle acceptare partem, si seorsim offeratur; vel etiam acceptare, sed sub ea conditione, vt tali deinde tempore, aut oportunitate superaddatur quod deest; & non aliter. Cum enim absolute debeatur tota quantitas simul, seu simultanea totius quantitatis redditio, non excedet creditor limites iuris sui; nec iure suo cadet siue adæquate, siue etiam inadæquate; si totam simul quantitatem & non aliter velit. Vult enim quod debetur, & vti debetur; & licet ipsi velle carere tota quantitate, dum non potest habere nisi partem ob iniquitatem debitoris.

Vnde fit vt non possit censi creditor condonare eam partem, quam non vult acceptare absque reliquo. Quia nemo censetur cedere iuri suo quoad substantiam rei ex eo præcisè, quod velit indiuisim vti iure suo, etiam quoad modum debitum ipsi simul cum substantia. Quapropter qui restituit partem debiti partem alia retenta, saltem si hæc sit notabilis comparatione facta cum ea quæ restituitur, nihil fecisse reputandus est; nisi cum sufficienti speciali fundamento præsumatur in creditore voluntas acceptandi partem, quæ seorsim redditur, tamen si reliqua absolute negetur.

Verum istiusmodi præsumptio non est facilis, & indiget speciali fundamento. Quia plerunque contingit creditores magnarum quantitarum nolle acceptare partem debiti oblatam cum voluntate nunquam reddendi reliquum, præsertim si hoc sit notabile respectu partis oblatæ. Illud nimirum ipsum, quod si solum deberetur acceptaretur libenter; recusatur communiter si sit pars debiti, maxime verò si sit parua pars, ut patet esse quæ quantitatem rei pecuniariæ sufficientem ad lethale redigit ad insufficientem. Præsumptiones autem non licet facere absque speciali fundamento, nisi secundum plerunque contingentia. Adde-
 tudentem iniuste quoad quantitatem sufficientem ad lethale, eo ipso agere hostiliter cum læso, & insuper agere fraudulenter cum eodem, dum vult liberari à magno onere per parvam compensationem. Non autem facile præsumitur per se impetum, hostiliter velle nihilominus amicabiliter excipere redeuntem in gratiam fraudulenter, & diminutè retenta materia offensionis quoad partem notabilem; sibi quæ potius tentans providere quam læso. Difficilior namque est reditus in benevolentiam, ac pacem quam benevolentia & pacis conservatio; ideoque non præsumitur prudenter sub eadem conditione. Tenetur autem qui læsit satisfacere iuri patientis, quatenus per se sufficit ad reditum mutæ pacis, & benevolentia, ut liquet ex dictis quæst. 27.^a

Concluditur igitur eum, qui iniuste intulit damnum sufficiens ad lethale non liberari ab obligatione gravi reparandi illud per reparationem eius præcisè partis, quæ dempta quantitas noeuementi non fuisset ab initio sufficiens ad lethale; sed necesse esse

ad

ad eam liberationem, vt reparet totum nocumentum, vel saltem vt tam exigua sit comparatiuè pars relicta absque reparatione, vt existimari prudenter possit, eo non obstante acceptare absolutè creditorem eam partem, quæ sibi redditur, tametsi reliquam partem non propterea condonet, atque hæc profectò videtur communis hominum existimatio naturalis, quam non ita communiter contingit esse falsam ac inanè, quoad res vsque adeo palpabiles, & pendentes ex animi dispositione vnicuique notissima per experientiam, quam commune est, vt auctores nonnulli deludantur, ac implicentur consequentijs, & ratiunculis, ac paritatibus apparentibus.

Ad 1. Non ita contingit, nolle vnumquemque retinere reliquas omnes res suas quando ei aufertur iniuste pars earum aliqua, sicut contingit nolle acceptare partem debiti præsertim exiguam absque reliquo, maximè verò quando ea pars offertur a debitore merito exoso, & de nouo provocante ad iram modo restitutionis maligno, & per versutiam corrupto. Ergo non tenet paritas. Deinde creditor acquisiuit nouum, ius ratione iniuriæ, & hostilitatis exercitiæ aduersus ipsum. Vndè ante & post iniuriã est idem ius quoad quantitatem rei, sed diuersum quoad modum illam habendi, & variato iure, variatur eatenus obligatio.

Ad 2. In materia honoris alia longè ratio est, vt colligi potest ex dictis quæst. 29. necnon quæst. 16. de natura & conditione honoris. Constat enim ex ijs locis honori, & famæ renuntiari validè minimè posse nisi cum lucro spirituali aliundè maiori, vel saltem æquali; idque neque quoad totum neque quoad partem. Vndè qui grauem hono-

poris

onoris iacturam passus est; nullam potest valide refutare partem restitutionis, seu compensationis, tametsi alia quantalibet pars nequaquam restitueretur ad obligato ad totalem compensationem. At in re pecuniaria potest creditor nolle acceptare partem debiti seiunctam à parte altera, & licet ipsi carere interim tota quantitate ob contrariam naturam, & conditionem rei pecuniariae substantis magis liberae cuiusque facultati quoad iacturam vel actualem eius defectum licitum respectu damni. Quare concessio antecedente negatur consequentia.

Ad 3. Negatur similiter posse non acceptari à Deo partem officij quæ persolvitur. Quia recitatio eius partis est bona, & laudabilis; atque fieri non potest, ut non placeat Deo quod est bonum & laudabile quatenus bonum & laudabile est; in Deo autem idem est acceptare bona opera nostra, eademque illi placere. Non ita se res habet, in voluntate hominis quoad pecunias, quarum videlicet pars potest valide, & licite non acceptari, si offeratur seiuncta ab altera parte æque sibi debita. Conceditur igitur similiter hic etiam antecedens & negatur consequentia, his tamen non obstantibus non est usque adeo reprobanda contraria sententia circa restitutionem debitam præcisè ratione rei inculpabiliter acceptæ. Quia

non militat pro hoc euentu con-

firmatio superius adiuncta;

nec fundamentum prin-

cipale usque adeo

concludit a-

parte.

QVÆSTIO XXXVII.

Vtrum impotens restituere in proprio genere teneatur supplere ex bonis alterius generis?

I D E T V R teneri. 1. Quia absurdum est eum qui furatus est obolum obligari ad reparandum damnum illatum; eum autem, qui occidit hominem, ad nihil ea de causa teneri. Ad nihil autem tenetur, si nulla esset obligatio supplendi ex bonis alterius generis. Quia vita hominis est irreparabilis in proprio genere.

2. Qui non potest reparare ad equatè totum damnum illatum in re pecuniaria, non propterea excusatur à restitutione eius parvis, quam exhibere potest. Ergo neque is qui læsit in honore & salute, & non potest satisfacere in proprio genere, excusabitur apertè restitutionis per pecunias, quatenus eam exhibere poterit.

3. Potest iudex saltem ex æquo, & bono præcipere, ut fiat compensatio per pecunias pro honore & sanitate, quatenus ipsi visum fuerit, quando non potest fieri reparatio damni in proprio genere. Ergo hoc ipsum committi potuit arbitrio lædentis, etsi quidem potuit, credendum est commissum, ita fuisse de facto ex cōmuni, & naturali hominum consensu, ne frequenter accideret, ut iniuste læsus omni prorsus compensatione careret; & ne impotentes ad restituendum in proprio genere pergerent iniuste agere absque freno.

R. Bona

liter est, posito arbitrio iudicis cuiusq. iussione circa cōpensationē faciendā pro iniuria per bona diuersi generis, teneri in consciētia condemnatum ad exhibendam quantitatem ab eo determinatam; si quidem præcipit quod iuxta leges conducit ad bonum commune, & ad emendationē iniuriantis, atque ad lenimentum doloris in patiente.

His igitur præsuppositis probatur de reliquo conclusio à nonnullis. Quia quantūcumque pars honoris, & salutis præponderat quibusuis diuitijs, ac proinde nulla etiā minima illarum iactura potest per istas vnquā ad æqualitatem compensari, vel etiā ex parte, quia nulla datur pars totius intrinsecē repugnantis. Vbi autem æqualitas est impossibilis per se, nullus est locus intentioni iustitiæ tendentis per omnes suos actus, vel ad conseruandam, vel ad reparandam æqualitatem adæquatē si possit, sin minus saltem in adæquatē.

Verum hæc ratio si quid probaret, concluderet planē, vel nullam iniuriam vtcūque magnam in re pecuniaria esse lethalter peccaminosam, vel quamlibet vtcūque leuem cōtra honorem, & salutem esse sufficientem ad lethale. Quia quod est maius eo quod ufficit ad lethale, sufficiens plane est ad lethale; insufficiens verò quod est minus, quam quod est insufficiens.

Deinde, ut quæuis pars minima honoris & salutis præponderet absolutē quibusuis diuitijs in ordine ad vltimum, aut ad aliquē alium finem; certē non præponderat in ordine ad permouendum animum, & quoad vim dissolutiuam mutæ beneuolentiæ, & societatis ciuilis. Pater enim magnum, quoad hæc momentū esse positum in pecunijs; & in plerisque hominibus maiorem
doloris

doloris, & iræ ſenſum excitari propter magnam illatam iactuſq̃m, quam propter leuē inflammationem, aut percuſſionem. Neque verò eſt per accidens quoad humanas cōmutationes, quod plerumque euenit, eſtque conforme iudicio, ac appetitioni communi hominum circa res præſertim naturales, nullaque facta ſuppoſitione circa ſingulos accidentali. Cum ergo iuſtitia cum in ſine immediatè reſpiciat, ut liquet ex quæſt. 27. patet, quod ad hanc virtutem attinet, non præponderare quamlibet partem honoris, & ſalutis quibuſuis diuitijs; imo poſſe aliquam iſtarum quantitatem alicui illarum gradui præponderare; eaque ratione; fieri ut aliqua iniuriæ aduerſus honorem, & ſalutem ſint leues ac veniales, aliqua verò aduerſus diuitias ſint e conuerſo graues ac lethales.

Apparet præterea ex his inſufficientem ſimiliter eſſe quandam aliam aliorum probationem ab inconuenienti. Ex eo videlicet, quia ſi deberetur compenſatio per bona alterius generis, fieret ut, paſſim de pauperescerent homines, & quam faciliſſimè ex magnis fortunis deciderent in ſummam miſeriam, redderenturque infelices propter culpas admodum leues, quia inflammationes, dehonorationes, ac percuſſiones leues ſunt admodum frequentes, atque eſt difficillimum ab illis omnino abſtinere. Eſt verò ſæpè impoſſibilis compenſatio iſtarum adæquata in proprio genere, ac proinde frequenter fieri deberet, per pecunias, & cum nullæ aut vix vllæ adæquent iactuſram utcumque paruum honoris & ſalutis, ſequeretur inconueniens propoſitum Vnde vltet uſ fieret, ut plures ſponte, dataque opera excitarent rixas, & prouocarent pro-

ximos maximè pecuniosos ad iram hoc animo, vt accepta iniuria parua in honore, vel salute acciperent deinde in compensationem vni magnam pecuniarum.

Apparet inquam probationem istam non esse sufficientem. Quia iam ostensum est summam pecuniarum non vsque adeo magnam, & quæ non sufficiat ad mutandam notabiliter fortunam hominis posse quoad finem intentum a iustitia præponderare parue iacturæ honoris, ac salutis. Idque non leuiter confirmat postrema pars inconuenientis propositi de frequenti ambitione eiusmodi iniuriarum probabendis, n compensationem pecunijs. Nec enim frequenti ambitioni expolitum est, quod minus æstimatur, comparatione eius quod æstimatur plus iuxta communem ac vulgarem hominum appretiationem. Quid quod necra ex his ratione probatur non posse honore, & salute compensari iniuriam factam in pecunijs? de quo tamen eadem debet esse ratio.

Legitima igitur probatio conclusionis est. Quia bona diuersorum generum non possunt sibi inuicem substitui in ordine ad placandum animum, & ad sedandum iram, prouenientem ex iactura vtrorumvis eorū. Affectus enim erga vnam genus diuertere potest; minui, aut a ferri non potest ex affectu ad aliud genus; ideoque neutrum loco alterius subintrare potest pro temperando, ac reordinando affectu. Nempe quod philosophus dixit 8. eth. 6. *impossibile est plures intentè diligere*; optimè D. Thomas qu. 7. de malo, quæ est de peccato veniali art. 2. ad 12. retrinxit ad amorē eiusdem rationis. Nec enim si quis habeat multos amicos, propterea minus diligit filios, aut fratres.

minus

minus singulos diligit. Eadem ratione singuli amici diliguntur minus ab habente plures amicos. Vnde prouenit, vt dolorē de iactura vnus aut filij, aut fratris aut amici, possit abolere alius aut frater, aut filius, aut amicus; nō possit tamē abolere dolorem de iactura filij aut fratris amicus illi substitutus & sic de ceteris eiusmodi. Similiter ergo dolorē, & iram conceptā ex iactura salutis, abole re non potest honoris substitutio; neque substitutio pecuniarum eam, quæ concepta est ex iactura famæ, & honoris; aut è conuerso. Nec enim minus hæc, inter se differunt, quam illa alia, siue quoad entitates, & prædicata essentialia, siue quoad utilitatem in ordine ad finem proximum, & immediatum cuiusque illorum. Cum ergo iustitiæ finis, vt dictum est, sit conseruatio societatis ciuilis, & communis pacis, ac tranquillitatis, cum depulsiuo iræ & discordiarum; patet nec pecunias honori, neque honorem sanitati, aut è conuerso substitui per iustitiam posse ex natura rei, licet per alias virtutes substitui vteumque possint.

Confirmatur validè hic discursus ex Philosopho cap. 5 huius quinti post medium. *Et enim neque societas, ait, fuerit sine permutatione; neque permutatio sine æqualitate, neque æqualitas sine communi mensura.* At ea quæ sunt diuersi generis modo dicto, communē mensuram nullam habent, vt liquet ex definitione initio præmissa, quæ est communis omnium auctorum; & præterea quia, nūquam quisquam definierit quotus honoris gradus, aut quæ pecuniæ quantitas brachium vel oculus adæquet; eademque est ratio de pecunijs, & honore inter se collatis. Ergo actus iustitiæ obiectum suum, & scopum

scopum inuenire inter hæc extrema nullo pacto potest.

Agnouit Philosophus ibidem quam esset difficile inuenire æqualitatem inter res tam diuersas inter se, quam sunt ea omnia, quæ veniunt in commutationem ex communi hominum consensu, vt animalia, & res inanimata; & tamen necesse habuit eam inuenire, vt esset locus aliquis exercitio iustitiæ *asque re quidem vera, subiungit fieri nequit, vt ea, quæ adeo differunt, conueniant communi mensura: attamen indigentia ratione satisfieri potest.* Hoc est absolutè & secundum se non possunt ad æqualitatem redigi, quæ specie, imò & genere differunt. Comparatiuè tamen & relatè ad indigentiam hominis possunt redigi ad æqualitatem, & sic terminare actum iustitiæ commutatiuæ. Ergo quæcumque ad eam pertinent necesse est vt communem eiusmodi mensuram subire possint. At neque vllus honor indigentiam salutis ex. g. quæ est ex defectu brachij; neque indigentiam vtriusuis ex his vllæ pecuniæ adæquare possunt; neque vlla salus, aut honor vllus indigentiam pecuniarum. Ergo inter hæc commutatio & exercitium iustitiæ intercedere nequaquam potest.

Confirmatur rursus ex communi hominum sensu. Quia qui infamauit, aut vulnerauit, aut furatus est, & postea vult satisfacere obligationi conscientie, conatur famam reparare honorando mederi vulneri; & tantumdem pecuniarum reponere. Quod si id assequi non possit, neque medicinis agit pro honore; neque honore pro sanitate neque pecunijs pro alterutra lex illis; sed perinde cõquiescit, atque si nihil prorsus agere posset in fauorem eius, qui passus est iniuriam. Ergo hic est communis homi-

num sensus inditus à natura; hæc in commutationem, & mutuam iustam compensationem venire minime posse. Igitur impotens restituere in proprio genere, non tenetur ex natura rei supplere ex bonis alterius generis quod ad obligationem, & virtutem iustitiæ attinet.

Ad 1. Absurdum id videri potest, cui absurdum videri poterit pro obolo deberi compensationem æqualem; pro vita verò hominis similem compensationem non deberi, ut certe non debetur. Hoc est absurdum id videri potest non cognoscenti naturas rerum. Nam qui illas cognoscit, scit quædam esse penitus incompensabilia, ut vitam, alia verò incompensabilia per pecunias, ut honorem, & sanitatem; atque è conuerso. Scienti autem hoc, & aduertenti nulla apparet absurditas in hac doctrina; sicut nec vlla apparet in eo, quod quis vino emere possit frumentum, & vtrovis equum; & quidvis horum, atque similis absque vlla etiam vilius utilitate destruere pro pecunijs ac corrumpere possit: non possit tamen honoris, aut membri iacturam pati pro aliquo eiusmodi, nec eam iacturam in pretium deducendo subuenire sibi, & de alijs rebus, quibus indiget providere, cum honor, & membra sint bona tam sua cuiusque, quam quælibet alia.


Ad 2. Concesso antecedenti negatur suppositum consequentis; nempe erogationem pecuniarum posse esse partem compensationis pro iactura honoris aut salutis, quia pars dicitur quod coniunctum cum alia, vel alijs partibus potest complere totum. Ostensum autem est nulla pecuniarum additione compensari posse iacturam honoris ad æqualitatem; nulloque honore iacturam pecuniarum.

niarum; eandemque esse rationem de salute comparata cum vtrouis ex illis extremo, in ordine ad finem specialem quem respicit iustitia. Nihil igitur horum est pars compensationis iustæ, ac réparationis pro damno ilato quoad aliquid aliud eorundem; sicut quælibet quantitas pecuniæ etiam minima, est pars cuiuslibet alterius etiam maximæ ob rationem contrariam; & manifestum est cum, qui debet totum aliquod, debere singulas partes eiusdem totius inuicem separabiles, ac æstimabiles seorsim; idemque dicitur de parte honoris, & de parte salutatis.

Ad 3. Conceditur antecedens, & negatur consequentia. Quia iudicis arbitrium non iniqui, est prudens, & vniforme respectu omnium. Arbitrium autem singulorum erga singulos ciues vltra imprudentiam, quæ plerisque inest, foret admodum difforme, pro vt quisque affectus esset erga vnumquodque genus bonorum. Vnde frequenter fieret, vt compensans plurimum alijs, parum admodum ab alijs in compensationem acciperet; & vice versa. Vnde vltcrius fieret, vt amore iustitiæ, & æqualitatis aperiretur via maximæ ac valdè notabili inæqualitati, & iniustitiæ; atque inuersio potius ordinis, quam ordo congruus in rempublicam induceretur. Deinde nolunt homines sui honoris ac salutis æstimationem cuiusuis promissæ alterius hominis, maximè verò iniuriosi arbitrio committere.

Demum quidquid hoc esset compensatio- nis non pertineret ad virtutem iustitiæ. Quia non pertineret ad æqualitatem, aut totaliter, aut partialiter constituendam, vt dictum est. Neque verò vel ipse iudex eā

Intendit, quia non intendit quod eſt impoſ-
 ſibile; ſed inducit nouum ius actiuum in
 fauorem læſi, & aduerſus lædentem, at-
 que iſ qui læſit parendo iudici conſtituit
 æqualitatem non reſpectu damni illati, ſed
 reſpectu eiufdem iuris noui. Imploratur
 nimirum officium iudicis non ad abolen-
 dum ſenſum doloris; & iræ ſubortum ex
 iactura in vno genere per lucrum in alio
 genere; ſed ad eius doloris diuerſionem,
 & aliquale ſolacium. Bona enim diuerſi
 generis valent inuicem ad diuerſionem ani-
 mi, & ad aliquod eius eo modo lenimen-
 tum. Hoc videlicet pacto amici, vt eo
 exemplo concludatur hæc quæſtio, ex quo
 cœperat cum D. Thoma eius reſolutio, le-
 niunt iacturam conſanguineorum; & pec-
 cata venialia, licet non ſint oppoſita cha-
 ritati, minuunt tamen feruorem eius, non
 remouendo directe animum a cha-
 ritate, aut ab aliquo eius gradu,
 ſed diuertendo, & ſic impe-
 diendo eius exercitium,
 ac intenſionem, vt
 docet eodem
 illo in loco,
 D. Tho-
 mas,



QVÆSTIO. XXXVIII.

Vtrum ex iudicio temerario resultet obligatio restituendi?

I D E T V R non resultare:
1. Quia intellectus est potentia necessaria, ideoque non potest non iudicare, de vno quoque secundum indicia quæ videt. Quæ autem necessario accidunt, nulla implicant obligationem auctorem actionis.

2. Videtur nunquam posse suboriri obligationem saltem grauem restituendi ex vltimo iudicio purè interno. Quia quælibet iniuria exterior nocet magis quam quælibet existimatio purè interna, vtcumque finistrè iudicantis. Sunt autem iniuriæ aliquæ exteriores, vsque adeo leues in omni genere, vt nullam inducant obligationem grauem. Ergo nullæ iniuriæ purè internæ valent illam inducere.

3. Restitutio instituitur ad sedandam iram iniuriati, vtque redeat pristina pax, & beneuolentia mutua. Iniuriæ autem internæ, nec excipere iram possunt, nec dissolvere pacem, & beneuolentiam mutuam. Quia dum sunt purè internæ non possunt innotescere iniuriato. Ergo ratione iniuriæ pure internæ nulla est necessaria, nulla-que debetur restitutio.

R. Post examen iniuriarum exteriorum, quæ sunt notiores, ac manifestiores, succedunt iure suo iniuriæ purè internæ, quæ sunt

sunt occultiores; rediguntur verò ad iudicium temerarium, suspicionem, & dubitationem temerariam; atque tria sunt circa ipsas communiter recepta apud auctores cū D. Thoma quæst. 60. art. 3. & 4. Primū est iudicium temerarium de peccato graui proximi est peccatum graue iniustitiæ. Quia lædit ipsum grauius in honore debito homini ex sua natura, & nondum amissio persufficientem manifestationem malitiæ ipsius. Et præterea disponit efficaciter iudicantem, vt agat exterius contemptibiliter cum iudicato. Ac demum si peccatum, de quo temerariè iudicatur, sit offensiuum respectu indicantis; vt respectu mariti adulterium, vxoris respectu donatarij, & amici mala intentio donantis, & amicabiliter agentis; idem iudicium dissoluit amicitiam, turbat pacem; & gignit odium aduersus iudicatū, idque nulla illi relicta potestate ad auertendum tantum malum. Quis enim occludet aditum temeritati iudicandi, vtcumque bene ac circumspectè operetur? Aut quomodo auferetur fundamentum iudicandi iudicanti sine fundamento?

Secundum est: suspicio peccati etiam grauis est peccatum leue ex genere suo. Quia ob debilem & facile mobilem adhesionem censetur exiguum proximis malum, non secus ac iudicium firmum de peccato leui. Quantum enim demitur in hoc iudicio ex parte obiecti, tantum dem demitur in suspitione ex parte cognitionis.

Tertium est: dubia interpretanda sunt in meliorem partem. Quia quilibet in dubio est conseruandus in possessione naturaliter sibi conueniente boni nominis, & famæ. Nec solum turpe est aliquem ab ea possessione

sione deturbare absque ratione cogente; sed etiam indignum cum iudicare, qui in eadem conseruetur positivè.

Iudicium porro temerarium est ex D. Thoma ibidem cum Augustino *definitiva & firma sententia nitens levis indicis*: id est, est assensus perfectè deliberatus conuinctus cum voluntate non inquirendi amplius veritatem, & operandi interim dependenter ab ea cognitione, idque sine fundamento sufficienti ad probabilitatem. Quale fundamentum est, quod plerumque non fallit, & cui absolutè ex sua naturâ difficilius est dissentiri, aut non assentiri, quam assentiri. Inquam vero non habens fundamentum sufficiens à postèriori ex signis peculiaribus datis à iudicato. Quia iudicium à priori ex difficultatè innocentia, & ex maiori numero malorum hominum, & lethaliter peccantium non est liberum iudicato, & est coniunctum cum possibilitate, ac spe aliqua victoriæ eo commendabilioris, quo maior est difficultas vincenda, & minor numerus vincentium. Nemo autem condemnandus est ex eo, quod non est sibi liberum, nec spoliandus maximo honore, dum est liber ad eius meritum.

Suspicio est iudicium admodum debile, accedens maximè ad puram dubitationem, & coniunctum, cum voluntate amplius inquirendi, nec procedendi interim ad opus. Denique dubitatio est suspensio iudicii directi in vtramque partem. Interpretatio eius in meliorem partem fit per iudicium reflexum adhærens dignitati hominis secundum se ad intègritatem sui honoris, dum non adest ratio cogens in contrarium. Ex his igitur concluditur iudicium temerariu

de peccato graui proximi fundare obligationem grauem restituendi; cœtera non nisi leuem per se, & ex sua natura. Quia iuxta mensuram iniuriæ resultat obligatio proportionalis restituendi, vt dictum est supra in genere.

Ad 1. Licet intellectus sit potentia ex se necessaria; est tamen ita subordinata voluntati, vt possit flecti in vtramvis partem; certè possit impediri, quo minus alterutri assentiatur; dum pro neutra apparet ratio euidens, vti certissimè non apparet pro iudicio temerario.

Ad 2. Ex fundamento primæ conclusionis, & exemplis ibi propositis cernitur manifestè iudicium internum de peccato graui proximi plus illi nocere, quam iniuriam exteriorem leuem, atque periculum magnorum malorum est ipsum secundum se magnum malum; sicut spes bonorum, & id in quo ipsa continentur tanquam in radice, computatur inter bona minime contemnenda. Apparuit autem eiusmodi esse iudicium temerarium.

Ad 3. Restitutio instituitur non solum ad sedandam iram actualem, sed etiam ad auferendum fundamentum, & occasionem ipsius, si notesceret patienti malum quod ei accidit contra ius suum. Quod ius est causa immediata obligationis ad non inferendum damnum, & ad reparandū, postquam illatum fuerit. Ira verò, & perturbatio mensurat iniuriam grauem, & leuem ex suppositione, quod innotescet. Iudicium autem temerarium de peccato graui habet vim excitandi iram dissolutiuam mutuae pacis, ac beneuolentiæ ex suppositione quod innotescat iudicato. Resultat igitur ex eo obligation

ligatio restituendi etiam dum manet purè
internum non secus ac ex iniurijs, exteriori-
bus, quæ etiam ipsæ sæpe sunt ignotæ
patienti.

QVÆSTIO XXXIX.

Vtrum Præceptum restituendi sit
negatiuum obligans semper,
& pro semper?

IDETVR. esse affirmati-
uum, 1. Quia non præcipit
omissionem, sed actionem;
quippe restitutio consistit
in actione; & peccatum nõ
restituendo committitur ni-
hil faciendo. Vnde cum præceptum affir-
matiuum obliget quidem semper, non tamẽ
pro semper, videtur præceptum restituen-
di non obligare pro semper.

2. Præceptũ pœnitentiæ & satisfactionis est
affirmatiuũ nec obligat sēper & pro sēper
ratione iniuriarũ cōtra Deũ; nec peccatur
de nouo si non exhibeantur in instanti im-
mediate sequenti ad peccatum commissum.
Quæ est communis & vera sententia ad-
uersus Patrem Suarez & nonnullos alios.
Eadem autem quoad hoc videtur esse ratio
de restitutione; quæ videlicet est genus
quoddam pœnitentiæ, & satisfactionis, &
hoc habet cum vtraque commune, vt de-
beatur ratione iniuriæ.

R. Dicendum est cū Navarro, Molina
Vasquez, Medina & alijs aduersus Sotum
& Valentianum, Lessium, & alios præceptum

restitutionis esse negatiuum, licet habeat formam, & concipiat ad modum affirmatiui, ut dicit D. Thomas quæst. 62. art. 8. ad 1. Quia de ratione præcepti affirmatiui est, ut ei satisfieri, aut eius obligatio cessare non possit absque aliqua actione eius, qui per illud obligatur. Eiusmodi autem non est præceptum restituendi. Quia obligatio aufferentis rem alienam cessat eadem re ad dominum utcumque redeunte. Potest autem ad dominum redire per actionem eiusdem Domini, aut cuiuslibet alterius, vel etiam per seipsam si sit brutum, aut seruus, nihil prorsus agente, aut etiam volente agere per se vel per alium eo, qui læsit.

Rursus ut impleatur præceptum affirmatiuum requiritur actio positiua ratione sui; ut vero impleatur præceptum negatiuum, vel nulla requiritur actio positiua, vel requiritur præcisè quatenus est impeditiua alterius actionis, vnde fit, ut præcepto positiuo satisfieri non possit, nisi per actionem secundum se honestam; negatiuo vero secundum se præcisè considerato satisfieri possit etiam per actionem minimè honestam secundum se, dummodo sit impeditiua alterius actionis inhonestæ secundum se, & cuius proinde impeditio secundum se, & quatenus impeditio est, sit honesta. Istud videlicet est discrimen quidditatiuum inter præceptum positiuum, & negatiuum ex quo aliæ omnes inter utrumque differentię suboriuntur. Ut autem satisfiat præcepto restituendi solum requiritur actio positiua quatenus est impeditiua alterius actionis, nimirum actionis retentivæ rei alienæ, seu perseuerantiæ huius eiusdem actionis. Quapropter huic præcepto æquè satisficit, eiusque obligatio æquè extinguitur per quamlibet actionem impediti-

ditiam dictæ retentionis, siue honestam siue inhonestam secundum se: ut si pecuniæ furtiuæ insumantur à fure de consensu Domini cooperando ipsi in opere secundum se inhonesto.

Demum in sententia negante puram omissionem liberam, quam sententiam ostensum est esse verā in quæstionibus de actibus humanis, quoduis præceptum obligat ad aliquem actum, & ad omissionem alicuius alterius; & differentia consistit tantum in hoc, quod præceptum affirmatiuum obligat determinatè ad talem actum, & indeterminatè ad omissionem talis alterius actus impossibilis cum priori; Certe obligat cum maiori determinatione actus quā omissionis: præceptum verò negatiuum è cōtra obligat determinatè ad omissionem talis actus, & ad actum omisiuum non nisi indeterminatè; vel certè cum minori determinatione. Præceptum namque negatiuum obligat tātum vagè quantum est de se ad quemlibet cuiuslibet generis actū impossibilem cum omitendo, & determinatè ad omitendum talem actum: affirmatiuum è conuerso. Præceptū autem restituendi obligat determinatè ad omissionem actionis retentiuæ, & indeterminatè ad quemlibet actum impossibilem cum eadem actione retentiua. Solum namque postulat vagè quemlibet ex actibus impossibilibus directè, vel indirectè cum actione retentiua rei alienæ. Igitur hoc præceptum est negatiuum re ipsa, & obligat nō solum semper, sed etiam pro semper; neque ista quæstio potest esse de voce, ut nonnulli dicunt, nisi apud ignorantes significationes vocum, & definitiones rerum significatarū.

Ad 1. Præceptum restituendi directè, & per se solam præcipit omissionem; actionem

348. De præcepto restituen.

vero, vel nullam, vel præcisè quatenus est impeditiua alterius actionis. Vnde restitutio consistit materialiter in actione vti plerumque fit, & forma præcepti accommodatur communiori obediendi modo. Cæterum id non est de essentia eius, & ratione formali, nec consistit in actione, vt actio est formaliter, sed vt est omissio, & impeditio alterius actionis. Quapropter peccatum non restituendi committi quidem potest nihil faciendo de nouo; non tamen nihil absolute faciendo. Quia committitur continuando actionem auferendi, seu retinendi rem alienam inuito domino. Nempe peccatum furandi, & peccatum non restituendi, idemque dicitur suo modo de reliquis peccatis contra iustitiam, differunt ad eum modum, quo differunt conseruatio, & prima productio rei; idest differunt extrinsecè tantum. Vnde colligitur vltèrius, sicut non committitur peccatum furti per acceptionem rei alienæ cum animo protinus aut intra breue tempus reddendi eam domino absque aliquo eius damno; ita non committi nouum peccatum differendo restitutionem, si differatur cum animo restituendi protinus, aut intra breue tempus. Exoritur tamen ratio moralis obligationis reparandi omne damnum consecutum ad quamlibet dilationem absolute culpabilem. Est autem dilatio culpabilis leuiter quidem; quæ est causatiua noui doloris, & iræ paruæ, ac facillè deponendæ; grauius verò quæ est causatiua noui doloris, & iræ inimitabilis, atque dissolutiua absolute mutue pacis, ac tranquillitatis iuxta dicta quæst. 27. Ad 2. Dictum est quæst. 20. peccata hominum non habere rationem iniustitiæ simpliciter, & strictè talis aduersus Deum, atque omnia eius præcepta ad nostram, & non

ad ipsius vtilitatem ordinari. Præceptum, autem de pœnitentia peragenda pro instanti immediato ad peccatum, cum obligatione, urgente pro omnibus, & singulis instatibus, non cederet in nostram vtilitatem; sed potius in maximum nostrum nocumentum. Si quidem exponeret omnes vel saltem plerisque cum maximo ac fere insuperabili periculo novorum peccatorum post quodvis peccatum, vt exponetur fusius in quæstionibus de pœnitentia. Nentrum autem horum reperitur in peccatis commissis contra iura proximorum, circa quos versatur restitutio, vt satis patet ex dictis supra. Quod ad satisfactionem attinet, innotuit iam quæst. 23. discrimen eius à restitutione; neque vllam esse paritatem inter vtramque quoad punctum præsens; sed præceptum satisfaciendi esse affirmatiuum, nec obligare pro semper; cum ad restitutionem teneatur qui la sit pro omni, & qualibet differentia temporis.

Tempori restitutionis annectitur communiter locus, de quo vix est vlla controuersia disputabilis, eiusque ratio habetur solum, aut fere pro rebus corporalibus, & pecunia æstimabilibus. Possessor bonæ fidei sufficit, si rem restituat, in loco, in quo eam habet; nec tenetur suis expensis illam alio traduce-re. At possessor malæ fidei tenetur rem eo in loco reponere proprijs sumptibus, vbi futura erat, si non interuenisset iniuria. Primum ne innocens grauetur in bonis suis ob commodum alienum. Secundum, vt iniustitia soli noceat auctori suo, nec iniuriarum passus ius aliquod suum amittat ob iniquitatem alterius. Quæ autem debentur ex contractu reddenda sunt in loco, de quo implicite vel explicitè conuentum fuit. Quod si dubitetur, electio erit penes debitorem, vt
potè

Potè libetum necligatū vllō iure certo cre-
ditoris pro aliquo determinatè loco ex his
fater quos dubitatur. Porro si creditor non
compareat in loco, & pro tempore legiti-
mo, debitor paratus quantum est ex se ad
soluendum non est amplius in mora, nec te-
neretur de vllō damno secuto ex dilatione.

QVÆSTIO XXX.

Vtrum detur aliquis ordo inter obli-
gatos ad restituendum?

IDETVR nullū inter eos
ordinem esse posse. 1. Quia,
quicumque accipit de bonis
alterius, tenetur de parte
accepta independenter ab
omnibus alijs, & absque vlla
relatione, aut ordine ad aliquem alium. Qui
autem nihil accipit, ad nihil tenetur neque
ante alios, neque post alios. Nemo enim
ex iustitia tenetur refundere de bonis suis,
vt alius bene habeat, vtque redintegret bo-
na sua. Ergo nunquam dari potest ordo ali-
quis prioris, & posterioris inter obligatos
ad restituendum.

2. Impossibilis est ordo prioris, & poste-
rioris inter obligatos ad restituendum, nisi
dentur plures obligati ad restituendam can-
dem quantitatem eidem personæ. Impossi-
bile autem est plures esse obligatos ad re-
stituendam eandem quantitatem eidem per-
sonæ. Inde enim fieret patientem iniuriam
melius habere, & fieri ditiores; & è con-
tra aliquos restituentes deterius habere, &
fieri pauperiores post restitutionem, quam

antè iniuriam. Quod non permittit iustitia. Constituit enim æqualitatem.

R. Ordo restitutionis ex parte restituentium communiter præscribitur his versibus.

Iussio, consilium, consensus, palpo, recursus,

Participans, mutus, non obstant, nō manifestus.

Inter quos hic ordo seruandus est, vt primo loco obligentur, qui positivè cooperati sunt ad damnum; deinde qui negativè. Quia illi plus influunt quam isti; & quidem eo genere excessus, vt licet omnes absolutè sint causæ morales, quibus damnum illatum imputetur ad culpam; tamen influentes negativè comparatione facta cum influentibus positivè vix videantur habere rationem causæ.

Inter influentes positivè prima obligatio est iubentis. Quia comparatione huius habet rationem instrumenti potius, quam causæ moralis, qui immediate exequitur damnum; atque videtur velle in se suscipere totum onus, qui iubet, & vult agere, vt causa principalis siue alias sit superior, siue non sit; eamque volūtatem videtur pariter acceptare, qui vult agere vt instrumentum siue esset ex se antècedenter inclinatus, siue non esset; & siue velit siue nolit damnum proprio etiam odio ac iniquitate. Post iubentem sequitur exequens; idemque est absolutè primus, si à nemine iussus exequatur damnum. Quia ceteri cooperantes omnes submittunt vltimæ ipsius deliberationi illationē damni. Inter istos duos hoc præterea discrimen consequitur, quod creditore condonante iussori, absolvitur eo ipso executor. Quia hic continetur in illo moraliter ob rationem datam; non tamen è conuerso. Ob quam similiter rationem, si executor restituat, vti debet, in defectum iussoris, adquiritur

itur ipsi actio aduersus iussorem; non autem
 & conuerso.

In tertium locum succedunt ex æquo cæ-
 teri positiuè influentes: Consulēs nimirum
 primo, qui consilio promouit executorem,
 aut iubentem; eumue reddidit audaciorem;
 nec suasionem, preces, aut quid simile ad-
 hibuit iam superuacaneum pro reali damni
 iniusti subsecutione: Secundo consentiens,
 adhibensque suffragium pro damno iniuste
 inferendo: Tertio palpo, qui similiter pro-
 mouit executorem, aut iussorem ponderan-
 do circumstantias inferentis, ac patientis
 damnum magnificando illum, atque hunc vi-
 lipendendo, quo animus disponatur, ac alli-
 ciatur ad aggressionē iniquam: Quarto is ad
 quem patuit recursus, præstititque patroc-
 inium recipiēdo domi damnificatorem vt ta-
 lem, aut celando damnum, & pecunias su-
 blatas, vel exercendo officium aduocati pro
 causa manifestè iniusta, aut alio simili modo:
 Quinto participans subministrando instru-
 mentum damnificandi physicum vel morale,
 reddendo animosiores auctorem principa-
 lem damni assistentia, & comitatu suo, vel
 alio simili modo cum iuuando, ac fouendo
 opera, & auxilio non superuacaneis, idēst
 non talibus, quibus etiam non præstitis in-
 ferendum nihilominus erat damnum, vel to-
 tum vel ex parte. Nempe auxilium hoc mo-
 do superuacaneum, seu non necessarium in
 nullo ex his genere obligat auxiliatorem ad
 restituendum iuxta probabiliorem, & veram
 sententiam. Quia eatenus auxilium est pure
 materiale, nec æstimatur à patiente iniuriam
 pro ira & discordiæ incitamento, si sit pru-
 dens rerum æstimator.

Dictum autem est cum plerisque auctori-
 bus contra Nauarrum, & paucos alios, istos

omnes.

omnes teneri ex æquo. Quia licet influxus eorum non sit efficaciam mathematicè æqualis per se, atque per accidens fieri possit, ut quivis eorum præmineat cæteris quoad inducendum effectum: differentia tamen ista efficacitatis est exigua, & difficile discernibilis cum certitudine saltem ut plurimum, propter maximam similitudinem; & quæ sūt eiusmodi nihil censentur differre moraliter, seu quoad iudicium prudens, quando agitur de inducenda vniuersaliter obligatione aliqua. Quia itidem ratione affirmatur eadem æqualitas respectu efficacius, ac appositius; & minus efficaciter, ac appositè suadentis, & consiliantis; & sic de cæteris proportionatim.

Circa consilium & consensum duo specialiter obseruanda sunt. Primum est eos consiliarios, qui habent potestatem vltimò determinandi damnum iniustum per sua suffragia, censerì potius inter eos, qui iubent, & tenentur primo loco. Ex quo nihilominus excipiuntur, qui dedere suffragium non necessarium; præcunte videlicet realiter, & non tantum præuiso numero aliorum consiliariorum, & suffragiorum sufficienti ad effectiuam damni iniusti illationem, iisque certò non recessuris à suscepta sententia ob renitentiam subsequentiū. Dubitatur tamen; an isti posteriores eo non obstante peccent; si non renitantur vel nolint adesse? Dicendum est non peccare contra iustitiam commutatiuam, aut distributiuiam respectu eius, cui inferendum est damnum; cui videlicet nihil mali prudenter æstimabilis accrescit ob ea suffragia iam superflua: peccare tamē contra iustitiam legalem, quatenus reddunt faciliorem publici regiminis perturbationē, dum non exprobrant renitentia sua Consiliarijs

liarijs iniquis iniquitatem ipsorum, cum ad eos alia vice continendos in officio, & ad erigendam spem innocentium, ac bene merentium, plurimum momenti habeat constantia tenax recti etiam paucissimorum, etiam vnius, manifesta palam omnibus, atque per publicam experientiam comprobata.

Alterum est dantem consilium noxium, vel dolo, vel lata culpa teneri de damno secuto, non solum tertiæ personæ, sed etiam ipsi, qui consilio acquieuit, & deceptus fuit cum damno proprio vel alieno; si talis consiliarius ratione muneris vel status tenebatur legitimum consilium adhibere, vt Confessarius, vel aduocatus. Quia tunc Consiliarius vtitur executore tanquam instrumēto irrationali, ipseque solus est causa moralis, & rationaliter agens respectu totius damni. Si verò ratione muneris, aut status non tenebatur scire, aut dare consilium legitimū; nec peritiam præ se ferebat, aut iactabat, quanta sufficit, ad nihil tenetur, nisi dolose egerit. Quia tunc tenebatur, qui consilio acquieuit, inquirere vterius, cū nemo prudēs illi fideret, ac proinde executor sibi debet imputare damnum secutum respectu sui, vel tertiæ personæ.

Postremum in locum veniunt cooperantes negatiuè. Nimirum primo mutus, non mouens, non consulens, non adiciens Senatum, nec dissentiens suffragio suo, non obiurgās, cum deberet ex iustitia, vt vitaretur damnum; Secundo non obstand, cum deberet ex officio, vel contractu operam adhibere impediendæ damnificationi: Tertio non manifestans, cum similiter debere et prodere paratum ad nocendum, vel iam reum nocenti vt ille impediretur, hic cogeretur reparare, atque puniretur. Qui omnes tenentur similiter

liter ex æquo ob rationem insinuatam circa
cooperantes positivè. Tenentur vero de
omni damno ex tali omissione secuto, & præ-
uiso vel culpabiliter ignorato. Quod tamen
intelligitur, nisi forte aliquod damnum tale
esset, vt oppositum emolumentum solum
esset intentum ac debitum sub conditione,
quæ posita non fuit, eiusque positio, aut non
debeatur, aut non titulo talis emolumenti,
& ex iustitia commutativa, sed aliunde. Hu-
ius rationis sunt multe delictorū applican-
dæ fisco, quæ non videtur intendi, nisi sub
conditione quod deprehendatur reus, &
iudicetur, aut sit iam proxime dispositum
iudicium. Quare etsi negligentia culpabili
ministorum non deprehendatur reus, aut
effugiat, ad nihil tenentur fisco pro multa;
secus vero tenentur.

[In alium præterea vltiorem obligationis
ordinem reuocari possunt reflexè seu quasi
reflexè cooperantes, siue positivæ, siue ne-
gativæ. Qui videlicet iussione coegit ad iu-
bendum; consilio impulit ad consulendum;
silentio silentem fouit, & sic de cæteris. Hi
enim tenentur de damno secuto eadem pro-
portione ac ordine post eos, qui immédia-
tius cooperati sunt vno excepto iussore. Hic
enim eadem ratione vtitur vt instrumē-
to, eo qui immediate iubet, qua dictum est
istum vti immediato executore. Vnde su-
premus princeps iniungens damnum iniustū
gubernatori ciuitatis, iudici aut Duci exer-
citus tenetur ante ipsos ad reparationem
damni, eoque reparatè, aut absoluto à cre-
ditore liberantur cæteri eo ipso; non autem
è conuerso. Quod similiter intelligendum
est de alijs quibuscumque, quos dictum est esse
posteriores, si comparentur cum prioribus
respectu ipsorum,

Cæterum in defectu reliquorum tenetur quilibet cooperantium ad reparationem totius damni; si quidem ad totum fuerit moraliter cooperatus; sin minus pro ea tantum parte tenetur, quam per se ipsum vel arripuit, vel perdidit immediatè. Censetur autem moraliter cooperatus non solum is, quo non cooperante physicè non fuisset illatum damnum; sed etiam qui ita adfuit in notitia & animo sociorum, ut eos reddiderit perceptibiliter, & ut ita dicatur, sensibilibiter animosiores, obfirmaueritque sic in proposito nocendi; nec ita se habuit, in ordine ad erigendos ac fouendos eorundè animos, atque si non adfuisset. Quà de causa non tenetur priuatus quisque miles per se solum reparare totum damnum illatum ab exercitu numerofo agrum iniuste de, vastante, aut diripente ciuitatem, solumque; tenetur quatenus per seipsum nocuit, dum nullus alius, vel alij admodum pauci restituere volunt. Quia vnusquisque miles scorsim consideratus, aut ut coniunctus cum paucissimis pro nullo reputatur respectu nocumenti immediatè illati per reliquos. Nihil etenim eos iuuisse, aut animasse censetur secundum prudentem æstimationem, & secundum computationem humana ordinaria consideratione, ac expensione discernibilem,

Quælibet nihilominus pars totius multitudinis sufficiens ad cooperationem morale[m] modo nuper explicatò, qualis pars videntur quingenti respectu exercitus vigintimillium, tenetur ad reparandum totum damnum, quantum poterit contribuentibus singulis pro rata cum iure refusionis aduersus alios non soluentes. Consequenter tenetur vnus quisque ad perquirendos, ac

Sollicitandos totidem vt minimum socios restitutionis, si spes inueniendi prudens affuerit; quæ tamen raro aderit. Hæc autem, ex quibus proportionaliter determinandæ sunt aliæ etiam circumstantiæ multipliciter comparabiles inter se. Hæc inquam satis apparent ex se consideranti superiora. Id mirum videri non debet; vnumquemlibet militem exercitus numerosi, ob solam iniquitatem aliorum nolentium restituere, liberari posse ab ea etiam parte restituenda, ad quam teneretur reliquis volentibus restituere. Quia id consequitur indirectè quatenus singuli ab alijs destituti, ac seiuncti reputantur pro nullis per fictionem iuris cum fundamento iam indicato. Non caret tamen probabilitate obligatio vnius cuiusque seorsim ad eiusmodi partem totius damni nullo etiam alio volente quidquam restituere. Per hæc igitur patet dari ordinem inter obligatos ad restituendum ex dispari cooperatione respectu damni iniuste illati & qualis ille sit.

Ad 1. Dictum est suprâ obligationem restituendi non solum fundari in re accepta, sed etiam in iniusta acceptione seu in damno iniuste illato. Vnde non solum is tenetur restituere qui accepit rem alterius, sed etiã qui fuit causa iniusta damni, quod alius passus est. Vnde cum plures, & multipliciter possint esse causæ respectu eiusdè damni iniuste illati, patet plures, & multipliciter posse esse obligatos ad restituendam eandè rem vni eidemque personæ, atque teneri ad reparandum cum iactura bonorum suorum iacturam, quam culpa eorum ea persona passa est.

Ad 2. Vno aliquo restituyente totâ quantitatem debitam nullus nocentium est amplius

plius obligatus patienti, sed fortassis illi qui restituit, vt dictum, & explicatum est supra. Vnde non sequitur inconueniens.

QVÆSTIO XLI.

Vtrum Detur aliquis ordo restitutionis ex parte creditorum, & rerum debitarum?

I D E T V R neutra ex parte vllum ordinem prioris, & posterioris esse posse. Quia omnibus creditoribus, & respectu omnium rerum debitarum conuenit ius proprietatis eiusdem infimæ speciei, eiusdemque prorsus rationis. Ius autem creditorum est totum motiuum & causa restituendi; atque impossibile est vt quod in multis est vniforme, eiusdemque prorsus rationis causet inter illos inæqualitatem, & ordinem disconformem prioris, & posterioris.

R. Ante ordinem creditorum, & rerum debitarum præmittendum est quibus debeat fieri restitutio eorum, quæ debentur. Quæ de re tres regulæ obseruandæ sunt. Prima regula est: debita incerta, seu quorum creditor vel ignoratur, vel conueniri non potest, si per iniustitiam contracta sunt, pauperibus vel Ecclesiæ seu pijs locis restitui debent; si absque iniustitia potest debitor ea sibi retinere. Prima pars constat ex *c. cum tu* de vsuris, idemque esse de iure naturæ apparebit quæst. 43. licet oppositum sit valde probabile ob communio-

rem doctorum consensum. Altera pars probatur, quia nullo iure, nullaque æquitatis ratione possessor innocens posthabetur alijs, aut constringitur sibi alios præferre, de cætero æquales. Ergo talia debita potest sibi retinere.

Secunda regula est: debita certa, quorū videlicet creditor, scitur, & conueniri potest, siue is sit persona particularis, siue multitudo aliqua determinata, & discernibilis ab alijs non creditoribus, restituenda sunt per se ei à quo accepta fuit res, vel cui damnum illatum fuit. Quod patet quia ijs competit ius respectu tantum debitorum, ac proinde si non adsit legitima aliqua exceptio contra tale ius, procul dubio illis fiet iniuria restitutione omissa, vel alteri facta.

Tertia regula est: fieri nihilominus potest per accidens, vt nulla sit obligatio restituendi immediatè verò domino, si videlicet is apud quem est res alterius, vel aliter aliquid alteri debet, acquirat ius prouidendi rei suæ rem alterius in alium, quam verum dominum immediatè transferendo, vt qui bona fide emit equum à fure; qui soluit creditori sui creditoris, quod ex eadem causa vtique debebatur; quo pacto debetur pensio pro domo locatori, & illi, à quo is ipsam conduxerat prius: & qui emit ius, quod alius habebat aduersus suum creditorem; hi enim non tenentur quidquam, immediatè restituere verò domino rei aut suo aliunde creditori; sed satisfaciunt restituendo mediatè, & sic prouidendo rei suæ iuxta ius sibi quæsitum.

Iam quod ad ordinem attinet; certum primo est debita certa quibusuis incertis præferri. Quia verum illorum ius compe-

tis ijs, quibus ea solui debent; secus verò ijs, quibus posteriora hæc soluenda sunt. Certum rursus est res, quæ extant in propria specie, & quarum dominium nondum acquisitum fuit debitori; quocumque demum titulo apud illum reperiantur, restituendas esse ante omnia creditoribus earum. Quia ipsi habent; reliqui verò creditores non habent ius in talibus rebus. Dicendum denique est creditoribus personalibus non privilegiatis omnibus æqualiter soluendum esse secundum proportionem debitorum, siue tempore priores, siue posteriores sint quia prior creditor nihil præiudicat; posteriori, cum persona debitoris æquæ, & eodem modo omnibus ad sit, siue prius, siue posterius occurrat ijs, quibus obligatur.

Quare illa regula iuris: *qui prior est tempore potior est iure*; solummodo habet locum in creditoribus hypothecarijs concurrentibus in eodem pignore: quia creditor hypothecarius acquirit ius in re, à quo deijci non potest per posteriorem passionem alterius absque adminiculo sui consensus impliciti vel expliciti. Quod additur propter hypothecarium, qui adiicit hypothecam specialem post generalem. Eo namque ipso videtur cedere hypothecam generalem, dum non deficit specialis posterior adiuncta. Creditores privilegiati, qui non ex natura rei, nec ratione aliqua vniuersali, cuius ductum sequuntur quæstiones istæ, sed ex rationabili dispositione speciali legum præferuntur creditoribus non solum personalibus, sed etiam hypothecarijs, qui procul dubio sunt priores personalibus non privilegiatis, recensentur à Cardinali de Lugo disp. 20. sect. 6. & ab alijs communiter

in præfenti. Quoad reliquos constat ex dictis dari ordinem restitutionis, & qualis ille sit ex parte, tum creditorum, tum rerum debitarum.

Ad rationem dubitandi: sicut vnus habet ius ad magnas diuitias; alius ad paruas; alius respectu rei pretiosa; alius respectu vilis; & tamen in vtroq. datur ius proprietatis formaliter vniforme, & materialiter tantum diuersum, ita contingit vnum habere ius, vt prius sibi soluatur, quam alteri, seu ad locum priorem, & alius tantum ad locum posteriorem, quin propterea habeant iura specie diuersa formaliter; cum omnia eiusmodi iura dent æqualem obligationem respectu rei & loci pertinentis ad vnumquemque, atque in hoc essentialiter consistat ratio formalis iuris. Causæ excusantes ab obligatione restituendi, de quibus hic erat

immediatus agendi. locus, com-

modus exponentur obiter

in quæstionibus sequen-

tibus, quatenus pos-


sunt esse ali-

qua dispu-

tatio-

nis mate-

ria.



QVÆSTIO XLII:

Vtrum diuifio rerum fit de iure
naturæ?

MO Videtur esse contra
ius naturæ 1. Quia quæ ali-
Iquo iure habent vnum com-
munem dominum, non pos-
sunt manente eo dominio
diuidi inter plures, quin fiat
contra tale ius. Omnia autem quæ pertinet
ad homines habent vnum communem do-
minum Deum iure naturæ, vt patet ex 24.
Iob. *quem constituit alium super terram? aut
quem posuit super orbem, quem fabricatus est?*
Et ex illo ps. 31. *Domini est terra &c.* Atque
hoc dominium nec deficit, nec deficere po-
test. Ergo est contra ius naturæ, vt quæ
pertinent ad homines diuidantur inter ho-
mines.

2. Omnia sunt omnibus communia, de
iure naturæ. Deus enim, cuius voluntas re-
rum naturis conformis est, totum ius natu-
ræ, præfecit vnum quemlibet hominem re-
bus omnibus, quæ ad vtilitatem hominum
factæ sunt, vt patet ex ps. 8. *Omnia subie-
cisti sub pedibus eius;* Nempe hominis. 1. ad
Corinth. 5. *omnia vestra sunt.* Gen. 1. *facia-
mus hominem ad imaginem & similitudinem
nostram, & præsit piscibus maris &c.* In qui-
bus omnia promiscuè adscribuntur singu-
lis; ac specialiter in loco Genesis; quod ho-
mo præsit piscibus maris, & sic de cæteris,
referuntur ad rationem imaginis, quæ vnicui-
libet homini seorsim conuenit æqualiter ac
tota.

aliter . Ergo diuifio rerum contradicit iuri naturæ.

3. De iure naturæ eft, vt homines fint amore, & charitate inuicem coniuncti. Ergo eft contrarius naturæ, vt habeant res inuicem diuifas . Patet confequentia, quia ex diuifione rerum nascitur diuifio personarum; ficut è conuerfo ex indiuiſione beneuola personarum, nascitur indiuiſio, & communitas rerum iuxta illud vulgare ex Philoſopho *amicorum omnia ſunt communia*.

R. Ad maiorem, & magis intimam intelligentiam eorum; quæ huc uſque dicta ſunt plurimum conferet indagare originem iurium, quæ ducitur ex primæua rerum diuiſione; idque ipſum eſt omninò neceſſarium ad ſtatuendum de his quæ deinceps dicenda ſunt de ſpecialibus iuribus, & ſpecialibus tum iuſtitiz diſtributiuz, tum commutatiuz obligationibus, & actibus. Sciendum itaque eſt bona vniuerſim omnia, quorum homines ſunt capaces duplici genere contineri. Alia namque ſunt, quibus intrinſecè conſtituuntur, aut perficiuntur, vt anima & corpus, ſapientia & probitas; ſanitas & pulchritudo. Alia verò ſunt extrinſeca, vt agri, & domus, cibi, & veſtes. Bona extrinſeca ſunt in duplici rursus differentia. Alia enim ſunt, quorum meſura determinata reſpectu cuiuſque dependet à magnitudine, & paruitate bonorum ynumquemque afficientium intrinſecè; vt fama, & honor; laus, & amor. Alia verò ſunt, quorum meſura determinata eſt extra ipſum hominem; quæque proinde aſque vlla eiufdem iniuria poſſunt eſſe plura vel pauciora nullà in ipſo homine præexiſtente.

Q 2

diuer.

diuersitate, vt patet in exemplis modo
prælati aliorum honorum extrinsecorum.

Diuisio bonorum pertinentium ad in-
trinsecam hominis constitutionem & per-
fectionem descendit omninò determinatè
ex iure naturæ. Cum enim homini, vt potè
naturaliter libertate prædicto conueniat ex
natura rei, vt sit gratia sui, patet animam,
cuiusque, & corpus, & vtriusque vnionem
esse gratia eiusdem ex natura rei, ac pro-
inde ipsum hominem esse finem, ad quem
ea ordinantur ex sua natura; Quod est ea-
sue ipsius ex natura rei, iuxta exposi-
tionem suæ tatis traditam quæst. 3. Cætera
quæ hominem intrinsecè perficiunt, sunt
accidentia ipsius, aut adhærent eidem ad-
modum accidentium. Accidens autem ex
sua natura est entis ens, & respicit tanquam
finem subiectum, quod perficit, ac proinde
eadem ratione est suum ipsius ex natura
rei independenter à noua libera cuiusquam
dispositione.

Non longe absimili ratione sunt sua cui-
usque ex natura rei ea bona extrinsecæ,
quorum mensura omninò determinata res-
pectu singulorum sunt bona eorundem in-
trinsecæ. Dictum namque est in eadem
illa quæst. 3. ex D. Thoma eæ etiam esse sua
cuiusque, quæ eidem secundum proportio-
nis æqualitatem debentur. Ea autem cui-
usque bona extrinsecæ, quorum mensura
omninò determinata ex natura rei, sunt
bona eiusdem intrinsecæ, patet eidem de-
beri secundum proportionis æqualitatem.
Alias enim non deberent inde mensurari
omninò determinatè ex natura rei. Ratio
vltior horum est, quia bona cuiusque
intrinsecæ, & quæ inde omninò determi-
natè

natè mensurantur, ita sunt in eius utilitatem ordinata, ut nulla hominum libera dispositione, aut mutua conventionione fieri possit, ne sint eidem vtilia, & aut in similem alterius utilitatem convertantur. Nec enim fieri potest, ut salus & honor alicuius, non sint viles eidem, aut ut alteri sint eodem modo viles, seu sint vsque adeo viles, & sic de ceteris à fortiori. Quæ autem ex natura rei hoc habent, ut utilitati alicuius sint determinatè deuincta, necesse est ex natura rei esse sua eiusdem. Diuisio igitur vtriusque huius generis bonorum est constituta iure naturæ, & suum quisque illorū peculium habet independentè ab hominum placito ex suppositione, quod existant.

Cætera bona extrinseca homine inferiora ita sunt in hominum utilitatem ordinata ex natura sua, ut nullum determinatè hominem potius, quam quemlibet alium; aut totam hominum collectionem potius, quam partem eorum, aut quam aliquem vnum, hominem determinatè respiciant tanquam finem suum ex natura sua præterquam calum & aer, quibus intrinsecum est, ut sint omnibus communia. Vnde sit ut nulla, superaddita lege, ac dispositione ultra naturalem omnia ea bona mansura fuissent promiscuè communia. Qua de causa communiter dicitur omnia esse communia de iure naturæ. Ipsum nihilominus ius naturæ præscripsit mortalibus, ut fieret, præscribitque semper, ut conseruetur, ac propagetur eiusmodi rerum diuisio. Quod esse omninò conueniens, nec eam diuisionem honestè prætermitti potuisse, atque esse necessariam triplici ratione probat effi-

eaciter D. Thomas quæst. 66. art. 2

Primum nimirum, vt homines red-
dantur solliciti, ac diligentes. Omnes
enim naturaliter negligunt, quæ sunt com-
munia comparatione eorum quæ sunt pro-
pria. Et cuius durum est, laborem esse,
specialiter suum; bonum verò ex labore,
resultans esse alijs secum commune. Vnde
facile relinquit curam alteri, vt habeat
commodum sine onere; singulis autem,
hac ratione propensis in otium, atque
sperantibus meliora de socijs, aut si non
sperent, nolentibus cum iactura propria,
prodesse alijs, aut inter hanc spem, ac
desperationem hærentibus deseritur, ac
dilapidatur bonum commune. At ratio-
ne contraria in bonum quisque proprium
incumbit diligenter; certus quod sibi
arat, sibi ocat, & quod suum otium
sibi nocet, nec ab alio supplendum sit.

Deinde confusione vitandæ inter est
plurimum, quod curas quisque suas seor-
sim habeat circa rem determinatam. Qua-
re genus humanum pessimè haberet sum-
ma omnium inter se confusione implica-
tum, si omnibus æqualiter, & promiscuè
incumberet cura circa omnia, accurrenti-
bus multis ad eandem rem; vel si non
accurrant auertente singulos plurimo-
rum exemplo, ne quis quidquam aggre-
diatur.

Denique inter eos qui communiter, & in-
diuifim aliquid possident, facile, ac frequen-
ter suboriuntur iurgia. Quapropter si om-
nia omnibus mansissent communia, pax &
tranquillitas matua hominum, subsistere,
minimè potuisset in statu absolutè tolerabi-
li. Porro hæc tria malorum genera eò sunt

Maiora

maiora , quo maior est, eorum multitudo , quibus bona sunt communia.

Adde sublata rerum diuisione nullum, aut vix vllum superesse locum liberalitati, misericordiæ, beneficentiæ, gratitudini & similibus virtutibus, quarum opus est alijs erogare de proprio. Deesset itaque maximum humani generis decus, ac ornamentum, & mutux beneuolentiæ, ac charitatis vinculum vel maximum. Adde rursus vitandis his omnibus malis imminetibus ex communione rerum omnium opus esse magna quadam eorum perfectione, quibus illæ essent communes, qualis perfectio de tota, vel etiam magna omnium hominum multitudine sperari minimè potest, saltem pro prædicti misero statu naturæ humanæ lapsæ vniuersaliter in peccatum, atque per illud corruptæ. Opus præterea foret superioritate, ac iurisdictione alicuius supra cæteros, qui congruenter diuideret opera, ac labores, confusionem tolleret singulorum in singula directione, & pacem ac tranquillitatem, foueret diremptis iurgiis aut præoccupatis.

Ea autem ipsa superioritas ac iurisdictione dari non potuisset qualis in eos fines necessaria est, & sufficiens, si nulla facta fuisset diuisio officiorum, ac rerum per liberam hominum dispositionem. Officiorum quidem, quia nullus subest alterius superioritati, ac iurisdictioni ex natura rei, nec datur differentia purè naturalis, & vltimo determinata superioris & subditi; cum vnus quilibet sit æquè liber, ac sui iuris, & gratia sui ex natura rei; sintque præterea plures idonei ad regendum, & plures idonei ad parcendum. Rerum verò, quia redirent eadem inconuenientia, si vel vnus tantum

homo præset immediatè toti humano generi quoad omnia, vel plures haberent ex æquo, ius ingerendi se in earundem omnium rerum dispositionem. ita vt singuli diuersos quidem dirigerent homines, circa tamè res omnes easdem. Constat igitur ex his diuisionem totum fuisse & esse omnino necessariam, eamque quoad aliqua factam esse immediatè iure naturæ, quoad alia per liberam hominum conventionem, ex præscripto iuris eiusdem naturalis.

Ad 1. Dictū est quæst. præsertim 5. & 19. Deo non conuenire ius proprietatis quoad vtilitatem, & vltus vtiles rerum respectu sui, sed omnem earum vtilitatem relictam esse substantijs rationalibus creatis. Quapropter ita est rebus omnibus essentialis, vt subsint directioni, ac prouidentia diuinæ; vt nihilominus iura vtilitatum diuidi possint inter homines. Deindè quæ sunt propria vnius possunt diuidi inter plures ex cōsensu eiusdem quatenus ille consenserit. Deus autem vt dominus vniuersorum, quod in illis locis scripturæ manifestatur nō solum consentit, sed etiam præcipit lege sua naturali quæ includitur essentialiter in iure naturæ, prout liquet ex eadem quæst. 5. & ex priori parte quæst. 7. Præcipit inquam, vt res omnes diuidantur inter Angelos, & homines, prout ipsorum interest, vt apparet ex discursu superiori. Ea igitur conformis iuri naturæ diuisio rerum, & quoad partem earum inducitur per ipsum est immediatè.

Ad 2. Ita sunt omnia exteriora indifferencia ex se ad quoslibet, communia de iure naturæ, vt ipsum ius naturæ præscribat singularum rerum ad singulos homines distributionem, ac diuisionem communem & singu-

singulorum bono congruentem. Quapropter loca illa scripturæ accipienda sunt de subiectione rerum omnium respectu totius hominum collectionis cum distributione, atque appropriatione accommoda respectu singulorum. Hoc nimirum conuenit hominibus ratione suæ similitudinis specialis cum Deo, ut participet vim dominatiuam ipsius, cum partitione rerum, & iurium multiplicatione correspondente multiplici numeri: cæ eiusmodi similitudinem cum Deo consecuta ad multiplicationem hominum.

Ad 3. Vitio humanæ naturæ fit ut nulla arte omne incommodum tolli possit ab hominum mutua inter se coniunctione sociali. Caterum ex rationibus D. Thomæ, & alijs insuper adiunctis superius, manifeste apparet incommoda futura fuisse longè maiora etiam quoad mutuam pacem ac beneuolentiam, si nulla prorsus facta fuisset diuisio rerum exteriorum. Cum igitur ratio naturalis dicat inter mala impossibilia, & copulatiuè inuitabilia, eligenda esse quæ minora sunt, patet eadem ratione præcipiente factam esse rerum diuisionem. Quod dicitur amicorum omnia esse communia; accipitur de communitate ex affectu & inclinatione ipsius amicitiae quoad usus necessarios ad communem amicorum felicitatem; non verò de confusione iurium pertinentium ad vnumquemque eorum; si quidem ex eorum retenta distinctione suboriuntur, ut supra indicatum est, opera & officia mutua liberalitatis, misericordie gratitudinis, & similium, quibus amicitia fouetur, & quibus non esset locus subintrante iurium confusione, certè non pateret locus tam amplius, quam est necessarius respectu totius

tius omnium hominum multitudinis, mutuo
 beneuolentiæ fœdere ; vniuersaliter & par-
 ticulariter copulandæ .

QVÆSTIO XLIII.

Vtrum diuisio rerum exteriorum
 fieri potuerit arbitrio homi-
 num , vtcunque libuisset ?



I D E D V R sita fieri potuisse . 1. Quia quod ad vtilitatē alicuius totaliter ordinatur, totaliter subiacet eius volū- tati, vt disponat vtcunque libuerit, ita saltem, vt sit valida dispositio qualitercumque ipse dis- posuerit . Dictum autem est sæpè res om- nes exteriores esse totaliter ordinatas ad vtilitatem hominum . Ergo homines po- tuere eas diuidere, atque de illis dispo- nere saltem validè, vtcunque libuisset .

2. Quod viget consensu, & voluntate, vniiformi omnium vniuersim nationum, & gentium non amplius dubitatur, quin sit iustum ac honestum ; certè non dubitatur de valore dispositionum nihil inde exorbi- tantium . Dubitari autem eo non obstante posset, si posset esse aut inhonesta, aut in- ualida dispositio, ac diuisio rerum facta, communi omnium conuentione ac arbitrio, vtcunque libuisset . Quia videndum nihil- ominus superesset ; an disposuissent, ac di- uisissent eo determinatè modo quo solo li- cet, ac valet eorum dispositio .

R. Con-

R. Constat ex quæst. præcedenti diuisionem rerum exteriorum indifferentium ex se, tametsi de iure naturæ non sit formaliter, & immediatè, atque omninò determinate; esse tamen de iure naturæ præceptiuè ac vage. Ita videlicet, vt liberum hominibus fuerit talem, vel talem rerum diuisionem instituere pro libito, quin agerent contra ius naturæ, non tamen, vt nullam, prorsus facerent diuisionem. Verum neque istam ipsam electionem diuisionis ac modi diuidendi vsque adeo liberam & indifferentem reliquit ius naturæ, vt nullas præscriperit conditiones, quibus non præstitis leges, ac conuentiones diuisionum euaderent inhonestæ, imo & nullitatis vitio laborarēt. Cum enim res istæ exteriores in omnium, ac singulorum hominum vtilitatem sint ordinatæ intrinsecè ex sua natura, sintque deuinctæ naturæ humanæ secundum se, quatenus easdem erogauit, Deus æquali erga omnes homines amore ac voluntate antecedenti; siquidem omnes fecit æquè bonos in natura, neque eius amor inæqualis esse possit, erga obiecta æqualiter bona in se, quatenus æqualiter bona sunt: cumq; homini nihil facere liceat contra naturas rerum, & contra diuinam voluntatem antecedentem beneplaciti. Cum inquam hæc ita se habeant patet diuisionem rerū quatenus factam arbitrio hominum honestam, ac validam minimè esse potuisse, quin omnium, ac singulorum hominum vtilitati, & felicitati æquè consuleret.

Prima igitur eademque præcipua & ceteras in se continens conditio iustæ & validæ diuisionis est, vt omnes homines nulla facta exceptione eidem sorti committat, eandemque omnibus quouis tempore exi-

stentibus spem, ac facultatem faciat quantum est de se augendi cumulum bonorum suorum. Alias enim lex humana faceret inæquales, quos lex naturalis, eademque diuina fecisset æquales, idque solum ex voluntate legislatorum autem, omnem earum circumstantiarum varietatem, pro quibus lex naturalis à Deo lata esset, atque omnibus æqualiter prouidisset. Quapropter, si lex humana ex se præcisè inæqualis respectu diuersorum hominum, posset esse valida, fieri posset ut voluntas hominis praualeat contra diuinam. Nec enim valida esse posset, quin redderet inuálidam ac nullam, eam cui esset contraria. Quod autem voluntas diuina, per quam viget lex naturalis, æqualiter fauerit, omnibus & quibusuis secundum se præcisè consideratis breuiter quidem, sed efficaciter demonstratum nuper est.

Secunda deinde principalis conditio eiusdem diuisionis est, ut nullum relinquat aidtum inæqualitati bonorum præterquam ex inæquali ad bonum commune contributione, atque cooperatione. Cum enim bona hæc exteriora sint, uti præmissum est, communia omnibus ex sua natura; neque quod commune est fieri possit iuris priuati, quin tantumdem iuris, ac liberæ facultatis decedat cæteris quanta fuerit accessio priuato illi adiudicata, sequeretur planè iniuriosam fore atque nociuam, respectu cæterorum contentorum in communitate; appropriationem rei, quæ erat communis, respectu priuatae personæ, nisi ipsa tantumdem in bonum commune contulisset. Quare permissa occupatione, & appropriatione bonorum cuiuslibet æquè patentium absque aliqua eiusmodi contributione in bonum commune,

commune, non fieret solum ultra ius naturale, sed etiam contra. Nec enim ea diuisio esset, qualē ipsum ius naturale permittit, ac præcipit, sed qualem reprobatur manifestē. Quod ex eo vltius manifestatur quia nemo prudenter consentit puro suo damno, idest damno minimē compensato per aliquod aliud bonum saltem æquale, & impossibile cum eo, cuius iacturam patitur. Ergo qui facit iuris ac liberæ facultatis priuatæ, quod erat commune, quin communitati aliundē refuderit tantundem, habet contradicentes sibi reliquos omnes contentos in communitate, atque prudenter sibi prouidos, quales plerique sunt in hac parte, & præsumuntur omnes, ac proinde usurpat rem inuitis rationabiliter eius dominis. Quod est contra ius naturæ.

Accedit fore, vt si diuisio rerum, secus quam dicitur, facta fuisset, aut permitteretur, non auferrentur nec minuerentur inconuenientia proposita in quæst. præcedenti ex indiuisione rerum. Primum enim omnes faciliē dmitterent curam, & sollicitudinem eorum, quæ iam haberent, in existente sibi facultate & liberâ potestate usurpandi alia, atque alia de nouo absque vlllo labore, nullaue adhibita industria cedentibus in bonum commune. Deinde sequeretur summa confusio plurimorum, confluentium ad purum lucrum absolutum ab omni onere honestæ compensationis. Quod denique pacto, vitari possent similitates, & maleuolentiæ mutue inter videntes spoliari se bonis æquē suis accipientis, idque in perpetuum absque vlllo suo emolumento speciali, vel communi?

Præter

Præterea cuius in finem suum vigoris esse possent virtutes humani generis mutuo conciliatrices, si ea tantum erogari possent, quæ, qui erogaret, habuisset, & qui acciperet habere posset sola habendi voluntate, eiusque voluntatis solum per verba aut nutus significatione, aut utcumque, aliter nulla superata difficultate promouendi bonum commune, nullaque adhibita eam in rem industria? Quæ omnia incommoda sunt manifestiora in usurpatione iurisdictionis; si tamen iurisdictionis esset aliqua libera facultas supra alios absque vel idoneitate, vel obligatione promouendi bonum commune. Cuiusmodi profectò facultatem quilibet sibi vellet, nemo alteri. Vnde fieret, ut nemo illam habere posset, quin noceret alijs in re maximè sua ipsorum: hoc est in propria libertate & dispositione suarum actionum, idque inuitis rationaliter iisdem. Quod clarè cōtradicit iuri naturæ.

Paret igitur iniquam & turpem futuram fuisse diuisionem rerum nō grauantem singulos appropriaturos sibi partem earum, necessitate cooperandi ad bonum commune per positionem rerum acq̄sitarum in statu magis idoneo ad vsus & commoda generis humani, vel physicè vel intentionaliter. Qui duo modi proficiendi communitati per spem, aut effectum physicum in occupatione, & sepositione rerum, ac personarum in vsum specialem propriæ liberæ facultatis infra clariis secerneretur, ac exponeretur, seponendo classes rerum quæ ad legitimam sui appropriationem respectu particularis personæ exigunt ex sua natura cooperationem physicam ad bonum commune, ab ijs quæ solam exigunt intentionalem

nalem, ac moralem cooperationem. Exponitur inquam, dum dicitur de modis acquirendi in specie. Nunc enim tantum discernitur in genere.

Tertia conditio est, ut quæ cuiusque propria facta iam semel fuerint, eidem mancant in perpetuum, quantum capacia perpetuitatis illa fuerint; nec in alium transire possint absque ipsius consensu, & quatenus, seu illo tantum modo, quo ipse consenserit. Hoc probat efficaciter prima ratio D. Thomæ supra producta, pro necessitate naturæ divisionis rerum. Non enim ea solum, negligenter ab vno quoque administrantur, quæ sunt omnino communia, sed ea etiam, quæ solum habentur ad tempus, debentque aut possunt transire ad alium absque ipsius consensu, vel simpliciter, vel quoad aliquid.

Confirmatur præterea hæc conditio ex præcedentibus, quia quod quisque contri- buisset in bonum commune pro approprianda re aliqua, vel esset irrevocabile, vel revocabile. Si primum, esset iniqua rem sibi acquirentis conditio, quia pro re sibi interitura impendisset aliquid; nunquam rediturum. Si secundum, tam priuata, persona, quam communitas semper se inuicem haberent sollicitos, & de rebus suis minime securos, imminente utrimque dissolutione communium utilitatum. Qua de re, multa dici possent, sed possunt eadem ab vnoquoque facile considerari in consequentiam eorum, quæ iam exposita sunt. Confirmatur rursus, quia redderentur cõtemp- tibilis, ac minime efficaces virtutes, quibus homines inter se maxime conciliantur, dum ea erogarent, quorum neque dans esset neque accipiens futurus esset permanens, & securus possessor.

Quod

376 De diuisione iusta.

Quod autem vnicuique debuerit relinqui libera facultas, vt partem quæ sibi obtigisset, posset in alium transferre quatenus ipsi libuisset, ex eo est manifestum. Quia ius cuiusque priuatum in parte sibi contingente succedit iuri communi, & indiuiduo, quod habebat simul cum omnibus alijs ad totum omnium bonorum cumulum. At iuri illi communi, & indiuiduo renuntiare homines potuissent suo libero consensu; Ergo par est vt possint etiam renuntiare iuri priuato; quod communi illi succedit. Pater consequentia. Quia ius naturæ præcipiens diuisionem non præcepit, vt homines fierent deterioris conditionis; siquidē ius naturæ, & quod ab eo præcipitur, constitutum ab eo est ex amore generis humani. Fierent autem deterioris conditionis, si non retinerent libertatem æque solutam, ac antea cæteris paribus.

Posterior ista pars huius tertiz conditionis confirmatur vltius comparatione cum parte priori. Quia sicut alienabilitas rei vnicuique contingentis absque eius consensu redderet infelicem diuisionem, vt ostensum est; ita impotentia alienandi cum libuisset, & quatenus libuisset, reddidisset eandem infelicem inter alia propter hæc duo. Alterum est, quia fieri non potuit vt in parte vnicuique appropriata suppeteret omnibus omnia necessaria pro omni tempore. Ergo si quod quisque haberet non posset alienando in alia commutare, constituerentur homines saltem plerique ratione diuisionis rerum in impotentia sibi prouidendi de omnibus necessarijs per commutationem eorum quæ haberent cum ijs, quibus magis indigerent. Alterum est quia impotentia alienandi impediret vsum vtriusque

tutum socialium, & amicabilium liberalitatis, gratitudinis & similium in eo gradu, qui est necessarius respectu totius multitudinis hominum.

Postrema ex his consequens conditio est, ut pars bonorum unicuique contingentium sit transferibilis in alios non ex qualicumque eiusdem consensu, sed vel gratiofo, & bene merenti apud eum, in quem fieret translatio, vel constituyente æqualitatem inter datum & acceptum. Ratio est, quia si translatio rei quæ, est unius, in alium facta erit non constituta æqualitate inter datum & acceptum; nec excessus fuerit gratiose collatus ab eo, cui minus contingit habere, is planè iacturam eatenus patietur; coactus. Hoc autem sine iniuria ex parte cogentis contingere minimè potest. Cū enim omnes homines essent æquales ab initio quoad terminos libertatis, tam materialiter, quam formaliter, & postea inæqualitas materialis inducta sit absque inæqualitate formali; nec secus fieri poterit salvo iure naturali, ut liquet ex dictis præsertim circa primam conditionem; atque inter cogentem, & coactum manifesta intercedat inæqualitas formalis; siquidem qui cogit, plus sibi arrogat in retinenda amplitudine suæ libertatis, & restringenda libertate aliena, quam qui cogitur, is enim non plenè, ille plenè, immo & ultra limites utitur sua libertate. Cum inquam hæc omnia ita se habeant cōsequens planè est, ut toties necesse sit interuenire, iniustitiam primæuo iuri naturæ contrariā, nec alterabilem vlla vniuersali inter homines conuentione, quoties fiet translatio rerum, quæ sunt unius, in alium absque æqualitate inter utrumque, & simul absque
alt-

alterutrius gratiosa quoad excessum collatione, & consensu simpliciter libero.

Quapropter commutatio inæqualis non habens admixtam gratiosam collationem, ex alterutra parte est iniusta; multo verò magis translatiorei, quæ est vnius, in alium absque vlla commutatione, & consensu domini; neque sine ista conditione, potuit fieri rerum diuisio. Consensus porro intelligitur, vel implicitus, vel explicitus. Quia cum homines non possint vbi-cumque ipsorum interest, adesse, nec ad omnia, & singula, vel simpliciter, vel prout oportet semper aduertere quæ similiter eorundem seorsim, aut communitalis interest, vt sic vel aliter disponantur de nouo, esset iniqua eorum conditio, si defectus singulorum quoad præsentiam, vel aduertentiam, & consensum explicitum suppleri non posset præsumptione aliorum, fundata in consensu dominorum tantum vniuersali ac implicito, seu virtuali, aut mediato cum vtilitate vel speciali ipsorum, vel communitalis. Cuius rei clarior demonstratio exhibebitur in progressu.

Interim circa æqualitatem hoc præterea notandum est, non debere illam mensurari dependenter ab affectu speciali, quo quis rem aliquam prosequitur per accidens. Quia ante rerum diuisionem æque patebāt omnibus res omnes exteriores quocumque demum modo affecti essent erga illas. Ergo esset contra ius naturæ, si induceretur inæqualitas quoad res exteriores iuxta proportionalem interioris affectus inæqualitatem. Quem videlicet vnicuique permissum est qualis, & quantum libuerit concipere absque iactura rerum ad quas afficitur, & absque vllius iuris exinde acquisitione, quantum

quantum est ex vi iuris naturalis, quatenus comparantis hominem cū homine, & præscribentis vnicuique terminos propriæ liberæ facultatis. Ratio à priori est quia ut præmissum est sub initium quæstionis præcedentis, affectus, & cætera quæ hominem secundum se intrinsecè afficiunt, sunt sua, & propria cuiusque iure naturæ; idque, proindè peculium potest quisque, quātumlibet augere vel minuere, quin ea de causa, vllam iacturam patiatur, aut vllum emolumentum percipiat quoad ea, quæ idem ius naturæ fecit omnibus cum æqualitate communia, atque ex prescripto eiusdem iuris ius humana libertate constitutum, atque vltimo determinatum omnium industriæ, ac fortunæ æqualiter exposuit, vtcumque affecti essent.

Accedit incommodum ingens: quod ex opposita iuris ratione sequeretur. Sequeretur namque quo quisque sapientior esset ac maiori probitate præditus, eo per se, loquendo deberet in commutationibus minus accipere; & eo plus, quo insipientior esset ac deterior. Nempe quo quisque sapientior maiorisque probitatis est, eo magis afficitur ad æterna, & minus ad hæc temporalia, quæ comparatione illorum vilescent animo rectè vtrique ponderanti; Iudè demum fieret sapientiam, & probitatem, insipientiam, & improbitatem, vel certè affectum illis regulatum esse partē mercis aut pretij, in commutationibus; & rem minime transferibilem in aliū constituere intrinsecè id, de cuius in aliū translatione ageretur, atque tractari ut commutabile, fierique materiam contractus commutationis, quod essentialiter est incommutabile

bile, ac intransferibile. Æqualitas igitur pensanda est penes æstimabilitatem conuenientem rei independentem ab speciali, & accidentali æstimatione, ac affectu cuiusque erga illam & pendentem solum à naturali hominum constitutione, alijsque exterioribus rerum ipsarum circumstantijs variantibus mutuam earundem rerum comparationem inter se.

Istæ omnes conditiones ac limitationes expostæ sunt seorsim maioris claritatis gratia, & quia earum intelligentia conferre plurimum potest ad expeditiorem determinationem quæstionum sequentium, nec non ad dirimendas ab vnoquoque quæstiones alias minutiores circa peculiare in vnoquoque genere iniurias, quarum sigillatim & in particulari prosecutio euaderet nimis longa, neque est pro disputatione vsque adeo idonea. Cæterum ea omnia quæ dicta sunt possunt quoad substantiã breuius expediri per definitionem dicendo: diuisio rerum iure naturæ præscripta est *designatio iuridica terminorum liberæ facultatis respectu singulorum circa res suapte naturæ communes, ac indifferentes conferens ad propriam cuiusque, & communem omnium felicitatem*. Quia verò huiusmodi diuisio descendit ex præscripto iuris naturalis, & inducta est sèsim sine sensu quoad præcipua eius capita per ius gentium conuenientibus singulis appropriationi, quam quisque præoccupando fecisset, atque ius gentium confunditur sæpe à Iurisconsultis cum iure naturæ, vt dictum est quæst. 7. propterea Institut. de rerum diuisione *ferè* dicitur; id quod ante nullius est naturalis ratione conceditur occupanti. Rursus quia
plures

plures rerum diuisiones sunt immediatè decretis & legibus Principum ex concessione iuris gentium, & naturæ, propterea Augustino dicere licuit tract. 6. in Ioan. *quod hæc villa sit mea, & illa tua, est ex iure Imperatorum.* Neutrum tamen horum fieri aut honestè aut etiam validè potuit siue per conuentionem gentium, siue per decreta & leges Imperatorum, siue villo alio modo nisi dependenter à iure naturæ, & cum conditionibus ab eo præscriptis, & huc vsque explicatis; cum ijsdem verò potuit, & potest fieri diuisio rerum per liberam hominum conuentionem, & statutum.

Ad 1. Quod est vtilitati alicuius, vel aliquorum deputatum, subiaceret eius seu eorum voluntati solum quoad eas utilitates quæ eidem veleisdem concessæ sunt. Res autem exteriores concessæ sunt à Deo hominibus non quoad utilitates qualescunque respectu singulorum, sed quoad eas, quæ bono communi congruunt & respiciunt æqualitatem respectu cuiusvis in particulari pro vt comparati cum cæteris. Eatenus igitur tantummodo concessum est hominibus vt honestè & validè de ijs rebus disponderent iuxta regulas datas.

Ad 2. Propterea non dubitatur de honestate, & validitate eorum quæ communi hominum consensu statuta sunt circa res istas exteriores sensibus obuias, & faciliè intelligibiles perfectè; quia est moraliter impossibile, vt omnes, aut etiam plerique errent circa dispositionem earum quoad principia omnibus aut plerisque cõmunia. De ijs autem quæ sunt moraliter impossibilia perinde non dubitatur, atque de impos-

possibilibus physicè, quia perindè non
eueniunt.

QVÆSTIO XLIV.

Vtrum Officia habentia iurisdic-
tionem sint intrinsecè
inuendibilia ?

IDENTVR non esse
inuendibilia. 1. Quia D.
Thomas interrogatus de
hoc puncto à Ducissa Bra-
bantiæ respondet op. 21.
ad quæst. 5. his verbis: *non
video quare huiusmodi officia non liceat ve-
bis vendere, dummodo talibus vendatis, de
quibus possit præsumi, quod sint utiles ad
alia officia exercenda, & non tanto pretio
vendantur officia, quod recuperari non possit
sive grauiamine vestrorum subditorum. Ergo
seruatis duabus illis conditionibus licitè, &
valide vendi possunt officia habentia iuris-
dictionem. Nempe de talibus officijs est ea
consultatio.*

2. Officia secularia sunt in primis; quid
pure temporale, vt patet, Deinde sunt val-
dè appetibilia. Ambiuntur enim magnis
expensis laboris & industriæ; & magnæ
pecuniarum summæ à multis quam liben-
ter erogantur pro illis obtinendis. Ergo
sunt vendibilia. Patet consequentia quia
non alia de causa panis, & vinum & eius-
modi cætera ab omnibus censentur ven-
dibilia. Qua propter D. Thomas hanc
eandem

eandem rationem, vnicè præmittit suæ illi
assertioni aiens: *Cum autem balneis & offi-*
cialibus vestris nihil committatur nisi tempo-
ralis officium potestatis non video &c. Est
igitur efficax ista ratio.

3. Marchionatus, Comitatus, Ducatus
venduntur de facto carius à pijs, & timora-
re conscientia principibus ob adiunctam
illis iurisdictionem; qua seclusa non ven-
derentur tanto pretio redditus, & alia
emolumenta pecuniaria honorarijs illis ti-
tulis deuincta. Ergo iurisdictio etiam ipsa
secundum se est vendibilis, & habet ratio-
nem partis mercis in venditione iusta.
Quis enim audeat damnare tanquam iniu-
stam tot iustissimorum Principum præxim,
antiquam & quotidianam augmentum pre-
tium ob adiunctam præcisè iurisdictionem?
Aut quæ ratio discriminis reperiri potest,
ob quam iurisdictio simul cum realia ven-
di eiusque pretium augere possit; seorsim
verò vendi non possit præsertim cum
eiusdem rationis ac iuris sit, siue illa ali-
res prius, deinde iurisdictione seorsim; siue
vtraque simul ac indiuisim vendantur.

4. Licet iurisdictione primo ac principali-
ter sit ordinata in bonum cõmonitatis; se-
cundario tamen, & minus principaliter
cedit etiam in utilitatem eius, à quo habe-
tur, quatenus confert præminentiam,
quandam, & dignitatem prælatiuam res-
pectu cæterorum, vt dictum est quæst. 3. &
4. Fieri autem potest, vt utilitas secunda-
ria & minus principalis alicuius rei sit æ-
qualis toti alterius rei utilitati ob maiore
æstimabilitatem vnius, quam alterius, ob
quam quod est secundarium ac minus prin-
cipale vno adæquet, aut etiam superet
quod

quod est primum ac principale in altero. Confirmatur à posteriori, quia quod est secundarium & minus principale in iurisdictione communiter habetur pluris, & ambitur magis quam quidquid utilitatis simpliciter est in parva pecuniarium quantitate.

5. Si hæc officia essent inuendibilia secundum se essent etiam inuendibilia quoad emolumenta pecuniaria illis annexa. Quia quomodocumque vendantur, sequuntur eadem inconuenientia; nempe quod ciues postquam ea emerint grassentur in subditos non solum ut expensas factas restaurēt, sed etiam ut ad vltiores in dignitatibus progressus viam sibi parent. Atque hoc est alterum inconueniens, quod nimirum inde fiat, ut ciues non se disponant ad obtinenda ea officia per virtutem & sapientiam, sed magis accumulando pecunias per bonas, vel malas artes præeunte ad hoc ipsius exemplo Reipublicæ seu supremi Principis docentis ea venditione venditionem functionum iurisdictionalium, & pecuniæ auiditatem.

6. Ut hæc officia vendi non possint digniori, cui debentur determinatè; saltem vendi poterunt indigno, & minus digno, quibus non debentur; certè venditio his facta erit valida, nullumque inde manebit onus restituendi, idque eadem fere ratione qua iudex ex communi auctorum opinione facit suas pecunias acceptas pro sententia iniusta, licet non faciat suas, quas accipit pro sententia iusta. Est enim eadem utroque ratio. Ergo venditio istiusmodi officiorum non est intrinsecè inualida.

7. Saltem electio vnus præ alio, ex æquo.

æque dignis vendi potest. Licet enim concurrentibus multis æque dignis debeat electio al. cui eorum vag³, & indeterminatè; non tamen debetur huic potius quam alteri determinate. Ergo pro electione huius determinatè potest accipi aliquod pretium. Quolibet enim res quatenus est indebita est vendibilis, si simul sit purè temporalis, atque æstimabilis; in quo genere continetur electio ad officia temporalia. Confirmatur ex opinione quorundam auctorum asserentium obligatū ex testamento ad dandum centum pro dote alicui puellæ nubili relicta sibi libera determinatione personæ posse accipere pretium & retinere sibi partem dotis pro electione huius determinate præ exteris æque habentibus condiciones requisitas à testatore; & sic de alijs obligatis ad dandam quantitatem determinatam, aut etiam ad vendendum pro determinato pretio, sed, non determinantæ personæ.

R. Bona illa, quorum diuisio facta est libera hominum conuentione iuxta dicta in duabus proximè præcedentibus quæstionibus duplici summo genere continentur. Alia namque sunt quæ pertinent ad iustitiam distributiuam tanquam propria eius materia proxima; alia quæ ad commutatiuam; iuxta dicta quæst. 18. Quia verò inter istas duas iustitias distributiva est præstantior, quatenus eius obiectum est ius, saltem inadæquate commune, quod præualet priuato, propterea primo loco accommodanda illi sunt conditiones nuper assignatæ diuisionis legitimæ rerum. Inter quæstiones autem de iusticia distributiva ea censetur præcipua, qua quæritur: an officia saltè secularia habentia annexam jurisdictionem

R. sint

sint vendibilia. Affirmant Caietanus, Vazquez, Valentia & alij quamplures. Negant Adrianus, Medina, Angles, Turrianus & alij. Distinguit Lessius: nimirum eiusmodi officia, quoad obligationes ad certas functiones, quæ est eorum essentia, & quoad iustum stipendium, eisdem obligationi & functionibus correspondens, esse inuendibilia vendibilia verò quoad dignitatem & præminentiam respectu cæterorum, nec nõ quoad occasionem ac spem lucrandi ultra iustum stipendium.

Distinctio ista Lessij partim subsistit partim non subsistit. Subsistit quidem quoad obligationem ad functiones & quoad spem lucrandi. Quia hæc duo sunt inuicem separabilia, & conditionis ac æstimationis longè diuersæ. Non vero subsistit quoad eandem obligationem ad functiones, & quoad dignitatem, ac præminentiam respectu subditorum. Quia hæc duo sunt essentialiter inuicem inseparabilia, & identificata mutuo in eiusmodi officijs; atque distinctio rationis, si tamen & hæc ipsa est possibilis inter ea extrema, cum tales functiones sint essentialiter ac formaliter propriæ præminentis, vt præminentis. Distinctio inquam rationis nihil facit pro negotio venditionis, quandoquidem venditio est rei vt est in se, & non vt sic vel aliter apparet in intellectu formaliter.

Quapropter distinguendum est vterius duplex genus præminentis, adiacentis officijs iurisdictionalibus. Primum præminentis genus est, quod est illis intrinsecum, ac essenziale, & consistit in sola ac præcisa potestate vnus, vt præcipiat, ac vetet alijs, eosque dirigat, & in obligatione aliorum, vt illi parcant, ac conformentur. Al-

terum

terum præminentia genus est separabile absolute ab iisdem officijs, illisque extrinsecus superadditum per leges, & consistit in peculiaribus priuilegijs, conferentibus personæ in officio constitutæ peculiarem splendorem, ornatum, ac venerabilitatem ultra eam, quam confert ex natura rei iurisdiclio nuda secundum se. Eiusmodi sūt, posse gestari specialem habitum & insignia, prohibita cæteris; præcedere loco in publicis & priuatis consessibus; interesse cōuentibus hominum præcipuorum pro negotijs maioris momenti; eximi ab officijs vilioribus, & seruitutibus popularium, aut à circumstantijs earum grauis tempore pacis, & belli; tractari modo peculiariter honorifico in causis ciuilibus, & criminalibus; habere aditum frequentem, & facilem ad Principem; constitui in spe promotionum quoad aliqua maiora in hoc eodē ordine rerum, & similia. Secundum istud præminentia genus non est ubique uniforme, sed multiplex, & varium in diuersis prouincijs, & apud diuersos Principes, habetque inæqualem æstimationis gradum iuxta magnitudinem, & exiguitatem, amplitudinem, & restrictionem dominij, ac territorij, & iuxta qualitatem ac numerum maiorem, vel minorem eorum, supra quos euehitur, qui donatur officio; ideoque nulli vniversaliter ac vniformiter regulæ subijci potest. Qua de causa nihil de eo genere præminentia in præsentī dicetur, aut subintelligetur in progressu, sed tantū de primo illo genere, quod est ubique uniforme, & in est officijs iurisdictionalibus intrinsicè ac per se.

Dicendum itaque absolute est eiusmodi officia, esse intrinsicè inuendibilia, si se-

cundum se præcisè cōsiderentur, seu quoad ea quæ sunt eisdem intrinseca, & essentialia: vendibilia verò esse quantum est de se quoad emolumenta pecuniaria ex eisdem resultantia per se quidem quoad excessum iusti stipendij: per accidens verò quoad hoc ipsum stipendium. Hæc procul dubio est mens Diui Thomæ in opusculo illo 21. vt apparebit ex responsione ad 1. & 2. Probatur prima pars conclusionis. Quia officia habentia annexam iurisdictionem secundum se præcisè, & ex sua natura intrinseca non sunt primò, & principaliter ordinata in vtilitatem eius, cui conferuntur, sed potius in vtilitatem, & commodum communis eadem per se vel per alium conferentis, vt positum est ex cōmuni omnium consensu quæst. 3. & apparet clarè ex dictis quæst. 18. circa tertium genus bonorum communium. Pecunia è conuerso primò, & principaliter est ordinata ex sua natura in vtilitatem & commodum habentis illam tanquam suam, vt ex se satis patet, & expositum est in eadem quæst. 18. circa primum & secundum genus bonorum communium. Manifestum autem est non posse constitui æqualitatem inter datum, & acceptum, quando vtrumque primo & principaliter est ordinatum in vtilitatem, & commodum alterius ex commutantibus. Huic enim necessariò alter euadit inæqualis, ac inferior cum minori lucro, & maiori damno. Cum ergo venditio non possit esse iusta absque æqualitate inter datum, & acceptum; patet officia habentia annexam iurisdictionem esse prorsus inuendibilia, si secundum se præcisè cōsiderentur:

Explicatur & vigetur hæc ratio: Quia communitas indiget aliquo iurisdictionem

habente, à quo multitudo dirigatur; coercatur ac defendatur, & In mutua pace, tranquilla, ac beniuola conseruetur; indiget vero non minus, si non & multo magis, quam indiget medico, magistro, & alijs eiusmodi, nec ullus ciuium determinatè ita indiget potestate ceteros gubernandi. Si cut igitur intrinsece iniquum, & turpe esset communitatem vendere officium magistri, medici, & aliorum eiusmodi secundum se, præcisè, & seclusis omnibus emolumentis pecuniarijs, eorumque spe; ita intrinsece, & turpe est vendere officium habens annexam iurisdictionem secundum se præcisè. Tenet paritas ob rationem iam datā. Quia videlicet utrobiquè primo ac principaliter cedit communitati utilitas non solum pretij, sed etiam mercis, seu eius, quod vendit. Quod manifestè est contra rationem iustæ venditionis. Augetur vis argumenti. Nam qui vendit ideo vendit, quia indiget pretio; non vero quia indiget, ut habeatur ab alio, quod ipse vendit. Alias enim venditor cogeret emptorem ad faciendos sumptus non ut subueniat indigentia propriæ ipsius emptoris, sed ut subueniat indigentia quam patitur vendens, non solum pretij, sed etiam, ut habeat apud emptorè quod illi vendit. Quo nihil inæqualius ac iniustius esse potest. Nempe emptor, & venitor, ut iustus & æqualis sit contractus, suæ quisque indigentia consulere debent, & permutare res æquè inuicem utiles; & non ut alterutri tota utrimque utilitas primo ac principaliter cedat.

Altera pars conclusionis, nempe quod emolumenta pecuniaria officiorum sint vendibilia per se quoad excessum stipendij iusti nullo negotio conuincitur. Quia talia

emolumenta potest communitas, & qui vices gerit cōunitatis subtrahere absque vlla iniuria, quantū est ex natura ipsius rei. Ergo & vendere potest. Patet consequentia; quia venditio est quidam subtractio- nis modus. Deinde ea emolumenta sunt eiusdem generis cum pecunia, qua emen- tur, potestque proinde constitui æqualitas inter ipsa, & pecuniam pro eis datam.

Postrema pars conclusionis, quod hæc officia sint inuendibilia per se quoad iustū stipendium; vendibilia verò per accidens, probatur. Quoad per se quidem, quia ius- tum stipendium est debitum ex iustitia, exercenti iurisdictionem, non secus ac la- boranti in vinea. Nemini autem vendi po- test, quod ei debetur ex iustitia. Nec est locus æqualitati iustitiæ, quando solutio pretij, & obligatio, ac onus ex se æstimabi- le grauant solum ementē venditore vtrim- que lucrante. Probatur item quoad per accidens, quia res publica potest obligare ciues, vt incumbant bono communi, tam in hoc genere, quam in quouis alio gra- tis, & absque vllō stipendio, quando in eas angustias redacta est, vt non sit soluendo; seu soluere non potest, quin patiatur aliud malum maius, quam cogere idoneos ad la- borandum absque mercede, & constituere inæqualitatem, inter ciues sic laborantes, & alios nihil præstantes, quod æquiualeat illi labori quia non possunt, aut non expe- dit. Vendere autem anticipata solutione iustum stipendium dietim proueniens ex functionibus officij, nihil re ipsa est aliud quam obligare ad præstandum officium, seu functiones officij gratis, & absque sti- pendio. In hunc igitur modum, atque sub eiusmodi distinctione, sunt vendibilia & inueni-

inuendibilia officia secularia.

Ad 1. Imo ea verba D. Thomæ confirmant veram sententiam; quia secunda conditio ab ipso apposita *ut non tanto pretio vendatur officia, quod recuperari non possent sine grauiamine subditorum*, nullum locum habere posset, si ista officia non solum essent vendibilia quoad emolumenta pecuniaria, sed etiam secundum se, & quoad nudam iurisdictionem. Quia tunc euentes per ipsam officij collationem reciperent partem compensationis, aut compensationem adæquatam pretij soluti & consequenter non liceret illis totum pretium recuperare, (ut supponit licere D. Thomas) neque cum grauiamine, neque sine grauiamine subditorum. Neque enim per emptionem officij secundum se posset acquiri ius ad rehabendum tantumdem pecuniarum ultra illud officium; neque siquidem potest peremptionem acquirere ius ad mercem, & ad aliquid amplius, præsertim æquale toti pretio. Igitur Diuus Thomas solam approbat venditionem officiorum quoad emolumenta pecuniaria, quæ exigenda supponit per officiales à subditis.

Ad 2. Ratio illa desumpta ex D. Thoma nihil concludit, nisi cum limitatione ab eo adhibita, & nuper notata ad 1. atque in sensu illam includente. Id quod demonstrari efficaciter potest; quia etiam mutuū est quid purè temporale, & est valde æstimabile atque pro eo obtinendo erogant mutuatarij multam pecuniam; & nihilominus est inuendibile secundum se præcisè, ut d. cetur quæst. 45. Eadem est ratio ut ibidem apparebit de anticipata, & dilata solutione preciorum, pro mercibus, quarum altera respectu vendentis & altera respectu euentis sunt valde æstimabiles, & vtrique est quid purè tē-

porale, ut patet, & quaeritur ab alterutris, aucto & diminuto pretio; & tamen neutra est vendibilis. ut merito fatentur aduersarij fere omnes. Ergo ad iustam rei vendibilitatem non sufficit eam esse purè temporalem, simulque appetibilem & sumptibus pecuniarum quaestam per aliquos. Sed aliquid praeterea aliud requiritur; nempe ut possit constitui aequalitas inter mercem & pretium. Quae aequalitas repugnat inter pecunias, & iurisdictionē ut ostensum est supra, & est possibilis inter easdem pecunias, & emolumenta pecuniaria secundum quae praecise considerauit D. Thomas temporalitatem eorum officiorū, ut visum iam est.

Ad 3. Iurisdicō adiuncta proprietatibus illas reddit magis securas à furto & rapina; minuit expensas operarum, & familiarum; accommodat pretia intra summum, & infimum pretium iustum in fauorem domini, seu vendentis, seu euentis; exigit efficacius, & magis tempestiuè nomina, & tributa; aliaque plura accumulatur obsequij, & officiosae contributionis emolumenta pecuniaria, quae non negatur vendibilia esse ex sua natura. Eadem autem sola venduntur, siue seorsim, siue simul cum proprietatibus iurisdicō conferatur à Principibus conferentibus iustè; ex quo patet nullum argumentum deduci posse pro vendibilitate iurisdicōnis secundum se, & cum separata fuerit ab eiusmodi emolumentis, uti separari absolutè potest per leges ea omnia abradentes.

Ad 4. Dignitas, & praeminentia iurisdictionalis essentialiter consistit in potestate dirigendi ceteros ad propriam ipsorum utilitatem, ac felicitatem, eisdemque eam in finem obligandi. Quae quidem potestas,
quia

quia est participatio diuinæ potestatis, est perfectio valde æstimabilis, & subiectum suum reddit valde honorabile. Verum quia hæc potestas quatenus connaturaliter habita, & pertinens ad præsentem considerationem dependet essentialiter ab exercitio similis potestatis conuenientis communitati volenti obligare, & obliganti de facto habentes talia officia, vt cõsulant bono communi, eumque in finem omnem suam industriam, ac vires impendant; vnde fit vt quoties exercent potestatem ceteros obligandi, toties, exerceant subiectionem erga communitatem obligantem ipsos vt ita obligent; idque cum hoc discrimine, quod cõmunitas obligat principaliter ad propriam ipsius vtilitatem; minimè verò habentes officia ad propriam ipsorum vtilitatem, cuius tamen sunt indigi non minus quam ceteri: & ex utroque capite eius & subiectionis & indigentia deficit eorum potestas à participatione diuinæ. Quia inquam hæc omnia ita se habent, perspicitur clare dignitatem & præminentiam hominum habentium iurisdictionem esse æquilibratam, immò & præponderatam subiectione erga communitatem diuertente vires animi, & corporis à proprijs vtilitatibus ad cõmunes. Pater autem bonum præponderatum onere essentialiter sibi coniuncto vendibile nequaquam esse. Quare argumentum decipit, quia considerat bonum secundum se, absque malo sibi essentialiter connexo.

Confirmatio argumenti ab experientia refellitur duplici alia experientia contraria. Prima est omnes vbiq; communitates, quatenus non regunt se per seipsas, superaddere officijs iurisdictionem habentibus stipendia congrua, & pterumque alia præ-

terea emolumenta. Quod non fieret si onus eorum officiorum non praeponderaret praeminentiae & aestimationi dignitatis. Altera experientia est non solere ambiri haec officia, ab ijs, qui nullum inde emolumentum sugere volunt, nec in officio quidquam quaerunt praeter ipsum officium, & curam boni communis coniunctam cum sola praeminentia.

Dicendum igitur est ambientes haec officia vel adherere emolumentis, quae modo dicebatur illis superaddi, & possunt absolute ab iisdem separari, suntque vendibilia modo dicto; vel quaerere eorundem officiorum abusum, & impunitatem pro peccatis in posterum committendis, quae patet esse inuendibilia, cum sint inter insecum nociva habenti; vel denique affici erga dignitatem & praeminentiam affectu speciali ultra communem & iustam aestimabilitatem rei apud prudentes aestimatores; quae circumstantia nihil facit pro vendibilitate, ut observatum est in questione precedenti. Nocet hac in parte apud incautos facili fidei vera sententia, quod quae nunquam, aut vix unquam separantur, facile apprehenduntur ut inseparabilia ex se, atque identificata; & quod affectus simpliciter irrationabiles, ac vitiosi facile nonnunquam adscribuntur naturis rerum.

Ad 5. Fieri potest, ut respublica abundet multis ciuibus habentibus de suo, absque malis artibus pecunia sufficientes, ad pretium constitutum officiorum. Et siquidem contigerit in iisdem simul adesse pecunias ad soluendum, & dignitatem ad satisfaciendum obligationi officij, cessabit in eius venditione quoad emolumenta utrumque inconueniens propositum. Neque tunc per tale.

lem venditionem docebit Respublica, seu Princeps conquisitionem pecuniz per malas artes, & contemptum virtutis, & sapientiz. Quia soluet solum pro excessu stipendij, quæ nulli debet Princeps absolute, nec pretium electionis exigetur, nisi cæteris paribus, & attendita simul dignitate, ac idoneitate ad officium optime administrandum, idque tam in prioribus, quàm in cæteris omnibus promotionibus. Nec enim quilibet venditionis modus approbatur indiscriminatim, sed tantum dicitur non repugnare ex se, ut vendantur iuste, emolumenta excedentia stipendium iustum. Quod fieri procul dubio potest præcis omnibus incommodis, pugnantibus contra bonum commune accipiendi pretium ab ijs solum, de quibus sperari possit satisfacturos omnino esse officio, nec eius licentia, ac potestate abusuros esse vlla ex parte. Quæ præcautione adhibita, nullum aut exemplum, aut incitamentum datum erit querendi pecunias per malas artes, aut fidendi solis pecunijs.

Ad 6. certum in primis est, ut hæc officia secundum se debeantur ex natura rei dignioribus, de quo in questione sequenti; non tamen sic ea illis deberi, ut coniuncta cum emolumentis excedentibus stipendium iustum. Fieri deinde potest, ut ad sint plures cæteris omnibus digniores, & inter se æquales, quorum proinde nulli debeatur electio ipsius determinatè præ alio æquali. Et tunc licet ex lege iam stabilita debeantur alicui ex dignioribus simul cum officio ea omnia emolumenta; quia tamen ea lex statuta non est directè in fauorem eligendi, seu vagè, seu determinate, sed pro bono communi, ut statui multiplex ex causa po-

test, nulla fiet iniustitia electio, si pretium ab eo exigatur pro electione ipsius potius, quam alterius ad emolumenta ultra iustū stipendium. Ergo absque latione iustitie fieri absolutè potest veditio qualis superius approbata est. Adde duplicem esse iniustitiam, quæ considerari potest in electione, ad talia officia altera consistens in electione minus digni, aut indigni, siue simul intercedat, siue non intercedat venditio, atque de huiusmodi iniustitia non agitur in presenti, sed agitur in questione sequenti; altera iniustitia consistit formaliter in venditione siue eligatur dignior, seu minus dignus, seu indignus; atque de hac venditione dicitur esse iniqua intrinsecè quoad officia secundum se, & non esse ita iniquam quoad emolumenta pecuniaria cuiuscunque modi sit de reliquo electio. Neque tangit hoc punctum obiectio; sed neque illud tangit quod dicitur de iudice vendente sententiam iniustam; quia solum vendit aliquid pecuniarium, seu quod ad pecuniam reducitur ratione periculi quod subit, vel alijs eiusmodi de causis, de quibus dicetur in loco. Nulla igitur est paritas quoad venditionem officiorum secundum se; quoad alia vero quæ illis adiacent iam concessum est totum.

Ad 7. Non omne quod potest esse materia beneficij obligantis ad gratitudinem, potest esse materia emptionis, & venditionis, ut apparet manifestè in exemplis paulò antè productis mutui & solutionis iusti pretij anticipatæ aut dilatæ; necnon in collatione gratuita rerum spiritualium. Ratio est, quia possunt leges tam naturæ quam humanæ relinquere distributori seu largitori immediato rerum & munerum liberum affe-

affectum beneficium specialem erga quem-
volet, quin relinquunt ullam libertatē cir-
ca quantitatem, aut qualitatem, & aestima-
bilitatem eius, quod distribuendum est.
Sunt enim res diuersae quantitas affectus, &
quantitas pecuniae; suntque proinde capa-
ces diuersarum, atque oppositarum inter
se dispositionum. Existente autem ea le-
gum dispositione tametsi impēdatur maior
affectus beneficium erga vnum, quam erga
aliū, non ampliabitur propria libertas
ultra terminos legitimos, ideoque nihil fiet
contra iustitiam. Ampliabitur vero liber-
tas, & fiet cōtra iustitiam, si auferatur at-
que distributori reseruetur pars quantita-
tis pecuniariae determinatae per leges, aut
per voluntatem domini habentis vim legis.
Retinebitur enim à distributore res non
sua, intendeturque vt fiat sua ipsius titulo
illegitimo; Nempe in compensationem af-
fectus specialis secundum se praecise consi-
derati, qui vt sic vendibilis minime est, cū
sit diuersi generis, & non reducibilis ad æ-
qualitatem comparatione pecuniae. Affe-
ctus enim, cum solus secundum se est liber
per legem, solo affectu compensatur ad æ-
qualitatem.

Pater autem non solum praeminentiam
officij deberi integram, & liberam à com-
pensatione pecuniaria ex sua natura, & se-
cundum leges, vt apparet ex dictis, verum
etiā stipendium iustum officij esse quan-
tatem legibus determinatam in compen-
sationem laboris exacti ratione eiusdem
officij, easque leges esse latas in fauorem
exhibentis de facto talem laborem. Ergo
distributor officiorum nihil potest ex ea
quantitate pro se detrahare ob specialita-
tem affectus beneficii, & electionem huius
præ

præ alio sibi liberam per leges secundum
 se præcisè: sic enim fraudarentur officiales,
 parte stipendij iusti, hac præcisè de causa,
 quia ipsi potius quam alij obligantur ad
 laborandum. Quod ultra rationem datam
 est contra Apostolum vehementer exclamantem, tametsi ageret de labore officij
 spiritualis 1. Corinth. 9. 7. *Quis militat stipendijs suis unquam?* cum ijs quæ sequuntur.

Iam opinio illa Djanz & paucorū aliorum, quæ adducitur in confirmationem, est minus probabilis, quam id in cuius confirmationem adducitur, imo re maturius cōsiderata videtur prorsus improbabilis. Quia qui sic paciscitur electionem vnius puellæ dotandæ præ alia non dat quantum tenetur dare, retinetque sibi titulo illegitimo, quod non est suum, & permissionem sibi factam solum quoad affectum, & electionem personæ, atque bene merentiā respectu eiusdem ampliat ad quantitatem rei, circa quā nulla sibi facta est permissio, nec fieri potuit quin per iubentem cōtradiceretur suæ ipsius intentioni. Iuberet enim ut darentur centum ex. g. simulque permitteret ut non darentur centum sed nonaginta tantū aut octuaginta, utque ea diminutio fieret propter solam dationem, quæ essentialiter est coniuncta cum determinatione alicuius personæ. Iniquum autem manifestè est, ut qui tenetur dare centum alicui personæ ab ipso determinandæ, aut si libuerit committendæ, forti, det minus quam centum, id est minus quā tenetur dare, præcisè quia dat; id est præcisè quia determinat, & exequitur determinationem sibi permissam. Dicitur autem est hoc esse minus probabile, seu potius esse manifestius falsum quā quod confirmandum erat, quia in electione ad stipen-

stipendium iustū officij adest aliquid specialiter æstimabile ultra ætimationem stipendij, nempe dignitas, & præminentia ipsius officij, & prærogatiua honoraria inde resultans in stipendium. At in electione ad dotem tota ætimatione est penes quantitatem pecuniæ, & affectum ac libertatem quibus datur.

QVÆSTIO XLV.

Vtrum ex læsione iustitiæ distributi-
tiæ oriatur obligatio re-
stituendi?

IDETVR nō oriri. Quia
electio minus digno nulla ne-
cessario interuenit iniusti-
tia aduersus digniorem, nul-
laque prōinde necessario re-
sultat obligatio restituendi.
Potest nimirum cōmunitas

cedere iuri quod sibi conuenit ex natura
rei ad electionem dignissimi. Ergo fieri ab-
solutè potest: ut absque vlla iniustitia eli-
gatur minus dignus prætermisso digniori.
Quia vero cōmunitas transfert omnem
suam potestatem absque vlla limitatione
in supremum Principem, certè fieri potest:
ut ita transferat, poterit etiam supremus
Princeps eidem iuri cedere, atque ideo nū-
quam peccabit contra iustitiam distribu-
tiuam electione minus digni. Ipsa etenim
voluntas eligendi minus dignum continet
in se eam cessionem iuris. Quia nemo vult
fieri à se cum peccato, quod in potestate
habet, ut fiat sine peccato.

2. Oeconomus eligens operarios in vineam ex iussu domini non tenetur ad eligendos optimos, neque in hoc, aut in rebus alijs procurandis peccat contra iustitiam, si non adhibeat summam diligentiam; sed sufficiet, si ea sit mediocris, & qualem quisque communiter adhibere solet in rebus suis, atque ideo sufficiet si operarij sint mediocres, & simpliciter boni. Deinde tamen si eligat minus bonos, aut etiam absolute inidoneos, non propterea committet peccatū in iustitiæ aduersus bonos, aut optimos, nec tenebitur aliquid illis restituere. Accedit neminē teneri in conscientia ad eligendum sibi statum omnium securissimum à periculis errorum, peruersionis morum, aliorumque malorum. Ergo neque Princeps, qui comparatur cum communitatē tanquam eius oeconomicus, nec maiorem habet obligationem providendi communitati, quam ipse sibi, tenebitur ad eligendos optimos officiales, aut quod eodem recidit ad providendum summa cum diligentia bono communi, & præcautioni periculorū eius; nec prætermisiss melioribus peccabit aduersus ipsos contra iustitiam, atque ideo nec incidet in obligationē aliquid eis restituendi.

3. Officia publica semel collata sunt inauferibilia saltem pleraque præterquam in pœnam delicti. Restitutio autem fieri nō potest quin officium iniuste collatum vni, & iniuste negatum alteri auferatur à priori, & cōferatur secundo. Nulla igitur est obligatio restituendi ob iniustitiam contra iustitiam distributiuam.

4. Restitutio est actus solius iustitiæ cōmutatiuæ vt docent D. Thomas alijque communiter & suppositum fuit supra vt certum.

tum in tota doctrina de restitutione. Si autem oriretur obligatio restituendi ex læsione iustitiæ distributiæ pertineret etiam ad ipsam actus restituendi; quia ad eandem iustitiæ pertinet non inferre damnum iniustum, & illatum reparare.

R. Ex doctrina quæstionis præcedentis inferuntur aliqua clarè circa læsionem iustitiæ distributiæ & obligationem restituendi inde resultantem. Primum est conferentem officium, quod habet annexam iurisdictionem, non illi, cui ex iustitiâ conferre tenetur, sed alteri, non propterea teneri ad faciendam compensationem aliquā pecuniariam omisso præterquam quoad emolumenta pecuniaria excedentia stipendium iustum, si quæ eiusmodi deuincta fuerint officio ex lege seu positua seu permissua. Pater hoc, quia de reliquo officium est incompensabile pecunia, ut dictum est, & is, cui negatur, eo ipso liberatur ab onere maiori, quàm sit dignitas, & præminentia officij, & equali respectu iusti stipendij, ac proinde nihil præterea superest, quod pecunia compensetur.

Alterum est vendentem tale officium maiori pretio, quam quod sit æquale emolumentis excedentibus iustum stipendium teneri per se ad restituendum eum excessum pretij. Quia eo ipso vel vendetur dignitas, & præminentia officij, aut iustum eiusdem stipendium, quorum alterum essentialiter, alterum saltem per se est inuendibile, ut dictum est; vel certe computabitur ut pars valoris conuenientis mercis affectus specialis emptoris excedens communem, & prudentem eiusdem mercis estimationem. Quod itidem ostensum est esse iniquum. Tenentur autem restituere, qui accipit pretium
rei

rei inuendibilis, qua parte inuendibilis est; nec nō qui vtcumque accipit pretiū maius iusto, quatenus maius exit, vt reparetur æqualitas, quæ læsa fuerat.

Tertium est vendentem officium, quod reddit utilitates iusto stipendio maiores, si vendat, cui non debebat conferri officiū, eo prætermisso, cui debebatur ex iustitia, teneri ad duplicem restitutionem, si quidem legibus constitutum fuerit, vbi cōmittitur delictum, ne tales utilitates vendantur. Debet enim imprimis restituere totū pretium emptori, siue excedat, siue non. excedat emolumenta iusto stipendio maiora. Quia supposita eiusmodi lege debentur gratis eiusmodi emolumenta habenti officiū ex suppositione quod illud habeat. Eadem deinde, quatenus excedunt iustum stipendium, debentur simpliciter illi, cui officiū debebatur ex iustitia. Vtrique ergo debet fieri restitutio, einenti quidem totius pretij soluti; prætermisso vero contra iustitiam, quantum valeat emolumenta iusto stipendio maiora.

Nec vacat dicere leges de conferendis his officijs, & emolumentis absque pretio, nullibi ferri directe in fauorem habentium, vel debentium habere talia officia, sed intuitu boni communis. Contrā enim est; quia eiusmodi emolumenta habent ratione præmij tum respectu eorum qui se præ alijs laudabiliter disponunt per probitatis, & sapientiz studium, vt Rempublicam utiliter gubernent: tum respectu eorum qui actu ea officia exercent, & inuigilant bono communi impediendo se per attentionem eius, quominus totis viribus incumbant sollicitudini suarum personalium utilitatum, & commodorum, quæ fungunt magis animu n.

ex natura rei, quam quæ sunt communia. Est autem de ratione præmij, vt proponatur directè, & immediate in vtilitatem eorum, qui comparant sibi dignitatem respectu ipsius. Fit igitur iniuria detractis, aut imminutis eiusmodi emolumentis tam habenti officium, quam illi, cui ex iustitia debebatur.

Supereft videndum quibus determinatè debeantur talia officia: an scilicet determinatè debeantur dignioribus: an vero tanta conscientia conferri possint simpliciter dignis, tametsi minus digni sint quam alij? Communis auctorum longè plurium sententia est deberi dignioribus, & peccari contra iustitiam distributivam, si conferantur non solum indignis, verum etiam minus dignis. Alij nihilominus nonnulli docent nullum esse peccatum ex natura rei, seu secluso pacto, iuramento, aut lege speciali, si conferantur minus dignis.

Alij distinguunt inter officia, quæ vnius arbitrio ac voluntate, & quæ plurium suffragijs conferenda sunt: alij inter ea, quæ etiam extraneo cõferri possunt; & ea quæ alicui ex eadem communitate cõferri debent: alij inter temporalia, & spiritualia, seu ecclesiastica: & rursus alij inter beneficia Ecclesiastica simplicia: & curam animarum habentia: Nec non inter ea quæ sũt minoris, & quæ sunt maioris momenti: alij inter ea quæ non proponuntur vt præmia pluribus cõcurrentibus ad examen idoneitatis; & quæ sic proponuntur: alij denique distinguunt inter electiones quas facit immediate communitas ipsa nulli subordinata, aut supremus Princeps; & quas faciunt ministri inferiores ac subordinati. Istarum porro distinctionum auctores sus-

fra.

fragantur vbique quoad priorem partem distinctionum simpliciter digno, tametsi minus dignus sit; quoad posteriorem vero partem dignioribus determinatè, ut videre licet apud Sanchez lib. 2. consil. cap. 1. dub. 2. & 36. & apud Cardinalem de Lugo disp. 34. & 35. sect. utrobique 2.

Dicendum est veram absolute esse uniformem respectu omnium officiorum ac beneficiorum; nec non omnium eligentium, ac eligendorum, eandemque communem sententiam D. Thomæ docentis vniuersaliter quest. 63. art. 1. & 2. & quest. 186. art. 3. deberi ex iustitia distributiva electionem melioris ac magis digni; nec præmitti ipsum posse, propter indignum, aut etiam minus dignum absque peccato iniustitiæ, ac proinde lethali ex genere suo. Licet enim in illis articulis 2. & 3. agat specialiter de dispensatione spiritualium, & de electione ad Episcopatum, vbique tamen utitur eadem ratione vniuersali, quæ vsus fuerat dicto art. 1. ubi agit de acceptione personarum in genere.

Verum antequam proponatur ratio D. Thomæ notandum est videri Cardinalem de Lugo negare suppositum controuersie præsentis quoad discrimen dignioris, & minus digni. Vel enim ait eligendus ad aliquod officium habet peritiam v. g. talem, ut nullum sit periculum errorum in eius exercitio; vel non habet peritiam talem. Si non habet, iam non est dignus tali officio. Si habet, iam maior peritia est superuacanea respectu talis officij, nec maiorem ad illud dignitatem constituet, sed solum dignitatem simpliciter ad maius officium. Non ergo subsistit discrimen digni simpliciter, & magis digni respectu eiusdem officij aut beneficii.

Contra tamen est, quia etiam peritissimos contigit errare aliquando, ac proinde omnes sunt expositi alicui errandi periculo. Hoc autem periculum patet esse minus in habente maiorem peritiam; facilius enim hic adhibet aduertentiam sufficientem, ut vitetur error; & quæ sunt faciliora frequentius proueniunt ex natura rei. Idem dicitur de maiori, & minori probitate, & de proposito in ea contento de satisfaciendo obligationi officij, deque alijs pertinentibus ad potestatem executiuam, & ad certitudinem eiusdem satisfactionis. Quo enim quisque eminebit magis quoad hæc, eo erit minus periculum errandi & nocendi communitati, eritque similiter maior spes promouendi boni communis, quatenus hoc pendet ab vno quoque officio. Quapropter ad fundamentum Cardinalis negantis suppositum auctorum commune. Respondetur negando speciale ipsius suppositum; nempe peritiam, aut vnum quodlibet aliud ex requisitis ad vnum quodque officium posse esse talia, ut totaliter absit omne periculum errandi, aut adsit omnis possibilis spes promotionis boni communis. Neutrum enim consistit in indiuisibili. Manifestum igitur est dignitatem ad idem officium posse esse maiorem & minorem citra terminos dignitatis simpliciter.

Notandum rursus est dignitatem eligendi posse considerari vel comparatione officij secundum se præcisè, vel comparatione eiusdem ut coniuncti cum bono vniuersali communis quatenus pendenti ex alijs capitibus. Fieri nimirum potest, ut aliquis sit maximè idoneus ad aliquod officium secundum se; & nihilominus non expediat ut ad illud eligatur, sed prætermittatur honestè

nestè præ alio minus idoneo sub eadem cō-
sideratione. Fieri namque potest, vt qui
in eum modum est maximè idoneus, mini-
mèque omnium expositus errorum pericu-
lo in administratione officij non possit ad
illud promoueri absque maiori aliunde
iactura boni cōmunis. Quia videlicet idem
ipse exercetur vel in bello vel in palæstra
litteraria, vel in procuratione thesauri cū
utilitate longe maiori cōmunitatis vel quia
habet æmulos, qui irritati eius promotione
insurgent aduersus Principem, & commu-
nitatem, & poterunt vtrique insuperabili-
ter nocere magis, quam possit prodesse tale
officium optimè administratum: vel quia
exigit pro acceptando officio condiciones,
quæ præstari non possunt absque notabili
subditorum grauamine, vel certè non exi-
gentur ab iisdem, absque tumultu, & sedi-
tione: vel quia alio demum quouis modo
emerget maius cōmunitatis nocementū.
Cum igitur iuti, quod conuenit vnicuique
cui scorsim sumpto præualeat ius, quod cō-
uenit eidem vt coniuncto cum ceteris, seu
quod conuenit cōmunitati; manifestum
est in tali rerum dispositione præferendum
esse minus dignum digniori respectu officij
secundum se præcisè considerati.

Quæstio igitur procedit de digniori ex-
teris paribus, omnibusque consideratis, &
de vtiliori simpliciter respectu communi-
tatis. In hoc itaque sensu probatur con-
clusio: Acceptio personarum est illicita ex
sua natura, & opponitur iustitiæ distributi-
uæ. Sed prælatio minus digni respectu di-
gnioris in distributione officiorum, conti-
net in se acceptionem personarum. Ergo
prælatio minus digni respectu dignioris in
distributione officiorum est illicita ex sua
natu-

natura, & opponitur iustitiæ distributiue. Maior est satis nota ex multis sacræ pagine testimonijs. Probaturque specialiter ex epist. Cathol. Iacobi cap. 2. ad ea vsque, & verba versu 9. *Si autem personas accipitis peccatum operamini redarguti à lege quasi transgressores*, idque ipsum ostendetur mox, & confirmabitur magis ratione efficaci. Probatur minor, quia acceptio personarum consistit, vt exponit D. Thomas, tum loci citatis, tum maxime ad 2. Romanorum lect. 2. circa illud; *non enim est acceptio personarum apud Deum*. Consistit, inquam, in acceptione non causæ pro causâ & in substitutione conditionis in persona repertæ nihil conferentis ad causam, ob quam ex voluntate legis latoris eligitur ad aliquid. loco conditionis conferentis ad eam ipsam causam & finem. Istiusmodi autem acceptionem & substitutionem necessario facit quisque eligit non solum indignum, verum etiam minus dignum prætermisso digniori. Dignior enim ex eo dignior est, quia habet conditionem specialem conferentem ad causam & finem, minus vero dignus vel indignus, ideo talis est, quia caret tali conditione. Is autem qui caret conditione conferente ad causam & finem, non potest præferri habenti talem conditionem, nisi propter aliquid aliud minime conferens ad causam v. g. quia dedit munera; quia est assentator, cōsanguineus vel amicus, vel quod simile impertinenter esse habes ad causam, & finem propter quem instituta sunt officia, & statuta lex de illis distribuendis. Necessè igitur est, vt qui præfert digniori minus dignum, vel indignum, eo ipso sit acceptor personarum.

Confirmatur & explicatur hoc fundamentum.

tum. *Acceptio personæ præferens digniori minus dignum, eo ipso præfert bonum priuatum bono communi, idque in ea re, in qua cōmunitas habet ius prælationis respectu personæ priuatæ. Vnde consequens præterea est vt præferat personam particularem minus dignam personæ particulari digniori, idque in ea re, in qua is habet similiter ius prælationis respectu illius. Et quidem quod posthabeatur bonum commune, bono priuato constat clare, quia plurimum intere't cōmunitatis habere, in officijs digniores ob plurima emolumenta quæ inde ipsi proueniunt, & minus errorum periculum, quod nuper notabatur maiori dignitati inesse. Quare quod minus dignus præeligatur solum fieri potest prævalenti amore boni priuati.*

Quod autem læsio ista, ac vilipendium boni cōmunitatis sint contra ius, quod ipsa habet respectu officiorum, ex eo constat, quia hæc officia instituta sunt primo ac principaliter in bonum cōmunitatis, vt liquet ex expositione iuris iurisdictionis data, & stabilita quæst. 3. Ergo lex de electionibus & modo illas faciendi lata est primo ac principaliter in fauorem cōmunitatis. Ergo quatenus quis in electionibus, vt faueat personæ priuatæ, postponit bonum commune, operatur contra legem fauentem cōmunitati, & grauantem in eius fauorē, personas priuatas, quatenus earum bonum opponitur bono cōmunitatis, atque adeo operatur contra ius cōmunitatis. Quia vero fauoriste, respectu cōmunitatis est inseparabilis a fauore dignioris, cum ex huius electione, ac prælatione bonum illius dependeat, patet eandem legem secundario, & minus principaliter fauere indiuisim digniori.

digniori aduersus minus dignū, ac proinde prælationem huius esse contrariam iuri illius. Turpe autem, ac inhonestum est, ut bonum commune, quod præstantius, ac diuinius est, posthabeatur bono particulari, nec non ut bonū particulare dignioris posthabeatur bono particulari minus digni, eaque turpitudine, ac inhonestas contrahit rationem iniustitiæ, siquidem utraque posthabito fuerit cōtra legem fauentem posthabitis, & grauātem eos qui præhabentur, nec non præhabentes ipsos. Manifestum igitur est acceptionem personarum, modo quo à nobis explicata fuit esse iniustam. unde ulterius manifestum est quibus determinatè personis & quatenus faciendæ sint restitutiones superius præscriptæ ad reparanda damna illata per distributionem iniustam.

Ad 1. Communitas habet ius ne impediat per alios ab electione dignioris coniunctum cum obligatione, ne ipsa eandē dignioris electionem impediāt, aliamue faciat impossibilem cum ea, ad eū modum, quo vnusquisque habet ius, ne lædatur ab alijs in honore, & vita, coniunctum cum obligatione habendi curam de bono nomine, & conseruandi vitam. Cuius ratio est; quia si, ut honor iuxta notata in quæst. 16. & 29. iuuat honestatem & operationes virtuosas, eoque amisso constituuntur homines per se in magno periculo peruersionis morum; atque vita datur ut instrumentum necessarium ad beatitudinem querendam ac promouendam, eaque amissa non potest amplius queri, aut promoueri beatitudo, tenemur vero omnes ad retinendam honestatem morum, & ad vitandum periculum peruersionis eorum, & ad

felicitatem querendam ac promouendam, & consequenter ad ea quæ sunt media necessar. a respectu istorum finium: ita etiam officia habentia annexam iurisdictionem sunt instituta, vt abigant vitia, virtutem promoueant, & vnunquemque intra limites honestatis contineant, vtque omnes ad vltimam felicitatem recto tramite dirigantur. Vnde fit vt his officijs male, aut non vsque adeo bene collatis orjatur periculum peruersitatis morum, maior vel minor; & similiter plus minusue decreseat, spes augendæ honestatis in communitate, pro vt contigerit maiorem vel minorem esse indignitatem, aut decrementum dignitatis in eo, qui eligitur ad officium.

Eadem igitur ratione qua nec licet quis cedere potest nec valide iuri honoris, aut vitæ propter motiua minoris momenti, nec etiam communitas licet, aut valide cedere potest iuri eligendi dignitatem, vt indulgeatur affectui erga indignum, aut minus dignum. Quia videlicet potestas valide cedendi huiusmodi iuribus esset potestas subtrahendi se per suam præcisè voluntatē ab obligatione sibi imposita per voluntatē superioris, seque committendi licet periculo absolute vitabili peruersionis morum, atque impediendi spem promotionis eorūdem & directionis optimæ ad vltimum finem. Quam potestatem cuiquam concedere plane est impossibile.

Quod si huiusmodi potestas cessionis iuris communitati nequaquam conuenit, certum est eandem conuenire Principi etiam supremo minimè posse; qui videlicet omnem suam potestatem habet acceptam a communitate; & non potest aliquid accipere non habente illud. Verum etsi communitas

ritas eam potestatem haberet, non propterea sequeretur eandem inesse supremo Principi. Quia nemo censetur consentire potestati sibi nocendi, dum expresse eam potestatem non concedit. Nulli enim autem gentium vlla communitas expresse concessit Principi suo facultatem providendi sibi officiales minus bonos, seque mittendi in periculum malorum, & defectum spei bonorum, quæ ex illis redundant. Quæ præterea ratione concluditur, nec etiam officiales publicos habentes absque iurisdictione curam rei pecuniariæ, & rerum pecuniarum æstimabilium posse eligi de facto nisi optimos. Quia licet communitas absolute possit renunciare iuri pecuniarum, ac proinde iuri etiam electionis personarum, per quas optimè res pecuniaria administratur, conservetur, ac augeatur: de facto tamen nulla communitas facit talem iuris sui cessionem, ideoque nec Princeps facere eam potest in ijs, quæ siue mediatè, siue immediatè pertinent ad communitatem.

Imo nec ipsa communitas eiusmodi cessionem facere posset præstare per maiorem sui partem: sed necesse esset, ut omnes, & singuli consentirent. Quia licet unusquisque possit disponere de suis pecunijs, ut libet, Nemo tamen nocere potest alteri in bonis suis absque ipsius consensu. Nocet autem omnibus & singulis non solum quoad cūmulum bonorum communium, sed etiam quoad peculium cuiusque proprium electio officialis communis minus boni. Cum ergo sit moraliter impossibile, ut omnes & singuli alicuius communitatis velint consentire periculo imminutionis bonorum, quæ absolute volunt retinere, aut imminutioni spei, ut easdem promoveantur, idque

de facto nunquam contingat; ſic plane dari de facto obligationem eligendi digniores non ſolum ad officia habentia annexam iurisdictionem, ſed etiam cætera omnia, eaque obligatio erit maior vel minor; grauis vel leuis pro vt contingerit mala imminencia ex electione minus digni, aut indigni eſſe maiora, vel minora, grauiora aut leuiora. Quod ſimiliter tenet in officijs habentibus iurisdictionē, ni ſi quod in ijs vix fieri poteſt exceſſum dignioris eſſe certè diſcernibilem, ſimulque eſſe tam exiguum, vt obligatio eū eligendi ſit leuis. Quia iactura proueniens ex electione minus digni ſerpit per totam, communitatem, & nocumentum, quod reſpectu ſingulorum eſt exiguum, multiplicatum per omnes, & ſinguloꝝ cōmunitatis euadit facile magnum.

Ad 2. Magnum in primis, & clarum diſcrimen eſt inter obligationem Principis ad eligendum optimum, poſtquam is innotuit; & obligationem adhibendi ſummam diligētiam pro inueniendo optimo, Prima obligatio eſt quæ cum plerisque auctoribus aſſerta eſt ſupra. Secunda reiicitur ab omnibus & merito; quia eſt difficillima, cui ſatis fiat, & excedit humanæ fragilitatis, & conatus ordinarij modum, ex quo patet ratio diſcriminis inter vtramque obligationem. Præterea non foret è re communitatis, vt imponeretur obligatio adhibendi ſummam eam diligentiam inquirendi. Quia inde fieret vt viri timorati maxime conſciētiz, atque prudentiſſimi id eſt quales plerumque ſunt optimi ad regimen, reſugerent ab eo vehementer, ne ſibi imponerent onus vſque adeo intolerabile. Vnde res publica ſæpè illis priuaretur, & cogeretur eos aſſumere, qui nō eſſet ſatiſfacturi eidem obligationi.

Dejn.

Deinde œconomus, & eius electiones diriguntur principaliter in rem pecuniariã. Princeps vero & electiones ad officia iurisdictionalia diriguntur principaliter ad iudicandam honestatem morum, & tranquillitatẽ, ac pacem socialem ciuicum. Quæ differentia quanti momenti sit ad rem præsentem, apparet satis ex responsione ad obiectionẽ præcedentem. Considerandum præterea est quibus conditionibus paciscatur Paterfamilias cum œconomo suo. Pacisci nãque potest, ut vult, cum agatur de sola sua re pecuniaria. Pendet verò ab eo pacto maior vel minor obligatio œconomi, nõ solum ex fidelitate, verum etiam ex iustitia. Communitas autem nullis cù Principe conditionibus pacisci potest liberantibus ipsã ab obligatione eligendi digniores; cum ipsa etiam cõmunitas subsit huic obligationi.

Iam quod ad libertatem cuiusque attinet eligendi sibi statum vitæ magis minusve securum, ut libuerit, multiplex potest assignari ratio discriminis. Præcipua tamen est, quia si omnes tenerentur in conscientia ad eligendum statum vitæ securissimum omnium, eo ipso, omnes ante electionem statui specialis constituti fuissent in statu periculosissimo salutis, quatenus electio status securissimi inter omnes est maxime ardua ac difficilis ex sua natura. Quia continet multa sensibus, & naturalibus hominum inclinationibus valdè repugnantia. Ille autem status est valde periculosus, qui constituit hominem in necessitate vel peccandi vel superandi maximam aliquam difficultatem, nec suppeditat vnde ea difficultas minuatur, & reddatur facile superabilis; uti constat non suppeditari ante ipsam status securissimi electionem. At electio digniorum ad

officia non eo modo est difficilis ex sua natura. Fit enim retentis ab eligente omnibus suis bonis, & aucta præterea spe conservationis & promotionis eorum.

Adde quod eligendo statum vitæ minus securum, sibi soli quisque nocet. At eligendo minus dignum ad officiū nocet electio æqualiter toti communitati. Patet autem non tantumdem cuique licere circa bona & mala sibi cum alijs communia; Atque circa pecuniaria. Adde rursus Indigere genus humanum hominibus in multiplici, ac dispari vitæ statu constitutis; cum minimè indigeat electione ullius minus digni ad officiū; atque ideo non esse eandem rationem relinquendi liberam magis vel minus digni electionem atque est relinquendi liberam status magis, aut minus securi electionem.

Ob hæc igitur omnia transmissio antecedenti negatur consequentia quoad intentū principale. Nam quoad iniustitiam aduersus prætermittos alia est, eaque nimis clara ratio differētiz inter digniores ad officia, & operarios meliores. Quia officium operarij non est æstimabile nisi ratione stipēdiij, quod patet nullatenus deberi ex iustitia nisi ob laborem de facto impensum ex condito. Quapropter eius electio fit in gratiam eligentis principalis, isque potest absque cuiusquam iniuria nullum conducere operarium. At officium habens annexā iurisdictionē est æstimabile ratione sui propter præminentiam, quam dat respectu cæterorum; potestque proinde deberi secundum se ex iustitia. Quia vero qui prudenter de re aliqua disponit, vti par est præsumere de communitate, intendit omnem rei utilitatem, fit plane legem de distribuendis officijs.

ficijs iurisdictionalibus latam esse non solum in gratiam communitatis eligentis per se vel per alium nomine ipsius; sed etiam in gratiam digniorum. In quorum nimirum electione reperitur vniuersalis utilitas cõmunitatis coniuncta cum utilitate priuata eorundem. Quare electio ad talia officia prætermitti omnino non potest absque iniustitia aduersus ipsos etiam eligendos; hoc est quin peccetur aduersus legem ipsis et iam fauentem directe. Quid quod hoc pacto stabilitur magis bonum cõmunitatis minime, vt dictum est, renunciabile ab eadẽ dato etiam priuatis personis iure, quod ipsius cõmunitatis indiuisim interest, vt illis insit, eiusque ratione insistant digniores officijs tanquam rei suæ. Est ergo quoad hæc partem specialiter manifesta ratio differententiæ.

Ad 3. Dictum est semel atque iterum propter iniustam distributionem officiorum iurisdictionalium secundum se præcisè nullam cuiquam personæ particulari deberi compensationem, aut restitutionem. Emolumenta autem pecuniaria compensari possunt, & restitui etiam si indignis non auerantur officia. Vnde transmissa maiori negatur minor.

Ad 4. Hoc solum pertinet formaliter ad iustitiam distributiuam, vt conferat officia dignioribus, & ex formali iniustitia quoad hoc secundum se præcisè consideratum, nulla suboritur obligatio restituendi vt dictum est. Quod autem nullum accipiat pretium pro ipso officio secundum se, aut pro iusto eius stipendio, hoc adiacet extrinsecè iustitiæ distributiue, & operi eiusdem proprio, pertinet verò directe ad solam iustitiam cõmutatiuam, & consequenter

ter ad ipsam solam pertinet, omnis resti-
tutio, cuius obligatio suboriri potest ex ini-
iustitia commissa in opere distribuendi.

QVÆSTIO XLVI.

Vtrum vsura sit intrinsecè iniusta?



IDETVR non esse intrin-
secè iniusta. 1. Quia quod
est conforme exēplo & præ-
cepto Dei, aut est soli eius
consilio disconforme, nō est
intrinsecè malum. Lucrum
autem vsurarium est cōfor-
me exemplo & præcepto Dei. Certè non
est disconforme nisi soli consilio diuino.
De exemplo cōstat ex Lucz 19. vbi Chri-
stus ait de seipso; *ego veniens cū vsuris ext-
gissē illam*: nempe pecuniam mutuati.
De præcepto vero constat ex 23. Deuter.
vbi Deus præcipit: *non fœnerabis fratri tuo
ad vsuram, pecuniam, nec fruges, nec quamli-
bet aliam rem sed alieno*. Eodem pertinet
quod lucrum vsurariū promittitur à Deo
in præmium obseruantiz legis Deuter. 28.
*Fœnerabis gentibus multis, & ipse à nullo fœ-
nus accipies*. Denique de solo consilio ad-
uersus vsuram constat ex Lucz 6. vbi inter
alia consilia ponitur: *date mutuum nihil in-
de sperantes*. Ergo acceptio vsuræ pro mu-
tuo non est intrinsecè iniusta, imo nec est
vllum peccatum.

2. Iustum est in re pecuniaria quod est
conforme legibus humanis, vt pote validè
disponentibus in ea materia. Lege autē 1.
& alijs Codice de vsur. permittuntur vsu-

re earumque modus præscribitur, cum magna moderatione, & idonea personarum aliarumque circumstantiarum distinctione. Ergo lucrum usurarium illis omnibus obseruatis euadet iustum.

3. Quod quis facere non tenetur, & si faciat obligat ad gratitudinem, potest facere pro pretio, præsertim si id sit aliquid temporale. Nam quod nullius est pretij, nullius est materia gratitudinis, & quod est temporale, simulque appretiabile eo ipso est commutabile pretio temporali. Manifestum autem est mutuum esse quid temporale, nec est magis obscurum illud accipi tanquam beneficium non contemnendum à mutuuario, obligato proinde ad gratitudinem. Ergo mutuum est commutabile iusto pretio ex sua natura.

4. Pro vastis argenteis mutuo datis licet accipere pretium ultra sortem, de quo nemo dubitat. Ergo etiam licet illud accipere pro moneta mutuata. Patet consequentia, quia nihil referre videtur an argentum habeat talem formam vel aliam talem. Imo moneta mutuata est maioris longè utilitatis. Ergo à fortiori mutuatio eius est pretio digna.

R. Operæ pretium iam est post iustitiam distributiuam aliqua etiam præcipua, ad exemplum cæterorum deducere circa iustitiam commutatiuam secundum se ex eadem illa doctrina de diuisione rerum eiusque conditionibus. Videntur porro inter alia materia maxime idonea, usura & simonia, de quarum iniquitate apud omnes certa desideratur à plerisque ratio, cuius claritas sit æqualis illi certitudini. Igitur usura aliquando accipitur pro usu rei; aliquando pro utilitate proveniente ex usu;

atque iuxta istam ſecundam acceptionem definitur in præſenti: *lucrum immediatè proveniens ex mutuo tanquam debitum ex iuſtitia*. Mutuum porro dicitur tanquã ex meo tuum, & communiter definitur: *Traditio rei in ſuo genere functionem recipientis, ut ſtatim accipientis fiat; & poſtea tantundem eiſdem generis, ac qualitatis recipiatur*. Differt per translationem dominiij à cõmodato, precario, & locato, in quibus dominium rei traditæ perſeuerat apud dantem, ideoque eadem numero ipſi reddi debet, & ſi caſu perierit, perit eidem. Per obligationem vero reddendi tantundem eiſdem generis differt à permutatione, ac venditione, ratione cuius aliud genus rei videnti redditur; ut pro vino pecunia, aut triticum. Iam res in ſuo genere functionem recipiens ea dicitur, quæ alteri rei ſui generis ita ſimilis exiſtit, ut alterutra alterius vice fungi, & loco alterius ſubſtitui iure poſſit in cõmutationibus, ac ſolut onibus. Qualia cenſentur, quæ in numero, pondere, aut meſura conſtituuntur, ut pecunia numerata, aut argentum, vinum, oleum, & ſimilia. Quod dicitur *eiſdem qualitatis*; perinde eſt, at ſue eiſdem bonitatis in ſe inſe: Nihil enim refert, an acciderit variatio extrinſeca pretij.

Quod per eiſmodi contractum datur à mutuante, & accipitur à mutuatario dicitur ſors. Quod ulterius accreſcit mutuanti ex bonis mutuatarij dicitur *lucrum*. Quia vero mutuanti poteſt accreſcere *lucrum*, tum ex liberalitate, aut gratitudine mutuatarij; tum ex conuentione, & obligatione, aut quaſi obligatione iuſtitie, ſeu potius ex coactione mutuãtis; atque ad uſuram non ſufficit *lucrum* ex liberalitate,

aut

aut gratitudine, propterea in definitione
usuræ additur: *tamquam debitum ex iustitia*.
Quia videlicet usurarius adiecit mutuo pa-
ctum implicitum, vel explicitum de addi-
tamento præstâdo à mutuuario ultra sor-
tem; & quidem de additamento, quod sit
pretio æstimabile. Si enim solum exigat
affectum beneuolum, aut amicabilē, & me-
moriam gratam propriaque gratitudinis of-
ficia, nihil præterea grauando, sed totam
compensationis spem relinquendo sub so-
la gratitudinis obligatione, ac impulsu,
nulla propterea usura interueniet.

Adde nomine sortis comprehendere, ultra
nudam entitatem rei quæ mutuo datur,
lucrum etiam cessans, & damnum emergēs
mutuanti ratione mutationis. Morali ete-
nim æstimatione hæc quoque dæcense-
tur, qui mutuatur; & vtramque præstare
tenetur mutuarius, vt incolumis euadat
mutuans, nec ex beneficio, quod exhibet
iustitiam patitur absque compensatione,
ex parte eius in cuius gratiam illam pati-
tur. Damnum autem emergens dicitur di-
minutio bonorum præexistencium resultās
ex mutuo; lucrum vero cessans augmentū
iustum eorundem impeditum itidem per
mutationem. Alij tamen nomine sortis in-
telligunt solam entitatem rei, quæ physice
traditur; atque lucrum cessans, & damnum
emergens, seorsim exprimunt; quod & nos
faciemus maioris claritatis gratia, tametsi
hæc tria moraliter sint vnum, ac idem.

Usuram esse iniustam est certum ex fide,
vt constat ex Concilio Viennensi, & habe-
tur Clement. vnica tit. de usur. q. vlt. Est
autem iniusta iure in primis positio, tum
diuino, vt liquet ex Ps. 14. 5 Ezech. 18. 8.
& colligitur à multis Doctoribus ex Lucæ

6. 35. tum etiam humano sæpe ac luculenter sancito in decreto causa 14. q. 3. & 4. in Decretal. toto tit. de usur. & in 6. Decretal. nec non Clement. unica eodem tit. Est itidem iniusta iure naturæ, ut demonstrat Philosophus 1. politic. cap. 7. versus medium, & clarius D. Thomas quæst. 78. art. 1. & 2. ex Alensi 3. p. quæst. 36. memb. 4. art. 1. & 2. quibus aliqui auctores moderni adiecere, seu potius substituere nonnullas alias rationes, quibus tamen prætermisissis, ut minus efficacibus quod paulo post apparebit, soli incumbendum est expositioni & confirmationi demonstrationum Philosophi, & maximè D. Thomæ. Quæ sunt fundamentales pro omnibus quæstionibus, quæ disputantur de usura dependentes à solo iure naturæ.

Observandum itaque est duo esse summa genera rerum temporaliû, ab alijs in alios aliquàlter transmissibilia per contractû. Alterum est earum, quæ nihil interest per se loquendo an breui, an potius longo tempore habeantur. Huius generis sunt quæcumque unico usu consumuntur, ut vinum, triticum; aut distrahuntur, ut pecunia. Alterum genus est earum rerum, quæ interest magis per se loquendo, si longo tempore habeantur. Huius generis sunt quæ nec consumuntur nec distrahuntur unico usu, sed multiplici usui utiliter inserviunt successivè ut ager, & domus, & vestis. Ratio huius discriminis est, quia quæ unico usu, aut consumuntur, aut distrahuntur, eo tantum temporis momento interest habere, quo ille eorum usus est opportunus, ac utilis; si quidem reliquo tempore nihil inde utilitatis haberi potest. Sicut autem nihil absolute interest habere, nulloque pretio esti-

abile est id, ex quo nihil absolutè utilitatis haberi unquā potest: ita habere aliquid pro eo tempore, pro quo nihil ex eo utilitatis haberi potest, nihil interest, nulloque pretio æstimabile est præcisè quatenus habitum eo tempore. Quare præhabuisse rem eiusmodi tempore antecedenti ad opportunitatem usus, solum potest interesse, & pretio æstimari, quatenus inde resultat spes, quod aderit præhabenti pro tempore opportuno usus. Vnde consequens est, ut obligatio alterius, & quiduis aliud fundans spem, quoad hoc ipsum, æqualem sit non minus æstimabile, nec minoris interesse, quam rem eandem apud se physice præhabuisse toto tempore antecedenti, seu breui, seu utcumque longo.

Non ita res habet in ijs quæ nec consumuntur, seu distrahuntur, ac alienantur unico usu. Hæc enim, si longo tempore habeantur, possunt plus prodesse, & maiorem adferre utilitatem, per multiplicem suum usum non toties perceptibilem brevi, quam longo tempore, ut patet. Ergo habere longo tempore res non consumptibiles, nec distrahibiles unico usu interest magis estque pretio æstimabile non tantum indirectè ratione specialis opportunitatis futuræ tempore sequenti, sed etiam directè & per se. Vnde nō est æquè æstimabile quiduis aliud fundans æqualem spem, quod aderunt tempore sequenti pro speciali aliqua oportunitate.

Cum igitur materia contractus mutui sint solæ res, quæ unico usu consumuntur, aut distrahuntur, ut supponit aperte D Thomas loco citato, alijsque communiter; & mutuatarius obligetur ad eas reddendas, antequam elabatur tempus utendi

oportunum respectu mutuantis; vel ad compensandam utilitatem usus, si futurum praevideatur, ut tempus eius opportunum interim elabatur, hoc est ad compensandum totum lucrum cessans, & damnum emergens: si mutuans aliquid ulterius exigit, idque deducat in partem implicite vel explicite, in quo formaliter consistit usura, ut dictum est: manifestam inducet iniquitatem in contractu, & accipiet additamentum pretij, aut quasi pretij pro eo, quod nihil interest, nullamque prorsus utilitatem superaddit. Quod clarè contradicit iuri naturali diuisionis rerum, estque intrinsecè iniustum, ut apparet manifestè ex doctrina quæst. 42. & 43.

Videri alicui posset esse contra communem hominum sensum, quod nihil intersit habere pecunias, vinum, oleum & similia, longo potius tempore quam breui; omnes enim magnum bonum putant, ac maxime expetibile semper abundare pecunia, & omni genere utensilium. Cui bono opponitur interpolatio retentionis pecuniz, & similia apud se, & translatio eorum in alium etiam pro tempore limitato, siue determinato, siue indeterminato. Quod ex eo clarius apparet, quia alioqui mutuantis pecunijs nullum fieret beneficium mutuatario. Solum namque illi conceditur, ut tanto tempore habeat rem sibi mutuatam, quanto caret eadem qui mutuat. Concessio autem alicuius rei præcise quatenus nihil interest eam habere, nullum beneficium est. Est enim de conceptu beneficij, ut interlit accipientis.

Pro remouenda ista difficultate, & promajori claritate fundamenti positi obseruandum est desiderari abundantiam pecuniae.

niarum v. g. continuam præcise quantam sufficit ad faciendam spem certam, quod suppetent tempore opportuno vsus ipsarum. Vnde fit vt, si quidem ad eam spem conferat magis, vti sæpe confert, non habere apud se aliquam pecuniarum partem, sed apud alium, quiuis eas à se libenter proiciat, & collocet apud alium ad tempus, vt adsint in tempore. Qua de causa inuenta sunt depositum, census, cambium. Eademque ratione fieri potest, sitque nonnunquam, vt mutuum etiam purum, ab omni vsuræ labe, & spe lucri exhibeatur in gratiam non solum mutuatarij, sed etiam mutuantis. Quia nimirum mutuans confidit magis fidei & obligationi alterius, quam prouidentia propriæ immedatæ quoad spem, & certitudinem pecuniæ ad futuræ pro tempore opportuno. Ergo tota ratio directæ & per se desiderandi abundantiam continuam pecuniarum non est, vt eas quisque habeat apud se semper, aut longo tempore, sed præcise quatenus opus est, vt adsint tempore opportuno vsus, seu distractionis, & alienationis.

Confirmatur, quia nemo prudens querit, aut vult accipere pecunias mutuo, nisi quando adest oportunitas, aut necessitas illis vtendi, seu easdem distrahendi, cumque in finem habendi proprias, vt alienare vtiliter possit. Quod non fieret, si continuus pecuniarum abundantia ultra præsentem vsum, esset prudenter expetibilis per se: sicut ea expetuntur, quæ nec absumuntur, nec distrahantur vnico vsu. Domus enim, & fundus desiderantur etiam ad tempus, tamen alienari aut destrui minime debeant. Quare beneficium mutuantis erga mutuatarium non in hoc consistit, quod cum vt cumque facit.

facit abundare pecunijs ad tēpus, sed quod eas suppeditat pro tempore opportuno vsus ac distractionis. Quia vero ipse est eadem recepturus antequam sibi elabatur similis opportunitas, aut cum compensatione elapsæ interim opportunitatis, propterea contractus est utrinque æqualis & iustus, si mutuatarius nihil ultra supererogare cogatur. Patet igitur fundamentum positum, quod re ipsa est D. Thomæ loco citato esse demonstratum, nec illi contradicere communem hominum sensum, licet contradicat delusio aliquorum, magis verò iniqua auiditas plurimorum.

Ex discrimine dato inter res unico vsu, aut consumptibiles aut distrahibiles, & res multiplicis successiue vsus, & ex ratione fundata in eodē discrimine perspicitur earum iniquitatis vsuræ probationes, quas subtiliter, accuratè, & venustè promouent de more Cardinalis de Lugo & P. Sforza Palauicinus assumentes; Cardinalis quidem rem eiusdem perfectionis datam, siue hoc, siue sequenti anno esse eiusdem prorsus valoris, ac æstimationis; dum modo detur cū facultate vtendi pro semper & absque vllō termino; Sforza vero dominium perpetuū cuiusvis rei, vtrumque aliàs exigua superare æstimatione & pretio dominum ad tempus cuiusvis alterius rei vtrumque aliàs magnæ. Perspicitur inquam istas probationes subsistere minime posse ob defectum distinctionis, quæ adhibita est ex D. Thoma. Manifestum si quidem est dominium rei non consumptibilis unico vsu domus v.g. aut fundi per vnum annū, aut duos esse aliquo pretio æstimabile independenter à peculiaribus circumstantijs: nec est magis obscurum quoduis finitum, quæ finitum est, additione fieri

feri maius. Ergo possessio eiusmodi rei incipiens hoc anno est maioris æstimationis per se, quam incipiens anno sequenti. Manifestum similiter est dominium rei multiplicis successivè usus durans præcise per annum, posse per aliquem eius usum reddere interim utilitatem permansuram sine termino apud dominum, atque adeo commensurabilem alicui rei dandæ in pretium absque ullo temporis limite.

Iam quod fundus v. g. sit æquè æstimabilis, eodemque pretio vendatur hoc anno, & sequenti quod ponderat Cardinalis, ex eo provenit quod semper succedunt, ac crescunt homines eiusdem ætatis: non ex eo quod unus insuper annus possessionis respectu ejusdem hominis non augeat æstimabilitatem, sicut auget utilitatem. Similiter quod Deus decedentibus hoc anno, & sequenti cum æquali gratia, & meritis æqualem gloriæ gradum retribuat non ex eo provenit, quod unus amplius annus vitæ beatæ non sit specialiter æstimabilis, atque additus reliquæ durationi, qua parte finita est, non reddat totum cumulum absolutè æstimabiliorem; sed ex eo, quod Deus, ut dictum est supra, non rependit præmia per iustitiam commutativam; sed per legalem, cuius proprium est attendere ad præsentem cuiusque dignitatem quandocumque extiterit, & constitutere congruam, ac decentem cum illa secundum se proportionem.

Demum circa incommensurabilitatem dominij ad tempus cum dominio perpetuo, quò recurrit P. Sforza, notandum est omne dominium rerum temporalium esse reipsa ad tempus; siquidem finitur intra tempus aliquod determinatum; nisi quod confunditur ignorantia finis intra tantum tempus

pus determinatè cum ignorantia finis simpliciter: qui tamen absolutè prævidetur ab omnibus etiam independentè à fide, saltem morali certitudine propter vicissitudines rerum humanarum. Qua de causa qui cumque appetit dominium mille aureorum per annum, appetit illud multo magis, ac pluris æstimat, quam dominium teruntij absque ullo termino determinato, cuius oppositum videretur omnino incredibile. Accedit æstimationem dominij ad posteros transmissi, seu transmittendi, maximè, cum est rei, parvæ languere in progressu, ac demum moraliter evanescere, sicut amor erga eosdem est minor, quo magis ab origine recedunt. Verum independentè ab huius comparationis consideratione, & vltiori ponderatione concludit efficaciter superior impugnatione communis eidem comparationi, & discursui Eminentissimi de Lugo.

Vt inque autem hæc habeant ex nostro fundamento deducitur vltèrius cū D. Thoma art. illo 3. ad 4. non posse mutuante, absque labe & iniquitate vsuræ imponere, mutuario obligationem vicissim mutuandi suborta simili opportunitate. Quia exclusâ ista obligatione datur multa aequalitas, vt demonstratum est. Ergo superaddita eadem ex vna parte, nullaque alia simili obligatione correspondente ex altera inducitur inæqualitas, adeoque iniustitia.

Vnde patet discrimen obligationis mutuandi prementis solum mutuatarium ab eiusdem obligationis executione. Quia in executione hoc est in actuali præstatione seu contractu mutui datur æqualis vtriusque obligatio, vt dictum est. Quare ad cōstituentiam similiter æqualitatem quoad eā obligationem mutuatario impositam, debe-

ret

ret mutans eodem modo obligari ad mutuandum iterum redeunte simili opportunitate, aut necessitate ex parte mutuatarij. Et sane dubitare nemo potest esse pretio æstimabile habere aliquem obligatum ad mutuandum sibi quoties indiguerit absque ulla sua vicissim obligatione. Idem eadem ratione dicitur de alijs similibus obligationibus cum Layman & alijs contra nonnullos alios.

Deducitur rursus eum communi contra Medinam, Petrum Ledesman, & paucos alios non posse quidquam exigi ultra sortem pro obligatione non repetendi mutuum per annum v.g. aut decennium. Quia vel interim elabitur mutuanti oportunitas vtiliter distrabendi pecuniam, vel non elabitur? Si primum, necesse est ut aliquod interim lucrum cesserit vel aliquod damnum emergat; atque vtriusvis compensationem dictum esse licitam, ac deducibilem in contractum; nec tunc considerabitur sola obligatio non repetendi secundum se præcisè. Si secundum, nihil akerit speciali compensatione dignum. Quia illi obligationi mutuantis correspondet obligatio mutuatarij æque æstimabilis ad reddendum mutuum, cum primum elapsum fuerit tempus illud præfixum; hoc est antequam mutuanti sit opportunum uti re mutuata. Hinc enim fit ut toto eo tempore premat mutuatarium ea sollicitudo & cura, quæ non interueniente contractu mutui debuissent premere ipsum, qui mutuatur, ne sibi deesset res mutuata pro tempore opportuno; atque ea sollicitudo omnino æquualet patientiæ sperandi pro tempore vtriusque æquali.

Deducitur similiter tertio nihil exigi posse ultra sortem propter periculum commune

ne amittendi eandem sortem fundatum in sola rerum humanarum vicissitudine Quia huic periculo suberat fors etiam apud mutuantem qui hoc præterea commodum habet ex mutuo, quod si res mutuata pereat, non ipsi perit, sed mutuatario, atque is tenetur supplere aliunde perindè, ac si non interijssset. Cæterum si adit periculum speciale amittendæ sortis, aut expensarum, ac molestiæ pro eius recuperatione fundatum in iniquitate habituali, aut alijs specialibus circumstantijs, & conditione qualicumque mutuatarij, poterit iustè exigì ultra sortem quantum id interesse iudicabitur, vt efficaciter probat, & tuetur optime Lælius.

Ratio est, quia decrescit pretium rei ex quovis periculo speciali, vt amittatur, & ex quovis speciali difficultate vt habeatur; atque decremētum pretij est damnum manifestum. Dicitur autem est teneri mutuatarium ad compensandum omne damnum emergens ex mutuatione. Quod si inde, aliudquod inconueniens illi accrescat, sibi debet imputare, si quidem ipse per malum habitum, aut propositum fuerit causa damni eius emergentis; sin minus suo infortunio. Neutrum enim obesse debet benefico mutuatori, nec eius omni ex capite indemnitas potest rationabiliter displicere mutuatario, aut esse volita ab eodè quasi coactè. Turpe namque est gerere noxium, animum erga beneficium.

Deducitur quarto ratione necessitatis præsentis, quæ premit mutuatarium, & cui subuenit mutuans, non posse exigì aliquid ultra sortem, licet præstetur beneficiū subueniendo. Quia iniquum, ac turpe est distescere per miseriam aliorum, eaque ita abuti, vt per eiusdem miseriz augmentum fiat

fiat contrarium augmentū fortunæ & abundantia: propriæ, utque sub falsa specie beneficij de præfenti cumuletur in futurum, miseria beneficiarij. Quod est pessimum, falsæ misericordiæ genus, simile illi, quæ febricitanti porrigitur frigida paulo post accendens multo magis ardorem febris, & sitim, ac demum extinguens ægrotū, si idem falsæ misericordiæ opus sæpius repetatur. Manifestum nimirū est ita in re nostra contingere, si ab indigenti præcisè quia indigus est, & eo plus, quo magis indiget exigatur, quam ipsi detur; si quidem inde sit, ut magis postea pauperascat, accipiatque beneficiū, seu quasi beneficiū, & leuamen præfens cessurum tandem in ruinam suam cum solius dantis utilitate pura, hoc est quin aliquid mali vicissim patiatur.

Ostensum autem est quæst. 43. esse intrinsece iniustam acquisitionem nihil absolutè conferentem in bonum commune, sed potius nocentem alijs; neque in id genus lucrī consentire ab initio homines potuisse; minimè verò omnium quisquam consentiet antecedenti voluntate, ut si ipse in necessitatem inciderit, eo ipso acquirant alij ius, & liberam potestatem augendi suam miseriam fucato beneficio, & pluris dandi sibi eandem rem, quam daretur, si non incidisset in pauperiem, ac necessitatem. Atque hæc est ratio ob quam Philosophus ubi supra damnavit artem fœneratitiam, seu dandi pecuniam cum fœnore; hoc est tractandi rem infructiferam, & sterilem, ac si fecunda esset, ac fructifera; solumque permittit ditescere per agriculturam, pastoritiam, venatoriam, piscatoriam, fossoriam, fabrillem, mercaturam, & similes artes cedentes in maximum generis humani commodū

ac vtilitatem, & non habentes per se exitum simpliciter, & absolute nocuum respectu cuiusquam.

Quod caput est in casu posito non datur æqualitas inter datum & acceptum. Quia mutuator quatenus accipit aliquid ultra sortem reportat commodum, & lucrum absque ulla suo dispendio, aut labore & cum dispendio mutuatarij; mutuatarius vero accipit subventionem & leuamen præsentis sue necessitatis cum onere supererogandi aliquid. Iniustus autem est contractus in quo deficit æqualitas mutua inter contrahentes. Verum hic æqualitatis defectus apparet clarius ex fundamento principalis conclusionis supra posito; in quo videlicet ostensum est dari mutua vtriusque æqualitatem, scilicet supererogatione ex parte mutuatarij, & ex vi solius obligationis eidem impositæ ad reddendam totam sortem. Iam vero ratione à contrario concluditur clare si mutuator in opere mutuandi impendat laborem aliquem; aut aliat famulum numerandæ pecuniæ, conscribendo libro rationum, & exigendis debitis à mutuatarijs, posse congruam eatenus compensationem accipere.

Qua itidem ratione approbantur, ac laudantur montes pietatis, licet exigatur in eis aliquid ultra sortem à mutuatarijs pro moderata eiusmodi compensatione laboris, & expensarum. Nec longè ab simili ratione mercatoribus alijsque personis intentis negotiationi ex officio, licet saltim ut plurimum exigere aliquid ultra sortem ob anticipatam a se, vel dilatam sibi solutionem, quæ, ut talis nihil differt re ipsa à mutuo. Hac tamen in re cautissime procedendum est, quia auri sacra fames facile elabatur in abusum necessitatis vrgentis mutuatariorum, & tra-

& traducit iniquè in materiã lucris, ac mercis, quod essentialiter est materia puri beneficij. Notandum est additamentum pretij propter laborem, & expensas, aliasque circumstantias onerosas mutuantis, præsertim habitualiter, seu permanenter dispositi ad mutuandum; & similiter exercentis mutationem cum frequentia, & cum utilitate communis atque cum æquali proprio detrimento quoad alia lucra, quibus posset licitè incumbere, si non impediretur eo genere iuaminis respectu indigentium: tale inquam additamentum pretij dictum nuper est ultra sortem non quod sim. liciter omnibusque consideratis verè sit ultra sortem, ut liquet ex sortis expositione initio prælata; sed quia est ultra sortem, si consideretur ynaguzque mutatio secundum se, & non referatur præterea ad dispositionem permanentem mutuantis, ex qua redundat in singulos utilitas personæ destinatæ ex sua voluntate vel ex dispositione Principis ad subventionem, & leuamen eorum. De quo genere utilitatis singulorum adijcietur præterea aliquid occasione rei similis quæst. sequenti ad 3. Interim ex dictis constat usuram esse intrinsicè illicitam, & in quo ipsa consistat, & quænam sub se complectatur.

Ad 1. Quod ad exemplum Christi attinet in illo loco Lucæ 19. usura accipitur metaphorice pro augmento bonorum spiritualium superaddito ad gratiam præuenientem Dei, quatenus Deus, vult nos semper proficere in bonis acceptis ab ipso. Quod pertinet ad nostram utilitatem non Dei mutuantis nobis sua dona, cum usura proprie talis essentialiter pertineat ad utilitatem mutuantis, & nocumentum mutuatarij. Deinde quod 23. Deuter. additur prohibitioni scenoris;

sed

sed alieno secundum Ambrosium, D. Tho-
man, & alios solam continet permissionem
factam Iudæis ob vitandum maius malum,
quod commississent aduersus se inuicem ob
nimiam auiditatem lucrandi. si ea permissio
facta non fuisset respectu alienorum. Alij
referunt eandem permissionem ad ius belli,
quod gerebant Iudæi aduersus infideles, at-
que hoc pacto, nihil hic refert ad questio-
nem præsentem. Iam quod in eodem libro
*additur *ſœnerabis gentibus multis* non perti-*
net directè ad promissionem præmij, sed so-
lam continet prædictionem opulentiæ Iu-
dæicæ, & egestatis gentilium, vt constat cla-
rè ex contextu totius capitis; ponitur ſœnus
& ſœnerare pro mutuo & mutuare, quod
per se præstatur à diuite respectu egentis.
Denique dandi mutui nullam est præceptum,
saltem quod semper obliget, & ea ratione
dare mutuum, & sic subuenire indigenti po-
*nitur inter opera consilij. Quod additur *ni-**
hil inde sperantes, non debet accipi de spe
lucris vsurarij, sed de qualicumque spe etiã
gratitudinis. pertinet enim ad consilia, &
perfectionem euangelicam, vt omnia opera
bona fiant reponendo totam spem retribu-
tionis in solo Deo, & non in hominibus.

Ad 2. Licet vsura sit intrinsece iniusta; ;
 nihilominus iusta esse potest lex permissiua
 lucris vsurarij cum certa & qua limitatio-
 ne, ac moderatione ad vitanda maiora ma-
 la; sicut permissiones prostibulorum possunt
 esse honestæ licet vsus eorum sit intrinsece
 inhonestus, respectu vtentium permissione.
 Quo pacto laudatur permissio diuina de qua
 nuper dicebatur respectu Iudæorum Eadem
 igitur ratione leges illæ humanæ fuisse ho-
 nestæ, quia permissis vsuris cum modera-
 tione per easdem præscripta vitabantur, alij
 vsuræ

vsuræ deterioris conditionis. Verum quatenus illæ leges continere præterea videtur approbationem eiusmodi vsurarum, & adiungunt coactionem ad earum solutionem; & ne tanta labes impune, legumque munita præsidio immisceretur puritati professionis Christianæ merito abrogatæ sunt per ius canonicum locis superius indicatis. Et similiter abrogata est per nouum testamentum permissio illa Iudæis facta respectu infidelium in testamento veteri.

Ad 3. Qui mutuatur nullum præstat beneficium, nullamque exhibet materiam gratitudinis ratione mutationis secundum se præcisè. Quia mutuarius obligatur ad æquale, & in tempore præstat omnino æquale ut ostensum est. Quia itidem sola ratione nullum est beneficium nullaque materia gratitudinis in venditione, & in solutione debiti secundum se præcisè consideratis. Tota itaque ratio beneficii, totaque materia gratitudinis pendet ex peculiari indigentia & necessitate mutuarii; ex qua circumstantia potest etiam esse benefica, & obligans ad gratitudinem venditio & solutio debiti, cum tamen propterea, neque vendens possit exigere maius pretium neque debitor demere aliquid creditori ex quantitate debita. Cuius rei ratio vniuersalis reddita, & valide confirmata est paulo prius, circa quartam eandemque postremam illationem. Quapropter negandum est vniuersaliter quidquid confert ad rationem beneficii, & gratitudinis posse eo ipso conferre ad materiam iustæ cõmutationis. Sunt enim aliqua intrinsecè pertinentia ad materiam beneficii purè gratuiti; quæ videlicet iuxta primæuam hominum conuentionem, & voluntatem simpliciter antecede-

dentem singulorum præscindentem à peculiaribus circumstantijs possibilibus contingere respectu cuiusque, non sunt materia neque partialis, neque totalis, commutationis, quæque si in commutationem deducantur, eo ipso redditur materia maleficentiz, & iniquæ damnificationis, quæ erat materia beneficentiz, & charitatis, ut liquet ex dictis circa eandem quartam illationem. Illud igitur tantummodo temporale quod gratis collatum aut adiunctum constituit beneficium, & deductum in commutationem, non eo ipso vertitur in maleficium, & iniquitatem, potest esse materia iustæ commutationis; atque eiusmodi nequaquam est circumstantia indigentiz specialis prementis mutuatarium.

Ad 4. Vasa argentea habent alium vñm præter distractionem & alienationem, idque ipsis conuenit principaliter per se, ideoque talis vsus vendi potest iusto pretio re-tenta proprietate eorundem secundum se. At pecunia principaliter & per se est ordinata ad solum vñm distractionis, & alienationis. Sed si pecuniz argenteæ concedantur ad alium vñm secundarium ipsarum ex. g. ad ostentationem vel ad ponendum loco pignoris, talis vsus vendi poterit iusto pretio quanti cõmuniter æstimabitur. Quod nihil contradicit doctrinæ superiori ut patet. Vnde ratio discriminis prouenit formaliter ex destinatione ad diuersos vsus argenti sub diuersa forma. Nam & vasa argentea si dentur per commutationem erunt similiter incapacia pro quibus iuste accipiat aliquid ultra sortem.

QVÆSTIO XLVII.

Utrum simonia sit intrinsece
iniusta?



IDE TVR nō esse iniusta,
1. Quia scienti & volenti nō
fit iniuria. Qui autem dat
pretium pro re spirituali, dat
illud sciens & volens. Ergo
qui illud accipit non facit
iniuriam.

2. Quidvis spirituale est estimabilius quo-
vis temporali. Qui autem dat aliquid esti-
mabilius, quam quod accipit non facit in-
iuriam. Ergo contractus simoniacus non
est iniustus saltem ex parte vendentis rem
spiritualem.

3. Pro sacrificio missæ, pijs orationibus,
& alijs eiusmodi dantur pecuniæ a fidelibus,
haud quaquam dandæ, si ijs actionibus non
adiaceret aliquid spirituale ac supernatu-
rale, certe non dandæ in ea quantitate, in
qua erogantur de facto. Cuius signum est,
quod non similiter datur ab infidelibus, vel
etiam a fidelibus non operantibus ex mo-
tuo proposito per fidem, & quod non tan-
tum datur pro æquali labore in alio ge-
nere. Dici autem non potest, tot sacer-
dotes, & pios oratores toties ac palā age-
re iniuste & teneri ad restitutionem, de
qua ne cogitant quidem, nec ipsi nec præ-
lati Ecclesiæ.

4. Emptio & venditio rei temporalis an-
nexæ rei spirituali proputè temporali, non
est intrinsece iniusta. Ergo neque emptio

& venditio rei ipsius spiritualis est intrinsece iniusta. Paret consequentia, quia res temporalis annexa spirituali induit naturam eius, ut pote principalioris.

5. Non est intrinsece iniusta permutatio rerum spiritualium pro spiritualibus, seu pure, seu mixte talia sint. Posito autem rem spiritualem posse ex sua natura esse materiam iustæ commutationis, nulla superest ratio ob quam iuste commutari non possit pro re etiam pure temporali.

R. Simonia communiter definitur *studiosa voluntas emendi aut vendendi aliquid spirituale, vel spirituali annexum*. *Studio*sa perinde est ac deliberata. *Emendi aut vendendi* sumitur late prout complectitur onerosum cuiusvis generis contractum, in quo habeatur ratio mercis, aut quasi mercis vel pretij res spiritualis comparatione rei temporalis. *Aliquid spirituale* perinde est, atque aliquod donum supernaturale ordinatum ex sua natura ad beatitudinem supernaturalem, ipsaque imprimis beatitudo supernaturalis. *Spirituali annexum*, dicitur, quod ad præsens attinet, quodlibet temporale, quatenus specialiter æstimabile est ratione rei spiritualis, vel cuius ius, dominium, aut possessio, dependet tanquam ex causa, & radice ex proprietate, ac iure respectu rei spiritualis. Priori modo est spirituali annexum aurum Calicis consecrati, & labor faciendi sacrum; posteriori vero modo fructus provenientes ex beneficio ecclesiastico, & sic de alijs eiusmodi.

Simoniacam huiusmodi emptionem, & venditionem esse per se illicitam lethaliter, ac gravissime titulo, irreligiositatis & vilipendij rerum spiritualium, quod in eis continetur, alterius omnino loci, & questionis est.

est. Ad præsens enim solum pertinet examinare titulum iniustitiæ propriæ, & fructus sumptæ. Dicendum itaque est tam emptionem quam venditionem rei spiritualis pro temporali, iuxta sensum explicatū esse iniustam, idque intrinsece ex ipsa natura rei. Ita docent Suarez, Lessius, & alij communiter in presenti. Colligitur clarè ex illo Mathæi 10. 8. *gratis accepistis, gratis date:* & ex 1. Petri 4. 10. *unusquisque sicut accepit gratiam in alterutrum illam administrantes, sicut boni dispensatores multiformis gratia Dei.*

In priori ex his loco contineri præceptum, & non solum consilium suadet efficaciter formula locutionis coniuncta cum caritate & dignitate materiæ multisque congruentijs. Quia vero in nouo testamento nulla inducta sunt præcepta positiua diuina præterquam fidei & sacramentorum, ut aduertit Lessius cum D. Thoma & alijs communiter; patet eam obligationē dandi gratis spiritualia esse de iure naturali diuino. Ex posteriori autem loco colligitur vltierus dicto præcepto non solum induci inhonestatem, sed etiam nullitatem venditionis spiritualium pro temporalibus. Quia purus dispensator non habet dominium & potestatem disponendi validè de re sibi commissa, nisi iuxta voluntatem domini, quæ in presenti est de dando gratis. Patet autem esse iniustum eum qui vendit, seu quasi vendit, & accipit pretium pro re, quam nec licitè, nec validè vendere potest. Ergo venditio rei spiritualis pro temporali est intrinsece iniusta ex ipsa natura rei.

Idem demonstratur ratione. Quia res spirituales æstimantur dependenter à sola fide, & in ordine ad solam beatitudinem æternam supernaturalem: Res verò tem-

porales æstimantur immediate dependentes à ratione naturali, & in ordine ad felicitatem temporalem, ac naturalem, atque ad societatem civilem. Quæ autem hoc modo comparantur inter se, sunt inuicem incommensurabilia, & irreducibilia ad æqualitatem, quæ est de ratione iusti iæ. Quod apparet inter alia ex ijs quinque rationibus. Prima est, Quia qui habet æstimationem rerum directam fide, omnia temporalia arbitratur ut stercorea comparatione spiritualium. E conuerso secundum æstimationem rationis naturalis stultum est dare ac relinquere temporalia pro spiritualibus. Quorum primum patet ex 1. ad Corinth. 4. 10. *nos stulti propter Christum* exque alijs eiusmodi pluribus in quibus ratio naturalis stultitiæ ducit dimissionem rerum temporalium pro spiritualibus. Constat similiter alteri ex 3. ad Philip. 8. *Propter quem omnia detrimentum feci. & arbitror ut stercorea.* Quod Cornelius à Lapide ibi cum Chrysost. & Theophil. accipit de omnibus non solum legalibus, sed etiam de omnibus omnino temporalibus. Ecquis autem æqualitatem inueniat inter ea quæ non nisi stultè æstimabilia putantur, & putantur ut stercorea, & inter ea, comparatione quorū utralibet ex illis talia putantur.

Secunda est, quia diuisio rerum temporalium facta est per rationem naturalem, atque ex illa pendent omnia iura circa illas, eaque acquiri minime possunt nisi à conferente aliquid in bonum commune consistens in felicitate temporali, & pacifica societate civili ut liquet ex quæst. 42. & 43. Nihil autem eiusmodi confert, qui confert solum aliquid spirituale & pendens à diuisione gratiæ, & fidei.

Tertia est, æstimatio rerum pendens à fide, & spes vtilitatis inde deriuandæ, sunt vnicuique liberæ, sicut est libera ipsa fides, & post fidem spes; potestque proinde apud vnumquemque, vilescere, aut fieri pretiosum pro libito, quod est æstimabile dependenter à fide; atque adeo fieri æquale, vel inæquale alteri rei. Quod repugnat æqualitati, vel & inæqualitati intentæ, & reiectæ per iustitiam non variabili pro arbitrio permutantis. Considera volentem credere, aut sperare ante emptionem, & nolentem postea; atque è conuerso; & inde variatum pretium rei, & videbis corrucile flexibilem iustitiæ conditionem.

Quarta est. Inde fieret vt posset eadem res vendi carius fideli quam infideli. & eo magis quo hic pertinacior ille constantior esset, hoc est probò, quam improbo; optimo quam pessimo; Quo nihil iniquius esse posset. Sequela verò ex consideratione præcedenti est manifesta.

Postremo cum totum genus humanum, sit ex sua natura ordinatum ad vnā communem pacificam societatem, & præsentem felicitatem sibi connaturalem, quæ mutuis hinc inde commercijs fouetur, atque subsistit, debuit habere vnā aliquam regulam contractuum omnibus communem claram, ac manifestam, & cunctis innegabilem, nec variabilem, pro varietate religionis, quam quisque pro arbitrio profiteatur. Ergo alteratio pretiorum ex diuersitate religionis repugnat optimæ generis humani constitutioni, regimini, ac paci, & felicitati minimè impeditæ communicationis mutue, & communis abundantie, quæ inde prouenit, eademque consequenter est contraria communi humani generis con-

sensui, ex quo iura omnia circa res temporales, uti superius dictum est; dependent, & cui contraveniri sine iniustitia, non potest quoad res ipsas; quoad iura verò non nisi nulliter ac perperam. Ex ijs itaque concluditur simoniam esse intrinsecè iniustam; per quam videlicet repugnat, ut constitutur æqualitas inter datum, & acceptum.

Ad 1. Distinguitur maior: volenti voluntate valida conceditur maior, voluntate invalida, ac nulla negatur maior iuxta dicta quæ st. 15. & 16. & distincta similiter minori negatur consequentia. Quia qui emit rem spiritualem pro temporali, non habet voluntatem donandi, sed taxandi, ac soluendi pretium æquale rei spirituali. Hoc autem nulliter eum conari constat satis ex dictis. Habent enim contradicentem sibi legem voluntate diuina, & consensu generis humani maxime rationabili constitutam.

Ad 2. Quidvis spirituale est æstimabilius quouis temporali, dependenter à fide, & in ordine ad finem propositum per ipsam; non tamen secundum æstimationem pendentem à ratione naturali, & in ordine ad finem rebus temporalibus connaturalem. Qui autem dat vendendo quod est minus relatè ad hunc finem, & ad hanc rationem est iniustus. Quia hinc sumitur regula iustæ commutationis rerum temporalium, & non ex fine supernaturali, & ex fide, ut dictum est. Quare in eo casu, solus emens est qui non facit iniuriam vendenti, licet uterque sit irreligiosus, & iniurius aduersus Deum.

Ad 3. Celebrantibus, & orantibus, & sic de similibus dantur pecuniæ partim ut stipendium laboris necessarium ad sustentationem vitæ; partim ut elemosyna, tum ex eodem fine, tum pro tuenda maiori decencia

status eorum. Et sane quod ad stipendium attinet, labor corporalis impensus rebus sacris præscindendo ab earum sanctitate, & conducentia ad finem supernaturalem, atque attendendo ad solum onus, quod suscipitur in obsequium alterius intendentis qualemcumque finem, est dignus compensatione temporali. Ingreditur præterea in partem iustæ æstimationis iactura, quam patitur, qui sic laborat, abstinendo ab alijs laborum & quæstuum generibus, & assumendo statum, & conditionem vitæ incam pacem eorum. Nulla igitur est iniustitia in stipendijs, quæ celebrantes & orantes communiter recipiunt à fidelibus. Nam etiam infidelis, si exigeret æqualem laborem, cum æquali laborantis iactura, & impedimento, deberet soluere æquale stipendium, quemcumque de mû finem intenderet. Nec enim mensura iusti pretij, ac stipendij sumitur ex fine intento ab eo qui exigit aut impendit laborem, sed ex magnitudine ipsius laboris, nec non iacturæ per se consequentis ad illum. Videri potest Suarez tom. 1. de Relig. lib. & cap. 4. n. 7. adducens communem hominum consensum pro veritate huius doctrinæ, licet eius rationem putet perobscuram, & inuentu difficilem; quod non usque adeo verum videtur.

Ad 4. Res temporalis annexa spirituali, ut fructus beneficij ecclesiastici, & aurum quo constat calix consecratus, eiusdem est in se naturæ, easdem affert commoditates, & iisdem quantum est ex se subiacet legibus diuisionis rerum ante & post talem annexionem, neque id tolli potest à re temporali propter annexionem ad rem spirituales, & magis principalem. Ergo si eodem pretio semper vendatur, nec augeat-

tur aliquid pretij ratione adiunctæ spiritualitatis, semper dabitur eadem æqualitas propria iustitiæ. Quare in venditione eius modi rerum solum est præcauendum scandalum, quod facile potest suboriri, & interponendus consensus summi Pontificis, qui est supremus dispensator rerum etiam temporalium annexarum spiritualibus. At quod est purè spirituale non habet ullam similiter regulam uniformem comparatione rei temporalis & pecuniæ, unde ad æqualitatē reducatur quæ est de cōceptu iustitiæ. Nulla igitur est paritas.

Ad 5 Permutatio spiritualium pro spiritualibus, ideo non est iniusta ex se. Quia quæ utrimque talia sunt subiacent eidem, utrimque regulæ æstimationis, & ad eundem finem ordinantur ex se; habenturque absolute gratis, dum habentur pro aliquo habito & conseruato similiter gratis. Ergo multo minus hic potest vlla paritas deduci pro iusta permutatione spiritualium cum temporalibus.

QVÆSTIO XLVIII.

Vtrum ius proprietatis possit simul inesse pluribus circa eandem rem?



IDE TVR non posse inesse. Quia ius proprietatis ex genere suo est libera facultas disponēdi de aliquo munia lege fauēte ipsi & grauantē alios. Si autem duobus inesset ius circa eandem rem, neuter haberet circa illam munimen legis fauentis sibi.

sibi, & grauantis alios. Quia vterque gra-
uaretur per legem in fauorem alterius. Er-
go nequit inesse duobus simultaneè ius cir-
ca eandem rem.

R. Ad generalem rerum diuisionem, de
qua, deque eius effectibus circa ipsas, actus
est à quæst. 41. subsecutæ sunt plures species
iuris proprietatis, quarum sola expositione
indiget quæstio proposita, & qua præstita
absoluta erunt vniuersalissima principia
omnia spectantia ad intelligentiam virtutis
iustitiæ, & obiecti formalis circa quod ipsa
versatur.

Prima autem ac præcipua species iuris
proprietatis est dominium plenum, quod à
Iuristis communiter definitur cum Barto-
lo in l. si quis, §. differentia ff. de acquirenda
possessione ius perfectè disponendi de re corpo-
rali, nisi lege prohibeatur. To perfectè poni-
tur ad explicandam plenitudinem dominij,
quæ amplectitur omnes vsus rei, cum inde-
pendentia à voluntate alterius quatenus cō-
sulentis commodis suis. Hæc enim duo per-
tinent ad perfectionem iuris proprietatis,
de quo agitur, vt liquet ex particula se-
quenti de re corporali. Quia ius iurisdic-
tionis versatur directè circa personas quate-
nus præditas intellectu, & voluntate. Ex
eadem particula apparet nō definiri à Bar-
tolo dominium in tota sua latitudine siue
ex parte subiecti, siue ex parte termini, sed
humanum dumtaxat, idque quatenus ordi-
natum ad mutuam sensibilem communica-
tionem, & societatem civilem. quæ quia
in rebus corporalibus viget magis, ideo à
Iurisperitis res corporalis dominio; cate-
ra vt officia, seruitutes actiones personales,
& similia, quasi dominio haberi dicuntur.
Postrema particula nisi lege prohibeatur, ac-

cipienda est de lege præcisè vt est regula, & mensura honestatis, & non vt est etiam munimen iuris proprietatis alterius, id est de lege positivè, & negativè sumpta; ita vt sola lex honestatis, & non etiam ius alterius lege munitum fauente ipsi, & grauante alios in fauore ipsius impediatur ius disponendi conueniens perfectè ac plenè domino. Alias enim hæc definitio solam exprimeret rationem omnibus iuris speciebus communem.

Porro, omne vniuersaliter dominiū proprietatis plenum ac perfectum iuxta totam suam latitudinem ex parte subiecti & termini, seu ratio vniuersalissima huius iuris definiri facile & perspicuè potest, ex dictis quæst. 3. Omissis namque aliorum definitionibus rectè dicetur *libera facultas disponendi de aliquo munita lege fauente ipsi & grauante alios absque ullo vicesim grauamine directè quoad rem eandem cedente in commodum alterius*. Prior pars positiva liquet ex loco indicato. Posterior pars negatiua, cui substitui potest *fauente ipsi soli*, innotescet per expositionem reliquarum specierum iuris; hoc est specierum domini imperfecti, seu non pleni, à quibus differt dominiū plenum per exclusionem eiusmodi grauaminis respectu plenè domini.

Inter illas itaque species præcipua est usus fructus, qui communiter definitur *ius rebus alienis vtendi, fruendi salua rerum substantia*: hoc est; libera facultas vt supra cum grauamine rem integram alteri seruādi. Is, cui conuenit hoc ius, seu libera facultas dicitur fructuarius. Proprietarius vero & dominus, is in cuius fauorem tale grauamen imponitur. Alia deinde immediate species est usus actiue sumptus, qui

defi-

definitur: *ius utendi re aliena salua ipsius substantia*: hoc est, libera facultas, vt supra cum grauamine rem integram alteri seruandi, eidemque relinquendi fructus eiusdem. Nempe fructuarius per hoc præcise differt ab vsuario, quod ille fructus rei, vt ex grege lanam, lac, sætum; ex fundo sænum, segetes, arbores cæduas, seu non fructiferas colligere possit, & eo ipso facere suas pleno dominio: Vsuario vero nequaquam; idque significat fruitio illi concessa, huic negata.

Seruitus est ratio communis vsufructui, & vsui, & latius utroque patet. Sumitur vero, tunc actiue, tum passiuè. Actiue sumpta est *ius fruendi vel aliquo modo utendi re aliena, vel aliquid circa eam impediendi*: hoc est; est libera facultas aqualiter disponendi, seu positiue, seu negatiue circa rem alienam. Positiue quidem, vt dictum est de vsu fructu, & vsu, nisi quod vterque seruitutis nomine tum potissimum significatur, cum non est plenus & perfectus, sed inadæquatus quoad aliquem tantum fructum, aut aliquem vsum passiuum. Negatiue vero, vt si possis alium impedire, ne altius attollat murum suum, nèue in eo aperiat fenestram. Seruitus passiuæ est obligatio rei vel personæ correspondens iuri actiuo explicato.

Hæc omnia iura possunt haberi cum & sine possessione quæ non sumitur in presenti passiuè, seu terminatiue, sed actiue, ac potestatiue, & alia dicitur facti, alia iuris. Possessio facti, definitur à Iurisperitis *detentio rei corporis, & animi, & iuris adminiculo*. Detentio est apprehensio aliqua, vel continuata, vel saltem præiens in principio. Corporis adminiculū significat de-
bere

bere rem, vt possideatur, de facto subijci
manibus vel pedibus, vel oculis formaliter
vel æquiualeuter in se vel in aliquo ipsam
continente. Adminiculum animi est volun-
tas detinendi rem tanquã suam iuxta no-
tionem suitatis expositam quæst. 3. versus
finem, & non tantum nomine alterius, vti
faciunt depositarius, & baiulus, qui pro-
pte ea non possident. Iuris adminiculum
non tollit, quin possessio facti possit esse
iniusta, qualis est possessio l. tronum, sed si-
gnificat talem debere esse detentionem ex
parte rei & personæ, vt leges aliquo spe-
ciali fauore ipsam prosequantur præ non
detinente qualis non est detentio rei sacræ
facta à Laico. Res non corporales dicun-
tur à Iurisperitis, quasi possideri, cum re-
spectu eorum interuenerit aliquid æquiva-
lens explicatio corporis adminiculo.

Possessio iuris definitur à Bartolo in l. 1.
de acquirenda vel amittenda possessione;
iur. insistenti alicui rei tanquam suæ non pro-
hibita possideri. To iur. distinguit hanc pos-
sessionem à pura facti possessione. Insistere
rei, vt suæ, est eam apud se, & sibi tenere
pacifice, si possit; sin minus abigendo à b.
ea quosuis alios legum remedijs; & si ne-
cesse sit, vi etiam & armis. Additur *non pro-*
hibita possideri, quia detentio rei, & insi-
stentia non fauente lege, sed potius contra-
dicente, non dicitur possessio. Intelligi-
tur autem contradictio, non qualiscumque,
sed quæ talem personam respectu talis rei
reddat incapax ē. possidendi, & spoliēt om-
nibus priuilegijs possidentium, seu detinē-
tium res vt suas; vti spoliatur laicus res-
pectu rei sacræ, decimatum, & similiū. Quo
patet non superfluum esse postremam pa-
ticulam superadditam primæ. Quia potest quis
ha.

habere re ipsa ius insistendi, quin adhuc cō-
stet de eiusmodi favore, seu non resisten-
tia legis, ob privilegium.

Emphyteusi, & feudo, quæ sunt duæ aliæ
species iuris imperfecti commune est, quod
sint *concessio rei immobilis cum translatione*
dominii utilis, retento directo sub aliquo onere.
Differunt vero; quia hoc onus in em-
phyteusi, est certa pensio, solvenda proprie-
tario ab emphyteuta. In feudo vero, si sic
purum feudum, idem onus est solum obse-
quium personale.

Postrema diuisio est iuris in re, & ad rem.
Ius in re, quod & reale dicitur, est libera
facultas rem aliquā sibi vindicandi, ac re-
petendi à qualibet indiscriminatim perso-
na, illam qualitercumque detinente; ita,
ut obligatio rem tradendi, seu reddēdi ha-
benti ius in illa, transeat, ad quālibet per-
sonam hoc ipso quod res ad eam trāserit.
Ius verò ad rem, quod & personale dicitur,
est libera facultas, rem aliquam sibi vindi-
candi, ac exigendi ab una vel pluribus per-
sonis determinate, siue illam apud se ha-
beant, siue non habeant, sed ad aliū tran-
sierit. Quare obligatio correspondens iuri
in re adhæret illi personæ, cui res ipsa ad-
hæserit; ideoque realis dicitur, quia quasi
transit ex re ad personam, & immediate
rem, mediate personam afficit ratione ip-
sius rei. E contra obligatio correspondens
iuri ad rem adhæret personæ, siue res ipsa
adhæreat, siue non adhæreat; ideoque per-
sonalis dicitur, quia immobiliter personæ
adhæret, & quasi transit ex persona ad rem,
atque immediate personam, mediate rem
afficit, ratione personæ.

Exemplum vulgare, & præ cæteris clarum
est in emptore, & venditore. Qui enim
emit


emit equum, post numeratam pecuniam, & antequam equus traditus sit sibi, non potest illum exigere nisi à venditore, tametsi equus iam ab alio detineatur, siue per furtum, siue per nouam venditionem, aut donationem factam ab eodem venditore. At postquam equus, iam traditus fuit emptori, potest is illum exigere à quocumque ipsum detinente; nec potest amplius agere aduersus venditorem, nisi quatenus equus ad ipsum redierit. Quare ante traditionem ius emptoris dicitur ad rem; post traditionem, in re: atque illud primum respicit personam seu personas omnino determinatè, certe magis determinatè quam posterius. Posterius enim, seu in re est omnino indeterminatum ex se inrinsècè quoad personas, & respicit æqualiter totum genus humanum.

Ex his manifestum iam est pluribus personis circa eandem rem simultaneè inesse posse iura imperfecta proprietatis diuersi generis. Res enim respectu cuius alicui conuenit ius tantum ad rem, necessario simul subest iuri in re alterius personæ. Similiter componuntur inter se in diuersis personis respectu eiusdem rei, ius siue emphyteuticum, siue feudale, cum dominio rei apud alium existente; idemque dicitur proportionaliter de cæteris speciebus iuris. Vnde patet ad rationem dubitandi. De ratione videlicet iuris solum est ut habeat legem sibi fauentem quoad id, quoad quod, conuenit libera facultas. Possunt autem plura inesse eidem rei, quoad quorum proinde aliquid lex faueat uni, & quoad aliud alij, cum mutuo eorum gravamine quoad id, secundum quod, ad unum, quemque eorum res non pertinet. Vnde patet

patet ad rationem dubitandi . Difficultas igitur solum potest esse de multiplicitate iurium eiusdem rationalis , eoque pleno , & perfecto secūdum genus suum circa eandē rem , & secūdum idem . Quam difficultatem a paucis annis nonnulli magnis conatibus in vtramque partem pertractarunt circa dominium plenum , seu insolidum ; cum ea qualiscumque difficultas sit omnino communis , vt per se satis patet , quibusuis alijs iuris speciebus sub eadem consideratione pleni , & perfecti intra idem genus . Verum in gratiam eorum auctorum agendum erit specialiter de dominio pleno .

QVÆSTIO XLIX.

Vtrum dominium plenum eiusdem rei pro eodē instanti possit esse adæquatè apud duos ?

 **I**DETVR posse esse . Quia in instanti reali donationis aut venditionis v.g. conuenit simpliciter eius dominium tam donanti , seu vendenti : quam donatario , seu emptori . Donatario quidem , quia donatio est vsus dominij insolidum , vt pote transferens illud in donatarium ; & quia alias donaret rem , vel nondum suam , vel iam non suam . Donatario vero , quia datur in ipso acceptatio dominij in solidum sibi oblata , atque acceptatio est vltimum complementum donationis . Impossibile verò est , vt donatio non sortiatur suum effectum in eodem instanti , in quo ponitur

tur ultimum eius complementum. Eadem est ratio de emente & vendente. Datur igitur in utroque pro eodem instanti dominio in solidum eiusdem rei. Confirmatur, quia nemo dat quod non habet; & quiuis habet, quod acquirit; cum dat, & cum acquirit.

2. Dominium in solidum cuiusvis creaturæ circa quamlibet rem est compossibile, imo & essentialiter connexum cum dominio diuino in solidum circa eandem rem. Ergo etiam est compossibile cum dominio in solidum alterius creaturæ circa eandem. Patet consequentia, quia dominium Dei est multo magis plenum, & in solidum, quam dominium alterius creaturæ ideoque hoc dominium a fortiori est compossibile cum alio dominio creato circa eandem rem.

R. Dicendum est dominium in solidum non posse esse simultaneè apud duos circa eandem rem loquendo de dominio perfecto & ultimo completo in ratione talis. Hic est indubitatus Iurisperitorum omnium consensus, & communis suppositio Theologorum ex lege *ut si certo* & *si duobus ff. commodate*. Ratio est clara ex definitione dominij in solidum data, & explicata in quest. precedenti sub initium. Quia de ratione dominij pleni est ius disponendi perfecte, nisi lege prohibeatur; hoc est ius impedibile sola lege honestatis, & non item simili alterius iure; utque sit libera potestas abque gravamine directe, in fauorẽ alterius sibi imposito. Patet autem Dominum rei habentis alium simul dominum, dominio utrobique humano esse impedibilem, quominus disponat, ut voluerit non solum lege honestatis secundum se, sed etiam iure alterius, & lege quatenus fauente directe
illi

illi alteri; eundemque condominium esse
 grauatum grauamine sibi imposito directe
 in fauorem alterius. Quare si duo homi-
 nes simul essent plenè domini eiusdem rei
 pro eodem instanti, vterque in dispositione
 rei esset & non esset impedibilis sola lege
 honestatis; haberet & non haberet grauam-
 en aliquod sibi impositum cedens directe
 in fauorem alterius. Quod repugnat ma-
 nifestè

Ad 1. pro instanti donationis acceptatæ,
 seu cum primum existit acceptatio dona-
 tionis datur quidem simultaneè dominium
 in solidum eiusdem rei in donante, & acce-
 ptante, nec non in omnibus quibus donari
 & à quibus acceptari absolute potest, sed
 conditionate tantum, & extrinsece; abso-
 lute vero & intrinsece solum datur in do-
 natario acceptante donat onem sibi factā.
 Omne nimirum ius proprietatis quatenus
 extrinsece denominans constituitur, per le-
 gem fauentem vni, & grauantem alios in
 fauorem i. suis; intrinsece vero per cogni-
 tionem & volitionem, quibus cognoscitur
 vere, & acceptatur talis fauor vt dictum
 est quæst. 6. Cum igitur respectu cuiusuis
 habentis intrinsece, & absolute dominium
 in solidum alicuius rei pro aliquo tempo-
 re, detur eiusmodi lex ipsi fauens pro toto
 tempore sequenti absque vlllo termino; fa-
 ueat vero non omnino absolute, sed con-
 ditionate ipsi quidem domino quousque
 volet sibi retinere dominium; cæteris au-
 tem quibusuis ex quo idem dominus volue-
 rit dominium in eos transferre, vt dictum
 est quæst. 43.

Cum inquam hæc ita se habeant, patet
 dominium in solidum pro eodem instanti
 dari extrinsece, & conditionate in donan-
 te,

re, & donatario, nec non in omnibus, & quibusvis alijs capacibus, quibus eadem res donetur. Quia vero voluntas absoluta habendi rem vt suam directa per veram cognitionem donationis, solum datur in donatario eam acceptante, cum in donante detur è conuerso nolitio habendi rem vt suam, patet similiter donatario, & non donanti conuenire intrinsece, & absolute dominium rei pro instanti donationis, & pro omnibus sequentibus quousque ipse velit: is autem dicitur dominus simpliciter cui dominium cōuenit intrinsece & absolute; is vero cui nonnisi extrinsecè, & conditionate conuenit dicitur dominus secundum quid, dum agitur de dominio adulti potentis acceptare, & rejicere dominia rerum pro libito.

Quapropter donatio est vsus domini cōuenientis donatori extrinsece & conditionate per denominationem prouenientem à dominio intrinseco & absoluto instātis immediate antecedentis & à lege conditionate fauente pro eodem donationis instātis. Non vero est vsus domini simpliciter talis, seu conuenientis intrinsece, & absolute pro ipso donationis instātis quod liquet satis ex dictis. Et ex eo præterea quia donatio est translatio domini ex donante in donatarium, & nihil ibi perseverat, vnde transfertur, in sensu composito translationis. Quapropter donator donat rem iam non suam intrinsecè & absolute, To iam significante instans reale. Nempe pro priori naturæ ad actum donatōis res donata præscindit à sua & non sua ipsius donantis intrinsece & absolute; estque sua ipsius extrinsece & conditionate, sub hac conditione, si ipse velit. Idemque dicitur suo modo

do de vendente, respectu emptoris, deque qualibet alia libera abdicatione domini præhabiti. Patet igitur totum argumentum illud habere apparentiam propter indistin-
ctionem, & confusionem domini absoluti & ultimo completi respectu eius, quod est tantum extrinsecum, & conditionatum, atque secundum quid.

Ad Confirmationem. Sicut in aliquo sensu est verum, nemo dat, quod non habet: ita est verissimum simpliciter nemo habet, quod dat, in sensu composito dationis. Alias componeretur datio cum retentione simpliciter. Simili modo est in aliquo sensu verum: nemo spoliatur bonis quæ non habet; & tamen est verissimum simpliciter: nemo habet bona, quibus spoliatur, in sensu composito spoliationis. Spoliatur autem bonis, qui illa donat alijs, nec quidquam refert pro modo verificationis earum propositionum, an propria, an aliena voluntate spoliatur, sicut nihil interest pro modo verificationis istarum: nemo moritur aut occiditur nisi viuat; & nemo vivit, cum moritur, aut occiditur, in sensu composito mortis, aut occisionis; nihil inquam interest, an vulnere sibi inflicto per se, an aliena confossus manu occumbat. Distinguenda igitur est illa propositio iuxta proximè dicta; nemo dat quod non habet, vel extrinsecè & conditionatè, vel intrinsecè & absolutè; Conceditur propositio. Quod non habet intrinsecè, & absolutè, tunc cum datur, negatur propositio. Quæ distinctio est clara ex dictis & est necessario adhibenda ab omnibus in exemplis modo propositis. Videatur si placet circa materiã huius objectionis longa, & acuminum locuples cõtro-versia serio agitata à Card. de Lugo disp. & sect. 2. 170

Ad

Ad 2. Dominium diuinum non est domi-
 num utilitatis respectu sui, sed pure ex-
 cellens, qualis dominiij nos sumus incapaces;
 nostrum verò dominium est utilitatis
 respectu nostri, cuius utilitatis Deus non
 est capax, uti pluribus expositum est quæst. 4.
 & 19. Non autem mirum est, si quæ sunt vsus
 que adeo diuersa nec se inuicem impediunt,
 sed potius iuuant, ut liquet ex illis duobus
 locis; sint mutuo compossibilia, imo, & es-
 sentialiter inseparabilia propter subordina-
 tionem alterius ad alterum: & nihilominus
 sint inter se incompossibilia, quæ sunt
 eiusdem rationis, ideoque sibi inuicem noc-
 centia, & impediencia mutuo plenitudinẽ
 alterius non sola lege honestatis secundum
 se, qua sola impedire iuridicè potest Deus,
 vsus rerum nostrarum, sed etiam iure utili-
 tatis, quod est essentialis dominio humano.
 Inter quas impeditiones seu obliga-
 tiones impeditiuas vsus quantum
 & quale discrimen interce-
 dat videri potest in ea.
 de illa quæst. 3. post
 medium.



QVÆSTIO L.

Vtrum vsus licitus rerum vnico vsu
consumptibilium sit separabilis
ab omni dominio, & iure
proprietatis?



IDETVR non esse sepa-
rabilis 1. Quia Ioannes 22.
in Extrauag. *Ad Conditorem*
docet vsum licitum tallum
rerum esse indistinctū a ve-
ro dominio, & vero iure
proprietatis circa easdem.

2. Verus Dominus rerum consump-
tibilium vnico vsu nihil habet ex vi sui domi-
nij præterquam posse illas licite quoties li-
buerit seu consumere seu distrahere. Ergo
quicumque hoc ipsum facere potest licite,
& absque cuiusquam iniuria eo ipso habet
verum dominium verumque ius propieta-
tis. Patet consequentia, quia repugnat eū
non esse vere dominum alicuius rei, cu-
liet quoties libet quidquid jacet vero do-
mino ex vi sui dominij.

R Pro clariori determinatione quæstio-
nis adh. b. nda est distinctio. Vius actiue,
& potestatiue sumptus pro iure, seu libera
facultate vtendi inimpedibili ab alio præ-
terquam per legem honestatis secundum
se, seu non ligabili per voluntatem a terius
præcisè quatenus consulentis cōmodis suis,
procul dubio est inseparabilis ac indistin-
ctus à dominio & proprietate, vt patet ex
eius expositione data in quæst. 48. At vero
vsus destitutus iure, & libera facultate cū
legē

lege directe fauente ipsi, & grauante in fauorem eius quousque alios vtilitatis capaces, ideoque pēdens semper, vt sit licitus à voluntate alterius potentis pro libito reuocare licentiam, ac permissionem vtendi quoties & quousque voluerit; hoc est usu: sumptus purè passiuè ac terminatiuè comparatione iuris cui subest, seu sumptus pro nuda physica potestate licite vtendi est separabilis, atque omnino distinctus adæquate ab omni specie dominij & proprietatis. Quia videlicet vsui sic sumpto nullatenus conuenit definitio vlla alicuius veri dominij, aut iuris proprietatis, vt patet clarè ex dictis in eadem illa quæst; imo eidem repugnat clarè definitio iuris proprietatis in genere tradita in quæst 3. Nec enim talis vsus, aut potestas taliter vtendi est libera facultas munita lege fauente ipsi, & grauante alios; solum siquidem existit munita gratiosa alterius voluntate semper reuocabili, adeoque est grauata per legem in fauorem ita potentis reuocare permissionem, & impedire usum propter solum commodum impediētis. Videantur quæ dicta sunt in illa quæst.

Constat hoc idē ex extrauagātibus Nicolai III. & Clementis V. aliorumque Pontificum decretis statuētium, vt videre est in Priuil. Minorum D. Francisci verbo *pauperes* eosdem Minores neque omnes in communi, neque singulos in particulari habere vllum dominium, aut proprietatem, circa vllum genus bonorum, seu mobilium, seu immobilium, tamen si potiantur usu licito facti tam quoad consumptionem, quā quoad distractionem peremptionem, venditionem, aliosque tractatus. Quia videlicet hæc omnia possunt dependenter à licentia

centia & consensu summi Pontificis potest absque vlla iniustitia aduersus aliquod eorum ius eadem omnia illis negare, quancumque volet.

Nec obstat Ioannem 22. In citata extrauaganti *Ad Censitorem* abdicasse à se, & à sede Apostolica dominium eorum bonorum. Quia idem dominium reassumptum iterum fuit ab alijs Pontificibus modo indicatis, vt constat expresse ex loco indicato: Nec interim mansit tale dominium apud Minores, sed apud fideles subministrantes eleemosynas, de quorum consensu implicito vel explicito semper reuocabili procedebant ad vsum sibi permissum a domino, simul renitentes constanter omni veræ proprietati, veroque dominio. Quod profecto in esse nolenti nullo pacto potest, cum essentialiter, & intrinsecè constituitur quoad suum conceptum ultimo completum per actum volendi habere rem tanquam propriam, vt dictum est quæst. 6. Itaque vsus licitus pure passiuus modo explicato est procul dubio separabilis à domino, & ab omni specie proprietatis & iuris.

Ad 1. Doctrina illa Ioannis 22. non fuit definitiua vt Pontificis, sed merè assertiua, vt doctoris priuati. Quia controuersia erat de puncto iuris, & non de re dogmatica. Probabile deinde est, quod dicunt Lessius & alij, eam quæstionem inter Ioannem & defensores causæ Minorum, fuisse solum de voce. Quod est facile, dum agitur de rebus habentibus magnam inter se affinitatem quoad exteriorem ac sensibilem per se operandi modum, atque differentia reuocatur ad conceptus quidditatiuos, quorum est facilis æquiuocatio cum proprietate, separabili quidem absolute, sed quæ raro

separetur, cuiusmodi est potestas utendi licite aliqua re comparatione dominij ac proprietatis circa eandem.

Ad 2. Discrimen quoad exteriorem operandi modum pro ut exercetur de facto à vero domino, & non domino usus sibi liciti, & rei qua utitur vix apparet ullum; fieri tamen potest voluntate domini, ut sit manifestissimum. Quia potest, tum reuocare consensum necessarium pro usu licito non domini tum eundem usum permittere, non nisi sub hac conditione, ut ipse vel aliquis eius minister adeatur toties quoties immediate ante usum vel saltem toties in anno ad renouandum consensum permissuum, alijsque similibus conditionibus grauare multipliciter potest. Idque ipsum facere nequaquam potest, qui est usuarius pure passiuè, sed nec resistere licite potest prædictæ veri domini voluntati aut auferenti usum, aut grauanti ut volet. Deinde utrumque magna sit affinitas quoad proximam exteriorem inter dominum & non dominum usus utriusque liciti; maxima nihilominus differentia est quoad affectum, & interiorem animi dispositionem. Longè namque diuerso modo incubat animus dominantis, tam rebus quam visibus verè suis, & inimpedibilibus ab alio operante gratia sui, atque in utilitatem ipsius, quam ipsæ adhæreat animus non domini semper quantum est de se dispositus, ut priuetur rebus omnibus, omnique rerum omnium usu, quoties alij libuerit præcisè quia libet alij, quacumque demum de causa libeat.

F I N I S.

Errata corrigē.

Pagina 10. Versu 10. determinandum.
determinatum.

P. 15. v. 37. dominum. domino.

P. 17. v. 11. pramonita. pramonita.

P. 27. v. 11. constitutiva. contristativa.

P. 40. v. 3. necessariò. necessaria.

P. 49. v. 25. ratione. rationem.

P. 74. v. 29. quod. Triplex itaque est æ-
qualitas quæ.

P. 76. v. 18. hoc verè. aut ferè.

P. 83. v. 22. voluntates. voluptates.

P. 92. v. 9. iustitia. tristitia.

P. 110. v. 30. qua. quia ea.

P. 136. v. 34. contrariarum. contraria.

P. 142. v. 20. nimium. minimum.

P. 143. v. 31. rigor. vigor. v. 32. affecti-
uè. effectiuè.

P. 147. v. 18. oblationem. ablationem.

P. 153. v. 6. delectationis. delectantis.

P. 155. v. 18. necessitat. necessitatem.

P. 169. v. 5. & ex. v. 25. locum. lo-
cum iustitiæ distributæ.

P. 172. v. 16. idem. eidem.

P. 174. v. 7. suo. vno.

P. 175. v. 1. qui. quia;

P. 184. v. 38. distinctivum. disuactivum.

P. 186. v. 17. pro. per.

P. 187. v. 18. in Deo. firma in Deo.

P. 189. v. 9. ordinationem. conditionem.

P. 198. v. 9. aduersus Deum. erga nos.

P. 202. v. 10. gratia. gratiosa.

P. 207. v. 3. prædicta. prædita.

P. 211. v. 37. improprietas. ius proprie-
tatis.

P. 215. v. 1. eiusdem. ius eidem.

P. 217. v. 17. non. pater non.

P. 221. v. 4. immediata. immediatè.

P. 230. v. 17. iustæ. iniustæ.

P. 233. v. 19. nomine. res à nomine.


Errata corrige


- p. 237. v. 35. voluntarias. inuoluntarias.
 p. 241. v. 37. iustitiæ. iniustitiæ.
 p. 248. v. 27. efficacia. epicheia.
 p. 253. v. 6. à posteriori i. quia. v. à po-
 steriori, quia.
 p. 253. v. 13. propterea. præterea.
 p. 253. v. 27. viri. viri boni.
 p. 255. v. 11. quantitatis latius patet, &
 quantitatis &.
 p. 259. v. 30. sequenti. frequenti.
 p. 267. v. 15. quantitatis in. quantitatis
 grauis in.
 p. 284. v. 2. commutatiuam. comutationū.
 p. 288. v. 37. minoris & maioris. maio-
 ris momenti.
 p. 290. v. 16. omissionis. amissionis.
 p. 331. v. 29. minus. plus.
 p. 330. v. 12. damni. damnificati.
 p. 334. v. 20. aperte. à parte.
 p. 335. v. 39. fratres minus. fratres, si vero
 diffundat amorem in plu-
 res aut filios aut fratres,
 minus.
 p. 336. v. 20. depulsiuo. depulsione.
 p. 368. v. 7. totum. rerum.
 p. 380. v. 37. feræ. 9. feræ.
 p. 368. v. 31. ea. est.
 p. 387. v. 20. quoad. ad.
 p. 389. v. 12. Intrinsecè &. intrinsecè inie-
 quum. &.
 p. 390. v. 7. ementur. emuntur.
 p. 391. v. 5. possint. possit.
 p. 410. v. 25. voluntate. voluntatem.
 p. 425. v. 27. multa. mutua.
 p. 429. v. 12. exigatur quàm. exigatur
 plus, quàm.
 p. 432. v. 15. ponitur fœnus, ponitur enim
 fœnus.
 p. 439. v. 14. flexibilem. inflexiblem.
 p. 456. v. 38. tractatus. contractus.

I N D E X

Rerum contentarum in Qua- stionibus de Iustitia.

A

 Cceptio personarum est ac-
ceptio non causæ pro causa,
& est illicita. Quæst. 45. pag.
406.

 Acquisitio alicuius de nouo
non facit acquirentem de-
terioris conditionis quoad ea, quæ prius
habuit. q. 31 p. 291.

Æqualitas intenta per iustitiam nõ pugnat
cum præferibilitate, quæ consequitur ad
ipsius obiectum. q. 2. p. 11.

Æstimatio rerum spiritualium pendens à fi-
de, & spes utilitatis inde deriuandæ sũt
vnicuique liberæ. q. 47. p. 439.

Alteratio prætorum ex diuersitate religiõ-
nis repugnat optimæ generis humani cõ-
stitutioni. q. 47. p. 439.

Amicitia inter aliquos, an inferat capacita-
tem iustitiæ inter eosdem. q. 19. p. 203.

Angelos inter ac Deum non potest vlla ex
parte intercedere iustitia particularis.

q. 19. p. 187. q. 20. p. 208 inter Angelos
tamen ac homines potest esse iustitia cõ-
mutatiua, non verò distributiua de fa-
cto, licet de possibili non videatur impli-
care. q. 21. p. 214. & seq.

Aristoteles quid senserit de dependentia
iuris proprietatis à iure iurisdictionis.
q. 5. p. 38. & seq.

Index rerum de Iustitia.

B

Beneficium non confertur inuito. & quare. [q. 16 p. 140.](#)

Bonum quoduplex, & quale bonum indigeat habitu in voluntate ad sui prosecutionem. [q. 10. p. 87.](#) Bona alia sunt eiusdem generis, alia diuersi, & utraque explicantur. [q. 37. p. 332.](#) Bona diuersi generis non possunt sibi inuicem substitui in ordine ad placandum animum, & ad sedandam iram prouenientem ex iactura utrorumuis eorum, quamuis affectus erga vnum genus diuertere possit per affectum erga aliud. [ibid. p. 335.](#) bona diuiduntur in intrinseca & extrinseca, & hac iterum subdiuiduntur. [q. 42. p. 363](#) bonorum intrinsecorum diuisio est ex natura rei. [ibid. p. 364.](#) & pariter extrinsecorum quorum mensura vnica est ab intrinseco. [ibid.](#) bonorum verò aliorum diuisio, huiusque diuisionis conseruatio est iuxta naturæ præscriptum, licet perficiatur per liberam hominum conuentionem. [ibid.](#) Neque tamen qualiscumque bonorum diuisio arbitrio hominum facta licuisset, sed postulat aliquas condiciones, & quæ sint. [q. 43. p. 371. requiritur](#) vt nullus relinquatur aditus inæqualitati bonorum, nisi ex inæquali ad bonum commune cooperatione. [ibid.](#) item quod ius earum diuisione acquisitum sit perpetuum, & cum iure alienatio rei acquisite. [ibid. pag 376.](#) & seq. item vt bona acquisita alienari non possint cum inæqualitate nisi ea proficiatur ex liberali & gratiosa concessione transferentis. quæ tamen inæqualitas non debet mensurari ex affectu speciali, quo quis aliquam rem prosequitur per

Index rerum de Iustitia,

per accidens. ibid Bonorum in alium transferibilia alia sunt quæ unico usu consumuntur, aut distrahuntur, adeoque nihil interfit an breui, an longo tempore habeantur; alia quæ unico usu non consumuntur, aut distrahuntur, sed multiplici usu inserviunt successiuè. q. 46. pag. 420. bonorum temporalium dominium est solum ad tempus, licet aliquando continuabile sine fine determinate. ibid. pag. 426.

X 2

Communitas rerum esset maximè perniciofa q. 42. p. 357.

Communitas non potest renunciare suo iuri de eligenda persona digniori ad officia habentia iurisdictionem. q. 45. p. 411. imo etsi possit non tamen per hoc censendus est princeps posse eligere minus dignum ad dicta officia, neque ad alia officia publica circa usum rei pecuniariæ. ibid. Communitates omnes officijs, iurisdictionem habentibus addunt stipendia congrua. q. 44. p. 393.

Commutationes aliæ sunt voluntariæ, aliæ inuoluntariæ, & in neutris deficit mutus consensus, vi cuius subsistat obligatio reparandi æqualitatem sublatam. q. 35. p. 241.

Commutatiua iustitia unicuique tribuit ius adæquatè suum distributiue, seu seorsim q. 18. p. 177. vide verbo Distributiua.

Consiliarius quando tenetur ad resarciendum damnum secutum ex eius consilio noxio. q. 40. p. 354.

Contractus simoniaci & usurarij, item & similes alij cur sint nulli etiam si vterque contrahens consentiat. q. 16. p. 140, & seq.

X 2

& ex.

Index rerum de Iustitia.

- & explicatur quomodo eiusmodi contra-
ctus sint contra voluntatem efficaciorum
alterutrius ex contrahentibus. *ibid.*
Contrapassum quid sit, & quare sit de con-
ceptu iustitiæ commutatiuæ. q. 19. p. 129.
Culpa lata, levis & leuissima, explicantur.
q. 33. p. 305. vniuersaliter ubi omissio di-
ligentiæ vacat culpa lethali, nunquam
datur obligatio grauis restituendi *ibid.*
p. 307. omissio diligentiae in re graui nō
potest esse venialis culpa, nisi ex defectu
deliberationis. *ibid.* p. 309.

D

Definitio legitima & sufficiens debet
depellere obscuritatem & ambigui-
tatem circa definitū, & ponere ob oculo-
los predicatum primum & quod sit origo
cæterorum. q. 2. p. 10. non tamen est
necesse vt vnaquæque pars definitionis
sit discretiuū definiti ab omnibus alijs.
ibid. p. 12.

Delectatio Venerea in quo cōsistat, & qua-
re in ea non datur paruitas materiæ. q. 17.
pag. 350. & seq.

Deo conuenit ius proprietatis essentialiter
sibi subordinans immediatē omnia iu-
ra creata. q. 4. p. 35. datur in Deo ius pro-
prietatis demptis tamen imperfectioni-
bus. q. 5. p. 43 Ius proprietatis & ius iuris-
dictionis in Deo sunt eadem virtualiter
formalitas, etiam obiectiue. *ibid.* p. 42.
Deo non conuenit iustitia particularis, si-
ue distributiuæ, siue commutatiuæ. q. 19.
p. 187. & seq. Nec potest eius potentia
ordinaria obligari, ubi de differentia in-
ter promissionem diuinam & humanam.
ibid. p. 196. Deus confert simul dignita-

Index rerum sententiarum

tem muneribus congruentem. q. 19. p. 200.
in Deo quæ iustitia datur. ibid. 201. Deo
quale ius conveniat aduersus creaturas
& quare dicendum sit fas. q. 20. p. 210.

Dignitas & indignitas ad officia ex iustitia
distributiva danda non consistit in indi-
uisibili. q. 45. p. 408.

Distinctio rationis nihil facit pro negotio
venditionis. q. 44. p. 386.

Distributiva iustitia est virtus vnique,
tribuens ius partim collectivè, seu indi-
uisim cum alijs, partim distributivè, seu
seorsim suum. q. 18. p. 177. versatur circa
bona diuersa ab ijs, circa quæ versatur
iustitia commutativa, & assignatur tri-
plex classis bonorum. q. 18. p. 165. habet
considerare medium geometricum, cum
commutativa constituat æqualitatem,
arithmeticam. q. 18. p. 177. est directiva
communitatis ad personas priuatas, cum
commutativa sit directiva priuatæ ad per-
sonam priuatam. q. 18. p. 184. est vera &
propria iustitia. ibid. p. 180. & præsupo-
nit ius saltem vagum in personis quibus
conferunt munera. ibid. p. 184. locum habet,
quando vnum tantum officium, aut be-
neficium conferendum est seorsim, & vnus
tantummodo adest dignus cui confere-
tur. ibid. p. 185. Nec distributiva iustitia,
nec commutativa conuenit homini re-
spectu Dei. q. 20. p. 208. Est obligatio ex
iustitia distributiva ad eligendam perso-
nam digniorem iam cognitam, non tamen
ad adhibendam summam diligentiam
pro inueniendo optimo. q. 45. p. 412. vide
alio verbo Restitutio.

Diuisio bonorum. V. Bona.

Domini ad seruum est ius, non simpliciter,
sed secundum quid. q. 7. p. 58. Eiusmodi

Index rerum de Iustitia;

tamen ius est inductum magis in fauorem Domini quam serui. q. 7. p. 62. Eius discrimen à iure paterno *ibid.* p. 62. 63.
Dominium variè accipitur. q. 48. p. 443. Dominium plenum definitur à iuristis, ius perfectè disponendi de re corporea nisi lege prohibeatur. *ibid.* aliter definitur. q. 48. p. 444. traduntur variz (pecies domini) & iuris, vt sunt; dominium plenum, vsusfructus, vsus, seruitus, emphytheusis, feudum, ius in re, & ius ad rem. *ibidem.* p. 435. & seq. posse circa eandem rem simultaneè esse plura dominia, & iura imperfecta proprietatis diuersi generis ostenditur. *ibid.* p. 448. Nō potest tamen circa eandem rem simultaneè versari dominium plenum pro eodem inflati apud duos, loquendo de dominio utilitatis. q. 49. p. 450. & seq. quare in instanti donationis. solus donatarius habet plenum dominium absolutè & intrinsecè, donans autem habet dominium solum extrinsecè, & conditionatè. *ibid.* vbi explicatur illud axioma: *nemo dat quod non habet.*

E

Effectus actionum moralium, vt sunt iura præminent perfectione & æstimatione multis effectibus purè physicis causarum secundarum q. 5. p. 38. maxima diuersitas in effectibus sæpe consequitur ex minima diuersitate in causis tum moralibus tum physicis, q. 18. p. 273. ad effectus morales actuum tam bonorū, quam malorum perinde valet distinctio rationis, atque realis. q. 34. p. 317.

Index rerum de Iustitia.

F

- F**ilius quomodo est pars moralis patris, & seruus pars moralis Domini. q. 7. p. 57.
Filiū inter & patrem datur iustum non simpliciter, sed secundū quid. q. 7. p. 59.
& participat indiuisim de iure iurisdictionis, & de iure proprietatis. ibid. est tamen inductum in fauorem magis prolis quam patris. ibid. p. 62.
Fœlicitatis amor semper est efficacior in omni volente in quo imbibitur volitio eorum bonorum quæ necessaria sunt ad fœlicitatem promouendam. q. 16. p. 136.
Fratres Minores, eorumque superiores non sunt expertes omnes iuris proprietatis. q. 4. pag. 33.
Fructuum nomine quæ veniunt. q. 53. p. 311.
vbi & de fructus diuisione in naturalem & civilem.

H

- H**omo solus vbiq̃ gentium æstimationem habet maximè vniuniformem, ideoque relatiuè ad illum debet sumi mensura quantitat̃is, sufficientis ad peccatum lethale in materia iustitiæ. q. 2. pag. 269.
Honoris non quælibet pars minima, aut etiam quælibet pars salutis præponderat quibusuis diuitijs quoad vim dissolutiuā mutæ beneuolentiæ & societatis. q. 37. pap. 333.
Honoratio & inhonoratio quomodo distinguantur à famâ, & infamatione. q. 29. p. 378.
Nocumentum paruum in ratione honoris aut famæ; potest esse magnum in re pecuniaria & è contra. ibid. p. 279.
X 4 respectu

Index rerum de Iustitia.

respectu honorabilioris & magis abundantis in fama eadem inhonoratio est magis iniuriosa. ibid. p. 180.

I

In iustitia particularis est vitium particulare distinctum ab omnibus alijs vitijs. q. 14. p. 121. & seq. aliud est peccare ex iniustitiz habitu, aliud peccare contra iustitiam. q. 14. p. 124. peccatum iniustitiz ex genere suo est mortale, potest tamen esse veniale, tum ex defectu deliberationis, tum ex sola paruitate materiz. q. 17. p. 148 inter omnia peccata, quae contra proximum committuntur, iniustitia est maximè prouocatiua irae, & contraria paci. q. 27. p. 262. Iniustitia indeliberata minus concitat iram in patiente quam deliberata, licet indeliberata sit grauior ex parte materiz. q. 32. p. 297.

Inutilium ac nocentius cum purè decentibus, nihilque nocentibus datur incommensurabilitas. q. 20. p. 210.

Ius quo sensu fit obiectum iustitiz. q. 1. p. 2. & 4. diuiditur in passiuum & actiuum, & hoc in potestatiuum & actuale; potestatiuum in ius iurisdictionis & proprietatis. q. 1. p. 3. ius proprietatis definitur à Card. de Lugo praelatio quaedam moralis qua hic homo praesertur moraliter alijs in usu talis rei propter peculiarem connexionem, quam res habet cum co. q. 2. p. 8. praedicata posita in dicta definitione conueniunt iuri proprietatis, sed non sufficienter illud definiunt. q. 2. p. 9. Assignantur praedicata apud omnes notissima tum iuris in communi, tum vtriusque iuris in particulari. q. 3. p. 15. & seq. iuri

Index rerum de Iustitia.

ut sic convenit praelatio, item potestas
operandi. q. 3. p. 15 & 16. ius actuum in
 communi, est libera facultas disponendi
 circa rem, vel personam quoad usus, vel
 actiones lege permixtas, non impedibiles
 licite ab alijs. q. 3. p. 17. et si facultati seu
 potestati praelata addatur, quod sit ordi-
 nata directe & principaliter ad felicitatem
 propriam constabitur definitio proprie-
 tatis: Si autem adiungatur ordinatio ad
 felicitatem alienam principaliter & di-
 recte erit definita iurisdictionis. q. 3. p. 19.
 Iuris proprietatis termini sunt res & per-
 sonae, & explicantur singillatim. q. 3.
p. 23. & 24. Ius iurisdictionis quodecum-
 que est inseparabile ex parte subiecti à
 iure proprietatis. q. 4. p. 32. Ius tamen
 proprietatis est separabile ex parte sub-
 iecti à iure iurisdictionis circa eandem
 rem licet ab eodem saltem in alio exi-
 stente dependeat formalissime. q. 4. p. 33.
 33. 34. Ius omne creatum pendet essen-
 tialiter ac immediate à iure Dei & eius
 exercitio. q. 5. p. 37. Iuris variae acceptio-
 nes declarantur, & praesertim ius radi-
 cale, formale, actuale, habituale & simi-
 les. q. 6. p. 46. & seq. Ius constituitur prin-
 cipaliter per actus intellectus & volunta-
 tis. q. 5. p. 44. & seq. Iuris divisio in natu-
 rale, gentium, positivum, in paternum
 & economicum, & herite examinatur.
 q. 7. p. 53. & seq.
 Ius formaliter auferri per iniuriam non
 potest; nec laedi formaliter potest nisi per
 iniuriam. q. 16. p. 131. Ius ad conserva-
 tionem iuris non datur. q. 16. p. 146.
 Ius proprietatis tantum indirecte extendi-
 tur ad actus voluntatis, quatenus sunt
 causativi aliquius actionis directe contra-
 dictae.

Index rerum de Iustitia.

dicentis eidem iuri. q. 3. p. 323. Iuri iurisdictionis duplex adest eminentia; Vna essentialis, & inseparabilis, altera accidentaria, & explicantur. q. 44. p. 387.

Iura sunt propria substantiarum rationalium. q. 3. p. 16.

Iurisdicatio siue officium habens iurisdictionem est intrinsecè inuendibilis quoad ea quæ sunt ipsi essentialia; vendibilis verò quoad emolumenta pecuniaria, per se quidem quoad excessum iusti stipendij; per accidens verò quoad ipsum stipendium. ibidem. cum hoc tamen stat quod iurisdicatio est perfectio valde æstimabilis secundum se. ibid. pag. 92. Distributor officij eiusmodi vnum eligens præ alio non potest retinere sibi partem iusti stipendij in compensationem affectus specialis. ibid. & id habet locum à fortiori in distributione merè pecuniaria ibid. p. 398. plura vide verbo Restitutio pro transgressione iustitiæ distributiæ.

Iustitiæ obiectum. v. ius. Quomodo potest exercere aliquem actum absque obligatione exercendi q. 1. p. 5. Non est proprium iustitiæ, sed omnibus virtutibus commune est, vt detur aliqua connexio peculiaris rerum quas exhibent cum ijs quibus exhibentur. q. 2. p. 9. Rectè definitur constans & perpetua voluntas & q. 7. p. 65. & seq. & eadem definitio adaptatur iustitiæ infusæ. q. 9. p. 70. Proprium iustitiæ est respicere mediū rei. e. 8. p. 72. & seq. quoduplicem æqualitatem intēdit. q. 9. p. 74. Licet tamen iustitia consistat in medio rei obiectiue & causatiue, tamē ipsa non est media formaliter inter habitus virtuosos, ideoque non consistit in medio

Index rerum de Iustitia.

medio formaliter. q. 9. p. 81. Versatur circa solas operationes, & non circa passionēs. q. 9. p. 83. Neque potest aliquis esse formaliter iniustus ex motiuo proprio actus iniusti propter passionē. q. 10. p. 88. De differētia iniustitiæ particularis à legali. q. 11. p. 95. Iustitia legalis in principe nō differt specie à iustitia legali subditi. q. 11. p. 100. Iustitia intendens bono familiæ distinguitur specie à iustitia intendente bono ciuitatis. p. 101. Iustitia particularis differt specie à reliquis virtutibus & habet diuersum motiuum formale q. 11. p. 103. & seq. Iustitia legalis præeminet omnibus alijs virtutibus moralibus, quæ directè & immediatè versantur circa proximum. q. 12. p. 111. Iustitia particularis est præclarior cæteris virtutibus moralibus. q. 13. p. 112. diuiditur in distributiua & commutatiua. q. 18. pag. 150. & seq. habent motiua, seu iura specie diuersa. q. 18. p. 165. alia vide verbo distributiua & commutatiua.

L

L Abor fofforis terræ cur proponitur vt regula pro quantitate requisita ad peccatum lethale. q. 30. p. 285.

Lex nulla potest esse fauorabilis & benefica respectu nolentis beneficium & fauorem. q. 15. p. 128. Lex, fauens iuri proprietatis fauet intentioni felicitatis, non autem voluntati contrariæ. q. 16. p. 138. Lex diuina naturalis æqualiter fauet omnibus hominibus secundum se præcisè considerata. q. 42. p. 371.

Libertas ex se insufficiens ad lethale, est etiam insufficiens ad valorem contractuum. q. 32. p. 395.

Index rerum de Iustitia

M

Mercatores quando aliquid ultra fortem possint exigere q. [46](#) p. [430](#).

Misericordiae virtus dupliciter accipitur, & in vno sensu præponitur in altero postponitur iustitiæ particulari. q. [13](#) p. [119](#).

Montes pietatis laudabiliter instituuntur, & sine periculo vsuræ. q. [46](#) p. [430](#).

Mutuum est traditio rei in suo genere functionem recipientis, vt statim accipientis fiat, & postea tantundem eiusdem generis, & qualitatis recipiatur. q. [6](#) p. [418](#). mutui materia propria sunt solæ, res, quæ vnico vsu consumuntur aut dissipantur. ibid. p. [421](#). mutuare est opus consilij. ibid. p. [432](#). Quomodo in mutuo reperitur ratio beneficij. ibid. p. [433](#).

N

Necessaria sunt minus perfecta ijs quæ sunt minus necessaria in eodem genere. q. [13](#) p. [120](#).

O

Oconomus quando peccet in eligendis operarijs minus idoneis, & an teneatur ad restitutionem. q. [45](#) p. [415](#).

Obligatio, quam respicit iustitia particularis, & correspondet iuri proprietatis est diuersa ab alijs obligationibus in conscientia etiam erga alterum q. [3](#) p. [21](#). & est obligatio non dilatandi se, & non resistendi alium. q. [3](#) p. [27](#). Obligatio moralis non potest esse necessitas metaphysica aliquid faciendi, sed est necessitas vana faciendi aliquid, vel peccandi & sub-

supdi.

Index rerum de Iustitia.

eundi pœnam. q. 19. p. 197. **Obligari** nemo potest ad reparandum cum proprio no- cumento damnum alteri illatum sine ulla sua culpa. q. 24. p. 234. **Quare** non de- tur obligatio ad eligendum statum vitæ securissimam, datur autem ad electione personæ dignioris q. 45 p. 413.

Obiectum iustitiæ. V. **Ius**. obiectum iuris iurisdictionis complectitur obiecta omniū virtutum. q. 1. p. 4. nec pertinet ad spe- cialem virtutem iustitiæ. ibid.

P

Pater. V. **Filius**.

Peccatum lethale est sufficiens ad ob- ligationem grauem restituendi, & ve- niale solum ex parte materiæ, ad obli- gationem venialem. q. 32. p. 294. Pecca- tum veniale iniustitiæ tunc solum inducit obligationem grauem restituendi cum includit in se contractum validum de quantitate per se sufficiente ad lethale, & differentia inter peccatum veniale de- liberatum, & indeliberatum quoad hoc. q. 32. c. 299. Peccatum furandi, & non re-stituendi, quomodo differunt. q. 39. p. 348.

Præceptum aliud affirmatiuum, & aliud ne- gatiuum, vbi de vtriusque **differentia**. q. 39. p. 346. præceptum restitutionis est negatiuum & obligat pro semper. ibid. Præceptum de peragenda pœnitentia & satisfactione est affirmatiuum. q. 39. p. 349.

Præferibilis consequitur ad aliquem de- terminatum gradum perfectionis conue- nientis præferibili, ideoque non valet de- clarare essentiā rei præferibilis. q. 2. p. 10. conuenit habenti ius respectu aliorum. q. 3. p. 15.

Index rerum de Iustitia.

Præsumptiones non licet facere absque
speciali fundamento, nisi secundum ple-
rumque contingentia. q. 36. p. 328.

Princeps ad subditos dupliciter comparari
potest & utraque comparatione inter
Principem & subditum intercedit iustū
simpliciter. q. 7. p. 59.

Promissio diuina quid superaddat volun-
tati faciendi aliquid, & quale sit in hoc
discrimen inter promissionem diuinam
& humanam. q. 19. p. 197.

Publica potestas potest adiudicare res
vnius alteri nulla existente culpa, sed ita
postulante bono communi. q. 26. p. 252.

Pueri, amentes, dormientes & similes quo-
sensu dicantur habere ius. q. 6. p. 50.

Puniri addit peculiarem materiam doloris
super malo illo quod infligitur in poenam
q. 22. p. 219.

Q

Quantitas restituenda sub lethali po-
test & debet assignari facta tamen ab-
stractione à materia remota iustitiæ.
q. 27. p. 257. neque ea sufficienter men-
suratur ex magnitudine & multitudine
inconuenientium quæ sequerentur nisi
restitutio grauitè præciperetur sub tali
quantitate. q. 27. p. 258. assignatur regula
communissima. q. 27. p. 261. deinde ea re-
gula particularizatur in materia pecu-
niæ, et constituitur in labore diurno et
æquivalentia cum illo q. 28. p. 271. deduc-
itur notitia regulæ vniuersalis in ma-
teria honoris q. 29. p. 291. quantitas suffi-
ciens ad iniustitiam grauem non consistit
in indiuisibili ex parte iniuste agentis.
q. 30. p. 282. Respectu tamen habito ad
tales

Index rerum de Iustitia :

tales in individuo contrahentes limita-
tur hæc doctrina. ibid. p. 283.

Quantitatis grauitas in re pecuniaria con-
sistit in indiuisibili ex parte patientis.
q. 31. p. 288. licet sæpe sit necessaria ma-
ior quantitas ad peccandum lethaliter
contra magis diuitem. q. 31. p. 293. Ultra
quantitatem innocenter existimatam à
nocente nulla resultat obligatio. q. 34.
pag. 318.

R

Religio et obedientia præcellunt iusti-
tiam et alijs virtutibus moralibus. q. 3.
p. 16. et q. 13. p. 108.

Restitutio est voluntas ius suum prius læ-
sum unicuique tribuendi. q. 23. pag. 222.
et seq. qua cuius superaddat peculiarem
difficultatem super actu seruante illa sibi
ius alterius, non tamen proinde differt
ab illo specie. ibid. p. 223. Restitutio pura
quomodo differt à satisfactione proprie
accepta. ibid. p. 225. Restitutio fit gratia
eius cui fit, satisfactio verò gratia eius à
quo exhibetur ibid. p. 226. Restitutionis
obligatio fundatur in re accepta et in
iniusta acceptione et explicatur discri-
men inter utrumque titulum q. 24. p. 230.
et seq. Ultima resolutio obligationis re-
stituendi ex natura rei ob damnum in-
culpabiliter illatum. q. 26. p. 246. Nec
talis obligatio confurgit ex legibus ante
sententiam iudicis. q. 26. p. 248. Sed post
illam. ibid. Obligatio nulla est restituē-
di quando materia nocenti est in se
grauis, et peccatum nocentis est in se le-
ue ex defectu deliberationis. q. 32. p. 293.
Quando multe læsiones veniales obligent
ad restitutionem sub mortali. ibid. p. 298.
et seq.

Index rerum de Iustitia.

& seq. Varij casus discutiuntur. *ibid.* vbi
 & de nocumento illato communitati in
 singulis indiuiduis, & quod illud nocu-
 mentum debeat esse grauius eo quod in-
 ferretur vni. *ibid.* p. 301. Multiplaciter iſc
 distinguitur casus in quo multi inferant
 nocumentum vni, & de obligatione re-
 sultante in singulis. *ibid.* p. 302. Nocu-
 mentum illatum ab vno inferendum fuisse
 ab altero nihil excusat ab obligatione
 restituendi. q. 35. p. 323. Restitutio par-
 tis debiti, non liberat ab obligatione
 graui restituendi nisi speciali fundamen-
 to præsumatur in creditore voluntas ac-
 ceptandi partem, quæ seorsim redditur
 tametsi reliquum absolutè negetur. q. 36.
p. 327. & quoad hoc assignatur disparitas
 inter materiam pecuniariam, & materiam
 honoris, & officij diuini. q. 36. p. 329. im-
 potens restituere in proprio genere, non
 tenetur per se, & ante sententiam iudicis
 supplere ex bonis alterius generis. q. 37.
p. 332. neque eiusmodi compensatio per-
 tinet ad virtutem iustitiæ. *ibid.* p. 339 Re-
 stitutionis præceptum V. præceptum Re-
 stitutionis. Restitutionis locus quis de-
 bet esse. q. 39. p. 349. inter obligatos ad
 restituendum datur ordo, & qualis. q. 40.
p. 351. obligantur autem aliqui ex æquo,
 licet habeant aliquam differentiam effi-
 cacitatis. *ibid.* p. 353. de ratione differen-
 tiæ inter iubentem & executorem, consi-
 lium & consensum. *ibid.* quādo pars mul-
 titudinis tenetur ad totum damnum re-
 stituendum. *ibid.* p. 356. de modo resti-
 tutionis super debitis certis & incertis.
q. 41. p. 358. Explicatur regula illa iuris;
qui prior est tempore, potior est iure. *ibidem.*
p. 360. Conferens officium aliquod minus
digno

Index rerum de Iustitia.

digno prætermisso digniore facit contra
ius totius communis & personæ di-
gnioris, & tenetur ad restituendum ex-
cessum super stipendium iustum personæ
digniori. [q. 45. p. 401.](#) & seq. & hæc reso-
lutio sine restrictione tenenda est res-
pectu omnium beneficiorum & officiorum,
nec non omnium eligentium & eligendo-
rum. [ibid.](#) Restitutionis obligatio nun-
quam oritur formaliter nisi per opposi-
tionem ad iustitiam commutativam. [ibid.](#)
[pag. 415.](#)

S

Sciens & volens non potest pati iniu-
riam. [q. 15. p. 136.](#)

Simonia est studiosa voluntas emendi aut
vendendi aliquid spirituale aut spirituali
annexum. [q. 47. pag. 436.](#) eius inhonestas
ostenditur iuxta fidem & rationem. [ibid.](#)
[p. 437.](#) sine simonia potest Sacerdotibus
dari stipendium. [ibid. p. 441.](#) Emptio rei
temporalis annexæ spirituali quomodo
vacat simonia. [ibid. p. 441.](#)

Sortis nomine in usura quid venit, an lucrū
cessans, & damnum emergens. [q. 46. p. 415.](#)

Superioritas & gubernatio habentur a su-
periore creato, non iure iurisdictionis sed
proprietas. [q. 3. p. 24.](#)

Suum uniuscuiusque, siue suitas dicitur mul-
tis modis, & definitur ut dicit terminū
iuris proprietatis. [q. 3. p. 4.](#)

T

Temerarium iudicium, suspicio, & dubi-
tatio sunt iniuriæ internæ & explicā-
tur eorum inter se differentiæ [q. 38 p. 342.](#)
Vbi & qualis fundamenti negatio requi-
ritur

Index rerum de Iustitia.

vitur ad iudicium temerariū . ibid.p.342.
quam fundant obligationem restituendi.
ibidem.

Theologi & iurisperiti quomodo discrepēt
in acceptionibus iuris naturalis, gentiū,
& positiui.q.7.p.53.

Translatio iuris ab vno in alium quo sen-
su verificetur. q.6.p.49.

V

Vendibilitas iusta rei non postulat solū,
vt ea sit purē temporalis, & affectibi-
lis sumptibusque pecuniarum per aliquos
quæsitā q.44.p.372. Non quæuis mate-
ria gratiarum actionis est materia vendi-
tionis & emptionis. ibid p.396.

Vindicatua iustitia ad æquatē est extra to-
tum genus iustitiæ particularis, tam re-
latē ad eum qui panitur, quam relatē ad
quoslibet alios. q.22.p.319.& seq.

Virum inter & uxorem quod ius interce-
dit q.7.p.62.

Virtutes omnes præter iusticiam attendunt
præcipuē ad medium rationis, iustitia
autem, præcipuē ad medium rei. q.9.p.79.
Virtus nulla moralis habet æquales vi-
res resistendi omnibus difficultatibus
et passionibus impellentibus ad actum
contrarium q.10.p.88. Virtus omnis mo-
ralis quomodo versatur circa voluptates
et tristitias. q.10.p.92. Ad necessitatem
et distinctionem diuersarum virtutū suf-
ficit quod non conuertatur mutuo actus
et exercitia vtriusque p.107. Virtutū cæ-
terarum exercitium magis est obnoxium
sinistræ suspicioni quam exercitium iu-
stitiæ. q.13 p.115. Virtutes ad alterum
superāt perfectione reliquas virtutes mo-
rales

Index rerum de Iustitia.

rales ex genere suo q. 13 p. 116. Quæ virtutes dantur in Deo. q. 19. p. 203. Virtutes ad alterum licet non dicant perfectionem ex parte obiecti quod volunt, dicunt tamen illam ex parte subiecti et quando. q. 19. p. 204.

Voluntas consentiens in actionem materialiter iniustam aliquando aufert rationem iniuriæ, et datur regula super hoc. q. 16. p. 135.

Vsuræ variae acceptiones. q. 46. p. 417. definitur, lucrum immediate proueniens ex mutuo tanquam debitum ex iustitia. ibid. p. 418. Eius iniustitia est certa ex fide. ibid. p. 319. demonstratur ratione naturali. ibid. p. 420. et seq. Non potest mutuarius obligari ad vicissim mutuandū sine nota usuræ ibid. p. 426. Non potest aliquid ultra sortem exigī pro obligatione non repetendi sortem per tempus aliquod. ibid. p. 427. Nec pro periculo amittendi sortem iuxta communem rerū humanarum Vicissitudinem. ibid. Sed propter periculum speciale licet. ibid. p. 428. pro vasis argenteis licet aliquid ultra sortem accipere. ibid. p. 434.

Vsus rerum licitus vno usu consumptibiliū est separabilis ab omni dominio et iure proprietatis. q. 50 p. 455 Vsum rei pro aliquo temporis additamento nullam dicere æstimabilitatem vniuersaliter dici non potest. q. 46 p. 425.

Vtilitas tota pecuniarum est habere eas pro euentu oportuno vsus ac distractionis. quæst. 45. p. 424.

F I N I S.

...
...
...
...
...

...
...
...

...
...
...
...
...
...
...

...
...
...
...
...
...
...
...
...

...
...
...
...
...
...
...
...

...
...
...
...

...
...
...











